


UNIVERSITY OF TORONTO



3 1761 00378821 3















॥ ॐ ॥

अथ तृतीयः प्रस्तावः ।

BL

1316

S65 K 85

1920a

pl. 2

90

अहं जंपइ सुणि-नाहो जीव-दया-लक्खणस्स धम्मस्स ।  
कारण-भूअं भणियं दाणं पर-दुक्ख-दलणं ति ॥  
नो तेसिं कुवियं व दुक्खमखिलं आलोएण सम्मुहं  
नो मिहेइ घरं कमं कवडिया दासि व्व तेसिं सिरी ।  
सोहंगाइ-गुणा चयंति न गुणावद्ध व्व तेसिं तणुं  
जे दाणंमि समीहियत्थ-जणणे कुव्वंति जत्तं जणा ॥  
दाणं पुण नाणा-ऽभय-धम्मोवट्ठंभ-भेयओ तिविहं ।  
रयण-त्तयं व सग्गापवग्ग-सुह-साहणं भणियं ॥  
नाणं तत्थ दु-भेयं मिच्छा-नाणं च सम्म-नाणं च ।  
जं पाव-पघित्ति-करं मिच्छा-नाणं तमक्खायं ॥  
तं च इमं वेज्जय-जोइसत्थ-रस-धाउवाय-कामाणं ।  
तह नह-सत्थ-विग्गह-भिगयाण पख्वगं सत्थं ॥  
जं जीव-दया-मूलं समग्ग-संसार-मग्ग-पडिक्कलं ।  
भाव-रिउ-हियय-सूलं तं सम्मं नाणमुद्धिं ॥  
तं पुण दुवालसंगं नेयं सब्बसुणा पणीयंति ।  
मोक्ख-तरु-धीय-भूओ धम्मो चिय वुच्चए जत्थ ॥

किञ्च—

सम्मत्त-परिग्गहियं सम्म-सुयं लोइयं तु मिच्छ-सुयं ।  
आसज्जउ सोआरं लोइय-लोउत्तरे भयणा ॥  
नाणं पि तं न नाणं पाव-मई होइ जत्थ जीवाणं ।  
न कयावि फुरइ रयणी खुरंमि समुग्गए संते ॥  
नाणं मोह-महंघयार-लहरी-संहार-सुखग्गमो  
नाणं दिट्ठ-अदिट्ठ-इट्ठ-वडणा-संकप्प-कप्प-डुमो ।  
नाणं दुज्जय-कम्म-कुंजर-वड्डा-पंचत्त-पंचाणणो  
नाणं जीव-अजीव-वत्थु-विसरस्सालोएणे लोअणं ॥  
नाणेण पुन-पावाइं जाणिउं ताण कारणाइं च ।



BL

1316

S6S K85

1920a

V. 1

pt. 2.

जीवो कुणइ पविस्ति पुन्ने पावाओ विणियस्ति ॥  
 पुन्ने पवत्तमाणो पावइ सग्गापवग्ग-सोक्खाइं ।  
 नारय-तिरिय-दुहाण य मुचइ पावाओ विणियत्तो ॥  
 जो पढइ अउव्वं सो लहेइ तित्थंकरत्तमन्न-भवे ।  
 जो पुण पढावइ परं सम्म-सुयं तस्स किं भणिमो ॥  
 जो उण साहेज्जं भत्त-पाण-वर-वत्थ-पुत्थयाईहिं ।  
 कुणइ पढंत्ताणं सो वि नाण-दाणं पयट्ठेइ ॥  
 नाणमिणं दिंताणं गिण्हंताणं च सुक्ख-परदारं ।  
 केवल-सिरी सयं चिय नराण वच्छत्थले लुढइ ॥  
 सम्मं नाणेण वियाणिऊण एणिंदियाइए जीवे ।  
 तेसिं तिविहं तिविहेण रक्खणं अभय-दाणमिणं ॥  
 जीवाणमभय-दाणं जो देइ दया-वरो नरो निचं ।  
 तस्सेह जीवलोए कत्तो वि भयं न संभवइ ॥  
 जं नव-कोडी-सुद्धं दिज्जइ धम्मिय-जणस्स अविद्धं ।  
 धम्मोवग्गह-हेउं धम्मोवट्ठं भ-दाणमिणं ॥  
 तं अत्तण-पाण-ओसह-सयणात्तण-वत्सहि-वत्थ-पत्ताई ।  
 दायव्वं बुद्धि-मया भवन्नवं तरिउकामेण ॥  
 तं दायग-गाहग-काल-भाव-सुद्धीहिं चउहिं संजुत्तं ।  
 निव्वाण-सुक्ख-कारणमणंत-नाणीहिं पत्तत्तं ॥  
 जो देइ निज्जरत्थी नाणी सद्धा-जुओ निरासंसो ।  
 मय-मुक्को जुग्गं जइ-जणस्स सो दायगो सुद्धो ॥  
 जो देइ वणु-खेत्ताइं जइ-जणाणुचियमेअ-विवरीओ ।  
 सो अप्पाणं तह गाहगं च पाडेइ संसारे ॥  
 जो चत्त-सव्व-संगो गुत्तो विजिहंदिओ जिय-कसाओ ।  
 सज्झाय-ज्झाण-निरओ साहू सो गाहगो सुद्धो ॥  
 कम्म-लहुत्तणेण सो अप्पाणं परं च तारेइ ।  
 कम्म-गुरु अत्तरंतो सयं पि कह तारए अन्नं ॥  
 पुव्वुत्त-गुण-विउत्ताण जं धणं दिज्जए कु-पत्ताण ।  
 तं खलु धुव्वइ वत्थं रुहिरेणं चिय रुहिर-लित्तं ॥  
 दिशं सुहं पि दाणं होइ कु-पत्तंमि असुह-फलमेव ।

सप्पस्स जहा दिन्नं खीरं पि विसत्तणमुवेइ ॥  
 तुच्छं पि सु-पत्तंमि उ दाणं नियमेण सुह-फलं होइ ।  
 जह गाधीए दिन्नं तिणं पि खीरत्तणमुवेइ ॥  
 दिन्नेण जेण जहया जइ-जण-देहस्स होइ उवयारो ।  
 भत्तीए तम्मि काले जं दिज्जइ काल-सुद्धं तं ॥  
 अप्पाणं मन्नंतो कयत्थमेगंत-निज्जरा-हेउं ।  
 जं दाणमणासंसं देइ नरो भाव-सुद्धं तं ॥  
 महया वि हु जत्तेणं वाणो आसन्न-लक्खमहिणि व्व ।  
 मुक्को न जाइ दूरं इय आसंसाए दाणं पि ॥  
 मोक्खत्थं जं दाणं तं पइ एसो विही मुणेयव्वो ।  
 अणुकंपा-दाणं पुण जिणेहिं कत्थ वि न पडिसिद्धं ॥  
 पत्तंमि भत्ति-जुत्तो जीवो समयंमि थोयमवि दित्तो ।  
 पावेइ पावचत्तो चंदणवाल व्व कल्लाणं ॥

तं जहा—

अत्थि पुरी कोसंबी अलय व्व पभूय-पुन्न-जण-पुत्ता ।  
 चित्तं अलंकिया जा निच्चमसंखेहिं धणएहिं ॥  
 तत्थासि सयाणीओ राया समरंगणम्मि जस्स करे ।  
 कमल-भम-मिलिय-भमरोह-सोहसुव्वहइ खग्ग-लया ॥  
 चेडय-नरिंद-धूया मिगावई नाम से महादेवी ।  
 जा निरुवम-खव-गुणा जिणधम्मो निच्चला निच्चं ॥  
 तस्स सुगुत्तो मंती नंदा नामेण मंतिणो घरिणी ।  
 सा साविय त्ति जाया मिगावईए सही पवरा ॥  
 सेट्ठी धणावहो तत्थ अत्थि, धणउ व्व विडल-धण-निवहो ।  
 मूल त्ति तस्स घरिणी सयल-घरारम्भ-डुम-मूलं ॥  
 अह तत्थ महावीरो छउयत्थो आगओ विहरमाणो ।  
 सो पोत्त-बहुल-पडिवय-दिणंमि णिण्हइ नियममेव ॥  
 तिन्नि दियहाइं छुहिया ख्यमाणी लोह-निगड-बद्ध-कम्मा ।  
 मुंडिय-केस-कलावा पेत्तत्तं पर-णिहे पत्ता ॥  
 कममेकं मज्जे देहलीइ वीयं निवेसिउं बाहिं ।  
 भिक्खयरेसु गिहाओ सव्वेसु वि पडिनियत्तेसु ॥

जह राय-सुया दाही कुम्मासे मज्झ सुप्प-कोणेण ।  
 तत्तो हं पारणयं काहामि न अन्नहा नूणं ॥  
 भमह उचियम्मि समए गिहेसु सो निच्चसुच्च-नीएसु ।  
 दिज्जंतं पि न भिक्खं गिण्हेह अभिग्गह-वत्सेण ॥  
 अप्पाणं निंदता तत्तो खेयं कुणंति नायरया ।  
 एवं अगहिय-भिक्खो चउरो मासे गमह भयवं ॥  
 अन्न-दिणे भिक्खत्थं सुगुत्त-मंतिस्स मंदिरे पत्तो ।  
 भयवं दिट्ठो नंदाह जंगमो कप्प-रुक्खो व्व ॥  
 वीरजिणिंदो सो एस दिट्ठिया गेहमागओ मज्झ ।  
 ह्य भणिरी साणंदा अब्भुट्ठाणं कुणह नंदा ॥  
 तो कप्पणिज्जमन्नं मणुत्तमेसा जिणस्स उवणेह ।  
 तं पि अभिग्गह-वत्सओ अग्निण्हउं निग्गओ सामी ॥  
 धिद्धी ! अहं अहन्ना मणोरहो मज्झ न परिपुण्णो स्ति ।  
 स-विसाय-मणा नंदा दासीए जंपिया एवं ॥  
 एसो उवेह निचं अगहिय-भिक्खो य निक्खमह निचं ।  
 तो नंदाए भणियं अभिग्गहो को वि सामिस्स ॥  
 तेण न गिण्हह भिक्खं मुणियव्वो सो अभिग्गहो कह णु ।  
 ह्य चिंताए पेच्छह मंती नंदं निराणंदं ॥  
 पुच्छह य किं विसत्तासि ? सा भणह एह इत्थ भिक्खत्थं ।  
 वीरो भिक्खमवेत्तुं नियत्तह अभिग्गह-वत्सेण ॥  
 ता तं अभिग्गहं मुणसु अन्नहा अन्न-मण-मुणण-निउणा ।  
 तुह बुद्धी विहल चिय अमच्च ! तो जंपए मंती ॥

पिए ! तहा जहस्सामि जहा सामिणो अभिग्गहो मुणिज्जह । तथा य  
 तत्थागया मिगावईए विजया नाम पडिहारी, तीए सुयं सच्चमेयं । गंतूण  
 साहियं देवीए । देवी चि तहेव विसन्न-चित्ता संवुत्ता । संभंत-मणेण पुच्छिया  
 सयाणीएण—देवि ! किं विसन्न व दीससि ? किं तुज्झ केणावि आणा खंडिया ?  
 किं वा मए किं पि अवरद्धं ? देवीए वुत्तं—न खंडिया केणावि आणा, न य  
 किं पि अवरद्धं तुमए; किंतु सयल-तइलोक-पुज्जं भयवंतं महावीरं इत्थ चिट्ठंतं  
 पि तुमं रज्ज-सुक्ख-पर-वसो न याणसि । तस्स भिक्खा-वज्जियस्स वच्चए  
 कालो । रत्ता वुत्तं—देवि ! किमित्थ न धणिणो न धम्मिणो वा जणा, जे न

दिति भिक्षुं भयवओ । देवीए वुत्तं—देव ! दिति भिक्षुं, किंतु कत्तो वि  
अभिग्गह-विसेसाओ सामी दिज्जंतं पि न गिण्हइ । तो जइ तुमं तं अभिग्गहं  
न याणसि ता किं ते रज्जेण ? जं इत्थं भयवं भिक्षुं विणा इच्चिरं चिट्ठइ ।  
रत्ता वुत्तं—देवि ! सोहणं कयं, जं एवं पमाय-निद्धा-पसुत्तो पवोहिओऽहं  
तुमए । पहाए अभिग्गहं जाणिऊण पारणं कारइस्सामि सामिं । तओ हक्का-  
रिओ रत्ता मंती, भणिओ य अन्नच ! मम पुरे चिट्ठंतस्स सामिणो अलद्ध-  
भिक्षस्स चत्तारि मासा संवुत्ता । धिद्धी ! अहं जीवियं । जाणेसु भयवओ  
अभिग्गहं, जेण अप्पणो पुत्त-हेउं तं पारणं करावेमो । मंतिणो भणियं—देव !  
न याणिज्जइ सामिणो अभिग्गहो त्ति ममावि महंतो संतावो । ता हक्कारि-  
ज्जउ धम्म-सत्थ-वियक्खणो सच्चवाई नाम उवज्झाओ । हक्कारिओ य सो, रत्ता  
भणिओ—भइ ! तुह सत्थे सव्व-धम्माणं आयारा वुत्तंति, ता कहेसु जिणा-  
भिग्गहं । उवज्झाएणवुत्तं—महाराय ! महरिसीणं दव्व-खेत्त-काल-भाव-भेएहिं  
वहवो अभिग्गहा । भयवया इमो अभिग्गहो गहिओ त्ति न नज्जइ विसिट्ठ-  
नाणं विणा । ता सव्व-प्पयारेहिं सव्वा भिक्षा भयवओ दायव्व त्ति नयरीए  
घोसावेह । तहेव कयं रत्ता । तओ सविसेसं दाणं दाउं पवत्तो जणो ।

दाउमणस्स सयं चिय रायाएसो जणस्स जं जाओ ।

सयमेव मंकणीए धणीए तं कंकणी बद्धा ॥

तह वि अग्निहंतो भिक्षुमपरि-पुत्ते अभिग्गहे भयवं ।

विहरइ अभिलाण-तणू अविचल-चित्तो महासत्तो ॥

अह नावा-कडगेणं गंगाए गंतुमेक्क-रयणीए ।

रत्ता सयाणिएणं रुद्धा चंपापुरी पुवं ॥

चंपाहियो पणट्ठो भएण दहिवाहणो असत्तो त्ति ।

बलिणा खलु रुद्धाणं पलायणं चिय परित्ताणं ॥

जो जं गिण्हइ तस्से व तं त्ति घोसावए सयाणीओ ।

तो सेणा-सुहडेहिं सव्वत्तो लुंटिया चंपा ॥

एक्केण उट्ठिएणं देवी दहिवाहणस्स नरवइणो ।

नामेण धारिणी वसुमईए पुत्तीए सह पत्ता ॥

गहिय-धण-कणय-कोसो कोसंवि आगओ सयाणीओ ।

रूवेण धारिणीए विमोहिओ उट्ठिओ भणइ ॥

पोढा पणिट्ठ-रूवा रमणी मह गेहिणी इमा होही ।



कलाइ इमीए विक्कएण होही धणं च तहा ॥  
 तं सुणिज्जण विसत्ता चित्तइ चित्तंमि धारिणी देवी ।  
 हा हय-विहि मह काहिसि तुममज्ज वि केत्तियं दुक्खं ॥  
 संपत्तमिह विओगं पइणो गुण-रयण-जलहिणो रत्तो ।  
 निस्सीम-समीहिय-कारयस्स रज्जस्स बुक्कमिह ॥  
 जायमिह भायणं सयल-सयण-परियण-सठाण-भंसस्स ।  
 इचाइ-दुक्खमखिलं सहियमिणं दुस्सहं पि मए ॥  
 जं पुण सील-विणासं मह काउं महसि तं खलु न जुत्तं ।  
 जं विमल-कुले जाया जाणिय-जिण-वयण-तत्ताहं ॥  
 असमंजसं पि सोउं अज्जवि जीवामि अहह ! निवभग्गा ।  
 इय मत्तु-भित्त-हिययाइ तीइ पाणा विणिक्खंता ॥  
 दट्ठूण मयं देविं विचित्तियं उट्ठिण धी मज्झ ।  
 एसा भज्जा होहि त्ति जंपियं तं इमा सोउं ॥  
 जह पत्ता पंचत्तं विवज्जिही कलयावि तह एसा ।  
 इय चित्तिज्जण अणुक्कूलमालवंतेण तेणेसा ॥  
 आणीया कोसंविं चउप्पहे मत्थए तणं दाउं ।  
 आढत्ता विक्किणिउं दिव्व-वसा सिट्ठिणा दिट्ठा ॥  
 चित्तियमणेण एसा उत्तम-पुत्ती इमीइ सुत्तीए ।  
 माह-पिउ-परिवभट्ठा एएण दुरप्पणा पत्ता ॥  
 हरिणि व्व लुद्धएणं जूहवभट्ठा पलं व विक्किणिउं ।  
 इह ठविया हा ! कस्स वि हीणस्स चडिस्सइ करम्मि ॥  
 दाउं वहुं पि दव्वं गिण्हामि इमं जओ न सक्केमि ।  
 निय-पुत्तिं पि व एयं उविक्खियं दुद्दसा-वडियं ॥  
 मह मंदिरे इमीए चिट्ठंतीए अणत्थ-चत्ताए ।  
 होही कमेण सयणेहिं संगमो इय विचित्तेउं ॥  
 सिट्ठी धणावहो उट्ठियस्स दाउं मणिच्छियं सुल्लं ।  
 परमुल्लसंत-करुणो निय-गेहे वसुमइं नेइ ॥  
 सो पुच्छइ पुत्ति ! तुमं कस्स सुया सा वि उत्तमत्तणओ ।  
 कहिउं निय-कुलमखमा अहो सुही मोण-मल्लीणा ॥  
 मूला धणावहेणं भणिया एसा पिए ! सुया अन्ह ।

पुष्पं व पालणिज्जा जत्तेण निरंतरं तुमए ॥  
 एवं सिद्धि-गिराए सा बुत्था तत्थ नियय-गेह व्व ।  
 जण-णयणाणंद-करा वाला वालेंदु-लेह व्व ॥  
 तीए चंदण-सरिसेहिं रंजिओ विणय-वयण-सीलेहिं ।  
 सेट्ठी सपरियणो चंदण त्ति नामं कुणइ उचियं ॥  
 तं दट्ठं खववइं सहावओ जुव्वणेण पुण वाढं ।  
 मूला समूलमुच्छलिय-मच्छरा चित्तए एवं ॥  
 पुत्तिं व मन्नमाणो वि जइ इमं खव-मोहिओ सेट्ठी ।  
 परिणेह कह वि तो हं मयम्हि हा ! जीवमाणावि ॥

एवं इत्थी-यण-सुलहेण तुच्छत्तणेण तम्मंत-चिंता निच्चं पि चिट्ठए  
 मूला । अन्नया गिम्हुम्ह-पीडिओ हट्ठाओ आगओ गिहं सेट्ठी । दिव्व-वत्तेण  
 न अन्नो कोवि कम्मयरो अत्थि त्ति वारंतस्स वि सेट्ठिणो पाए पक्खा-  
 लिउं पयट्ठा विणीयत्तणओ चंदणा । तीए य निस्सहंगीए अकय-कम्म-  
 वभासाए ल्हसिओ सिणिद्ध-कसिणो केसपासो । वच्छाए केसपासो पंकिले  
 खिइत्तले पडंतो पंकेण ना लिप्पउ त्ति धरिओ लीला-लट्ठीए सेट्ठिणा । संज-  
 भिओ य सायरं । तं दट्ठूण गवक्ख-गयाए मूलाए चित्तियं जं मए पुव्वं  
 वियविकथं तं संवयइ सव्वं । अन्नहा कहं सेट्ठिणा सयं संजमिया इमीए  
 केसा । एरिसं खु लक्खणं न होइ पिउणो । ता मए मूलाओ बाहि व्व  
 छिंदियव्वा इमं त्ति निच्छिज्जण ठिया मूला । सेट्ठी वि वीसविज्जण खणं पुणो  
 वि गओ बाहिं । मूलाए कासवं सदाविज्जण मुंडाविया चंदणा । पाएसु  
 निगडिज्जण ताडिया चिरं । खित्ता उअयरए । तत्थ दाज्जण कवाड-संपुडं  
 भणिओ परियणो । सेट्ठिणो पुच्छंतस्स वि इमं न केणावि कहणीयं । जो  
 उण को वि कहिस्सह, सो मज्झं वेरिओ । सेट्ठिणा वि संज्ञाए आगएण  
 पुच्छियं—कत्थ चंदण त्ति । मूला-भयाओ न केणावि कहियं । पच्छा घोवरिं  
 रमंती चिट्ठइ त्ति चित्तियं सेट्ठिणा । रयणीए वि पुच्छियं न केणावि कहियं । प-  
 सुत्ता चंदण त्ति चित्तियं इमिणा । वीय-दिणे वि न दिट्ठा । तहेव तइय-दिणे तं  
 अपेच्छंतेण तेण भणिओ परियणो—रेरे ! कहेह, कहिं मे नंदणा चंदणा ।  
 जह जाणंता वि न कहिस्सह ता निग्गहिस्सामि तुम्हे । इमं सोज्जण एक्काए  
 बुद्ध-चेडीए चित्तियं जीविया अहं चिरं । संपयं पचासओ मे मच्चू । कहिए  
 चंदणाए बुत्तते किं करिस्सइ मे मूला ।

तहा—

काउं परोवयारं इमेहिं जर-जजरेहिं पाणेहिं ।  
 विढवन्ति जसं धम्मं च जे जणा ते धुवं धन्ता ॥  
 तो मूला-बुत्तंतो सिट्ठो सिट्ठिस्स तीए सच्चो वि ।  
 तं दंसियं च मेहं अत्थि जहिं चंदणा खित्ता ॥  
 उग्घाडियं दुवारं तस्स सयं सिट्ठिणा तओ तत्थ ।  
 छुह-तिस-दूमिय-देहा दावानल-फरिसिय व्व लया ॥  
 पाय-जुगे निगलेहिं बद्धा तक्काल-गहिय-करिणि व्व ।  
 मुंडिय-मुंडा नव-भिक्षुणि व्व सा चंदणा दिट्ठा ॥  
 वाह-सलिलाविलच्छो वच्छे ! सत्था-हव सि जंपंतो ।  
 तीए भोयण-हेउं झत्ति गओ रसवहं सिट्ठी ॥  
 तत्थ मणुजं भुजं अपिच्छमाणो इमो विहि-वसेण ।  
 अण्णेइ चंदणाए कुम्मासे सुप्प-कोणम्मि ॥  
 भुंज तुमं ताव इमं जाव अहं निगड-भंजणत्थं ते ।  
 आणेमि लोहकारं इय भणिउं निग्गओ सेट्ठी ॥  
 अह चंदणा रुयंती विचित्तए अहह एस संसारो ।  
 सुविणिंदयाल-सरिसो निव्वेयं कुणइ नहु कस्स ॥  
 जेणाहं पुत्ती वि हु नरवहणो तारिसस्स होज्जण ।  
 पत्ता इमं अवत्थं ता इण्हि किं करेमि हहा ! ॥  
 कुम्मासा संपत्ता संपह छट्ठस्स पारणंमि मए ।  
 जइ कोवि एइ अतिही ता दाउं तस्स भुंजेहं ॥  
 एवं विचित्तयंती दिट्ठिं दारम्मि चंदणा देह ।  
 तइया वीरो भयधं भिक्खत्थं आगओ तत्थ ॥  
 धन्ता अहं अहो ! मे पुत्तं जीविय-फलं मए लद्धं ।  
 धम्मो व्व मुत्तिमंतो जं एसो महरिसी पत्तो ॥  
 इय चित्तिज्जण चलिया कममेक्कं देहलीइ मज्झम्मि ।  
 वीयं तु ठवइ वाहिं बाला कुम्मास-सुप्प-करा ॥  
 सा कित्त-देहा नियलेहिं देहली लंघिउं असकंती ।  
 तत्थ ट्ठिया वि सामिं फुरंत-भत्ती भणइ एवं ॥  
 भयवं ! जइवि न जुगं भोयणमेयं तहावि गिण्ह तुमं ।

मह करुणं कुणमाणो परोवयारुज्जओसि जओ ॥  
 दव्वाइ-भेय-सुद्धं अभिग्गहं जाणिऊण परिपुञ्जं ।  
 भयवं पसारइ करं तीए कुम्मास-भिक्षाए ॥  
 कयकिच्चं अप्पाणं मञ्जती चंदणा जिणिंदस्स ।  
 निक्खिच्च पाणि-कमले कुम्मासे सुप्प-कोणेण ॥  
 पुत्तो अभिग्गओ भयवउ त्ति तुट्ठा समागया तियसा ।  
 वल्लुहारा-पल्लुहाइं कुणंति तो पंच-दिव्वाइं ॥  
 कणयमय-नेउराइं नियल-ट्टाणे रयंति ते तीए ।  
 पुव्वं व केस-पासं देहं पिहु अमय-सित्तं व ॥  
 रयणालंकारेहिं सव्वंगं चंदणं अलंकरिउं ।  
 उक्किट्ठ-नायममरा कुणंति गायंति नचंति ॥  
 सोऊण हुंहुहि-रवं राया तत्थागओ सयाणीओ ।  
 सहिओ भिगावईए नंदाए सह सुगुत्तो य ॥  
 पत्तो सक्को वि पमोय-निव्वभरो वीर-जिण-पणमणत्थं ।  
 अह दहिवाहण-रायस्स कंचुगी संपुलो नाम ॥  
 चंपाए आणीओ धाडीइ सयाणीए जो पुव्वं ।  
 सुक्को तइया सो तत्थ आगओ वल्लुमइं दट्ठुं ॥  
 तच्चलणेसु विलग्गो उच्चसरं रुयइ तं रुयावंतो ।  
 किं रोयसि त्ति वुत्तो रत्ता सो कंचुगी कहइ ॥  
 दहिवाहणस्स देवीइ धारिणीए सुया वि जं एसा ।  
 दासि व्व अन्न-गेहे हा निवसइ तेण रोयामि ॥  
 तो वागरियं रत्ता धन्नाण सिरोमणी इमा वाला ।  
 पडिलाभिओ जिणिंदो संपुत्ताभिग्गहो जीए ॥  
 भणियं भिगावईए मह देवी धारिणी हवइ वहिणी ।  
 तीए धूया एसा निस्तंदेहं मम वि धूया ॥  
 पंच-दिण-ऊण-छम्मास-तव-समत्तीए पारणं काउं ।  
 सेट्ठी धणावह-गेहाओ निग्गओ वीर-जिण-नाहो ॥  
 वल्लुधारं गिण्हंतो लोभ-वसेणं सयाणिओ राया ।  
 भणिओ सक्केण इमं न एत्थ अन्नस्स सामित्तं ॥  
 जं रयण-कणग-बुट्ठिं वेत्तुं वंछसि तुमं महाराय ! ।



सो चेव लहइ एयं जस्सेसा कन्नगा देइ ॥  
 को गिण्हउ त्ति बुत्ता नरवइणा चंदणा भणइ एवं ।  
 गिण्हओ सेट्ठी एसो पिया हि मे पालण-गुणेण ॥  
 तत्तो धणावहेणं वसुहारा सहरिसेण संगहिया ।  
 वज्जरइ सयाणीयं पुणोवि सोहम्म-सुर-नाहो ॥  
 वीरस्स समुप्पन्ने केवल-नाणे इमा चरम-देहा ।  
 विसय-विणियत्त-चित्ता बाला होही पढम-सीसा ॥  
 ता रक्ख इमं जत्तेण जाव वीरस्स केवलुप्पत्ती ।  
 इय जंपिऊण सक्को पत्तो सोहम्म-सुर-लोयं ॥  
 कन्नतेउर-मज्जे नेइ तयं चंदणं सयाणीओ ।  
 सा तत्थ ठिया पहुणो चिंतंती केवलुप्पत्तिं ॥  
 मूला अणत्थ-मूलं निच्छुद्धा सेट्ठिणा निय-गिहाओ ।  
 रुद्धज्ञाणोवगया सा वि हु मरिउं गया नरयं ॥  
 गिण्हइ दिक्खं पासंमि सामिणो केवले समुप्पन्ने ।  
 सव्व-समणीण होउं पवत्तिणी चंदणा सिद्धा ॥  
 इति दाने चंदना-कथा ।

जो चारित्त-निहीणं निम्मल-तव-नियम-नियमिय-विहीणं ।  
 साह्ण देइ दाणं सो सुक्खं लहइ धनो व्व ॥

तं जहा—

अत्थि नयरं पइट्ठं पणिट्ठ-सर-वावि-कूव-कय-सोहं ।  
 अब्भंलिह-सुर-मंदिर-मिस-दंसिय-सग्ग-सोवाणं ॥  
 तम्मि निवो जियसत्तू नय-विक्रम-वाय-पसुह-गुण-कलिओ ।  
 जय-लच्छी सच्छंदं रमिया भुय-तरु-तले जस्स ॥  
 धणवंतमासि पुव्वं संजायं निदूणं विहि-वसेण ।  
 लज्जंतमन्न-नयराओ आगयं तत्थ कुलमेकं ॥  
 पयईए विणीओ दाण-लालसो तस्स दारओ वरुणो ।  
 जण-संतियाइ वित्तीइ पालए वच्छरूवाइं ॥  
 अन्न-दिणे संजाओ महुसवो तत्थ तो नयर-लोगो ।  
 विविहाइं भोयणाइं वेत्तुं उज्जाणमणुपत्तो ॥



तं ददुं छणकरणो मणोरहो दारयस्स संपन्नो ।  
 पुर-परिसरम्मि वच्छे सुत्तुं सो मंदिरं पत्तो ॥  
 भणिया इमेण माया कुणसु छणं अन्नहा न होमि अहं ।  
 तं सोउं सुय-वयणं संभरिउं पुच्च-रिद्धिं च ॥  
 महुभर-भरिय-कंठा कलुण-सरं रोविउं पयट्ठा सा ।  
 रुद्धं विणा न अन्नं पायं इत्थीण अत्थि बलं ॥  
 सोऊण रुद्ध-सदं सएज्झियाहिं पयंपिया एसा ।  
 किं रोयसि त्ति तीए निय-खेय-निमित्तमक्खायं ॥  
 जाय-करुणाहिं ताहिं समप्पियं दुद्ध-तंदुल-गुलाइं ।  
 पुत्त-परिओस-हेउं इमीए तो पायसं रद्धं ॥  
 पायस-वय-गुल-कलियं अप्पइ पुत्तस्स भायणं एसा ।  
 सो तं पुरओ काउं उण्हं ति पडिक्खए जाव ॥  
 ताव तव-भूसियंगो जिहंदिओ जिय-परिसहो साहू ।  
 भिक्खत्थमागओ तत्थ जंगमो पसम-रासि व्व ॥  
 ददूण दारओ तं चिंतइ हियए अहो ! अहं धन्नो ।  
 पुत्तिक्क-निही य अहं जं एसो आगओ साहू ॥  
 तो पायसेण समणो इमिणा पडिलाभिओ पहिठ्ठेण ।  
 मुणि-दाण-पुत्त-वसओ सुहं मणुस्साउयं वद्धं ॥

सो वि च सुत्तो घय-गुल-संपुत्तं अन्नं परमन्नं । पच्छिम-दिस्सा-रमणिकन्न-  
 पूरे संजाए सूरे भणिओ जणेण—कत्थ तुमए मुक्काइं वच्छस्सवाइं ? सो वि सिग्घं  
 गंतूण पुर-परिसरे पयट्ठो गवेस्सिउं । गवेस्सिऊण जाव नयर-मज्जे पविसेइ ताव  
 ठक्कियाइं नयर-दाराइं । दारओ ठिओ बाहिं । तस्सेव मुणिणो पासे पाणिक्खाइ-  
 विरमण-पहाणं धम्म-देसणं सुणंतो रैयणीए आउक्खएण मओ । समुप्पन्नो  
 तत्थेव नयरे वणिय-भज्जाए गम्भे । तप्पभिइं चेव पवड्ढिओ सो बाणिओ चिह-  
 वेणं । पत्तत्थ दियहे जाओ जणाणंदयारओ दारओ । तस्स नाहि-नाल-निक्ख-  
 णण-काले लद्धं रयण-सुवन्न-पुण्णं महानिहाणं । निव्वत्ते जम्म-महे देव-गुरु-पूया-  
 पुव्वं कयं गुण-निप्पन्नं धन्नो त्ति से नामं । समए समप्पिऊण कलायरियस्स  
 सिक्खविओ कला-कलावं । तस्स चत्तारि जेट्ठा सहोयरा ते तं पइ पओसं कुणंति,  
 भणंति ते जणणि-जणए, किं इमस्स महंतं आयरं कुणह । जंपंति जणणि-  
 जणया जारिस्सो एस ब्रह्म-गुणो न तारिस्सा तुग्भे, अओ इमंमि अग्ग आयरो ।

पुत्तेहिं वुत्तं परिकखं करेह । तओ एकेकस्स वत्तीसा वत्तीसा खवगा तेहिं दिना,  
भणिया इमे—करेह इमेहिं वाणिज्जं । पयद्वा ते ववहरिउं । धन्नेण पुण सव्व-क-  
ला-कुसलेण किण्णिउं बलिट्ठो मिदओ । दीणार-सहस्सं पणे काऊण जुज्झाविओ  
रायपुत्त-मिदणे समं । भग्गो अणेण रायपुत्त-मिदो । तओ दीणार-सहस्सं वेत्तू-  
ण मिदय-हत्थो झत्ति आगओ गिहं धत्तो । अन्ने पुण अकय-पुद्गा अलद्ध-लाभा  
विदन्न-वयणा दिवसावसाणे आगया । वीय-दिणे भणंति ते पुणो परिकखं  
करेह । तओ एकेकस्स सट्ठी सट्ठी करिसावणा अप्पिया । ते वि पयत्तेण कय-  
विक्रयं कुणंता न लहंति लाहं किं पुण छेयं ।

अह आसि तत्थ नयरे महाधणो किविण-सेहरो सेट्ठी ।

सो विविहे आरंभे काऊण उवज्जए दव्वं ॥

धम्मत्थमत्थ-नियरं न देइ न वि देइ सयण-उवयारं ।

न कयावि कुणइ एसो धण-व्वयं निय-सरीरे वि ॥

पत्थिज्जंतो एसो कुप्पइ जंपेइ परस-वयणाइं ।

दिते परेवि दिट्ठे सत्त-मुहो से जरो एइ ॥

मुच्छा-वसेण खणिऊण तेण दव्वेण पूरिया खड्डा ।

अंतो सुसिरा काउं भरिया रयणेहिं तह खट्ठा ॥

खड्डाइ तीइ उवरिं खट्ठं ठविऊण सुयइ सो तीए ।

न य मुणइ इमं सूढो न वच्चिही पर-भवे किं पि ॥

सो मिह्णविज्जंतो न अंत-समए वि सुयइ तं खट्ठं ।

तत्तो मओ वि तीए खट्ठाए पिउ-वणं नीओ ॥

तं खट्ठं चउहट्ठे विक्किज्जंतं मसाण-वालेण ।

दक्खो धन्नो गिण्हेइ लक्खिउं रयण-गव्वं ति ॥

जओ—

दूर-निहितं पि निहिं तण-वट्ठि-समुच्छयाइ भूमीए ।

नयणेहिं अपेच्छंता निउणा बुद्धीइ पेहंति ॥

सा अप्पिया पिऊणं खट्ठाओ खीलियाओ अवणेउं ।

रयणाइं कड्डियाइं तो तेसिं वड्ढिओ विहवो ॥

घणं हंतुं मंतंति भाउणो भूरि-मच्छर-च्छट्ठा ।

तं सोउं जाय-दया भाउज्जाया कहइ तस्स ॥

धन्नो चित्तइ न मए इमाण वंधूण किंचि अवरद्धं ।

ता किं कुणंति कोवं निक्कारण-वेरिणो हि खला ॥

किञ्च—

नाकारणरूपां सङ्ख्या सङ्ख्याताः कारणक्रुधः ।

कारणेऽपि न कुप्यन्ति ये ते जगति पञ्चपाः ॥

ता मे इमाण मण-दुक्ख-कारणमजुत्तमिह अवत्थाणं ।

पर-पीडा-परिहारं कुणंति जम्हा महापुरिस्ता ॥

इय चिंतिज्जण धन्नो एगागी निग्गओ निय-पुराओ ।

भमइ महिं नगरागर-गिरि-सरियाराम-रमणिज्जं ॥

अज्ज-दिणे मग्गासन्न-वत्ति-वित्ते ठिएण एक्केण ।

दिट्ठो कुडुंविणं अहो ! विसिद्धागिई एसो ॥

इय परितुट्ठ-मणेणं भणिओ भो एहि भुंजसु इह त्ति ।

तत्थ निसन्नो धन्नो निय-भज्जं करिसगो भणइ ॥

भुंजावसु पहियमिणं परमन्नं मज्झ भत्तमाणीयं ।

तीए दिन्नं धन्नो परमन्नं भुंजए जाव ॥

दीणार-कलस-कंठे ताव हलं करिसगस्स संलग्गं ।

तं उक्खणिउं धन्नस्स अग्गओ करिसओ भणइ ॥

तुह पुत्तेहिं पत्तं मए निहाणं इमं अओ गिण्ह ।

धन्नो उदार-पयई जंपइ गिण्हसु तुमं चेव ॥

धन्नोवि परिभन्नंतो कमेण रायगिह-पुरवरं पत्तो ।

वाहिं तत्सारामे सहयार-तलम्मि वीत्तमिओ ॥

दट्ठण कुसुम-वालो मालागारो मणोहरं धन्नं ।

हरिस्सवसा नेह गिहं सपरियणो से कुणइ भत्ति ॥

तत्थासि सेणिय-निवो जस्स फुरंत-प्पयाव-फण-रयणो ।

करवाल-काल-सप्पो पियइ रणे वेरि-जस-दुद्धं ॥

निम्मल-सील-गुणाभरण-धारिणी तस्स धारिणी देवी ।

जण-मण-हरं पत्तया धूयं नीइ व्व सा कित्ति ॥

रत्ना घोसावियं नयरे—अज्ज जा कावि धूयां जाया सा मे कहियव्वा । तत्थ गोभद्धो इव्वो तस्स भारिया भद्धा तंमि दिणे जाया तीए धूया । तहा तस्सेव कुसुमपालस्स भज्जाए जाया धूया । ते दोवि घोसणं सुणिज्जण कहंति रत्तो अम्ह जायाओ धूयाओ । रत्ता सम्माणिज्जण भणिया ते मम धूयाए दो वि

सहीओ हुंतुं । रायाएसं ते गहिऊण गया स-गिहेसु । कयं इब्भेण रिद्धि-संद-  
ब्भेण धूयाए सुभइ त्ति नामं, मालागारेण पुण पुप्फवइ त्ति ।

रत्ता निय-कत्ताए रिद्धि-पवंधेण निम्मियं नामं ।

सोमसिरि त्ति अहेसा वड्डइ सह दोहिवि सहीहिं ॥

तिन्नि वि परोप्परं पीइ-निब्भराओ लहंति तारुत्तं ।

चित्तंति अकह अम्हं तिण्हवि एक्को पई होजा ॥

पुप्फवईए धन्नं दट्ठण वियंभियाणुरायाए ।

चित्तियमिणं सुखो अहो इमो पुत्तवंतो य ॥

जं इमिणा मह पिउणो गिहागएणं दुमाण कुसुमाइं ।

जायाइं वड्डयाइं जेसिं एक्कं पि नासि पुरा ॥

तो तिण्हं पि अम्ह जुत्तो भत्ता अओ केणावि उवाएण जाणावेमि इमं  
राय-कत्ताए त्ति । तओ तीए धत्ताओ कराविया विचित्त-भंगि-संगया कुसुम-  
माला । सा समप्पिया सोमसिरीए । विम्भिय-मणाए भणियमणाए, सहि रय-  
णावलि व्व विविह-रयणालंकिया केण कया एसा ? पुप्फवईए कहियं—सुंदरि !  
को वि जुवाणो पंचवाणो व्व मणहरो सयल-कला-कुलहरं अम्ह घरे चिट्ठइ । सो  
निय-कोसल्लेणं विविह-भंगीहिं कुसुमाभरणं विरएइ । तेण कया एसा । तत्तामं  
पि सोऊण सोमसिरीए चित्तियं—तं विणा न मए अज्जो परिणयेव्वो । तओ  
वाम-करयल-कलिय-कवोला दीहुण्ह-नीसाल-विसोसियाहरा परिचित्त-सेस-  
कत्ता तमेव चित्तंती चिट्ठइ । परियणाओ सुणियमिणं रत्ता । पेसिऊण पडि-  
हारं हक्कारिओ कुसुमवाल-गेहाओ धत्तो । कय-पणामो निविसिओ उचि-  
यासणे । तं सुर-कुमारोवमं दट्ठण चित्तियं रत्ता । ठाणे अणुराओ मम धूयाए ।  
उचियं चेव नागवल्लीए पूग-पायवारोहणं ति । हक्कारिया रत्ता कत्ता, आगया  
सा तिरिच्छच्छि-विच्छोहेहि विच्छुरंती सहा-मंडवं ।

विम्भिय-वसेण दुत्ति वि अणमिस-नयणाइं पिच्छमाणाइं ।

खवं परोप्परं ताइं अमर-मिहुणं विडवं ति ॥

भणिओ रत्ता धत्तो कत्ता दित्ता इमा मए तुज्झ ।

हरित्त-भर-निब्भरेणं धत्तेण पडिच्छिया एसा ॥

अह सोमसिरी-पियरं नमिऊण कयंजली भणइ एवं ।

एवं दुण्ह वि मज्झ सहीणं एसो चिय होइ भत्तारो ॥

रत्ता भणियं रुचइ जइ एवं तुम्ह ता हवउ एवं ।



तत्तो सोमसिरीए सहीण कहियं निवइ-वयणं ॥  
 तासिं जणया तुहा तो ताओ दोवि दिति घन्नस्स ।  
 राया गुरु-रिद्धीए तिन्नि वि परिणावए घन्नं ॥  
 गोभइ-कुलुमपाला कुणंति अत्थ-व्वयं बहुं तत्थ ।  
 धन्नो नरिंद-दिन्ने धवल-हरे रमइ ताहि समं ॥  
 करि-तुरय-कणय-कप्पड-पसुहं दिन्नं बहुं धणं रत्ता ।  
 निहिणो गिहे पभूया पाउवभूया य धन्नस्स ॥  
 अह गेह-गवक्ख-गओ जणणी-जणए पलोयए धन्नो ।  
 मग्गंभि परिभमंते दुत्थावत्थे मलिण-वत्थे ॥  
 सो भणइ नियय-पुरिसे दो वि इमे मह समीवमाणेह ।  
 ते ण्हविउं दिव्वंसुय-विभूसिए दोवि आणंति ॥  
 घन्नं दट्ठं दुन्नि वि तक्कंटे लग्गिऊण रोयंति ।  
 नमिउं सुहासणत्थे समग्गयं ते भणइ धन्नो ॥  
 दारिदमविद्धानं नज्जइ आयारमित्तओ तुम्ह ।  
 ता कहह कहं तुहं ताय ! तयं तेत्तियं दव्वं ॥  
 जणओ जंपइ पुत्तय ! तह भवणाओ विणिग्गए अम्ह ।  
 परुस-वयणाओ व्व तवो सव्वो वि खयंगओ विहवो ॥  
 चोरेहिं को वि हरिओ पलीवणे को वि अग्गिणा दट्ठो ।  
 को वि विलुत्तो रत्ता पुत्तेहिं कयंमि अवराहे ॥  
 इय तुहे सयल-धणे लज्जाए तत्थ वसिउमतरंता ।  
 इह अम्हे संपत्ता बाहिं चिट्ठंति तुह जेद्धा ॥  
 तो पुरिसं पट्ठविउं आणीया, सुट्ठु न कयमम्हेहिं ।  
 खमसु गुणागर-गरुओ तुमं ति धन्नं खमावंति ॥  
 धन्नो दाऊण धणं अन्न-पुरे ते विसज्जए सव्वे ।  
 धन्न-पभावेण इमे पुव्वं व महाधणा जाया ॥  
 जणणि-जणयाण सव्वं घर-वावारं समप्पिउं धन्नो ।  
 तियसो व्व अच्छराहिं पियाहिं सह भुंजए भोए ॥  
 अन्न-दिणम्मि सुभद्दा रुयमाणा निव्वभरं ण्हवइ धन्नं ।  
 धन्नेण पुच्छिया पंकयच्छि ! रोयसि किमेवंति ? ॥  
 तीए वुत्तं पिययम ! सहोयरो मज्झ सालिभद्दो ति ।



गुरु-धम्मघोस-पासे धम्मं सोऊण संविग्गो ॥  
 चारित्तं धेत्तुमणो भणिओ जणणीइ वच्छल-मणाए ।  
 दुक्करमिणं चरित्तं तुमं च सुह-लालिओ वच्छ ! ॥  
 ता जइ ते निव्वंधो, ता थेवं थेवमुज्झ विसय-सुहं ।  
 जेण तुह होइ देहं कमेण संजम-वहण-जोग्गं ॥  
 तो जणणी-वयणेणं दिणे दिणे सो करेइ संखेवं ।  
 भोयण-भूसण-तूली-तंबोल-विलेवणाईणं ॥  
 इय भोग-निरीहो सो जा अलवणं अंबिलेण भुंजेइ ।  
 एकेण निवसणेणं महीयले केवले सुअइ ॥  
 संपइ असंसयं चिय संजम-भारं पवज्जिही एसो ।  
 इय सालिभइ-चरियं खेय-निमित्तं सुणसु मज्झ ॥  
 हसिऊण भणइ धन्नो सुयणु ! धुवं कायरो न सो सूरु ।  
 जो सहस त्ति न सकइ तव-संजम-भारमुक्खिचिउं ॥  
 अह सोमसिरी जंपइ—सो सुकुमालो न कायरो सामि ! ।  
 दुक्कर-संजम-जुग्गं सणियं सणियं कुणइ देहं ॥  
 धन्नेण पुणो भणियं—किमत्थि धीराण दुक्करं किंपि ।  
 जं सो वद्ध-परियरो झत्ति स-कज्जं न साहेइ ॥  
 तो सोमसिरी परिहास-पेसलं जंपए पुणो धन्नं ।  
 जइ दुक्करं न एयं तुम्हे वि न किं कुणइ नाह ! ॥  
 धन्नो जंपइ तुम्हे तिण्णि वि मं भणइ जइ कुणसु धम्मं ।  
 ता किं करेमि न करेमि व त्ति पेच्छइ दुयं तुम्हे ॥  
 ताहि भणियं सहासं जइ गिण्हसि संजमं तुमं सामि ! ।  
 तित्थयर-पाय-मूले अम्हे वि हु तं गहिस्सामो ॥  
 अह तत्थ समोसरिओ वीरजिणो जणिय-जणमणाणंदो ।  
 तस्सागमणं कहियं धन्नस्स निउत्त-पुरिसेण ॥  
 पुरितुट्ठ-मणो धन्नो सिवियारुढो महंतरिद्धीए ।  
 भज्जाहि तिहि वि जुत्तो निक्खंतो सामि-नमणत्थं ॥  
 अह गल्ल-विभूईए सुरो व्व मणि-भूसणेहिं सोहंतो ।  
 वय-गहणत्थं गेहाओ निग्गओ सालिभइो वि ॥  
 सुत्तूण वाहणाइं ते दुत्ति वि पविसिउं समोसरणे ।

नमिउं जिणं सठाणे ठाऊण सुणंति धम्म-कहं ॥  
 अपारे संसारे कथमपि समासाय नृभवं  
 न धर्मं यः कुर्याद्विषयसुखतृष्णातरलितः ।  
 बुडन् पारावारे प्रवरमपहाय प्रवहणं  
 स मुख्यो मूर्खाणामुपलमुपलब्धुं प्रयतते ॥  
 तं सोउं संविग्गो केसे उप्पाडिऊण सयमेव ।  
 गिण्हेइ सालिभद्दो दिक्खं सह अट्ठ-भज्जाहं ॥  
 अहं वेरग्ग-पवन्नो घन्नो भज्जाओ जंपए एवं ।  
 वेत्तुं चारित्त-भरं करेमि मणुयत्तणं सहलं ॥  
 तो सोमसिरी जंपइ पिय ! परिहासो मए कओ एसो ।  
 जइ दुक्करा न दिक्खा तुमं पि ता किं न कुणसि इमं ॥  
 सच्चमिणं मज्जंतो तुमं तु वेत्तुं समीहसे दिक्खं ।  
 परिहासे वि कए किं जुज्झइ निव्वक्करं काउं ॥  
 घन्नो जंपइ न पिए ! दिक्खं गिण्हामि तुज्झ वयणेहिं ।  
 किंतु पल्लु-देसणाए भवस्स खवं मए नायं ॥  
 तत्तो पलीवणाओ व निक्खमिउ मणो करेमि पव्वज्जं ।  
 भज्जाहिं तिहिं वि भणियं जइ एवं तुज्झ निव्वंधो ॥  
 अग्गे वि तं करेमो, तो घन्नो सह तिहिं पि भज्जाहिं ।  
 गिण्हइ दिक्खं दुन्नि वि पढंति थेरंतिए सुत्तं ॥  
 अज्जाए चंदणाए दुण्हवि भज्जाओ अप्पए भयवं ।  
 अग्गमत्थ-दुविह-सिक्खाओ ताओ साहंति सिद्धि-पहं ॥  
 कय-तिव्व-तवा सुइरं पज्जंते विहिय-अणसणा मरिउं ।  
 सुणि-सालिभद्द-घन्ना सव्वट्ठे सुरवरा जाया ॥

इति दाने धन्य-कथानकम् ।

साहारणत्थ-दाणे बहूण साहारणं फलं होइ ।  
 तत्थ वि कुरुचंदस्स व उत्तम-फल-साहसो भावो ॥

तं जहा—

इह जंबुदीप-भरहे नयरं नामेण गयपुरं अत्थि ।  
 गय-संगयं पि अगयं केण वि अहयं पि जं सुहयं ॥

तत्थ कुरुचंद-नामो राया जेणारिणो रणे भग्ना ।  
 गुरु-साल-संगएसुं गया वणेसुं न भवणेसु ॥  
 अह तत्थ समोसरिओ संतिजिणो तस्स वंदण-निमित्तं ।  
 सामंत-मंति-कलिओ कुरुचंदो निग्गओ राया ॥  
 धम्मं सोऊण निवो समए पुच्छइ कयंजली एवं ।  
 पुव्व-सुकएण केणं नाह ! मए पावियं रज्जं ? ॥  
 वत्थ-फल-प्पसुहाइं पवराइं पंच पंच वत्थूणि ।  
 दुक्कंति ढोयणे मह पइ-दियहं केण कम्मेण ? ॥  
 इट्ठाण ताणि दाहं ति चिंतिउं अप्पणा न उवसुंजे ।  
 चियरामि न अन्नस्स वि कह भयवं ! केण कम्मेण ? ॥  
 भयवं पि कहइ तुमए रज्जमिणं साहु-दाणओ पत्तं ।  
 तत्तो चिय तह दुक्कंति ढोयणे पंच-वत्थूणि ॥  
 ताण अभोगादाणे सुपुन्न-साहारणत्तणं हेऊ ।  
 एक्केण न खलु भुज्जइ वहुण साहारणं वत्थुं ॥  
 इट्ठाणं दाहामि त्ति तुज्ज चिंता वि हेउणा तेण ।  
 साहुस्स जहा दाणं पुव्वं दिअं तह कहेमि ॥  
 पुरमत्थि भरह-वसुहा-रमणी-मणि-नेउरं सिरिपुरं ति ।  
 तत्थ पयईह भद्दा परप्परं पीह-संजुत्ता ॥  
 सुधण-धणवइ-धणेसर-धणया चत्तारि वाणिघा मित्ता ।  
 ते अत्थ विहवणत्थं कयाइ चलिया रयण-दीवं ॥

दोणगो तेसिं कम्मयरो संवल-वाहगो य । अन्नया अरन्न-उत्तिन्नेहिं तेहिं  
 खीण-प्पाए पाहेए पडिमा-पडिवन्नो दिट्ठो साहु, चिंतियं च—अहो ! अम्ह पुअं  
 उवट्ठियं जं एस पसम-रासि व्व दिट्ठि-गोयरं गओ । ता एयस्स किं पि दाणं  
 दाऊण अणुग्गहेमो अत्ताणं । गोयर-समओ य रिसिणो । भणिओ य सुध-  
 णाईहिं दोणागो—भद्द दोणाग ! देहि मुणिणो किं पि । तेहिंतो अहिग-सद्धाए  
 पडिलाहिओ तेण मुणी । बद्धं महाफलं कम्मं । पत्ता ते रयण-दीवं । तत्थ अत्थं  
 विहविऊण आगया सदेसं । तेणेव पुत्त-वीएण पाविया सव्वया वि ते रिद्धिं ।  
 लहुं साह-जलं एकसो वि जीवन्ति धन्नाइं, किंतु मायाविणो धणवइ-धणेसरा  
 ववहरन्ति सुहुम-मायाए । दोणगो वि अहियं सुद्ध-चित्तो आउक्खए मरिऊण  
 उप्पन्नो गयउर-नयरे दुप्पसहस्स रज्जो सिरिसुंदरीए देवीए पुत्तो तुअं । देवीए

सुविणे चंदो दिट्ठो स्ति कयं कुरुचंदो स्ति ते नामं । एत्थंतरे मया सुधण-धण्या  
समुप्पन्ना वणिय-पुत्ता । एगो कंपिछपुरे बीओ कत्तियपुरे । पइट्ठावियाइं  
नामाइं एगस्स वसंतदेवो अन्नस्स कामवालो । विवन्ना धणवइ धणेसरा समुपन्ना  
वणिय-धूयत्ताए एगा संखउरे अन्ना जयंतीए । कयाइं नामाइं एगाए महरा  
अन्नाए केसरा । कमेण मयण-वियारुव्वणं जोव्वणं संपत्ता ते सव्वे । कयाइ  
कंपिछाओ अत्थोवज्जणत्थं गओ जयंतीए वसंतदेवो । तत्थ वि विट्ठंतेण  
वसंतदेवेण दिट्ठा अट्ठमी-चंद-महेरइ नंदणुज्जाणे रह व्व केसरा, तीए वि  
वसंतदेवो । पुव्व-भवब्भासेण सिणेह-सारं दुण्हं पि मिलिया दिट्ठी । का एस  
स्ति पुच्छिओ वसंतदेवेण जयंति-वत्थव्वो संजाय-मित्त-भावो पियंकारो नाम  
वणिय-पुत्तो ।

कहियं तेणं एसा धूया सेट्ठिस्स पंचनंदिस्स ।

भइणी जयंतदेवस्स कन्नगा केसरा नाम ॥

तत्तो वसंतदेवो जयंतदेवेण सह कुणइ मेत्ति ।

अन्न दिणे सो नीओ जयंतदेवेण निय-भवणे ॥

दिट्ठा वसंतदेवेण नयण-कुसुयाण चंदलेह व्व ।

अचंती कुसुम-सरं कुसुमेहिं केसरा तत्थ ॥

तीए वसंतदेवो जयंतदेवस्स हत्थ-कमलाओ ।

कुसुमाइं पडिच्छंतो दिट्ठो गरुयाणुरायाए ॥

इणमणुकूलं सउणं ति दोवि हरिसं गयाइं निय-चित्ते ।

लक्खेइ धावि-धूया पियंकारा नाम सव्वमिमं ॥

पवरं जयंतदेवो वसंतदेवस्स कुणइ उव्वारं ।

तत्तो पियंकाराए पयंपिया केसरा एवं ॥

तुज्झ वि जुज्झइ काउं सुयणस्स इमस्स कावि पडिचत्ती ।

जुगयं लज्जा सव्वभस-हरिस-परा केसरा भणइ ॥

पियंकरे ! तुमं चेव जाणसि जंमित्थ उचियं ति । पियंकारा वि भवणुज्जा-  
णगयस्स तरुस्स पियंशुमंजरीओ कक्कोलफलाइं च समप्पंती जंपेइ-सुंदर सह-  
त्थारोविय-क्ख-समुप्पन्नाइं इमाइं इट्ठ-देयाइं मह सामिणीए केसराए तुज्झ पे-  
सियाइं । इट्ठोअहं ति हरिसिएण गहियाइं ताइं वसंतदेवेण । दाऊण नाममुहं  
भणिया एसा, वत्तव्वा तुमए सामिणी, सोहणं कयं । तुमए वहियव्वं सयावि  
इट्ठाणुख्वं । पियंकाराए गंतूण सव्वं कहियं केसराए । परितुट्ठा सा हियएण ।



रयणीए चरम-जामे दिट्ठो इमीए सुविणो, किलाहं परिणीया वसंतदेवेण । तेणावि सुविणे कयं केसरा-परिणयणं । तुट्ठ-चित्ताए केसराए कहिओ सुविणो पियंकराए । इत्थंतरे निय-कज्ज-गयं जंपियं पुरोहिण—एवं चेव एयं भविस्सइ त्ति इमं सो-ऊण परितुट्ठाओ दोवि । जंपियं पियंकराए सव्वहा वसंतदेवो तुज्झ भत्तारो त्ति बद्धो सउण-गंढी केसराए । कहिओ सुविण-वुत्तंतो वसंतदेवस्स । सो वि निय-सुविण-संवायाओ सिद्धं समीहियत्थं मज्झंतो पत्तो पमोयं । भणिओ पियंकराए—दिट्ठो तुज्झ अप्पा सउण-गंढिं बंधंतीए सामिणीए । ता करेसु विवाह-संजुत्ति । वसंतदेवेण वुत्तं कया चेव विहिणा संजुत्ती । एवं पइ-दिणं पवड्डुमा-णाणुरायाण अहंकंतो कोइ कालो । अन्नया स-गिह-गएणेव सुओ पंचनंदि-गेहे मंगल-तूर-सहो वसंतदेवेण । किमेयं त्ति गवेसावियं इमिणा । कहियं कम्म-यरीए जहा दिट्ठा केसरा कन्नउज्ज-वत्थव्व-वसुदत्त-सेट्ठि-पुत्तस्स वरदत्तस्स । तन्निमित्तमेयं बद्धावणयं त्ति । तं सोऊण सुच्छिओ वसंतदेवो । एत्थंतरे आगया पियंकरा आसासिओ तीए, भणियं च—पेसिया अहं केसराए, संदिट्ठं तीए, न तए खेओ कायव्वो, मम चित्तं अजाणंतेहिं गुरुहिं पारब्बमेयं, अहं पुण न पुब्बाणुराग-विसरिसं चिट्ठामि । सव्वहा मम तुमं चेव भत्ता । अन्नहा मरियव्वं । एवं सोऊण परितुट्ठो वसंतदेवो । भणिया अणेण पियंकरा—भदे ! एत्थ बहयरे ममावि एस निच्छओ ।

गंतुं पियंकराए कहियमिणं केसराइ सा तुट्ठा ।  
 ताण विवाहोवायं चित्तंताणं गया दियहा ॥  
 तम्मि असंपत्ते चेव जन्न-जत्ता समागया तत्थ ।  
 तत्तो वसंतदेवो सुए विवाहो त्ति निसुणेइ ॥  
 सो दूनिओ मणेणं नयराओ निग्गओ गओ य वणं ।  
 चित्तेइ—अहो ! केरिसमसुंदरं पिलसियं विहिणो ॥  
 नूणं मह परिणयणे विहिय-पइत्ता गुरुहिं अन्नेण ।  
 सा परिणाविज्जंती करिही जीविय-परिचायं ॥  
 तीए मरणं निसुणेमि जाव अहमेव ता मरामि त्ति ।  
 तो बंधिऊण पासं असोग-क्खस्स साहाए ॥  
 जा उव्वद्धो अप्पा वसंतदेवेण तत्थ उव्वतहिं ।  
 बंधु व्व ताव पत्तो को वि नरो तरु-निउंजाओ ॥

मा कुणस्तु साहसमिणं ति जंपमाणो असोगमारुहिउं ।  
 छिंदेइ तस्स पासं कंकिह्लि-तले तमाणेइ ॥  
 जंपइ भो ! भो ! तुमए किमेवमागिइ-विरुद्धमारुहं ? ।  
 सो भणइ आगिईए किमिमीए दुक्ख-बहुलाए ॥  
 निय-वइयरं च साहइ, अह पुरिसो जंपए जइ वि एवं ।  
 तहवि न जुज्जइ एवं पुरिसस्स विवेगिणो मरणं ॥  
 किंतु उवाओ जुत्तो अत्थि य सो इत्थ दुग-परिज्ञाए ।  
 जत्थ य नत्थि उवाओ तत्थ वि धुवमणुचियं मरणं ॥  
 जीवामि दुक्खिओऽहं उवाय-विरहे वि इत्थ वत्थुमि ।  
 भइं लहइ जियंतो जो य मओ सो मओ चेय ॥

जओ—

कत्थियपुर-वत्थव्वो वणिय-सुओ कामपाल-नामोऽहं ।  
 देसाण दंसणत्थं विणिग्गओ जोव्वणुम्मत्तो ॥  
 पत्तो परिव्वभमंतो संखउरं तत्थ संक्ख-जक्खस्स ।  
 जत्ताए नीहरिओ जणो अहं पि हु गओ तत्थ ॥  
 सहकार-वणंमि मए रह व्व ख्वेण कल्लागा दिट्ठा ।  
 तीए वि कमल-दल-विव्वभमेहिं नयणेहिं दिट्ठोऽहं ॥  
 तत्थ ठिओऽहं वाजेण दिट्ठि-पासेहिं तीइ बद्धो व्व ।  
 दिन्नं च सही-हत्थेण मज्झ तंवोलमेईए ॥  
 किं काउमेत्थ जुत्तं ति जाव धितेमि ताव मत्त-करी ।  
 सच्छंदं वियरंतो पत्तो चूयहुमासन्नं ॥  
 नट्ठो भएण कल्लाइ परियणो कल्लागा उण न नट्ठा ।  
 कंपंत-सव्व-गत्तं तं हत्थी जाव गिण्हेइ ॥  
 ताव मए लउडेणं पच्छिम-भायम्मि आहओ हत्थी ।  
 भुयगो व्व पुच्छ-पुट्ठो कल्लं मुत्तूण सो चलिओ ॥  
 तं वंचिउं मए सा कल्ला वेत्तूण अन्नओ नीया ।  
 निव्वभय-ट्ठाणे मुक्का मिल्लइ सा मं न हियएण ॥

समागओ से परियणो । पसंसिओ अहं तेण । नीया एसा चूय-तरु-तलं ।  
 इत्थंतरे समागयं नाग-वरिसं तेण दिसो दिसं पलाणो जणो । तओ न नायं

कहिं गया सा कन्नग ति । कहि वि दियहे हिंडिओ अहं तम्मि नयरे । अलङ्घूण  
 तीए पउत्ति सुन्न-चित्तो समागओ एत्थ । अत्थि मे तीए उवरि सिणेहो, किंतु  
 तीए सुद्धि अघाणंतस्स नत्थि मे उवाओ तस्संपत्तीए, तहावि नाहं मरणमंगी-  
 करेमि । तुह उण केसरा-संपत्तीए अत्थि उवाओ । सुए सा परिणिज्झिही तओ  
 अज्ज कायव्वा तीए रह-सहियस्स भयवओ मयणस्स पूया । तं च एणागिणी  
 करेइ त्ति कप्पो । तो अम्हे अणागयं चेव त्ति पविसामो नयर-मयण-देवउलं ।  
 तओ तीए पविट्ठाए तस्संगगएणेव तव्वेस-गहणेण गमिस्सामि अहं तीए गेहं ।  
 तुमं पुण बहु-बोलीणेषु अम्हेसु वेत्तूण केसरं लहुं अचक्कमिज्जासि त्ति ।  
 जुत्ति-संगयं ति सोऊण हरिसिओ वसंतदेवो, भणियं अणेण जुत्ति-जुत्तमेयं,  
 किं तु तुहेत्थ वसणं ति । तथा य छिक्खियं बुद्ध-माहणीए । कामपालेण बुत्तं  
 न मज्झ तत्थ वसणं किं तु तुज्झ कज्ज-करणेण महंतो अब्भुदओ त्ति । इत्थंतरे  
 निय-कज्ज-संबद्धमेवं जंपियं बुद्ध-माहणेणं—न एत्थ संदेहो त्ति । गहिय-  
 सउणत्थेण पडिवन्नमिणं वसंतदेवेणं । पविट्ठा दो वि नयरिं । काऊण उचिय-  
 किंचं निग्गया संझाए । पविट्ठा मयण-देवउलं । ठिया पडिमा-पिट्ठओ । थेव-  
 वेलाए सुओ तूर-रवो, केसरा आगच्छइ त्ति हरिसिया चित्तेणं । कमेण  
 आगया एसा । सा वि पाढ-सिद्धं पिय-समागम-मंतं चिंतंती उइत्ता जंपा-  
 णाओ । चडिया मयण-देवउलं । वेत्तूण पियंकरा-कराओ पूओवगरणं पविट्ठा  
 तत्थ । आयारो त्ति ढक्खियं तीए दुवारं । कया कामस्स पूया । भणियं च—  
 भयवं ! रह-रमण ! पच्चक्खाणि तुज्झ सयल-पाणि-चित्ताणि ता किं जुत्तमेयं जं  
 ममं अणिट्ठेण भत्तुणा जोजेसि । किं न याणसि तुमं वसंतदेवं जिणा अज्जत्थ  
 न मे रमइ मणं । किं वा इयाणि इमिणा उवालंभेण । सव्वहा जन्मंतरे वि  
 तुह पसाएण सो चेव भत्ता हवेज्ज त्ति भणिऊण तत्तोरणे उव्वद्धो अप्पा ।  
 निग्गंतूण रक्खिआ सा वसंतदेवेण । कुओ एसो त्ति विम्बिया एसा ।

भणियं वसंतदेवेण—पत्थिओ वम्महाओ जो तुमए ।

भत्ता भवंतरे वि हु सो एस वसंतदेवोऽहं ॥

मित्तेण सह पविट्ठो पुव्वं चिय-एत्थ तुज्झ हरणत्थं ।

ता निय-नेवत्थं पंकयच्छि ! अप्पेसु एयस्स ॥

जेण तुह वेसधारी सपरियणो एस जाइ तुज्झ घरं ।

अम्हे पुण गयपाए इमस्मि देसंतरं जामो ॥

इय भणिया निय-वेसं समप्पए सा वि काम-पालस्स ।

धेत्तूण तस्स वेसं ठिया इमा मयण-पिट्ठंमि ॥  
 सो गिण्हिऊण पत्तिं नीरंगी-पिहिय-वयण-सयवत्तो ।  
 उग्घाडिउं दुवारं विणिग्गओ मयण-भवणाओ ॥  
 पत्तिं पियंकराए समप्पिउं लग्गिऊण तीए करे ।  
 सो चडिओ जंपाणे तं कम्मयरेहिं उक्खित्तं ॥  
 पत्तो अलक्खिओ परियणेण सो पंचनंदि-गेहंमि ।  
 सुणइ न मज्झं बंभा वि सुप्पउत्तस्स दंभस्स ॥  
 जाणाओ उत्तिओ पियंकराए बहू-हरं नीओ ।  
 कणयासणे निविट्ठो, पियंकराए इमं वुत्तो ॥  
 चित्तेसु पिय-समागम-मंतं तो निग्गया पियंकरिया ।  
 तो काम-रह-समागम-मंतं सरिउं पवत्तो सो ॥  
 अह केसराइ माउल-धूया संखउर-वासिणी महारा ।  
 पत्ता तत्थ विवाहे पुव्वं एएण जा दिट्ठा ॥  
 तस्स पुरो उवविट्ठा नीससिउं जंपिउं पवत्ता सा ।  
 सहि ! अवसरो त्ति जंपेमि किं पि परिहरसु उव्वेयं ॥  
 जं अवहिओ विहि चिय इट्ठाणिट्ठेसु सव्व-पाणीणं ।  
 संखउरे वि ठियाए मए सुओ तुज्झ वुत्तंतो ॥  
 सुत्तुं वसंतदेवं न रमेइ नरंतरम्मि तुह चित्तं ।  
 पिय-चिरह-दुहं दुसहं सयमणुभूयंति जाणेमि ॥  
 धन्ना य तुमं जीए पिएण सह दंसणाइ-संभवइ ।  
 मज्झ पुणो वुत्तंतो सहि ! सुव्वउ दारुणो वाढं ॥  
 नीहरियाहं सह परियणेण जत्ताइ संखवालस्स ।  
 मयणु व्व मए तरुणो असौंग-तरुणो तले दिट्ठो ॥  
 तस्स मए पट्ठवियं सहिए कर-पंकएण तंबोलं ।  
 तेणावि रक्खियाहं मत्तगयाओ जम्माओ व्व ॥  
 पुणरवि करि-संकाए नट्ठाहं सह सहीहिं सव्वहिं ।  
 कहिं वि गओ सो वि जुवा मए गविट्ठो न दिट्ठो य ॥  
 कत्थ वि रइमलहंती अलि-दट्ठा मक्कडि व्व तप्पभिई ।  
 तम्मि वणम्मि गयाहं तंमदट्ठुं परुइया सुहरं ॥



अज्ज मए सुविणे चिय सो दिट्ठो न उ कयाइ पच्चक्खं ।  
 अत्थि मम तम्मि पेसं होही जोगो उ विहि-वसओ ॥  
 एयम्मि वइयरे जं मह दुक्खं तं सुणामि अहमेव ।  
 अत्ताण निव्विसेसा तुमं ति तुह जंपियं पुरओ ॥  
 ता वहिणि ! मुंच खेयं अणुयत्तसु गुरु-यणं हवसु धीरा ।  
 अणुकूल-विहि-वसेणं सव्वं पि हु सुंदरं होही ॥  
 अह भणइ कामपालो मयच्छि ! जक्खूसवम्मि जो तुमए ।  
 दिट्ठो सो एसोऽहं तुह मण-मयरायर-मयंको ॥  
 अणुकूल-दिव्व-वसओ वसंतदेवस्स केसराए य ।  
 संजोगो संजाओ अन्हं पिच मुंच तच्चितं ॥  
 तं नीरंगी-रहियं मइरा उवलक्खिज्जण परितुट्ठा ।  
 भयवसओ सम्मूढा तो भणिया कामपालेण ॥  
 मुंच पिए ! भयमिण्हि दंससु मे किं पि निग्गमण-दारं ।  
 मइराइ घरुज्जाणस्स पच्छिमं दारमुवइट्ठं ॥  
 नीहरइ कामपालो सहिओ मइराइ तेण वारेण ।  
 वचंतो सो पत्तो गयउर-नयरम्मि एयम्मि ॥  
 पुव्वागयस्स सह केसराए मिलिओ वसंतदेवस्स ।  
 ते दंसिया जिणेणं वसंतदेवाइणो रत्तो ॥  
 कहियं जिणेणं पंचहिं जणेहिं दिंनं सुणिस्स जं दाणं ।  
 तं पंच पंच वत्थूणि ढीयणे तुज्झ हुक्कंति ॥  
 एत्तो चिय एएसि ताणि अदाउं सयं न भुंजेसि ।  
 इय जिण-कहियं सोउं पुव्व-भवो सुमरिओ तेहिं ॥  
 नमिऊण जिणं रत्ता नीया नीय-सोयर व्व ते गेहं ।  
 तेहिं सह विहिय-रज्जो सो घम्म-परो गओ सुगइं ॥

इति दाने कुरुचन्द्र-कथा ।

रत्ता भणियं—भयवं ! निरंतरं सुक्ख-भागिणो एक्के ।  
 दीसंति नरा अवरे न तारिस्सा एत्थ को हेऊ ? ॥  
 गुरुणा भणियं—जे दिति दाणमच्छिन्न-भाव-संपन्ना ।

ते अन्न-भवे पावन्ति सुखमच्छिन्नमाजस्रम् ॥  
 जेसिं पुण दिताणं नराण दाणंमि अंतरं होइ ।  
 कयउन्नउ व्व सुखं निरंतरं ते न पावन्ति ॥

तं जहा—

अत्थि पुरी सावत्थी जत्थ वियंभंत-सुरयणा तुंगा ।  
 कणयमया पासाया सुमेरु-पुत्त व्व रेहन्ति ॥  
 तत्थ गुण-संगओ संगउ त्ति सिट्ठी महा-घणो आसि ।  
 से बंधुल त्ति भज्जा रमणो त्ति मणोहरो पुत्तो ॥  
 पुव्व-कय-कम्म-परिणाम-दोसओ तस्स विहडिओ विहवो ।  
 जम्हा न पडिखलिज्जइ सुरासुरेहिं पि पुव्व-कयं ॥  
 कालेण मओ सिट्ठी अनिव्वहता य बंधुला तत्थ ।  
 सुलह-जलिंघण-धम्मंमि सालिसीसे गया गामे ॥  
 अक्खिय-निय-वुत्तंता गामीण-जणेहिं अब्भुवगया सा ।  
 विहिओ य वच्छ-वालो से पुत्तो अप्पिउं वच्छे ॥  
 सो दाण-व्वसणी देइ दारगाईण लहइ जं किं पि ।  
 नहि अत्थि नत्थि चिंता पयइ-उदाराण संभवइ ॥  
 अह मास-खमग-साहू इमस्स दिट्ठिपहमागओ बाहिं ।  
 जाया य तम्मि भत्ती तवेण रंजिज्जइ न को वा ॥  
 अन्नम्मि वासरे ऊसवो त्ति लोणेण पायसं रद्धं ।  
 तं जेमंते डिंभे दद्धं रमणो भणइ जणणिं ॥  
 वियरसु ममा वि पायसमिमा वि नत्थि त्ति निव्वभरा रुयइ ।  
 संपन्न-दयाहिं पाडिवेसियत्थीहिं सा भणिया ॥  
 मा रुयसु पायसं रंधिऊण रमणस्स देसु सिग्वं ति ।  
 तीसे समप्पियाइं च खीर-तंदुल-गुल-घयाइं ॥  
 रद्धं च पायसं तीइ दारओ भोयणत्थमुवविट्ठो ।  
 घय-गुल-पायस-भरियं तस्स पुरो भायणं ठविउं ॥  
 अह बंधुला पविट्ठा घर-मज्झे इत्थ अवसरे पत्तो ।  
 धम्मो व्व सुत्तिमंतो सो भिक्खत्थं खमग-साहू ॥  
 चिंतामणी मह-करे चडिओ जं आगओ सुणी गेहं ।

दाउं इमस्स भिक्खं करेमि मणुयत्तणं सहलं ॥  
 इय चित्तिउं ति-भागं देइ इमो पायसस्स तुट्ठ-मणो ।  
 थेवमिणं ति विचिंतिय दुइय-ति-भागं पयच्छेइ ॥  
 मा अन्नेण विणस्सउ इमं ति परिभाविज्जण पुण एसो ।  
 देइ तइयं ति-भागं भोग-फलं बंधए कम्मं ॥  
 तस्स निसिन्नस्स पुणो अन्नं जणणीए पायसं दिन्नं ।  
 गिद्धि-वसेण अणेणं भुत्तं परिणइ-अमाणेण ॥  
 तस्मि दिणे वट्ठलयं इमस्स वाहिं गयस्स संजायं ।  
 रयणीए अजिन्नेणं वित्ताइयाए मओ एसो ॥  
 मगह-विसयावयंसे रायगिहे वर-पुरे ससुप्पन्नो ।  
 सो सेट्ठि-धणावह-भारियाइ भदाइ गवभम्मि ॥  
 काल-कमेण जाओ पुत्तो वत्तीस-लक्खणाणुगओ ।  
 परितुट्ठ-मणो सेट्ठी करेइ जम्मूसवं तस्स ॥  
 कयउत्तु त्ति जणेणं भणिओ सो जो गिहे धणडुंमि ।  
 जाओ इमो त्ति विहियं तो कयउत्तो त्ति से नामं ॥  
 चंदो व्व सुक्क-पक्खे दिणे दिणे जणिय-जण-मणाणंदो ।  
 पावइ बुद्धिं एसो सयणाण मणोरहेहिं समं ॥  
 समयम्मि कलायरियस्स अप्पिओ कारिओ कला-गहणं ।  
 सो तरुणि-नयण-छप्पय-कमलवणं जोव्वणं पत्तो ॥  
 कणयावदाय-देहं निव्वत्तिय-तियस-तरुणि-संदेहं ।  
 परिणाविओ गुह्महिं रुवमहं नाम इव्व-सुयं ॥  
 तह वि कलव्भास-परो पसत्थ-सत्थत्थ-संथव-विहत्थो ।  
 रमणीसु मणं पि मणं मुणि व्व न करेइ कयउत्तो ॥  
 तो भणिओ भदाए सिट्ठी तह कुणसु मज्झ जह वच्छो ।  
 सेवेइ विसय-सुक्खं अह वुत्तं सेट्ठिणा एवं ॥  
 आहार-भय-परिग्गह-मेहुण-सन्नाओ अणुवदिट्ठाओ ।  
 गिण्हंति सव्व-सत्ता मुढे ! किं तदुवपसेण ॥  
 पुणरुत्तं भदाए भणिज्जमाणेण सिट्ठिणा पुत्तो ।  
 विसयासत्ति-निमित्तं खित्तो दुल्ललिय-गोट्ठीए ॥

सो तेहिं सह भमंतो देवउलाराम-पमुह-ठाणेसु ।  
 काम-घरिणी-सरिच्छं कामलयं पिच्छए गणियं ॥  
 किं एसा तियस-बहू स-कोव-सुर-नाह-साव-पम्भटा ।  
 पत्ता मणुस्स-लोयं ति चितए जाव कयउत्तो ॥  
 अब्भुट्टिऊण भणिओ सो तीए कमल-मणहर-मुहीए ।  
 काऊण पसायमलंकरेसु चलणेहिं मह गेहं ॥  
 तं सोउं मुद्ध-मणो कामलयाए गिहं पविटो सो ।  
 तीए कला-कुसलाए विविह-विणोएहिं अक्खित्तो ॥

पवत्तो तीए सह भोगे भुंजिउं । सिट्ठिणो कहिऊण वुत्तंतं गया स-ट्ठाणं  
 मित्ता । सिट्ठिणा भणिओ भंडारिओ, जं किंचि मग्गए दव्वं मे वच्छो तं तए  
 पेसियव्वं । अक्काए वि कयउत्तय-कराओ गहिया नाम-मुद्दा । तं अप्पिऊण  
 चेडीए आणावए अक्का भंडारिय-पासाओ मणोरहाइरित्तं वित्तं । सुह-सागरा-  
 वगाढस्स वीसरिय-सयण-सिणेहस्स तस्स अइकंता वारस वरिसा । मया माया-  
 पिथरो । अणावगो विणट्ठो विहवो । तहावि संवच्छरं जाव संवाहियं सेवागरणं  
 रुववईए । अन्नदिथहे पेसियं तीए नियाभरणेहिं सह पुद्ग-वत्तयं । झीणो विहवो  
 त्ति लक्खिअं अक्काए । पडिपेसियं आहरणेहिं सह दीणार-सहस्सं । अन्न-दिणे  
 अक्काए भणिया कामलया, धोय-कुंखुंभ-सरिसो कओ एसो । ता किं इहिं  
 अणेण ? तीए वुत्तं म मा एवं भण । दिन्नं इमिणा मणोरहाइरित्तं वित्तं ।  
 अक्काए वुत्तं—

जं दिन्नं तं गहियं इणिहं से नत्थि तेण नीणेमो ।  
 अम्ह इमो कुलधम्मो तं वच्छे ! मा अइक्कमसु ॥  
 कामलयाए वुत्तं अम्मो ! अम्हाण एस कुल-धम्मो ।  
 गणियाण पहाणाण उ अईव लज्जाकरं एयं ॥  
 अन्नं च पुणो दाही एसो चिय चितियं धणं समए ।  
 ता दुट्ठ-चित्तिएणं अयस-निमित्तेण अलमिमिणा ॥

एयं सोऊण ठिया तुप्पिहका अक्का । चितियं अणाए, अचंन-रत्ता इमंमि  
 मे धूया । ता परिहवज्जओ एसो, जेण सयंचिय वचइ । पारद्वो पराभवो ।  
 लक्खिओ कयउत्तेण निग्गओ तग्गेहाओ । आगओ स-गिहं । दिट्ठं तं सडिय-  
 पडियं । पुच्छिया रुववई किमेयं ति ? । साहिओ तीए सव्वो वुत्तंतो ।  
 सोगाउत्तो कयउत्तो जंपिउं पवत्तो—



जो पिय-पियामह-प्पसुह-पुव्व-पुरिसेहिं संचिओ विहवो ।  
 अहह ! मए सो मेहु व्व पवल-पवणेण निट्ठविओ ॥  
 जेसिं मणोरहेहिं तह ओवाइय-सएहिं जाओमिह ।  
 जणणि-जणयाण तेसिं मरणं पि मए न विन्नायं ॥  
 संत-जण-वज्जणिज्जं धम्मत्थ-पणासणं अकित्ति-करं ।  
 काउं वेसा-वसणं मए कुलं कलुसियं निययं ॥  
 हा ! जाओमिह किमत्थं गव्व-गओ वि हु अहं न किं गलिओ ? ।  
 जो अकय-पुत्त-कज्जो एवं गणिया-गिहे वसिओ ॥  
 धणवंतो त्ति पिया मे आसी सव्वत्थ माणणिज्जो जो ।  
 तस्स सुओऽहं अधणो दंसिस्सं कह जणस्स सुहं ॥  
 एवं संतप्पंतो पियाए सो जंपिओ चयसु खेयं ।  
 ताइ पिय ! अक्खय-देहे सव्वं लट्ठं पुण वि होही ॥

ठिओ कह वि दियहे कयउत्तो तत्थ । जाया आवन्न-सत्ता खववई ।  
 भणिया अणेण, पिए ! चंचा-पुरिसो व्व अकय-पुरिस्तथो अत्थ-हीणो नरो न  
 रेहए । ता देसंतरं गंतूण करेमि धणज्जणं । खववईए बुत्तं तुमं जाणसि । पयट्ठो  
 तद्वियहमेव तामलित्ति सत्थो । तेण सह पत्थिओ कयउत्तो । बुत्थो देवउले  
 महिलोवणीय-सिज्जाए । इओ य तत्थ इव्व-पुत्तो परिणिऊण इव्वमारियं  
 अकय-विसय-संगो चेव पर-तीर-गमणुज्जए मए पिउम्मि गओ धणोवज्जणत्थं  
 परतीरं । भवियव्वया-वसेण विवन्नं जाणवत्तं । मओ सो तत्थ । जाणियमिणं  
 जणणीए चित्तियं अणाए—उवट्ठिओ कुलक्खओ । किमित्थ जुत्तं । खित्तज-  
 सुएणावि कुलं वट्ठउ त्ति सुव्वए सत्थ-वयणं । ता आणेमि कंचि बहुगाए  
 उच्चियं पुरिसं । न मम वयणं लंघइ त्ति जाणाविया बहुगा । गया एसा पुरिसं  
 निरुविउं । दिट्ठो देवउले पसुत्तो भवियव्वया-वसेण कयउत्तो । नेयाविओ  
 गिहं । मुक्को वासहरे, विउत्तो समए, साहिओ बुत्तंतो थेरीए । परित्थि-संगो  
 परलोय-विउत्तो त्ति नाणुमओ कयउत्तस्स । उच्चिओ एस त्ति परितुट्ठा सा  
 अकय-पुरिस-संगा बहुग त्ति साहियं रहस्सं । अत्थि पुणव्व-कप्पो त्ति विवा-  
 हिया पच्छन्नं । अइकंता वारस वरिसा, थेरीए चित्तियं—

जाया वट्ठइ पुत्ता अलमिमिणा संपयं परिठवेमि ।  
 निप्पत्ते सयले करिस्सणम्मि को हालियं धरइ ॥

धेरीइ कया कयउन्नयस्स अट्ठाण-कप्प-संजत्ती ।  
 लक्खियमिणं बहूए इमंमि निब्भर-सिणेहाए ॥  
 तो संवलस्स मज्झे बहुगाए रयण-मोयगा छ्वा ।  
 सुह-सुत्तो उक्खिविउं सो मुक्को तंमि देवउले ॥  
 तम्मि दिणे सो सत्थो सनागओ कम्म-धम्म-जोगेण ।  
 वुत्तंतमिणं मुणिउं संपत्ता तत्थ से घरिणी ॥  
 दिट्ठो तीइ विउद्धो सो सत्थाओ त्ति हरिसिया एसा ।  
 वेत्तूण संवलं भारियाए निय-मंदिरं नीओ ॥  
 पुत्तो पिउस्स पाएसु पाडिओ मोयगो य से दिट्ठो ।  
 तं खायंतेणं तेणं तस्स मज्झे मणी दिट्ठो ॥  
 सो तेण लङ्कुयारस्स अप्पिओ देसु लङ्कुए निच्चं ।  
 इय भणिउं भज्जाए मोयगे भिंदमाणीए ॥  
 दिट्ठाणि पवर-रयणाणि तेसु अह पुच्छिओ पई एयं ।  
 किं इत्तियाणि एयाणि ? इत्तियाणि त्ति तेणुत्तं ॥

तओ गरुय-सिणेह त्ति सुमरिया पुणब्भू । कओ रयणाण विणिओगो  
 वित्थरिओ विहवो । अन्नया रत्तो सेणियस्स सेयणग-इत्थी गहिओ तंतुगेण ।  
 जलकंतेण मुच्चइ त्ति भणियं अभयेण, जो तं जलकंतं समप्पइ तस्स राया निय-  
 धूयं देइ त्ति भमाडिओ पडहो । आपिओ सो लङ्कुयारेण । खित्तो जले । तस्सा-  
 लोएण थलं ति मत्तंतो पणट्ठो तंतुगो । उवट्ठिओ लङ्कुयारो राय-कत्ता विवाहत्थं,  
 लज्जिओ राया । किमित्थ जुत्तं ति पुच्छिओ अभओ । अभएण भणियं, नाथ-  
 नस्स रयणाणि त्ति मूल-सुद्धी किज्जउ । रत्ता पुच्छिओ लङ्कुयारो, कुओ ते रयण-  
 मेयं ? निब्बंघे तेण कहियं, कयउन्न-पुत्तेण मे अप्पियं ति । जुज्जइ इमं ति वुत्तूण  
 रत्ता दिट्ठा कत्ता कयउन्नस्स । वत्तो महाविच्छङ्गेण विवाहो । अभएण सह  
 संपत्ता पीई । भणिओ अभओ कयाइ कयउन्नेण—भो ! बुद्धिमंतो तुमं, अत्थि  
 य ममेत्थ पुणब्भू महिला दुवे दारया य, ता तं लहाहि । अभएण भणियं—  
 एवं । कारियं नगर-वाहिं देवउलं, तत्थ कया कयउन्न-सरिसी जक्ख-पडिमा ।  
 घोसावियं नगरे—पुज्जेह चित्तियत्थ-संपाडण-दक्खं जक्खं ति । निग्गओ  
 लोगो तप्पूयणत्थं । दु-दुवारं च तं देवउलं । एगेण पविसइ लोगो, अन्नेण नीह-  
 रह । गवक्ख-गओ अभएण सह ठिओ कयउन्नो । आगया तत्थ दारगेहिं सह



पुणञ्चू । तं ददूण कयउत्तेण भणिओ अभओ, एसा सा मे महिला । अभएण  
 वुत्तं किं इमं लद्धरिं ददूण भणसि एवं । कयउत्तेण वुत्तं—जइ न पत्तियसि ता  
 पेच्छसु । पिउ त्ति चडिया उच्छंगे जक्खस्स दारणा । कयउत्तो त्ति मत्तंतीए  
 तीएय चंदोदए ससुहु व्व समुल्लसिओ हरिसो । सुरुगमे कमलाइं व वियसि-  
 याइं लोयणाइं । घणागमे कयंव-कुसुमं व समुग्घुसियं सरीरं । पओसे गयणं व  
 तारएहिं मंडियं निडालं सेय-जल-विंदूहिं । पवण-संसग्गे वण-लयाए व्व  
 सव्वंगं वियंभिओ कंपो । निच्चलत्तणओ तं जक्खो त्ति जाणिऊण जंपिउं  
 पवत्ता पुणञ्चू ।

पिय-रूवं जक्ख ! पयासिऊण आणंदियम्हि ताव तए ।  
 जइ कुणसि चित्तियं ता दंससु तं मज्झ पच्चक्खं ॥  
 तो पुब्बिऊण जक्खं पच्छिम-दारेण जाव नीहरइ ।  
 ता नियइ गवक्ख-गयं कयउत्तयं हरिस-पडिपुल्लं ॥  
 तेहिं चेव पएहिं सा चिट्ठइ तो भणेइ कयउत्तो ।  
 एहि मयच्छि ! किमज्झवि विलंबसे सा गया पासे ॥  
 अह पत्ता कामलया जक्खं ददूण विम्बिया भणइ ।  
 जाया वारस-वरिसा मह पिययम-विरह-विहुराए ॥  
 मरणम्मि धुवो विरहो जीवन्ताणं तु घडइ जोगो वि ।  
 इय चित्तिउं ठियाहं पइव्वयाए वयं धित्तुं ॥  
 अज्ज रयणी-विरामे दिट्ठो पिय-मेलगो मए सुविणो ।  
 मह आगच्छंतीए जाया सुह-सूयगा सउणा ॥  
 तह वामा अच्छि-भुया पुरंति ता मज्झ अज्ज पिय-जोगो ।  
 तुह जक्ख ! पसाएणं नूणं होहि त्ति तक्केमि ॥  
 तह पिय-सरिसे दिट्ठे हरिसो जो मज्झ सो भविस्संतं ।  
 पिययम-जोगं सुरुगमं व अरुणोदओ कहइ ॥  
 तो पणमिऊण जक्खं पच्छिम-दारेण नीहरंती सा ।  
 पेच्छइ अभएण समं महुणा गयणं व कयउत्तं ॥  
 तो हरिस-निग्भराओ दुत्ति वि कयउत्तएण नीयाओ ।  
 निय-मंदिरम्मि ताओ नियनिय-वरसार-जुत्ताओ ॥  
 इय चउहिं सह पियाहिं तिवग्ग-सारं सुहं अणुहवंतो ।

सो पुण्व-भवन्भासेण दाण-धम्मज्जुओ वाढं ॥  
 अभएण चित्तिमिणं एसो धम्मस्स निच्छयं जुगो ।  
 जम्हा कहिज्जमाणं अभिनंदइ भयवओ वयणं ॥  
 अह पत्तो वीरजिणो सहिओ चउदसहिं मुणि-सहस्सेहिं ।  
 परियरिओ अज्जाणं छत्तीसाए सहस्सेहिं ॥  
 चउविह-देवेहिं कयं साल-त्तयं सुंदरं समोसरणं ।  
 तत्थ निविट्ठो भयवं वागरइ चउव्विहं धम्मं ॥  
 अह पुच्छइ कयउत्तो भयवं ! भोगाण अंतरं मज्झ ।  
 जायं केण निमित्तेण वज्जरइ जिणवरो एवं ॥  
 पुण्व-भवे तिहिं भागेहिं पायसं साहुणो तए दिन्नं ।  
 एएण कारणेणं भोगाण तुहंतरं जायं ॥  
 संभरिउं पुण्व-भवं कयउत्तो विन्नवेइ संविग्गो ।  
 पुण्वं खु मंद-सत्तेण दाणमेवं मए दिन्नं ॥  
 संपइ पुण दढ-सत्तो होउं वज्जेमि सव्वमवि संगं ।  
 भणइ जिणो जुत्तमिणं मणुयस्स विवेग-जुत्तस्स ॥  
 अह विहिय-उव्विय-किच्चो पडिवज्जइ संजमं जिण-सयासे ।  
 कय-तिव्व-तवच्चरणो वच्चइ कयउत्तओ सगं ॥

इति सान्तरदाने कृतपुण्यकथा ।

एवं सोउं मुणि-दाण-धम्म-माहप्पमुल्लवइ राया ।  
 भयवं ! गिण्हइ मह वत्थ-पत्त-भत्ताइयं भिक्खं ॥  
 तो वज्जरइ मुणिंदो इमं महाराय ! राय-पिण्डो त्ति ।  
 भरहस्स व तुह भिक्खा न गिण्हिउं कप्पइ जईणं ॥  
 रत्ता भणियं भयवं ! को सो भरहो पयंपिओ तुमए ? ।  
 गुरुणा वुत्तं नरवर ! कहेमि जइ कोउगं तुज्झ ॥  
 इह आसि रिसइ-सामी नीइ-कला-सिप्प-देसओ पढमो ।  
 राया पढमो ओसप्पिणीइ पढमो य तित्थयरो ॥  
 कुमरत्तणंमि गमिउं जिण-नाहो वीस-पुण्व-लक्खाइं ।  
 परिवाल्लिऊण रज्जं पुण्वाण तिसट्ठि-लक्खाइं ॥  
 अहिसिंचिऊण रज्जे कोसल-देसे अउज्झ-नयरीए ।

जेठं पुत्तं भरहं सुमंगला-देवि-अंगरुहं ॥  
 तक्खसिलाइ पुरीए वहली-विसयावयंस-भूयाए ।  
 रज्जंमि सुनंदा-नंदणं च ठविऊण बाहुवलिं ॥  
 बंगंग-मगह-कुंकण-कुणाल-कुंतल-अयंति-पमुहाण ।  
 सेस-सुयाणं दाऊण सेस-देसाण सामित्तं ॥  
 सुरकय-निक्खमण-महो चउहिं सहस्सेहिं सह नरिंदाणं ।  
 सामन्नं पडिवन्नो छट्ठ-तवेणं रिसह-सामी ॥  
 बाहुवलि-पुत्त-सोमप्पहस्स पुत्तेण वरिस-पज्जंते ।  
 सेज्जंसेणिकखुरसं दाउं पाराविओ भयवं ॥  
 सामी पवन्न-मोणो बहु-विह-देसेसु दंसणेणावि ।  
 संजणइ भद्दगत्तं अणारियाणं पि विहरंतो ॥  
 सो वरिस-सहस्संते वड-विडवि-तलंमि पुरिमताल-पुरे ।  
 खविय-घणवाइ-कम्मो उप्पाडइ केवलं नाणं ॥  
 अह आसण-कंपाओ मुणिऊण जिणिंद-केवलुप्पत्तिं ।  
 निय-निय-परिवार-जुया सुरेसरा आगया सव्वे ॥  
 चहु-विह-देवेहिं कयं साल-त्तय-सुंदरं समोसरणं ।  
 भावारिवार-विहुरिय-जगत्तय-त्ताण-दुग्गं व ॥  
 तत्थ निसन्नो सामी उदय-गिरिंदे रवि च्च पुव्व-जुहो ।  
 पडिविंवाइं सुरेहिं कयाइं सेसासु तिसु दिसिसु ॥  
 महि-निहिय-निडाल-यला नमिऊण जिणं पराइ भत्तीए ।  
 सव्वे सुर-नर-निवहा निय-निय-ट्टाणेसु उवविट्ठा ॥  
 एत्थंतरंमि पत्ता पडिहार-निवेइया दुवे पुरिसा ।  
 जमग-समगाभिहाणा भरह-नरिंदस्स पासंमि ॥  
 जमगेण जंपियं पुरिमताल-पुर-काणणंमि सगड-मुहे ।  
 लोयालोय-पयासं पहुणो नाणं समुप्पन्नं ॥  
 समगेण पुणो भणियं छक्खंड-मही-पसाहण-सहायं ।  
 संपइ आउह-सालाइ चक्क-रयणं समुप्पन्नं ॥  
 पसरंत-पमोय-भरो भरहो चिंतइ करेमि किं पूयं ।  
 तायस्स साहु-सारस्स चक्क-रयणरस्स वा पढमं ॥  
 अह कुरियं हियए तस्स कत्थ भुवणाभयंकरो ताओ ।

कथं च चक्रं संहार-कारणं पाणि-चक्रस्त ॥  
 धिक्की ! मए अजुत्तं विमरिसियं अहह ! मोह-विषसोऽहं ।  
 जं कप्प-हुम-घत्तूरयाण चित्तेमि तुल्लत्तं ॥  
 एवं फुरिय-विवेगो करिम्मि आरोविऊण मरुदेविं ।  
 चलिओ चउरंग-बलोह-रुद्ध-विस्संभरो भरहो ॥  
 अह भरहो मरुदेविं जंपइ दट्ठुं समोसरण-रिद्धिं ।  
 अम्मो ! तए खयंतीइ जंपियं मह पुरो एवं ॥  
 मह पुत्तो रज्ज-सुहं तणं व मुत्तुं अकिंचणो जाओ ।  
 सीउण्ह-वाय-तण्हा-छुहा-हओ भमइ एगागी ॥  
 बुत्ता मए पुण तुमं मणं पि मा अंव ! खेयमुव्वहसु ।  
 अन्नस्स तारिसी नहि सुयस्स ते जारिसी रिद्धी ॥  
 आसी न पच्चओ ते मह वयणे अंव ! एत्तियं कालं ।  
 संपइ पेच्छ सुरेहिं विहियं पट्ठणो समोसरणं ॥  
 पट्ठ-वंदणागयाणं सुव्वइ तियसाण जयजयारावो ।  
 पेच्छ सुरा पट्ठ-पुरओ धुणंति नचंति गायंति ॥  
 जा देवीए जाया नीली नयणेसु सामि-सोएण ।  
 सा भरह-वयण-सवणे आणंद-जलेण अवणीया ॥  
 ता पेच्छइ मरुदेवी सुयस्स तित्थयर-रिद्धिसुद्धामं ।  
 तहंसण-हरिस-वसेण झत्ति सा तम्मया जाया ॥  
 तत्तो अउव्व-करण-कमेण सा खवग-सेणिमाख्खा ।  
 कम्माइं अट्ठ जुगवं निट्ठविउं केवलं लहइ ॥  
 सा करि-खंध-गय चिय सिद्धा अंतगड-केवली जाया ।  
 तदेहमधिऊणं खित्तं तियसेहिं खीरोए ॥  
 हरिस-विसाएहिं जुओ अंभच्छायायवेहिं सरओ व्व ।  
 भरहो विसुक्क-पत्थिव-चिंधो पविसइ समोसरणे ॥  
 चउ-विह-सुर-परियरियं ति-पयाहिण-पुव्वयं जिणं नमिउं ।  
 निय-ठाणंमि निविट्ठो भरहो पट्ठ-देसणं सुणइ ॥  
 दुलहनिणं मणुयत्तं विवाग-दुक्खावहं विसय-सुक्खं ।  
 जीयं चलं च मुणिउं मुणि-धम्मं कुणह मुक्ख-कए ॥  
 तं सोउं पडिबज्जंति संजमं उस्सभसेण-पमुहाणं ।

पुत्ताणं पंचसयाहं सत्त नत्तुय-सयाहं च ॥  
 वंभी-पमुहाओ साहुणीओ तह सावया भरह-पमुहा ।  
 सुंदरि-पमुहाओ सावियाओ विहिया जिणिदेण ॥  
 तो चउरासीईए साहूणं उस्सभसेण-पमुहाणं ।  
 कहइ पहू उप्पाओ वओ धुवत्तं च तत्तं ति ॥  
 तिन्नि-पयाहं लहिऊण ते वि विरयंति वारसंगाहं ।  
 ते चुन्न-खेव-पुव्वं भयवं गणहर-पए ठवइ ॥  
 पुण वि पहू सिंहासणमारुहिउं ताण देइ अणुसट्ठि ।  
 पहु-देसणाइ अवही पडिपुत्ता पोरिसी ताव ॥  
 तो आढय-प्पमाणो अखंड-कलम-कण-निम्मिओ विमलो ।  
 सुर-खित्त-सुरहि-वासो निवेसिओ मणिमए थाले ॥  
 घण-तूर-रवाऊरिय-दियंतरो तरुण-पुरिस-उक्खित्तो ।  
 पविसेइ बली भरहेण कारिओ पुव्व-दारेण ॥  
 दाउं पयाहिणं सो खित्तो पुरओ पहुस्स तिकखुत्तो ।  
 तस्सद्धं संगहियं तियसेहिं नहंगणे चेव ॥  
 अद्धद्धं धरणि-गयं भरहो गिण्हेइ सेसमियर-जणो ।  
 लोयस्स सव्व-रोगा पसमंति वलि-प्पभावेण ॥  
 अह उट्ठिऊण भयवं उत्तर-दारेण निग्गओ तत्तो ।  
 वीसमइ देवउंदे सुवन्न-पायार-मज्झ-गए ॥  
 तो कहइ उस्सभसेणो धम्मं पहु-पायवीढ-विणिविट्ठो ।  
 तम्मि कहणाउ विरए निय-निय-ठाणे जणा जंति ॥  
 अह भविय-वग्ग-पडिवोहणत्थमन्नत्थ विहरिओ भयवं ।  
 मोह-तमोह-निरोहं सहस्सरस्सि व्व कुणमाणो ॥  
 भरहो गंतूण गिहं चक्कं पूएइ तं पि निक्खमइ ।  
 पुव्वाभिमुहं चिट्ठइ दिणे दिणे जोयणं गंतुं ॥  
 चक्काणुमग्ग-लग्गो चउरंग-वलेण वच्चए चक्की ।  
 साहइ सयलं भरहं वास-सहस्सेहिं सट्ठीए ॥  
 पत्तो स-गिहं भरहो तणुयंणिं गिंभ-काल-सरियं व ।  
 दट्ठूण सुंदरिं रोस-परवसो पुच्छए पुरिसे ॥  
 किं मज्झ नत्थि अज्जवि जं एसा दुव्वला मिलाण-मुही ।



पुरिसा भणंति—देवस्स अत्थि सक्कस्स व समग्गं ॥  
 नवरं विसय-विरत्ता पहु-पासे आइमे समोसरणे ।  
 पव्वज्जं गिण्हंती देवेण निवारिया एसा ॥  
 तप्पभिह कुणह आयंविलाहं भरहेण पुच्छिया तत्तो ।  
 दिक्खं घेतुं वंछसि तुमं ति ?, एवं ति सा भणह ॥  
 भरहेण अणुत्ताया सा दिक्खं गिण्हए पहु-समीवे ।  
 तत्तो सहोयराणं दूया भरहेण पट्टविया ॥  
 जह रज्जं काउमणा तुम्मे ता कुणह भरह-पय-सेवं ।  
 एवं भणिया दूएहिं ते वि मिलिऊण मंतंति ॥  
 अम्हाणं भरहस्स य रज्जं ताएण विभइउं दिन्नं ।  
 भरहो पुण दप्प-वसा अम्हे कारवह निय-सेवं ॥  
 ता किं तं सेवानो किं वा जुझेण तं निराकरिमो ।  
 ह्य पुच्छिऊण सामिं जं जुत्तं तं करीहामो ॥  
 इत्थंतरंमि सामी अट्ठावय-पव्वए समोसरिओ ।  
 गंतूण इमे तं पणमिऊण पुच्छंति पुव्वुत्तं ॥  
 भयवं जंपह सेवह एकं सिव-सुक्ख-साहगं धम्मं ।  
 हंदिय-सुहडे तहलुक्क-दुज्जए जिणह जुज्जेण ॥  
 किं च पुरा न नियत्ता जा तण्हा तुम्ह तियस-सुक्खेहिं ।  
 अंगार-कारगस्स व नियत्तिही नर-सुहेहिं न सा ॥  
 अंगार-कएऽरत्ते कोवि गओ सलिल-दिह-पुडं घेतुं ।  
 अंगारानल-त्तवणायवेहिं से वड्डिया तण्हा ॥  
 सो पियह दिह-पुड-जलं सव्वं तेण वि अतुट्ठ-तण्हो सो ।  
 सुत्तो सुविणे निह-गय-गग्गारि-नंदा-जलं पियह ॥  
 तो वावी-कूव-तडाग-सरि-समुद्धान पाणियं पाउं ।  
 निट्ठवह सो समग्गं तह वि न से तुट्ठए तण्हा ॥  
 तो मरु-कूवे पत्तो तण-पूलं रत्तुवद्धमंबु-कए ।  
 सो खिवह कट्ठिउं तं निच्चोयह दूर-गलिय-जलं ॥  
 सरि-सायर-पसुहाणं धिडलेहिं जलेहिं जा न हु नियत्ता ।  
 सा किं पूल-जलेणं तुच्छेण नियत्तए तण्हा ॥



तह तुम्ह सुर-सुहेहिं अच्छिन्ना छिज्जिही न रज्जेण ।  
 अक्खय-सुक्ख-निमित्तं ता जुज्झइ संजमो काउं ॥  
 इय धम्म-देसनं ते सुणिऊण समुल्लसंत-संवेगा ।  
 गिण्हंति पहु-समीवे अट्टाणवई वि पव्वज्जं ॥  
 तं दट्ठूण चमक्खिय-मणेहिं दूएहिं कहिय-बुत्तंतो ।  
 भरहो तेसिं पुत्ते निवेसए तेसु रज्जेसु ॥  
 भरहो सहा-निसन्नो सुसेण-सेणाहिवेण विन्नत्तो ।  
 जिणिउं पि दिसा-चक्कं चक्कं पविसइ न देव ! पुरिं ॥  
 भरहो जंपइ अज्ज वि अणिज्जिओ अत्थि को वि किं वीरो ।  
 भणइ अमच्चो तुमए न को वि अजिओ जए अत्थि ॥  
 किं तु कणिट्ठो भाया तुज्झ सुणंदाइ नंदणो अत्थि ।  
 बाहुवलि त्ति पसिद्धो विवक्ख-वल-दलण-बाहु-बलो ॥  
 तुमए अणिज्जिओ सो तेण न पविसइ पुरीइ चक्कमिणं ।  
 ता हक्कारण-हेउं पेसिज्जउ झत्ति से दूओ ॥  
 भत्तो व अभत्तो वा सो तुम्हं देव ! नज्जए जेण ।  
 तत्तो सुवेग-नामा दूओ भरहेण पट्टविओ ॥  
 गंतूण तेण वयणेहिं कोमलेहिं च निट्ठुरेहिं च ।  
 चिर-दंसणूसुय-मणं पेच्छसु भरहं ति संलत्तो ॥  
 दूय-वयणं न मन्नइ बाहुवली पवल-बाहु-वल-दप्पो ।  
 तं विग्गहिउं भरहो चलिओ चउरंग-वल-कलिओ ॥  
 तं सोउं बाहुवली वि पत्थिओ पत्थिवोह-परियरिओ ।  
 मिलिया विमुक्क-मेरा ते पुच्चावर-समुद्व व्य ॥  
 सुर-सिद्ध-जक्ख-विज्जाहरेहिं रुद्धं नहंगणं सयलं ।  
 जायं जयं स-कंपं अकाल-कप्पंत-संकाए ॥  
 तं असमंजसमालोइऊण तियसेहिं दो वि संलत्ता ।  
 तिहुयण-पहुणो रिसहस्स नंदणा उत्तमा तुम्हे ॥  
 ता उत्तमेण जुज्झइ जुद्धेण जण-खयं कुणह किमिमं ।  
 पर-उवयार-परो च्चिय जम्हा गरुयाण आरंभो ॥  
 तत्तो सुर-वयणाओ उत्तम-जुद्धेण दोवि जुज्झंति ।  
 तियसा तह रायाणो ताण ठिया सन्नित्थणो सव्वे ॥

तेसिं जुज्झंताणं दिट्ठि-गिरा-बाहु-मुट्ठी-लट्ठीहिं ।  
 पवलेण बाहुवलिणा सच्चत्थं वि जिप्पए भरहो ॥  
 भरहो विसस-चित्तो किमहं चक्की नव त्ति चित्तेह ।  
 तो फुरिय-किरण-चक्कं भरहस्स करे चडइ चक्कं ॥  
 बाहुवलिस्स वहत्थं तं सो मिल्हइ पयाहिणं दाउं ।  
 चडइ पुण भरह-हत्थे चक्कं पहवइ न हि सगोत्ते ॥  
 अह बाहुवली बुल्लइ अणेण चक्केण तुज्झ को दप्पो ।  
 सबलं सच्चक्केको अहं तुमं चूरिउं सक्को ॥  
 किं तु विसएहिं कज्जं न मज्झ जेसिं कए मम पइत्तं ।  
 लुंपसि तुमं विसूढो तेण उ मह बंधवा धन्ना ॥  
 जे वज्जिऊण रज्जं पडिवन्ना ताय-मग्गमिय भणिउं ।  
 उक्खणइ केस-पासं तणं व अह चित्तए एवं ॥  
 किं जामि सामि-पासं अहवा पुच्चं पवन्न-दिक्खाण ।  
 लहु-बंधवाण मज्झे मज्झ लहुत्तं धुवं होही ॥  
 तत्तो लहिऊण इहेव केवलं पायमुक्खणिस्सामि ।  
 इय चित्तिय पडिवन्नो पडिमं तत्थेव बाहुवली ॥  
 अजिओ तुमं अहं पुण जिओ न एक्केण केवलं तुमए ।  
 किं तु कसाएहि वि जो करेमि जुद्धं विसय-गिद्धो ॥  
 इय जंपंतो तं पणमिऊण भरहो निवेसए रज्जे ।  
 तस्स सुयं सोमपहं पच्छा गच्छइ निय-पुरीए ॥  
 सीउण्ह-बुट्ठि-पवण-प्पमुहं दुसहं दुहं वि सहमाणो ।  
 तत्थेव निराहारो बाहुवली वच्छरं गमइ ॥  
 अह बंधी-सुंदरि-साहुणीओ पहु-पेलियाओ बाहुवलिं ।  
 करि-खंधारूढाणं न होइ नाणं ति जंपंति ॥  
 तं सोउं सो चित्तइ माणो हत्थी अहं तमारूढो ।  
 तं मुत्तुं पहु-पासे जामि त्ति तओ चलइ जाव ॥  
 ता तुट्ठ-घाइ-कम्मस्स जायए तस्स केवलं नाणं ।  
 गंतुं सो पहु-पासे केवलि-परिसाइ विणिविट्ठो ॥  
 अह अन्न-दिणे भयवं अट्ठावय-पव्वए समोसरिओ ।  
 भरहो गुरु-रिद्धीए पहु-नमणत्थं गओ तत्थ ॥

सो पणमिज्जण सामिं कयंजली धम्म-देसणं सुणइ ।  
 धम्म-कहा-पज्जंते गहिय-वए वंधवे दहुं ॥  
 स-विसाय-मणो चितइ घेत्तूण मए इमाण रज्जाइं ।  
 किं साहियं हहा ! मे विसयामिस-लालसा-बुद्धी ॥  
 बंधूहिं विणा भोए भुंजंतोहं धुवं गरहणिज्जो ।  
 हकारिज्जण काए काओ वि हु भक्खए भक्खं ॥  
 जइ पुण मह पुत्तेहिं एए भोए पुणो वि गिण्हंति ।  
 तो भरहो पहु-पासे भोगेहिं निमंतए वंधू ॥  
 भणइ पहु पुहवीसर ! सरलोसि सहोयरा इमे तुज्झ ।  
 सुत्तूण सयं भोए पुण वि किमिच्छंति वंतं व ॥  
 पंचहिं सगड-सएहिं भरहो आणाविज्जण आहारं ।  
 पुण वि निमंतइ सव्वे वि साहुणो, तो भणइ भयवं ॥  
 आंहाकम्मियमिणमाहडं च कप्पइ नरिंद ! न सुणीणं ।  
 पुणरवि अकय-अकारिय-असणेण निमंतए भरहो ॥  
 भणइ भयवं न कप्पइ हमं पि साहुण राय-पिंडो त्ति ।  
 इय पहुणा पडिसिद्धो भरहो जाओ विलक्ख-मणो ॥  
 उवलक्खिउं विलक्खं भरहं पुच्छइ सुरेसरो सामि ।  
 पसिज्जण कहसु भयवं ! अवग्गहो कइविहो होइ ॥  
 तो कहइ तित्थ-नाहो अवग्गहो पंचहा हवइ सक ! ।  
 सुरवइ-चक्कि-निवा-गारि-साहु-संवंधि-भेएहिं ॥  
 हरिणा वुत्तं मुणिणो विहरंति अवग्गहंमि जे मज्झ ।  
 जिणनाह ! अणुत्ताओ मए नियावग्गहो तेसिं ॥  
 चितेइ चक्कवट्ठी जइ वि न गहियं सुणीहिं मह किं पि ।  
 तह वि हु होमि कयत्थो निययमवग्गहमणुत्तविउं ॥  
 तो पहु-पुरओ सक्को व्व कुणइ चक्की अवग्गहाणुत्तं ।  
 पुच्छइ हरिं किमिणिणा कायव्वं भोयणेण मए ? ॥  
 अह वागरियं हरिणा गुणुत्तराणं तुमं इमं देहि ।  
 चितइ चक्की गिहिणो गुणुत्तरा सावया मज्झ ॥  
 दायव्वमिणं तेसिं ति निच्छिउं सावगे भणइ चक्की ।  
 मह मंदिरंमि तुम्मे निरंतरं भोयणं कुणह ॥

करिसण-वणिज-पमुहं मुंचह निचं करेह सज्जायं ।  
 पढह अउव्वं नाणं चिट्ठह धम्मके-कय-चित्ता ॥  
 वज्जरह मज्झ पुरओ जिओ तुमं वट्टए भयं जम्हा ।  
 तम्हा माहण माहण तह चेव कुणंति ते सव्वं ॥  
 तव्वयणं सुणिउं सो चित्तेइ जिओ अहं कसाएहिं ।  
 तेहिं तो मज्झ भयं माहणिहं पाणिणो तत्तो ॥  
 हा ! पावोहं विसएहिं मोहिओ इय खणं सुहं ज्ञाणं ।  
 होइ भरहस्स पच्छा पुणो वि सो सज्जए रज्जे ॥  
 अह विज्जवंति भरहं सुआरा नज्जए नहि विसेसो ।  
 सावग-असावगाणं कुणइ परिकखं भणइ भरहो ॥  
 ते वि हु विहिय-परिकखे चक्कहरो कागिणीए लच्छेइ ।  
 एए रयण-त्तय-भूसिय त्ति रेहातिगं काउं ॥  
 छेहे छेहे मासे परिकिखया कागिणीइ कय-चिंघा ।  
 भुंजंति, तथा माहण-भणणाओ माहणा जाया ॥  
 इय गुरु-वागरियं भरह-वरियमायन्निउं कुणइ राया ।  
 जइ मह भिक्खा न मुणीण कप्पए राय-पिंडो त्ति ॥  
 तत्तो भरहो च्व अहं पि भोयणं सावगाण वियरेमि ।  
 गुरुणा वुत्तं जुत्तं अणुसरिउं उत्तम-चरित्तं ॥  
 अह कारावइ राया कण-कोट्टागार-घय-घरोवेयं ।  
 सत्तागारं गरुयाइ भूसियं भोयण-सहाए ॥  
 तत्सासन्ने रत्ता कारविया वियड-तुंग-वरसाला ।  
 जिण-धम्म-हत्थि-साला पोसह-साला अइविसाला ॥  
 तत्थ सिरिमाल-कुल-नह-निसि-नाहो नेमिणाग-अंगरुहो ।  
 अभयकुमारो सेट्ठी कओ अहिट्ठायगो रत्ता ॥  
 इत्थंतरंमि कवि-चक्कवट्ठि-सिरिवाल-रोहण-भवेण ।  
 बुहयण-चूडामणिणा पयंपियं सिद्धवालेण ॥  
 देव-गुरु-पूयण-परो परोवयारुज्जओ दया-पवरो ।  
 दक्खो दक्खिन्न-निही सचो सरलासओ एसो ॥

किञ्च—

क्षिप्त्वा तोयनिधिस्तले मणिगणं रत्नोत्करं रोहणो

रेण्वावृत्त्य सुवर्णमात्मनि दृढं बद्धा सुवर्णाचलः ।  
 क्षमामध्ये च धनं निधाय धनदो विभ्यत्परेभ्यः स्थितः  
 किं स्यात्तैः कृपणैः समोऽयमखिलार्थिभ्यः स्वमर्थं ददत् ॥  
 ता जुत्तं देव ! कथं तुमए जं इत्थ धम्म-ठाणंमि ।  
 अभयकुमारो सेट्ठी एसो सन्नेसरो विहिओ ॥  
 धय-कूर-सुग्ग-मंडग-वंजण-वडयाइ-कय-चमक्कारं ।  
 सक्कार-पुव्वगं सावयाण सो भोयणं देइ ॥  
 वत्थाइं पसत्थाइं कुटुंब-नित्थारणत्थमतथं च ।  
 एवं सत्तागारं कथं नरिंदेण जिण-धम्मे ॥  
 इति सत्तागारवक्तव्यतायां भरत-कथा ।

इय जीव-दया-हेउं संसार-समुद-संतरण-सेउं ।  
 दाणं मोक्ख-निदाणं कहिऊग गुरु भणइ एवं ॥  
 जीव-दयं काउमणो मणुओ सीलं नरिंद ! पालिज्ज ।  
 जम्हा जिणेहिं भणिओ मेहुण-सत्ताइ जीव-वहो ॥  
 रमणीण संगमे होइ मेहुणं तं धणं पिणा न हवे ।  
 होइ धणं आरंभाओ तत्थ पुण नत्थि जीव-दया ॥  
 अगणिय-कज्जाकज्जा निरग्गला गलिय-उभय-लोय-भया ।  
 मेहुण-पसत्त-चित्ता किं पावं जं न कुव्वं ति ॥  
 जलणो वि जलं जलही वि गोपयं पव्वओ वि सम-भूमी ।  
 भुयणो वि होइ माला विसं पि अमयं सुसीलाण ॥  
 आणं ताण कुणंति जोडिय-करा दास व्व सव्वे सुरा  
 मायंगाहि-जलग्गि-सीह-पसुहा वट्ठंति ताणं वसे ।  
 हुज्जा ताण कुओ वि नो परिभवो सग्गापवग्ग-सिरी  
 ताणं पाणि-तलं उवेइ विमलं सीलं न लुपंति जे ॥  
 विप्फुरइ ताण कित्ती लहंति ते सग्ग-मोक्ख-सुक्खाइं ।  
 सीलं ससंक-विमलं जे सीलवइ व्व पालंति ॥  
 तं जहा—

इत्थेव जंबुदीवे भारह-वासंमि वासवपुरं व ।  
 कय-विबुह-जणाणंदं नंदणपुरमत्थि वर-नयरं ॥



पडिहय-पडिक्ख-वलो हरि व्व अरि-मदणो तहिं राया ।  
 गुण-रयण-निही रयणायरु त्ति सिट्ठी तहिं अत्थि ॥  
 तस्स सिरीनाम-पिया रूव-गुणेणं सिरि व्व पक्कखा ।  
 तीए न अत्थि पुत्तो तेण दढं तम्मए सेट्ठी ॥

अन्नया भणिओ भज्जाए—अज्जउत्त ! अत्थि इत्येव नयख्जाणे अजिय-  
 जिणिंद-मंदिर-डुवार-देसे अजिय-ब्रला देवया अपुत्ताण पुत्तं, अविज्जाण वित्तं,  
 अरज्जाण रज्जं, अविज्जाण विज्जं, असुक्खाण सुक्खं, अवक्खूण चक्खुं, सरो-  
 याण रोय-क्खयं देह एसा । कयं सेट्ठिणा तीए ओवाइयं । कमेण जाओ पुत्तो ।  
 तस्स कयं 'अजियसेणो' त्ति नामं । जाओ जिणधम्मज्जुओ सिट्ठी । जणय-  
 मणोरहेहिं सह वड्ढिओ अजियसेणो । सिक्खि-कला-कलावो लावत्त-  
 लच्छि-पुत्तं पवत्तो तारुत्तं । तस्स य सयल-जणव्वभहिंए रूवाइ-गुणे पिच्छिऊण  
 चित्तिं सेट्ठिणा—जइ एस मह नंदणो निय-गुणाणुरूवं कलत्तं न लहइ ता  
 इमस्स अकयत्था गुणा ।

जओ—

सामी अविसेसन्नू अविणीओ परियणो पर-वसत्तं ।

भज्जा य अणणुरूवा चत्तारि मणस्स सल्लाइं ॥

इत्थंतरे आगओ एगो वाणिउत्तो । पणमिऊण सिट्ठिं निविट्ठो समीवे ।  
 पुट्ठो य सेट्ठिणा ववहार-सक्खं । कहियं तेण सव्वं । अन्नं च, तुहाएसेण गओहं  
 कयंगलाए नयरीए । जाओ मे जिणदत्त-सिट्ठिणा समं ववहारो । निमंतिओ  
 ऽहं तेण भोयणत्थं । दिट्ठा मए तग्गिहे चंदकंतेणं वयणेणं पओमराएहिं हत्थ-  
 पाएहिं पवालेणं अहरेणं दिप्पमाणेहिं रयणेहिं रयणं नियंवेणं सुवत्तेणं अंगेणं  
 मयण-महाराय-भंडार-मंजूस व्व संचारिणी एगा कन्नगा । पुट्ठो मए सिट्ठी का  
 एस त्ति । सिट्ठिणा वुत्तं भद ! मह धूया-मिसेण मुत्तिमई एसा चिंता ।

जओ—

किं लट्ठं लहिही वरं पिद्यमं किं तस्स संपज्जिही

किं लोयं ससुराइयं निय-गुण-ग्गामेण रंजिस्सए ।

किं सीलं परिपालिही पसविही किं पुत्तमेवं धुवं

चिंता मुत्तिमई पिऊण भवणे संवट्टए कन्नगा ॥

एसा य सरीर-सुंदरिम-दलिय-देव-रमणी-मडप्पा अणप्प-गुण-सोहिया  
 हियाहिय-वियार-कुसला सलाहणिज्ज-सीला सीलमइ त्ति गुण-निप्पन्न नामा



बालत्तणओ वि पुव्व-कय-सुकय-वसेण सउण-रुय-पज्जंताहिं कलाहिं सहीहिं  
 व पडिबन्ना । इमीए अणुख्वं वरं अलहंतस्स मे अचंतं चिंता । अओ मए एसा  
 वि चिंतं त्ति वुत्ता । मए भणियं सिट्ठि ! मा संतप्प, अत्थि नंदणपुरे रयणायर-  
 सिट्ठिणो विसिद्ध-ख्वाइ-गुणो, पुत्तो अजियसेणो सो तुह धूआए अणुख्वो वरो  
 त्ति । जिणदत्तेण वुत्तं भइ ! तुमए मे महंत-चिंता-समुद्-मग्गस्स पवर-वरो-  
 वएस-वोहित्थेण नित्थारो कओ त्ति भणिऊण तेण अजियसेणात्त सीलमइं  
 दाउं पेसिओ जिणसेहरो निय-पुत्तो मए समं । सो इहागओ चिट्ठइ । ता जहा  
 जुत्तमाइसउ सिट्ठी । जुत्तं कयं तुमए त्ति भणिऊण हक्काराविओ जिणसेहरो  
 सिट्ठिणा । सगोरवं दिन्ना तेण अजियसेणस्स सीलमई । अजियसेणेणाधि तेणेव  
 सह गंतूण कयंगलाए परिणीया सीलमई । वित्तूण तं आगओ स-नयरं अजि-  
 यसेणो । भुंजए भोए । अन्नया मज्झ-रत्ते घडं वित्तूण गिहाओ निग्गया  
 सीलमई । कित्थिय-वेलाए आगया दिट्ठा ससुरेण । चित्थियं नूणं एसा कुसील  
 त्ति गोसे गहिणी-समक्खं वुत्तो पुत्तो वत्थ ! तुहेसा घरिणी कुसीला, जओ  
 अज्ज मज्झ-रत्ते निग्गंतूण कत्थवि गया आसि, ता एसा न जुज्जइ  
 गिहे घरिउं ।

जओ—

घण-रसं-वसओ उम्मग्ग-गामिणी भग्ग-गुण-दुमा कलुसा ।

महिला दो वि कुलाइं कूलाइं नइ व्व पाडेइ ॥

ता पराणेमि एयं पिइ-हरं । पुत्तेण वुत्तं—ताय ! जं जुत्तं तं करेसु ।  
 भणिया बहुया—भइ ! आगओ 'सीलमइं सीग्घं पेसिज्जसु' त्ति तुह जणय-  
 संदेसओ । ता चलसु जेण तुमं सयं पराणेमि । सा वि 'रयणि-निग्गमणेण  
 ममं कुसीलं संकमाणो एवमाइसइ ससुरो, पिच्छामि ताव एयं पिग्गि चित्ति-  
 ऊण चलिया रहारुद्धेण सिट्ठिणा समं । वचंतो सेट्ठी पत्तो नइं । सेट्ठिणा  
 वुत्ता वड्ड—पाणहाओ मुत्तूण नइं ओयरसु । तीए न मुक्काओ ताओ । सेट्ठिणा  
 चित्थियं अधिणीय त्ति । अग्गओ दिट्ठं पढम-वत्ता-पइन्नं अचंत-फलियं मुग्ग-  
 खेत्तं । सेट्ठिणा भणियं—अहो ! सुफलियं मुग्ग-खेत्तं । सव्व-संपया खेत्त-  
 सामिणो । तीए भणियं एवमेयं, जइ न खडं त्ति । सेट्ठिणा चित्थियं अक्खयं  
 पेक्खंती वि खडं त्ति अक्खइ । अओ असंवद्ध-प्पलाविणी एसा । गओ एगं  
 समिद्ध-पमुइय-जण-संकुलं नगरं । सेट्ठिणा भणियं अहो ! रम्मत्तणं इमस्स ।  
 तीए भणियं जइ न उव्वसं त्ति । सेट्ठिणा चित्थियं उल्लंठ-भासिणी इमा ।

अगगओ गच्छंतेण सेट्ठिणा दिट्ठो पख्खाणेग-प्पहारो पहरण-करो कुल-पुत्तओ ।  
 सेट्ठिणा वुत्तं—अहो ! सूरु एस पुरिसो । बहूए वुत्तं अत्थि ताव कुट्ठिओ ।  
 सेट्ठिणा चिंतियं किं न सूरु जो सत्थेहिं कुट्ठिअह, परं अजुत्त-जंपिरी इमा ।  
 गओ अगगओ नग्गोह-तले वीसंतो सेट्ठी । बहू उण नग्गोह-च्छायं छड्डिऊण  
 ठिया दूरे । सेट्ठिणा भणियं अच्छसु छायाए, न तत्थ ठिया । सेट्ठिणा  
 चिंतियं सव्वहा विवरीय त्ति । पत्तो गाममेक्कं । बहूए वुत्तो सेट्ठी, एत्थ अत्थि  
 मे माउलगो तं जाव पेच्छामि ताव तुम्हे पडिवालेह त्ति गया सा मज्झे ।  
 दिट्ठा माउलगेण ससंभमं भणिया वच्छे ! कत्थ पत्थियासि ? । तीए भणियं—  
 ससुरेण सह पिइहरं पत्थियम्मि । तेण भणियं कत्थ ते ससुरो ? । तीए वुत्तं  
 वाहिं चिट्ठइ । गंतूण माउलेण हक्कारिओ सायरं सेट्ठी । सकसाउ त्ति अणि-  
 च्छंतो वि नीओ निव्वंधेण गेहं । भोयणं काऊण आगओ वाहिं । मज्झप्पह-  
 सन्नओ त्ति वीसमिओ रहव्वभंतरे । सीलमई वि निसज्जा रह-च्छायाए । एत्थं-  
 तरे करीर-त्थंवावलंवी पुणो पुणो वासए वायसो । भणियं अणाए—अरे !  
 काय ! किं न थक्कसि करयरंतो ।

एक्के दुन्नय जे कया तेहिं नीहरिय घरस्स ।

वीजा दुन्नय जइ करउं तो न मिलउं पियरस्स ॥

सुयमिणं सेट्ठिणा भणिया सा—वच्छे ! किमेवं जंपसि ? बहूए भणियं  
 न किंचि । सेट्ठिणा भणियं—कहं न किंचि । वायससुद्धिसिऊण ‘एक्के दुन्नय’  
 त्ति जं पडियं तं साहिप्पायं । बहूए वुत्तं—जइ एवं ता सुणेउ ताओ ।

सोरब्भ-गुणेणं छेय-वरिसणार्हणि चंदणं लहइ ।

राग-गुणेणं पावइ खंडण-कट्ठणाइं मंजिटा ॥

एवं ममावि गुणो सत्तू संजाओ । जओ—सयल-कला-सिरोमणि-भूयं  
 सउण-रूयं अहं सुणेमि । तओ अहंकंत-दिण-रयणीए सिवाए वासंतीए  
 साहियं, जहा—नईए पूरेण वुब्भमोणं मडयं कड्डिऊण सयं आहरणाणि  
 गिणहसु । मम भक्खं तं खिवसु । इमं सोऊण गयाहं वेत्तूण घडगं । तं हियए  
 दाऊण पविट्ठा नहं । कड्डियं मडयं । गहियाणि आभरणाणि । खित्तं सिवं  
 सिवाए । आगया अहं गिहं । आभरणाणि घडए खिविऊण निखियाणि खोणीए  
 एवं एक्क-दुन्नयस्स पभावेण पत्ता एत्तियं भूमिं । संपयं तु वासंतो वायसो  
 कहइ, जहा—एयस्स करीर-त्थंवस्स हेट्ठा दस-सुवण्ण-लक्ख-प्पमाणं निहाण-  
 नत्थि तं वेत्तूण मम करंवरं देसु त्ति । इमं सोऊण सहसा उट्ठिओ सेट्ठी

भणइ—वच्छे ! संचमेयं ? बहूए जंपियं—किं अलियं जंपिज्जए ताय-पायाणं पुरओ । अहवा हत्थत्थे कंकणे किं दप्पणेणं ति निहालेउ ताओ । तओ तत्थेव ठिओ सेट्ठी गहियं निहाणं रयणीए । अहो ! मुत्तिमंती इमा लच्छि त्ति जाय बहु-माणो बहुं रहे आरोविज्जण नियत्तो सेट्ठी । पत्तो नग्गोहं । पुच्छए बहुं—किं न तुमं इमस्स छायाए ठिया ? बहूए अक्खियं—ख्व ख-मूले अहि-दंसाइ-भयं, चिरासणे चोराइ-भयं, हेट्ठओ काग-वगाइ-विट्ठा-पडण-भयं, दूर-ट्टियाणं तु न सब्वमेयं । पुणो पुट्ठं सेट्ठिणा सूरमुद्दिस्स—अत्थि ताव कुट्ठिओ त्ति तए जंपियस्स को परमत्थो ? तीए वुत्तं—नहि कुट्ठिओ त्ति सूर्रो, किंतु पढमं जो न पहरइ । नगरं दट्ठण सेट्ठिणा वुत्तं—कहमेयमुव्वसं ? तीए वुत्तं—जत्थ नत्थि सयणो सागय-पडिबत्ति-कारओ तं कहं वसिमं । खेत्तं दट्ठण सेट्ठिणा पुट्ठं—कहमेयं खद्धं ति ? तीए वुत्तं—ववहरगाओ दव्वं बुट्ठीए कहिऊण खेत्त-सामिणा खद्धं ति खद्धं । नइं दट्ठण भणियं सेट्ठिणा—किं तए नईए पाणहाओ न मुक्काओ ? तीए जंपियं—जल-मज्झे कीड-कंदगाइ न दीसइ त्ति । पत्तो गिहं सेट्ठी । दंसियाइ तीए महि-निहित्ताहरणाइं । तुट्ठेण सेट्ठिणा भज्जाए सुयस्स सब्वं कहिऊण क्या सा धर-सामिणी ।

अह जीवियस्स तरलत्तणेण पंचत्तमुव्वगओ सेट्ठी ।

निहणं गया सहयरी सिरी वि छाय व्व तच्चिरहे ॥

अजियसेणो वि जिण-धम्म-परो कालं वोलेइ । अन्नया अरिमइण-नरिंदो एगूण-पंच-सयाणं मंतीणं पहाणं मंतिं मग्गेमाणो नायरए पत्तेयं पुच्छइ—भो ! भो ! जो मं पाएण पहाणइ तस्स किं कीरइ ? ते वि अविज्जाय-परमत्था जंपंति—देव ! किमन्नं सारीरो निग्गहो कीरइ । पुच्छिओ अजियसेणो । तेण वुत्तं—परिभायिऊण कहिस्सं । गिहागएण पुच्छिया तस्सुत्तरं सीलवई । तीए चउव्विह-बुद्धि-वुत्ताए जंपियं जहा—तस्स महंतो सक्कारो कीरइ । भत्तुणा भणियं—कहमेयं ? तीए वुत्तं—बल्लहाए विणा नत्थि अन्नस्स रायाणं पाएण पहाणेमि त्ति चित्तिउं पि जोग्गया, किं पुण पहाणिउं । तओ गओ सो राय-सहाए, कहियं पुव्वुत्तं । तुट्ठो राया । कओ अणेण सब्व-मंतीण सिरोमणी सो । अन्नया रत्तो विउत्थिओ सीहरहो पंचंतो राया । तस्सोवरिं चलंत-जय-गल-मय-जलासार-सित्त-महि-यलो तरल-तुरय-खुरुक्खय-खोणि-रेणु-घण-पडल-पूरिय-नहंगणो संचरंत-रह-धवल-धयवडाया-वलाय-पंति-मणोहरो गहि-खज्जिराउज्ज-गज्जि-जज्जरिय-वंभंड-भंडोयरो नव-पाउसु व्व चलिओ राया ।

अजियसेणो वि दिट्ठो सीलमईए चिंताउरो । पुच्छिओ चिंताए कारणं ।  
तेण वुत्तं—गंतव्वं मए रत्ता समं । तुमं वेत्तूण वच्चंतस्स मे गिहं सुत्तं । तहा  
जइ वि तुमं अक्खलिय-सीला तहवि एगागिणीं गिहे सुत्तूण वच्चंतस्स मे न  
मण-निव्वुइ । अओ चिंताउरोमिह । तीए वुत्तं—

जलणो वि होइ सिसिरो रवो वि उग्गमइ पच्छिम-दिस्साए ।

मेरु-सिहरं पि कंपइ उच्छलइ धरणि-वीढं पि ॥

जायइ पवणो वि थिरो मिल्हइ जलही वि नियय-मज्जायं ।

तहवि मह सील-भंगं सक्को वि न संकए काउं ॥

तहवि तुमं मण-निव्वुइ-हेउं गिहसु इमं कुसुम-मालं ।

मह सील-पभावेणं अमिलाण चिय इमा ठाही ॥

जइ पुण मिलाइ तो सील-खंडणं निम्मियं ति जंपंती ।

सा खिबइ निय-करेहिं पइणो कंठे कुसुम-मालं ॥

तो अजियसेण-मंती सीलमइं मंदिंरंमि मुत्तूण ।

निव्वुय-चित्तो चलिओ सह अरिमइण-नरिंदेण ॥

अणवरय-पयाणेहिं तम्मि पएसंमि नरवई पत्तो ।

जत्थ न हवंति कुसुमाइं जाइ-सयवत्तियाईणि ॥

दट्ठूण कुसुम-मालं अमिलाणं अजियसेण-कंठंमि ।

तं भणइ निवो कत्तो तुह अमिलाणा कुसुम-माला ॥

अच्छरियमिणं गरुयं मए गवेसावियाइं सव्वत्थ ।

निय-पुरिसे पट्टविउं तहवि न पत्ताइं कुसुमाइं ॥

जंपइ मंती जइ मह पियाइ पत्थाण-वासरे खित्ता ।

स चिय माला न मिलाइ तीइ सील-प्पभावेण ॥

तं सोउं नरनाहो विम्हिय-हियओ गए अजियसेणे ।

निय-नम्म-मंति-मण्डलमालवइ वियार-सारमिणं ॥

जं अजियसेण-सच्चिवेण जंपियं तं किमित्थ संभवइ ।

कामंकुरेण वुत्तं कत्तो सीलं महिलियाणं ॥

ललियंगएण भणियं सच्चं कामंकुरो भणइ एयं ।

रइ-केलिणा पलित्तं देवस्स किमित्थ संदेहो ॥

भणियमसोणेणं पट्टवेसु मं देव! जेण सीलमइं ।

वियलिय-सीलं काउं देवस्स हरामि संदेहं ॥



तो नरवङ्गणा एसो आहटो अप्पिऊण बहु दव्वं ।  
 पत्तो य नंदणपुरे सीलमईए गिहासत्ते ॥  
 गिहइ गरुयं मेहं कंठ-पघोलंत-पंचसुग्गारो ।  
 किन्नर-गीयाणुगुणं गायइ गीयं गवक्ख-गओ ॥  
 पयडिय-उज्जल-वेसो पलोयए साणुराय-दिट्ठीए ।  
 निच्चं पयासए चाय-भोय-दुलल्लियमप्पाणं ॥  
 एवं बहु-प्पयारे कुणइ वियारे इमो तओ एसा ।  
 चित्तइ नूणं मह सील-खलणमिच्छइ इमो काउं ॥  
 फणि-फण-रयणुक्खणणं व जलण-जालावली-क्खलणं व ।  
 केसरि-केसर-गहणं व दुक्करं तं न सुणइ जडो ॥

पिच्छामि ताव कोउगं ति विचिंतिऊण पयट्ठा तं पलोइउं । असोगो वि  
 सिद्धं मे समीहियं ति मज्जंतो पट्ठेइ दूहं । भणिया तीए सीलमई—भदे ! कुसुमं  
 व थेव-काल-मणहरं जुव्वणं । ता इमं विसय-सेवणेण सहलं काउं जुत्तं । भत्ता  
 य तुह रत्ता समं गओ । एसो य सुहओ तुमं पत्थेइ । तीए चित्तियं सु-हओ  
 त्ति सुहु-हओ वराओ जो एरिसे पावे पयट्ठइ । दूईए भणियं ।

पसयच्छि ! पसीयसु मयण-जलण-जाला-कलाव-संतत्तं ।

निय-अंग-संगमामय-रसेण निव्ववसु मम गत्तं ॥

सीलमईए वुत्तं—जुत्तमिणं, किं तु पर-पुरिस-संगो ।

कुल-महिलाण अजुत्तो दव्व-पसंग व्व साहूणं ॥

नवरं इमो वि कीरइ जइ लब्भइ मग्गियं धणं कहवि ।

उच्चिट्ठं पि हु भत्तं भक्खिज्जइ नेह-लोहेण ॥

तीए वुत्तं—मग्गसि कित्तियमित्तं धणं तुमं भदे ! ।

सीलमई जंपइ अद्ध-लक्खमिहिं समप्पेउ ॥

गहिऊण अद्ध-लक्खं निसाइ पंचम-दिणे सयं एउ ।

जेण अपुव्वं वियरेमि रइ-सुहं तस्स सुहयस्स ॥

तीए य कहियमेयं असोगस्स । तेणावि समप्पियं अद्ध-लक्खं । सीलम-  
 ईए वि गूढ-ओयरए पच्छन्न-पुरिसेहिं खणाविया खड्डा । ठाविया तीए उवरि  
 वर-वरथ-पच्छाइया अजुणिया खट्ठा । पंचम-दिण-रयणीए दाऊण अद्ध-लक्खं  
 आगओ असोगो । निविट्ठो खट्ठाए । धस त्ति निवडिओ खड्डाए । सीलमई  
 वि दयाए तस्स दिणे दिणे दोर-बद्ध-सरावेण भोयणं देइ । पुत्ते य मासे रत्ता



भणिया नम्म-मंतिणे—किं नागओ असोगो ? । तेहिं वुत्तं नयाणीयइ कारणं । रइकेलिणा वुत्तं देह ममाएसं जेणाहं साहेमि सिग्घं चेव चित्ति-यत्थं । रत्ता बहु-दब्बं अप्पिऊण विसज्जिओ सो । आगओ नयरे । सो वि लक्खं दाऊण तहेव निविट्ठो खट्ठाए, पडिओ खट्ठाए । एवं ललियंगय-कामंकुरा वि लक्खं दाऊण पडिया खट्ठाए । असोग-कमेण चेव स-सोगा चिट्ठंति । अरिमइण-नरिंदो वि वसीकाऊण सीहरहं समागओ निय-नयरं । भणिया सीलमई कामंकुराईहिं—

जे अप्पणो परस्स य सत्ति न मुणंति माणवा मूढा ।

वर-सीलवंति ! जं ते लहंति तं लब्धमग्गेहिं ॥

ता दिट्ठं तुह माहप्पं, सिद्धा अग्गे । करेहि पसायं । नीसारेहि एक-वारं नरयाओ व्व विसमाओ इमाओ अगडाओ । तीए वुत्तं—एवं करिस्सं, जह मह वयणं करेह । तेहिं वुत्तं समाइससु जं कायव्वं । तीए वुत्तं—जयाऽहं एवं होउ त्ति भणेमि, तया तुग्गेहिं पि एवं होउ त्ति वत्तव्वं । पडिबन्नमणेहिं । तीए वुत्तो मंती—निमंतेसु रायाणं । तेण तहेव कयं । आगओ राया । कया पडिबत्ती । तीए य पच्छन्नं कया भोयणाइ-सामग्गी । रत्ता चित्तियं—निमं-तिओऽहं ताव न दीसए भोयणोवक्कमो को वि । ता किमेयंति ? । तीए य खट्ठाए काऊण कुसुमाईहिं पूयं, भणियं—भो ! भो ! जक्खा ! रसवई सव्वा वि होउ; तेहिं भणियं 'एवं होउ'त्ति । तओ आगया रसवई । रत्ता कयं भोयणं । तओ पुव्व-पडणी-कयाइं तंवोल-कुल्ल-विलेवण-वत्थाहरणाइं ताइं च चत्तारि लक्खाइं इच्चाइं सव्वं पि होउ त्ति तीए जंपिए खट्ठागएहिं जंपियं 'एवं होउ'त्ति । सव्वं दुक्कं समप्पियं रत्तो । चित्तियं रत्ता—अहो ! अउव्वा सिद्धि जं खट्ठा-समुट्ठिए वयणेणंतरमेव सव्वं संपज्जइ त्ति । विग्घिय-मणेण पुट्ठा सीलमई—भदे ! किमेयमच्छेरयं ? तीए वुत्तं—देव ! मह सिद्धा चिट्ठंति चत्तारि जक्खा ते सव्वं संपाडंति । रत्ता वुत्तं—समप्पेहि मे जक्खे । तीए वुत्तं देव ! गिण्हेसु । तुट्ठो राया गओ नियावासं । तीए वि ते चच्चिया चंदणेण, अच्चिया कुसुमेहिं, चउसु चुल्लगगेसु चत्तारि वि खित्ता, सगडेसु आरोविऊण वज्जंतेहिं तूरेहिं नीया रायभवणं संज्ञाए । पभाए य अज्ज जक्खा भोयणाइं दाहंति त्ति निवारिया रत्ता सूयाराइणो । भोयण-समए य सयं कुसुमाईहिं पूइऊण चुल्लगाइं भणियं 'रसवई होउ' चुल्लग-गएहिं वुत्तं 'एवं होउ' त्ति जाव न किं पि होइ, रत्ता विलक्ख-वयणेण उग्घाडियाइं

बुल्लगाइं । दिट्ठा छुहा-सुसियत्तणेण पणट्ठ-मंस-सोणिया कुडोवलखिज्जमाण-  
अट्ठि-संचया पयड-दीसंत-नसा-जाला निरि-कंदर-सोयरोयरा खान-कवोला  
मिलाण-लोयणा असंसत्त-सीय-वायत्तणेण विच्छाय-काय-च्छविणो विसस-  
चित्ता पयाव-चत्ता चत्तारि जणा । अहो ! न हुंति एए जक्खा, किं तु रक्खस  
त्ति भणंतो भणिओ अणेहिं राया—देव ! न जक्खा, न रक्खसा अम्हे, किंतु  
कामंजुराइणो तुह वयंसय त्ति जंपंता पडिया पाएसु । रत्ता वि सम्मं निखं-  
तेण उवलक्खिज्जण भणिया स-विम्हयं भद्दा ! कहं तुम्हाणमेरिसी अवत्था  
जाया । तेहिं पि कहिओ जहावित्तो वुत्तंतो । हक्कारिज्जण रत्ता—अहो ! ते  
बुद्धि-कोसल्लं, अहो ! ते सील-पालण-पयत्तो, अहो ! ते उभय-लोय-भयालो-  
यण-प्पहाणय त्ति सलाहिया सीलमई । वुत्तं च अभिलाण-कुसुम-माला-दंस-  
णेण पयडं पि ते सील-माहप्पं असद्वहंतेण मए चेव इमे पट्टविद्या, ता न कायव्वो  
कोवो त्ति खमाविद्या । तीए वि धम्मं कहिज्जण पडिवोहिओ राया । राय-नम्म-  
सचिवा य कराविद्या सव्वे पर-दार-निवित्तिं । रत्ता य सक्कारिया सीलमई ।  
गया सट्ठाणं । अन्नया आगओ गंध-गओ व्व कलहेहिं परिगओ समणेहिं  
चउनाणी दमघोसो आयरियो । गओ तस्स वंदणत्थं समं सीलमईए अजि-  
यसेणो । वंदिज्जण गुहं निविट्ठो पुरओ । भणिया गुरुणा सीलमई—भेदे !  
धत्ता तुमं पुव्व-भवग्भासाओ चेव ते सील-परिपालण-पयत्तो । मंतिणा  
वुत्तं—भयवं ! कहमेयं ति ? वागरियं गुरुणा—कुसमउरे नयरे कुसलाणुट्ठाण-  
लालसो पाव-कम्म-करणालसो सुलसो सावओ । तस्स सुजसा भज्जा ताण  
घरे पयइ-भद्दओ दुग्गओ कम्मयरो । दुग्गिला से घरिणी । कयाइ सुजसाए  
समं गया दुग्गिला साहुणीणं सयासं । कया सुजसाए तत्थ सवित्थरं पुत्थय-  
पूया पसत्थ-वत्थ-कुसुमाईहिं । वंदिया चंदणा पवत्तिणी । विहीयं उववास-पच्च-  
क्खाणं । पणमिज्जण पुच्छिया दुग्गिलाए पवत्तिणी—भयवइ ! किमज्ज एवं  
भणियं भयवईए—अज्ज सिय-पंचमी सुय-तिहि त्ति सा जिण-मए सम  
क्खाया । एयाइ नाण-पूया तवो य जह-सत्ति कायव्वो ।

इह पुत्थयाइं जे वत्थ-गंध-कुसुमुच्चएहिं अचंति ।

ढोयंति ताण पुरओ नेवज्जं दीवयं दिति ॥

सत्तीए कुणंति तवं ते हुंति विसुद्ध-बुद्धि-संपन्ना ।

सोहग्गाइ-गुणट्ठा सव्वबु-पयं च पावंति ॥

तो दुग्गिलाइ वुत्तं धत्ता मह सामिणी इमा सुजसा ।

अत्थि तवे सामत्थं जीए धम्मत्थमत्थो य ॥  
 अन्हारिसो उण जणो अधणो तव-करण-सत्ति-रहिओ य ।  
 किं कुणउ मंदभग्गो पवत्तिणीए तओ भणियं ॥  
 सत्तीए चाग-त्तवो करेसु सीलं तु अण्ण-वसमेयं ।  
 पर-नर-निवित्ति-खवं जावजीवं तुमं धरसु ॥  
 अट्ठमि-चउदसीसु य तिहीसु तह निय-पइं पि वज्जिज्जा ।  
 एयं कयंमि भदे ! तुमं पि पाविहिसि कल्लाणं ॥  
 पट्टिवल्लमिमं तीए मन्नंतीए कयत्थमप्पाणं ।  
 गेहं गयाइ कहियं निय-पइणो सो वि तं सोउं ॥  
 तुट्ठ-मणो बहु मन्नइ तए फलं जीवियस्स पत्तं ति ।  
 भणइ य अओ परमहं काहं पर-दार-परिहारं ॥  
 पव्व-तिहिंसु इमासु य विरइस्सं निय-कलत्त-नियमं पि ।  
 इय कय-नियमेहिं कमेण तेहिं पत्तं च सम्मत्तं ॥  
 अह दुग्गिला वित्तेसुल्लसंत-सद्धा सयं तवं काउं ।  
 पूएइ पुत्थएसु य तिहीसु तदियह-वित्तीए ॥  
 कालेण दो वि मरिउं सोहम्मे सुर-वरत्तणं लहिउं ।  
 चहज्जण दुग्ग-जीवो जाओसि तुमं अजियसेणो ॥  
 एसा य दुग्गिला तुह सीलमई भारिया समुपत्ता ।  
 नाणाराहण-वसओ विसिट्ठ-मइ-भायणं जाया ॥  
 तो जाय-जाईसरणेहिं तेहिं भणियं सुणिंद ! जं तुमए ।  
 अक्खायं तं सच्चं तो एवं वागरइ गुरू ॥  
 जइ देसओ वि परिवालियस्स सीलस्स फलमिणं पत्तं ।  
 ता कुणह पयत्तं सव्वओ वि परिपालणे तस्स ॥  
 तं सव्व-संग-परिहारस्सव-दिक्खाइ होइ गहणेण ।  
 तेहिं भणियं पसायं काउं तं देहि अम्हाणं ॥  
 तो दिक्खियाइं दुत्ति वि गुरुणा संवेग-परिगय-मणाइं ।  
 पालंति जावजीवं अकलंकं सव्वओ सीलं ॥  
 मरिज्जण वंभलोयं गयाइं भुत्तूण तत्थे दिव्व-सुहं ।  
 तत्तो बुयाइं दुत्ति वि निव्वाण-पयंमि पत्ताइं ॥

इति शीले शीलमती-कथा ।

सील-रयणं महर्घं रक्खेज्ज मियावइ व्व बुद्धीए ।  
पज्जोओ व्व अकिंति सील-विहुणो लहइ जम्हा ॥

तं जहा—

अत्थि पुरं साकेयं संकेय-निकेयणं व लच्छीणं ।  
कमलच्छीणं थण-मंडलेसु कर-पीडणं जत्थ ॥  
जक्खो सुरप्पिओ तत्थ अत्थि तं चित्तिऊण पइ वरिसं ।  
किज्जइ महसवो सो वि चित्तगं हणइ चित्तयरं ॥  
अह जइ नो चित्तिज्जइ तो कुब्बो सो पुरे कुणइ मारिं ।  
तो भीया चित्तयरा आढत्ता नासिउं सव्वे ॥  
तं नाउं चित्तयरा कया नरिंदेण संकला-वद्धा ।  
तन्नामाइं घडे पत्तएसु लिहिऊण छ्वाइं ॥  
नीहरइ जस्स नामं पइवरिसं तेण चित्तियव्वो सो ।  
एवं वच्चइ कालो अह कोसंबीए निक्खंतो ॥  
चित्तयर-दारओ तत्थ आगओ चित्त-सिक्खण-निमित्तं ।  
सो य द्विओ एक्काए गेहे चित्तयर-थेरीए ॥  
जाया तप्पुत्तेणं सह मेत्ती तत्थ तम्मि वरिसंमि ।  
थेरी सुयस्स नामं विणिग्गयं तो रुयइ थेरी ॥  
किं रोयसि ति इयरेण पुच्छिया कहइ जक्ख-बुत्तंतं ।  
निय-पुत्त-वारयं तह पाहुणओ भणइ मा रुयसु ॥  
चिट्ठउ तुह पुत्तो जक्खमेयमहमेव चित्तइस्सामि ।  
थेरी जंपइ मह वच्छ ! नंदणो होसि किं न तुमं ॥  
चित्तेमि तहवि जक्खं अच्छओ मह बंधवो सुहेणं ति ।  
वोत्तूण कुणइ छट्ठं सो ण्हाओ चंदण-विलित्तो ॥  
सुइ-वत्थ-नियत्थंगो अट्ठ-गुण-पडंचलेण वद्ध-सुहो ।  
नव-वन्नएहिं नव-कुच्चएहिं सो चित्तए जक्खं ॥  
नमिऊण पंजली सो जंपइ निग्गह-अणुग्गह-समत्थ ! ।  
खमसु सुर-प्पिय भयवं ! अवरद्धं जं मए किं पि ॥  
इय भत्तीए तुट्ठो जक्खो जंपइ वरं वरसु भइ ! ।  
सो भणइ जक्ख ! तुट्ठोसि जइ तुमं ता परं एत्तो ॥  
तुमए विणांसियव्वो न को वि, जक्खो पयंपए एवं



सिद्धमिणं अविणासाओ तुज्झ ता मग्ग तुममवरं ॥  
 सो जंपइ जइ एवं दु-पयस्स चउ-प्पयस्स वा जस्स ।  
 वत्थाइ-पिहिय-देहस्स एग-देसं पि पिच्छामि ॥  
 सयलं पि तयणुसारेण तस्स रुवं जहट्टियं लिहिउं ।  
 होज्जा मह सामत्थं भणइ सुरो होउ एवं ति ॥  
 लोएहिं पूइओ सो परोवयारीण होइ जइ पूया ।  
 तं किं चोज्जं अह सो कोसंवीए पुरीइ गओ ॥  
 तत्थ सयाणीय-निवो कयाइ सामंत-मंति-परियरिओ ।  
 निय-रिद्धि-गव्विओ सो सहानिसन्नो भणइ दूयं ॥  
 मम किं न अत्थि जं अत्थि अन्न-निवईण तो भणइ दूओ ।  
 चित्त-सहा अत्थि न ते, चित्तयरा तेण आणत्ता ॥  
 चित्तेह सहं तं ते चित्तयरा विभइऊण चित्तं ति ।  
 सो चित्तयरो चित्तइ पएसमंतेउरासन्नं ॥  
 सो चित्तंतो जालंतरेण माणिकक-भूसण-सणाहं ।  
 पेच्छइ पायंगुट्ठं मिगावईए य देवीए ॥  
 सुणिउं मिगावइं तं अणुमाणेणं इमो तओ तीए ।  
 रुवं जहट्टियं आलिहेइ जक्ख-प्पभावेण ॥  
 नेत्तुम्मीलण-समए मसि-विंदू तत्थ ऊरु-मूलंमि ।  
 पडिओ अणेण फुत्तिओ पडिओ सो पुणो फुत्तिओ ॥  
 पुण पडियं तं दट्ठं चित्तयरो चित्तए धुवं अत्थि ।  
 लंछणमित्थ पएसे इमीइ ता होउ इह विंदू ॥  
 निम्माया चित्त-सहा राया तहंसणत्थमणुपत्तो ।  
 तं पेच्छंतो कमसो मिगावईए नियइ रुवं ॥  
 ऊहंमि मसी-विंदुं दट्ठं रुट्ठो विचित्तए एवं ।  
 पावेण नृणमिमिणा मम पत्ती धरिसिया एसा ॥  
 कहमन्नह एस मसं देवीए सुणइ वत्थ-मज्झत्थं ।  
 तो तलवरस्स रत्ता समप्पिओ निग्गहत्थमिमो ॥  
 चित्तयरेहिं नरिंदो विन्नत्तो देव ! एग-देसं पि ।  
 दट्ठं जक्ख-पसाया लिहइ इमो सयलमालेक्खं ॥  
 तस्स परिक्खा-करणाय दंसियं खुज्जिया-मुहं रत्ता ।



तेणावि तीए ख्वं जहद्वियं सव्वमालिहियं ॥  
 छिंदाविओ निवेणं कोव-वसा तहवि तस्स संदंसो ।  
 चंड-पयईण जम्हा न निप्फलो होइ संरंभो ॥  
 तेणावि पुणो सो चिय कओववासेण सेविओ जक्खो ।  
 वाम-करेण करिस्ससि तहेव चित्तं ति तेणुत्तं ॥  
 एवं लद्ध-वरो सो फुरंत-रोसो विचित्तए चित्ते ।  
 रत्ता लहाविओहं एयमवत्थं निरवराहो ॥  
 तो विप्पियं करिस्सं इमस्स केणावि अहमुवाएण ।  
 बुद्धीइ तं खु धीरा कुणंति जं विक्रमा सज्झं ॥  
 तो अहरिय-रइख्वं फलए लिहिउं मिगावइं देविं ।  
 सो उज्जेणी-पहुणो पज्जोय-निवस्स दंसेइ ॥  
 तं ददुं पज्जोओ जंपइ पज्जुन्न-वाण-हय-चित्तो ।  
 चित्तयर ! तुज्झ नूणं विन्नाणमिणं न उण विहिणो ।  
 न महीइ दिट्ठ-पुव्वं सुय-पुव्वं वा न देवलोए वि ।  
 ता तुमए ख्वमिणं कह पडिदिवं विणा लिहियं ? ॥  
 अह अत्थि कत्थ वि इमा कहेसु ता झत्ति जेण गिहामि ।  
 न परो इमीइ उचिओ मणिणो कणगं व मं मुत्तुं ॥  
 तुट्ठ-मणो चित्तयरो कहइ सयाणीय-निवइणो ।  
 एसा मियंक-वयणा मिगावई नाम मिग-नयणा ॥  
 निउणो पथावइ चिय अदिट्ठ-पुव्वा कथा इमा जेण ।  
 न उण अहं जेण ददुं ददुं पि न सम्ममालिहिया ॥  
 अह जंपइ पज्जोओ जिणिऊण रणे मए सयाणीयं ।  
 वेत्तव्वा धुवमेसा किंतु इमा राय-नीइ ति ॥  
 पेसेमि साम-पुव्वं दूयं एईए मग्गणत्थमहं ।  
 जो मरइ गुलेण वि तस्स को विसं देइ महमंतो ॥  
 तो वज्जजंय-दूयं सिक्खविउं पट्टवेइ पज्जोओ ।  
 गंतूण सयाणीयं सो एवं भणिउमादत्तो ॥  
 आणवइ महाराओ तुमं सयाणीय ! चंडपज्जोओ ।  
 दिव्व-वसा खलु देवी मियावई पाविया तु मए ॥  
 थी-रयणमिणं जुगं मम चेव न तुज्झ तुच्छ-पयइस्स ।

ता मज्झ समप्पसु सिग्घमेव जइ जीविउं महसि ॥  
 तो भणइ सयाणीओ दुरप्प रे दूय ! तुह पइ मूढो ।  
 पर-महिलमहिलसंतो नालोयइ उभय-लोय-भयं ॥  
 जइ सो रागंध-मणो तुमं पि जाणसि न किं अजुत्तमिणं ।  
 ता दूओ त्ति अबज्झो मह दिट्ठि-पहाउ ओसरसु ॥  
 एवं सयाणिएणं दूओ निव्वभच्छिज्जण निच्छूढो ।  
 पत्तो उज्जेणीए पज्जोय-निव्वस्स तं कहइ ॥  
 अह कुविओ पज्जोओ चउरंग-वलेहिं रुद्ध-महि-वीढो ।  
 चलिओ कोसंबीए जलहिं व्व विमुक्क-मज्जाओ ॥  
 तं सोज्जण उचितं गरुडं भुयगो व्व संखुहिय-हियओ ।  
 तिव्वातिसार-वस्सओ निहणं पत्तो सयाणीओ ॥  
 तव्विरह-विदुर-हियया मियावई चित्तिउं समाढत्ता ।  
 हा हा ! अहं अहन्ना सिरोमणी मंद-भग्गाणं ॥  
 नमिर-निव-चक्क-बूला-चुंवि-चलणस्स अज्जउत्तस्स ।  
 जा गुण-गणेक्क-निहिणो निहण-निमित्तं अहं जाया ॥  
 हा सीलं रक्खिस्सं कहमिणिं जं पई विवन्नो मे ।  
 उदयण-नामो वि इमो पुत्तो वालो त्ति अप्प-बलो ॥  
 बलिणो सेवा जुत्ता न वरं थी-लंपडस्स एयस्स ।  
 सा मह कुणइ कलंकं ता इह काउं कवडमुचियं ॥  
 तो अणुकूल-गिराहिं अहं इहत्थावि तं पलोभेउं ।  
 असुहस्स काल-हरणं खमं ति समयं पडिक्खामि ॥  
 इय चित्तिज्जण तीए सिक्खविउं तस्स पेसिओ दूओ ।  
 गंतूण तेण भणिओ कडय-गओ चंडपज्जोओ ॥  
 जंपइ मियावई तुमममरत्तं उवगए सयाणीए ।  
 तुममेव मज्झ सरणं किं तु सुओ मे अपत्त-बलो ॥  
 तं पुण मए विमुक्कं पचंत-निवा पराभविस्संति ।  
 तं सुणिज्जण पहिट्ठो पज्जोय-निवो भणइ एवं ॥  
 मह रक्खगे मिगावइ-पुत्तं सक्केज्ज को पराभविउं ।  
 तो दूएणं भणियं देवीइ इमं पि संलत्तं ॥  
 अत्थि इमं किं तु तुमं दूरे पासम्मि सीम-भूवइणो ।

ता ओसहीओ हिमपव्वयंमि उस्सीसए सप्पो ॥  
 जइ निव्विगधं वंछसि मह जोगं ता करेसु नर-नाह ! ।  
 उज्जेणि-हट्ठगाहिं कोसंबि-पुरीइ पायारं ॥  
 तं सोउं पज्जोओ दोण्हवि नयरीण अंतरालंमि ।  
 निय-निय-परिवार-जुए ठावेइ चउइस-नरिंदे ॥  
 पुरिस-परंपरणं उज्जेणी-हट्ठगाओ आणेउं ।  
 एसो कोसंबीए पायारं दइयरं कुणई ॥  
 अह ! दूय-मुहेण मियावईइ भणिओ पुणो वि पज्जोओ ।  
 धण-धन-तणाईहिं पूरेसु पुरिं इमं सयलं ॥  
 सव्वं झत्ति तह चिय तुइ-मणो कारवेइ पज्जोओ ।  
 आसा-परव्वसाणं न दुक्करं किं पि पुरिसाणं ॥  
 रोह-खमं निय-नयरीं नाऊण मियावई मह-प्पवरा ।  
 वप्पंमि भडे ठविउं दाराइं ढक्खिउं च ठिया ॥  
 तो पज्जोय-नरिंदो सव्वत्तो रंभिऊण कोसंबिं ।  
 तरु-साहा-युक्को मक्कडो व्व थक्को विलक्ख-मणो ॥  
 अह ! अन्न-दिणे चितइ मियावई विप्फुरंत-वेरग्गा ।  
 धन्ना ते पुर-गामा विहरइ वीरो जिणो जत्थ ॥  
 जइ एत्थ एइ भयवं तत्तोहं संजमं पवज्जामि ।  
 इय तीइ मणं सुणिउं समागओ तत्थ वीर-जिणो ॥  
 सोऊण समोसरिउं वीर-जिणिंदं मियावई देवी ।  
 उग्घाडिऊण दाराइं निब्भया निग्गया बाहिं ॥  
 पसमिय-समत्त-वेरं वीरं सा वंदिऊण विणिविट्ठा ।  
 आगतुं पज्जोओ नमिऊण जिणं तह निसन्नो ॥  
 धम्मं कहेइ भयवं सोउं सव्वसुमागयं इक्को ।  
 धणु-वाण-करो पुरिसो मणेण पुच्छेइ संदेहं ॥  
 भणिओ जिणेण एसो वयणेणं भइ ! संसयं पुच्छ ।  
 सोऊण जेण एयं लहंति अत्ते वि पडिबोहं ॥  
 इय जंपिओ वि पड्डुणा लज्जाए वुत्तुमक्खमो पयडं ।  
 भयवं जा सा सा स त्ति भणइ थेवक्खरं पुरिसो ॥  
 एवं इमं ति वुत्तं जिणेण, पुच्छेइ गोयमो सामिं ।

भयवं ! जा सा सा स त्ति भासियं भयवया किमिमं ? ॥

तो कहइ बीर-नाहो इहेव भरहे पुरीए चंपाए ।

आसी सुवन्नयारो अच्चंतं रमणि-लोल-मणो ॥

जं जं पिच्छइ कलं खववइं महियले परिभमंतो ।

तं तं परिणेइ इमो दाऊण सुवन्न-पंचसए ॥

एवं पंचसयाइं परिणीयाइं इमेण महिलाणं ।

सव्वंगीणाभरणं पत्तेयं तेण ताण कयं ॥

रमइ जया जीए सह सो तइया तीइ देइ आभरणं ।

सेसाउ सेस-कालं निरलंकाराउ चिट्ठंति ॥

सो य दढं ईसाळू अवीससंतो मणंमि महिलाणं ।

चिट्ठइ सयं घरे चिय परस्स पुण देइ न पवेसं ॥

अजया अणिच्छंतो वि नीओ नियघरे भोयणत्थं पिय-मित्तेण । तन्म-  
ज्जाहिं चित्तिथं—धिरत्थु अन्ह जीवियं जं गुत्ति-खित्ताओ व्व चिट्ठामो । जम-  
दूओ व्व मंदिर-दुवारं न मेळए पावो अन्ह पई । अज्ज सोहणं जायं जं  
अन्नत्थ गओ एसो । ता अच्छामो सेच्छाए खणं । तओ ताओ पहाय-विलि-  
त्ताओ पसत्थ-वत्थालंकार-कुलुम-भूसियाओ जाव दप्पण-कराओ अप्पाणं  
पेच्छंतीओ अच्छंति, ताव आगओ भत्ता ।

ताओ दट्ठं रुट्ठेण तेण भज्जा तहा हया एक्का ।

जह झत्ति मया सा कमलिणि व्व करि-चलण-अक्कंता ॥

अज्जाहिं मंतियं अन्हे वि हणिस्सइ एसो, ता हणामो इमं । किं इमिणा  
रक्खिणं । तओ ताओ चक्केहिं व एककूण-पंचसय-संखेहिं दप्पणेहिं पइं पइ-  
णंति । तक्कालमेव मओ सो । जाओ तासिं पच्छायावो । अजुत्तं कयं पइ-मारिण  
त्ति अकित्तिं पत्ताओ अन्हे । तओ पिहिय-दुवारं भवणं पलीविज्जण मयाणि  
महिलाणं एककूण-पंचसयाणि । साणुतावयाए अकाम-निज्जराए ससुप्पन्नाइं  
मणुस्सत्तणेण । दिव्व-ज्जोएण मिलिया ते एगत्थ दुग्ग-ट्टिया चोरियाए जीवंति ।  
जो पुव्वं मारिया भारिया सा एक्कं भवं तिरिएसु गमिज्जण बंभण-कुले पुत्तो  
ससुप्पन्नो । सो पंचवरिसो जाओ । सुवन्नयारो तिरिक्खेसु एक्कं भवं गमिज्जण  
तत्थेव कुले तस्स चेव भइणी-दारिया जाया । सो दारओ तीए पिज्जहिं बाल-  
ग्गाहो कओ सा य दुट्ठत्तणेण निवंपि रोयइ । उयरे फरिसंतेण तेण कह वि  
फरिसिया गुज्झ-देसे । निवत्ता रोयणाओ । तं रोयण-नियत्तणोवायं नाऊण



तहेव सो करेइ । तहा कुणंतो अन्नया दिट्ठो पिऊहिं । हंतूण निच्वासिओ  
घराओ । भमंतो मिलिओ एकूण-चोर-पंचसयाणं । तस्स भइणी अपत्त-  
जुव्वणा वि विणट्ठा । भमंती गया गाममेकं । अन्नया सो गामो तेहिं तक्करेहिं  
हओ । सा वि नेऊण निय-पह्लि भज्जा कया । कयाइ चितियं चोरेहिं एक्का  
इमा वराई अम्हे पंचसया । तो जइ दुइय-दइया होइ ता एसा वीसमइ । तो  
तेहिं आणीया अन्ना इत्थी । पुव्व-भज्जा ईसाए तीए छिद्वाणि मग्गइ । अन्नया  
गया चोरा चोरियाए पुव्व-भज्जा लद्धावसरा नव-भज्जं कवडेण कूव-तडं नेऊण  
भणइ—भदे ! पिच्छ किं पि कूव-मज्झे अत्थि । सा वि उज्जुया दट्ठुमाढत्ता ।  
खित्ता कूवे पढमाए । चोरेहिं आगएहिं पुच्छिया—कथं सा दुइया ? तीए  
वुत्तं—किमहं जाणामि, किं न नियं भज्जं रक्खेह । तेहिं नायं जहा इमाए  
मारिया सा । तओ तस्स वंभण-चेडस्स चित्ते ठियं, किं एसा सा पाव-कम्मा  
मे भगिणि त्ति ।

सोडं सव्वहुं मं पुच्छइ एसो मणेण लज्जंतो ।  
किं मे भइणी जा सा सा स त्ति ? मए वि से कहियं ॥  
तो राग-दोस-मूढा लहंति जीवा भवंति दुक्खाइं ।  
इय मुण्डं संविग्गो सो पुरिसो गिण्हए दिक्खं ॥  
गंतूण तेण पह्लि धम्मे पडिबोहिया जिणुदिट्ठे ।  
कारविया वय-गहणं एकूणा चोर-पंचसया ॥  
नमिऊण जिणं जंपह मिगावई पुच्छिऊण पज्जोयं ।  
दिक्खं पडिबज्जिस्सं, तत्तो सा भणइ पज्जोयं ॥  
जइ मं तुममणुमन्नसि तत्तोहं पव्वयामि पहु-पासे ।  
सो वारिडं न सकइ सुर-असुर-नराण लज्जंतो ॥  
ताहे विसज्जए तं सा पज्जोयस्स उदयण-कुमारं ।  
उच्छंगे निक्खविडं दिक्खं गिण्हइ जिण-समीवे ॥  
भव-भीयाउ चरित्तं मिगावईए समं पव्वज्जंति ।  
अंगारवई-पमुहाउ अट्ठ पज्जोय-वरिणीओ ॥  
सील-वसेणं लहिडं केवल-नाणं मिगावई सिद्धा ।  
सील-रहिओ य पत्तो अजसं कुगइं च पज्जोओ ॥

इति शीले मृगावती-कथा ।



वसण-दसा पत्ता वि हु जे परिपालंति सीलमकलंक ।  
ते उभय-भवुभव-सुक्ख-भागिणो हुंति तार व्व ॥

तं जहा—

अत्थि सयलामरहिया नयरी वाणारसी सुर-पुरि व्व ।  
चोज्जं वसंति जीए न के वि लोया अवज्जकरा ॥  
सेट्ठी पुरंदरो तत्थ अत्थि अत्थाह-अत्थ-वित्थारो ।  
सुंदर-वेहा सुर-सुंदरि व्व से सुंदरी भज्जा ॥  
कय-सयल-जणाणंदो चंदो चंडु व्व नंदणो तेसिं ।  
रच्छुग-वणिणो धूया तारा नामेण से घरिणी ॥  
तीए पुरओ रुवेण रेहए किंकरि व्व काम-पिया ।  
पर-पुरिस-निवित्ति-वयं पडिवन्नं तीए गुरुपासे ॥  
चंद-पियाए ताराइ रोहिणीए बुहो व्व अत्थि सुओ ।  
पल्लविय-लोय-लोयण-परिओसो संखचूडो त्ति ॥  
अन्न-दिणे चउहट्ठे दिट्ठा चंदेण कन्नगा एक्का ।  
दाऊण तणं सीसे निय-पिउणा विक्किणिज्जंती ॥  
अचंत-भणहरा का इम त्ति चंदेण पुच्छिया मित्ता ।  
ते वित्ति दरिद-दिओ एयं विक्किणइ निय-धूयं ॥  
मित्ता भणंति वित्तुं घरिणी किज्जउ इमा सुख्व त्ति ॥  
तेणुत्तं हरिणच्छी रच्छुग-धूय त्ति मह घरिणी ॥  
ताहं किमेयमिच्छामि वंभणिं किं तु इणमजुत्तं ति ।  
देनि दयाए मुल्लं इमस्स जंपंति तो मित्तां ॥  
पवणुडुय-धय-चंचलह विहवह एत्तिउ सारु ।  
वसण-महन्नव-निवडियह जं कीरइ उवयारु ॥  
अकय-व्वओ न सोहइ विहवो विहवो व्व अंगणा-निवहो ।  
कत्थ वि अपत्त-भोगो सुवन्न-तारुन्नओ जइ वि ॥  
तो पुच्छिओ इमीए मुल्लं किं वंभणो भणइ लक्खं ।  
सुहयाइ गिणह लक्खं करिज्ज मा पुण वि तुममेवं ॥  
इय जंपिऊण चंदो दियस्स दिणार-लक्खमप्पेइ ।  
जंपइ भट्ठो दुण्हं पि भोयणं देसु अम्ह गिहे ॥  
लक्खं लहिउं पि अहो सो मग्गइ भोयणं विगय-लज्जो ।

लद्धे बहुए वि दिओ नहि तिप्पह भोयणेण विणा ॥  
 चंदो जंपह पुरिसं जेमावसु मम गिहे इमे दो वि ।  
 पुरिसेण तेण नीओ धूया-सहिओ गिहे भटो ॥  
 भट्टेण तेण दिट्ठा विसिद्ध-मणि-कणय-भूसण-सणाहा ।  
 सुर-तरु-लय व्व तारा गिहेग-देसंभि उवविट्ठा ॥  
 तीह पुरओ पयटो भटो वेयक्खराइ वागरिउं ।  
 भोयणमिमस्स देसु त्ति कहइ पुरिसो पइ-निओगं ॥  
 तं सोउं सा तुट्ठा सुवन्न-थालेसु देइ दुण्हं पि ।  
 घयसालि-दालि-भोयग-दहि-दुद्ध-प्पसुहमाहारं ॥  
 अच्चंतमत्तित्तेहिं पियरेहिं व तेहिं भुत्तमाकंठं ।  
 तो दाउं तंबूलं ताराए ताइ भणियाइ ॥  
 एज्जह पुणो वि तुब्भे तो तच्चरिएण विम्बिय-मणाइं ।  
 सीसं धूणंताइं पत्ताइं दुवे वि सट्ठाणं ॥  
 अह अत्थमिए सरे भुवणंभि वियंभिए तिमिर-पूरे ।  
 पिउणा पुरंदरेणं लेक्खं सो पुच्छिओ चंदो ॥  
 तेणावि सिट्ठि-पुरओ कहिओ दिय-दिक्ख-लक्ख-बुत्तंतो ।  
 तत्तो रुट्ठो सेट्ठी चित्तिउमेवं समाढत्तो ॥  
 नवमे मासस्मि नवो हव्वेज्ज पुत्तो पुणो वि पुरिसस्स ।  
 लक्खो पुण दम्माणं न विट्ठप्पइ वरिस-लक्खे वि ॥  
 तो सेट्ठी अक्कोसइ चंदं रे रे कुपुत्त ! गुण-भुत्त ! ।  
 मेल्लसु निल्लक्खण ! लक्ख-दाण-डुल्ललिय ! मह गेहं ॥  
 जं देसि तुमं लक्खं विलक्ख ! कस्सासि राइणो पुत्तो ।  
 नहि मुणसि दुव्विट्ठप्पं कवड्डुमेत्तं पि वणियाणं ॥  
 इय निट्ठुरेहिं वयणेहिं सिट्ठिणो दूमिओ मणे चंदो ।  
 वग-रडिणहि व हंसो सराउ गेहाउ निक्खंतो ॥  
 सुय-संखचूड-कलिया चलिया चंदस्स पिट्ठओ तारा ।  
 मुत्तूण पइ कुल-बालियाण सरणं हि को अन्नो ॥  
 देसंतरंभि चलिओ चंदो पुत्तं पंहमि वहमाणो ।  
 न मुणइ मणस्मि खेयं तारा पइ-मग्ग-अणुलग्गा ॥  
 ताराइ कडीहितो बला वि गिण्हेइ नंदणं चंदो ।

सुह-दुक्ख-संविभागं भणंति नेहस्त वि सख्वं ॥  
 वच्चइ पहम्मि चंदो अगणिय-तण्हा-छुहा-पसुह-वसणो ।  
 अवमाणमेव मज्जंति माणिणो गुरुरं दुक्खं ॥  
 पत्तो य तामलित्तिं कमेण सो वउल-मालिएण तर्हि ।  
 भद्दागिइ त्ति दट्ठं तुट्ठेण नियं गिहं नीओ ॥  
 पहणो पुत्तस्स य देमि भोयणं जं मणुज्जमेएसिं ।  
 इय चित्तंती तारा न देह-दुक्खं गणइ किं पि ॥  
 रंघइ खंडइ पीसइ दलइ जलं वहइ कुणइ सख्वं पि ।  
 सा पर-घरेसु कम्मं अहो सुघरिणित्तेमेइए ॥  
 तं दट्ठं नयर-जणो भणइ अहो ! दुट्ठ विलसियं विहिणो ।  
 जं एरिसीइ रमणीइ एरिसी दुइसा विहिया ॥  
 अन्न-दिणे सा दिट्ठा कह वि परिव्वाइगाइ एकाए ।  
 ता तीए संलत्तं भदे ! निसुणेसु मह वयणं ॥  
 कस्स वि हवेज्ज दूइ त्ति सा इमीए उवेक्खिया भणइ ।  
 नाहमजुत्तं वोच्छं ता तारा सुणइ सा भणइ ॥  
 भदे ! मं उवलक्खसि तारा अक्खेइ नोवलक्खेमि ।  
 पव्वाइया पयंपइ पुव्वं वाणारसि-पुरीए ॥  
 जेमाविया तए जा पिउणा सह वंभणी नियय-भवणे ।  
 साहं साहइ तारा किमवत्था एरिसी तुज्झ ॥  
 सा भणइ मए गहियं वयं अओ होउ मे दसा एसा ।  
 हा कट्ठं जं जाया तुह एसा दुइसा भदे ! ॥

तहा—

अत्थि मह ओसहि-दुगं गुरु-दिशं तत्थ निम्मिए तिलए ।  
 एकाए थी पुरिसो वीयाए सो हवइ इत्थी ॥  
 तं सील-रक्खण-कए गिणइ तुमं गिणहए तओ तारा ।  
 अह मालिएण दट्ठूण दुत्थिओ जंपिओ चंदो ॥  
 किं न कुणसि ववसायं सिरीइ मूलं भणंति जं विबुहा ।  
 चंदो भणइ न वड्डइ विहव-विट्ठणाण ववसाओ ॥  
 तो मालिएण वुत्तं विक्किण कुसुमाइं मज्झ भागेण ।  
 चंदो तं कुणइ परं पावइ न तहाविहं लाहं ॥

सयमेव तओ तारा चउहदे विक्रिणेइ कुसुमाई ।  
 दक्खत्तणेण तीए लाभो सव्वुत्तमो होइ ॥  
 अन्न-दिणे सा दिट्ठा तन्नयर-निवेण वइरसीहेण ।  
 एसा किमागया सुर-बहु त्ति सो विम्हयं पत्तो ॥  
 सो राय-वाडियाए वचइ निच्चं पि तेण मग्गेण ।  
 पेच्छंतो स-विलासं परिहास-परो तमालवइ ॥  
 अन्नंमि दिणे काउं ओसहि-तिलएण सा पुरिस-रूवं ।  
 कुसुमाई जाव विक्रिणइ ताव पत्तो निवो तत्थ ॥  
 तं जंपइ रे मालिय ! तुह भज्जा किं न दीसए अज्ज ।  
 तीए जरो किमंगे लग्गो हसिज्जण सा भणइ ॥  
 तीए जरो न लग्गो लग्गो तुह चेव देव ! काम-जरो ।  
 वीय-दिणे पुण रत्ता सहाव-रूवेण सा दिट्ठा ॥  
 परिहासं कुणमाणो राया ताराइ जंपिओ एवं ।  
 नत्थि इमेसु तिलेसुं तिल्लं भुल्लोऽसि देव ! दढं ॥  
 अह रयणीए राया तं हक्कारेइ पेसिउं पुरिसं ।  
 सा कय-इत्थी-रूवं चंदं पट्टवइ भत्तारं ॥  
 सो रत्तो वास-हरे नीओ पुरिसेण तं रमणि-रूवं ।  
 दट्ठण मणे चितइ अहो इमीए सु-रूवत्तं ॥  
 थण-वयण-नयण-कर-चलण-चंगिमा पुण इमीइ सो को वि ।  
 थेवो वि हु अन्नाणं जयम्मि जो नत्थि इत्थीणं ॥  
 तं सेज्जाए ठविउं विइन्न-कुसुमंग-राग-तंदोलो ।  
 पयडिय-दढाणुराओ राया वज्जरिउमारद्धो ॥  
 जं तुह विरहे दुक्खानलेण संतावियं मह सरीरं ।  
 निय-संगमेण अमओवमेण निव्ववसु तं ज्ञत्ति ॥  
 इय जंपिज्जण लग्गो कंठे चंदस्स सो रमणि-रूवं ।  
 मुत्तूण भणइ एयं नरिंद ! किमजुत्तमाढत्तं ॥  
 राया पुरिसं दट्ठण लज्जिओ हा किमिंदयालमिणं ।  
 मत्ते महा-सईए तीए सील-प्पभावेण ॥  
 काउं इत्थी-रूवो निय-भत्ता पेसिओ अहो ! धन्ना ।  
 एसा मह पत्थंते वि पत्थिवे जा न अणुरत्ता ॥

इय चित्तिउं नरिंदो जंपह भो ! किं अजुत्तमिह मित्त ! ।  
 मित्ताण नेह-जुत्ताण संगमो किं न अविस्सो ॥  
 तत्थेव निसं गमिउं चंदो गोसे गओ नियय-गेहं ।  
 निसि-जुत्तंतं ताराइ अगगओ कहइ सा भणइ ॥  
 एवं कओ विलक्खो क्याइ कुप्पिज्ज पत्थिवो नाह ! ।  
 तत्तो सिंहल-दीवे जामो तुह मामग-समीवे ॥  
 तो जलहि-लंघण-मणो चंदो मयणस्स सत्थवाहस्स ।  
 पवहणमाख्खो संखचूड-ताराहिं परियरिओ ॥  
 मयणस्स मण-समुदो तारा-मुह-चंद-दंसण-वसेण ।  
 संजाओ उज्जंभिय-अणप्प-कुवियप्प-कल्लोलो ॥  
 तं सुणिउं दुत्ति वि ओसहीहि काऊण ख्व-परिवत्तं ।  
 चिट्ठंति जाव रयणीइ ताव पुरिसो त्ति सो तारं ॥  
 जलहिंमि खिविय इत्थि त्ति चंदमालिंणिउं महइ मयणो ।  
 चंदो पयडइ नर-ख्वमह विलक्खो हवइ मयणो ॥  
 कत्तो अ-कज्ज-कारीण होइ कुसलं ति पयडणत्थं व ।  
 फुट्ठइ झत्ति पवहणं महिला-हिययत्थ-गुज्झं व ॥  
 सामिम्मि विवन्ने सेवय न्व फुट्ठम्मि पवहणे लोया ।  
 पडिया समुह-वसणे सव्वे वि दिसो दिसं पत्ता ॥  
 तारा समुह-पडिया निम्मल-सील-प्पभाव-तुट्ठाए ।  
 कीए वि देवयाए अकिलेसेण वि तडं नीया ॥  
 तीरे परिव्वभमंती भिल्लेणिक्केण पाविया तारा ।  
 नेऊण नियय-पल्लिं समप्पिया पल्लि-नाहस्स ॥  
 पल्लि-वई भोगत्थं तं अब्भत्थइ न मत्तए तारा ।  
 सेविस्सामि हट्ठेण वि इमं ति सो मंतिउं सुत्तो ॥  
 सुविणे भणिओ कुल-देवयाइ एयं महा-सइं मूढ ! ।  
 मा खलियारेसु तुमं तुमए एयं पि किं न सुयं ॥  
 सीहइ केसर सइहि उरु सरणागओ सुहडस्स ।  
 मणि मत्थइ आसीविसइ किं यिप्पइ अनुयस्स ॥  
 तो उवसंत-मणो सो निय-पुरिसे भणइ विक्किणइ एवं ।  
 मंगल-उरम्मि नेउं तं वेत्तुं ते वि जंति पुरे ॥



तत्थ सुमहं ति सेट्ठी तारं दट्ठण विक्किणिज्जंतं ।  
 देह दयाए दब्बं नराणं जं मग्गियं तेसिं ॥  
 वेत्तुं तारं निय-मंदिरंमि नेऊण जंपए भदं ।  
 निय-घरणिं सुयणु ! तए एसा पुत्तिं व्व दट्ठव्वा ॥  
 पुत्तिं ति भणइ सेट्ठी मुहेण मन्ने इमीइ स्व्वेण ।  
 चित्ते पुण अक्खित्तो काही घरिणिं इमं धुत्तो ॥  
 इय चित्तंती भद्दा वाढमवत्ताइ पेच्छए तारं ।  
 पइ-पुत्त-संगमासा-कयग्गहा सहइ सव्वं पि ॥  
 अन्न-दिणे सलिलत्थं गया इमा पेच्छिउं परिव्वभमंतं ।  
 मग्गंमि संखचूडं पमोय-भर-परवसा जाया ॥  
 पुत्तेहिं पुत्तय ! तुमं चिराउ दिट्ठो मए जियंतीए ।  
 इय जंपंती तारा तम्मइ परिरंभिउं पुत्तं ॥  
 भणिया सुएण माए मा मं छिवसु ति जेण दिव्व-वसा ।  
 फुट्ठे पोयंमि अहं फलग-विलगो तडं पत्तो ॥  
 गहिओ नरेण केण वि इह नयरे आणिकुण विक्किणिओ ।  
 चंडाल-घरे सोहं धणसेट्ठि-धणाइं चारेमि ॥  
 कहिउं निय-वुत्तंतं सा भणइ सुयं मिलिज्ज मह निचं ।  
 अहं तत्थ अत्थि पत्थिव-सिरोमणी मणिरहो नाम ॥  
 केणावि तस्स कहियं इह एक्का सुमह-सेट्ठिणो भवणे ।  
 कय-भुवणच्छेरा अच्छर व्व अच्छइ कुरंगच्छी ॥  
 मलिणंगी वि कुवत्था वि उव्वहइ इमा अउव्व-लावन्नं ।  
 रेणु-कण-गुंडियं पि हु कणगं किं झामलं होइ ॥  
 तो राग-वसो राया निय-पुरिसं पेसए तमाणेउं ।  
 गंतूण भणइ पुरिसो मंदिर-दार-ट्ठियं तारं ॥  
 पुव्वज्जिय-पुन्न-हुमो फलिओ तुह अज्ज जं तुमं राया ।  
 जाय-गळ्याणुराओ हक्कारइ ता लहुं चलसु ॥  
 एवं सोउं वज्जाहय व्व हिययंमि दूमिया तारा ।  
 काहामि सील-रक्खं कहं ति चिंताउरा जाया ॥  
 अहं तत्थ संखचूडो पत्तो सा ठवइ तं निउच्छंगे ।  
 चुंवइ तस्स मुहे खिवइ भोयणं खप्परे गहिउं ॥

तारा जंपइ पुरिसं किं भणसि तुमं ति तेण पुच्चुत्तं ।  
 कहियं नरिंद-वयणं सा भणइ अहं खु चंडाली ॥  
 राया वि तारिसो किं ममंग-संगं समीहए जं सो ।  
 तो लज्जिओ मणुस्सो गंतुं रत्तो कहइ सव्वं ॥  
 हक्कारिज्जण सिट्ठिं भणइ निवो तुह घरंमि चंडाली ।  
 विट्ठालं कुणइ अहो ! अह समयन्नू भणइ सेट्ठी ॥  
 सा घरवाहिं चिट्ठइ भुंजइ य न तेण देव ! विट्ठालो ।  
 सिट्ठी गिहागओ तं पुच्छइ को वइयरो तुज्झ ॥  
 सेट्ठिस्स कहइ तारा मूलाओ नियय-वइयरं सव्वं ।  
 सेट्ठी भणइ तुमं मह भइणीए देविलाइ सुया ॥  
 एत्ति-दिणाइं तुमए मह कहियं जं न तं कयमजुत्तं ।  
 चंडालाउ धणेण य मोयाविस्सामि तुह पुत्तं ॥  
 संझाइ गया तारा धणसेट्ठि-गिहं तहिं अपेक्खंती ।  
 पुत्तं पत्ता पुर-परिसरम्मि पेक्खइ भुयग-डक्कं ॥  
 तं विस-वसेण पडियं महीइ दट्ठण हा हय म्हि अहं ।  
 इय जंपंती तारा ताडइ हियं कर-यलेहिं ॥  
 हा चंद-वयण ! हा कमल-नयण ! हा महुर-वयण ! सुय-रयण ! ।  
 मुत्तूण मं अउत्तं वच्चसि अन्नत्थ कत्थ तुमं ॥  
 इत्ति-दिहयाइं मए गमियाइं तुज्झ दंसणासाए ।  
 इण्हि तइ गच्छंते सा वि गया ता कहं होहं ॥  
 इय ताराए रुद्धं सोडं सयलं निसं फुरिय-सोया ।  
 पवण-निवडंत-कुसुमा सहंति तरुणो रुयंत व्व ॥  
 अह सेट्ठी रयणीए तारं निय-मंदिरे अपेच्छंतो ।  
 सयल-परिवार-सहिओ सव्वत्थ गवेसइ स-खेओ ॥  
 सुखगमंमि सेट्ठी सुणिउं तच्चइयरं गओ तत्थ ।  
 पुत्ताणुगम-पराए ताराए मग्गिओ अग्गि ॥  
 राया वि रायवाडीइ निग्गओ तं पएसमणुपत्तो ।  
 तारं दट्ठुं कंदप्प-परवसो तीए गहणत्थं ॥  
 आसन्नमणुसरंतो रुद्धो गुण-रागिणीइ देवीए ।  
 तारा-रुक्खिक्खत्तो पच्छावि नियत्तिउं अखमो ॥

ताव मसि-कसिण-काओ कर-धारिय-रज्जु-बद्ध-मकडओ ॥  
 सप्प-करंडय-मंडिय-खंध-ट्टिय-कावडि-सणाहो ॥  
 आगंतुं गारुडिओ भणइ इमं संखचूड ! उट्टेसु ।  
 एयावत्थं दट्ठं तुह जणणी दुक्खिया रुयइ ॥  
 सुत्तो व्व उट्ठिओ सो तत्तो सच्चो वि विम्हिओ लोगो ।  
 गारुडिओ जंपइ संखचूड ! तुह वच्छ ! जणओहं ॥  
 सो भणइ न मज्झ पिया तुमं जओ कसिण-वत्त-देहो सि ।  
 कणय-च्छयी पिया मे ता दंसइ चंदख्वं सो ॥  
 तं दट्ठं परितुट्ठो पुत्तो चंदस्स चडइ उच्छंगे ।  
 तारा वि विम्हिय मणा जंपइ पिययम ! किमेयं ति ॥  
 सो भणइ पोय-भंगे फलग-विलग्गो विलंघिउं जलहिं ।  
 पत्तो म्हि आसमं तत्थ तावसो भणइ मं दट्ठं ॥  
 दित्तो दियस्स लक्खो जस्स तए सो अहं गहिय-दिक्खो ।  
 वसण-वडियस्स तुह किं करेमि उच्चियं ति तेण तओ ॥  
 दित्तो गारुड-मंतो ख्व-परावत्तिणी तहा विज्जा ।  
 तो गारुडिओ होउं पत्तो म्हि तुमं गवेसंतो ॥  
 एयस्स इमा भज्जा इमो य पुत्तु त्ति जाणए राया ।  
 ताराइ ख्व-सीलेहिं विम्हिओ चित्तए एव ॥  
 यत्ता एसा जा सीलमुज्जलं वहइ वसण-पत्ता वि ।  
 अहमो अहं तु एक्को जो पर-महिलाहिलास-परो ॥  
 हा ! कह निल्लज्जोऽहं जणस्स दंसेमि अत्तणो वयणं ।  
 तो गंतुं गुरु-पासे जिण-दिक्खं गिण्हए राया ॥  
 तग्गुण-रंजिय-चित्ता चंदं कुल-देवया ठवइ रत्ते ।  
 सो जिण-धम्मं काउं तारा-सहिओ गओ सुगइ ॥

इति शीले तारा-कथा ।

अवरासत्तं सूरं नलिणि व्व पइं वियाणिउं पि न जा ।

अत्तत्थ कुणइ पीइं स चिय जयसुंदरी यत्ता ॥

तं जहा—

अत्थित्थ भरइ-वासे जहत्थ-नामा पुरी जयंति त्ति ।

जा जिणइ नियय-रमणिज्जयाइ अलयाइ-नयरीओ ॥  
 नाय-रओ रण-चंडासि-दण्ड-खंडिय-विक्ख-नायरओ ।  
 दय-दाणाइ-गुण-जुओ राया जयसेहरो तत्थ ॥  
 विमलमइ त्ति अमचो अमर-गुरु-सरिस-मइ-गुणो तस्स ।  
 वेय-वियारण-चउरो पुरोहिओ चउमुहो नाम ॥  
 सयल-जण-कज्ज-जणओ धणेण धणओ धणावहो सेट्ठी ।  
 कालं गमंति सव्वे पवन्न-पर-दार-विरइ-वया ॥  
 तत्थेव परत्थ-करत्थ-वित्थरो अत्थि धणवई सेट्ठी ।  
 जिणधम्म-निच्चल-मणो निच्चं जो गमइ निय-जम्मं ॥  
 निय-तणु-छाय व्व सयाणुवत्तिणी तस्स धणसिरी भज्जा ।  
 तेसिं रुवाइ-गुणोह-सुंदरो सुंदरो पुत्तो ॥  
 रुव-रमणिज्जयाए रइ व्व जयसुंदरि त्ति से धरिणी ।  
 अन्नोन्न-सिणेह-पराण ताण वच्चंति दियहाइं ॥  
 अन्न-दिणे सव्वेसिं भावाणं खण-विणस्सरत्तणउ ।  
 पंच-नमोक्कार-परो पंचत्तं धणवई पत्तो ॥  
 धणवइ-पयंमि ठविओ समग्ग-सयणेहिं सुंदरो पुत्तो ।  
 अह् अन्न-वासरे सुंदरेण जणणी इमं भणिया ॥  
 जो न कुणइ काउरिसो धणज्जणं जोच्चणंमि वट्ठतो ।  
 छगल-गल-त्थण-जुयलं व जीवियं निष्कलं तस्स ॥  
 किं च नरेण मइमया न चेय चित्तंमि चित्तियव्वमिणं ।  
 संते महंत-विहवे किं मह विहवज्जणेण जओ ॥  
 पइदियहं पूरिज्जइ जइ कह वि न निन्नया सहरसेहिं ।  
 ता खुसइ चिय अहरा गरुओ वि तरंगिणी-नाहो ॥  
 एवमवड्डिज्जंतो विविहेहिं निरंतरं उवाएहिं ।  
 विलयं वचइ नृणं बह्ओ वि हु विहव-संभारो ॥

तओ—

सगुणो वि विनिग्गुणो चिय बुच्चए सुच्चए परियणेणं ।  
 पावइ विहव-विह्वणो पए पए परिभवं डुरिसो ॥  
 अलियं पि जणो धणइत्तयस्स सयणत्तणं पयासेइ ।  
 आसन्न-बंधवेण वि लज्जिज्जइ झीण-विहवेण ॥

विगुणमवि गुणढुं ख्व-हीणं पि रम्मं  
 जडमवि मइमंतं मंद-सत्तं पि सूरं ।  
 अकुलमवि कुलीणं तं पयंपंति लोया  
 नव-कमल-दलच्छी जं पलोएइ लच्छी ॥  
 लङ्घण घणं सहलं कायव्वं पत्त-दाण-भोगेहिं ।  
 एवं अकीरमाणे संतं पि असंत-सारिच्छं ॥  
 जे उण लद्धं पि घणं न दिति पत्ते सयं न भुंजंति ।  
 ते तं परोवभोगं रक्खंति अविस्ति-कम्मयरा ॥  
 तो गंतुं देसंतरमहं महंतं धणं उवज्जेमि ।  
 तेणोभय-भव-सुहयं करेमि धम्मं च कित्ति च ॥  
 जणणीए वज्जरियं इह द्विओ चिय धणज्जणं कुणसु ।  
 देसंतर-गमणं पुण अणेय-दुक्खावहं वच्छ ! ॥  
 नव-नव-पयाणएहिं सरीर-खेओ दिणे दिणे होइ ।  
 जायंति दुस्सहा वाय-बुद्धि-सीयायव-किलेसा ॥  
 गुरु-विसम-मंग-लंघण-वसेण तण्हा-छुहाउ पीडंति ।  
 असमय-भोयण-पभवा पसरंति निरग्गला रोगा ॥  
 दुद्ध-निव-चोर-चरड-प्पसुहा विहवं हडेण गिण्हंति ।  
 लङ्घण छलं कहमवि सुसंति मायाविणो धुत्ता ॥  
 रयणीसु वि जग्गंतेहिं निच्चमच्चंतमप्पमत्तेहिं ।  
 दु-पय-चउ-प्पय-चउ-विह-भंडाणं दुक्करा रक्खा ॥  
 इय कित्तियं च भज्जइ दुक्खं देसंतरस्स गमणंमि ।  
 सुह-लालिओ तुमं पुण, ता सुंच मणोरहे एए ॥  
 तो सुंदरेण भणियं—अम्मो ! विहियंमि पुरिसयारंमि ।  
 पुरिसाणं संपज्जइ मणिच्छिया निच्छियं लच्छी ॥  
 संसय-तुलहि चडावियउं जीविउ जा न जणेण ।  
 ताव कि संपय पावियइ जा चित्तविय मणेण ॥

ता सव्वहा गंतव्वं मए पुव्व-वह-दिस-विहसणं कंचणउरं नाम नयरं । तं  
 सोऊण भणियं घणसिरीए—पुत्त ! जइ एवं ता वच तुमं तुज्झ घरिणी पुण  
 मह पासे चेव चिद्धओ । सुंदरेण धुत्तं एवं होउ त्ति, भणिया य घरिणी—



भदे ! अकलंक-सील-पालणुज्याए तुमए अंवाए चलण-सुस्तूसणं कायव्वं ।  
बाह-जलाविलच्छीए भणियं तीए ।

इह चिट्ठिस्सामि अहं सरीर-मित्तेण तुज्झ वयणाओ ।

मह चित्तं पुण पिययम ! तुमए सह वच्चिही नूणं ॥

नहि नाह ! किच्चमवरं अंवा-सुस्तूसणं विणा मज्झ ।

अन्नह कुलंगणाणं विहलं जम्मं बुहा धिति ॥

जं पुण मह सीलं तं सक्को वि न सक्कए कह वि हरिउं ।

किं चलह मेरु-चूला किं उच्छल्लह धरणि-वीढं ॥

सुंदरेण वुत्तं पिए ! साहु साहु त्ति । तओ काऊण सामग्गि पसत्थ-दियहे  
कय-देव-गुरु-पूओ कीरंताणेग-मंगलो सुह-सउण-दुगुणिय-मणुच्छाहो रह-  
करहवसह-वेसर-विसरारोचिय-वियड-कयाणगो तुरयारूढ-पाइक्क-चक्क-परिगओ  
पत्थिओ सुंदरो । दित्तो दीणार्हण दाणं थुव्वंतो मागहेहिं अणुगम्मंतो मित्तेहिं  
अहिणंदिज्जंतो नायरएहिं निग्गओ नयरीओ । परिसरे गंतूण पणओ जणणीए ।  
भणिओ अणाए—वच्छ ! एस ते परम-सावओ जिणसुहो नाम सयल-कज्जेसु  
सहाओ न एयस्स वयणं पडिकूलेयव्वं ।

तहा—

विसएहिं तक्करेहि य रक्खेज्ज मुसिज्जमाणमप्पाणं ।

जे सुह-यरं चरित्तं हरंति इक्के परे वित्तं ॥

घण-रस-परिपुत्ताओ असुणिय-मज्झाओ धीवरेहिं पि ।

नारीओ नईओ तहा अवीससंतो विलंबेज्जा ॥

मय-कोह-पसुह-सावय-भयंकरं मयण-भिल्ल-डुल्लंघं ।

पवलक्ख-रक्खसं नित्थरेसु रत्नं व तारुत्तं ॥

एवं सुंदरमभिनंदिऊण नियत्ता धणसिरी । सुंदरो वि सत्थ-सुत्थं  
कुणंतो वच्चंतो पत्तो कायंवरिं अडविं ।

बहु-दीविया ति जाम व्व गाम-भूमि व्व करिसय-समेया ।

वेस व्व भुयंग-जुया गउरि व्व स-नीलकंठा जा ॥

तत्थ भू-निवडिओ खग-पहार-विहुरो सुंदरेण दिट्ठो जोगी । करुणाए  
कओ पउण-सरीरो । पुच्छिओ य—भद ! किं कास्सं जमेवं विहं अवत्थं गओ  
सि ? तेण वुत्तं—अत्थि इत्थेव पच्चयासन्नं वसंतउरं नयरं । तत्थाहं जोगसारो  
जोगी । जोगसिरी मे पडिचारिया । काय-सिद्धि-निबंधणं आउ-बुद्धि-कारणं

काल-वंचणा-पवणं पवण-निरोहाइयं जोग-मगं गुरुवहटं अणुचिटंतो जाव  
चिट्टामि, ताव मिलिओ मे जोगचंडो नाम जोगी । तेण मए सह कथा  
कवड-मेत्ती । नत्थि जोगीणं अकज्जं अखज्जं अपिज्जं अगम्मं किं चि त्ति भणं-  
तेण कराविओहं मज्ज-पाणं । अज्ज मं मज्ज-मत्तं खग्गेण हणिऊण वेत्तूण मे भज्जं  
जोगसिरिं गओ जोगचंडो । सुंदरेण वुत्तं—भइ ! अणुचियमिणं मज्जपाणं ।

जं गरहणिज्जमुत्तम-जणस्स कुवियप्प-सप्प-केलि-विलं ।

दुब्बयण-कारणं कय-किलिद्ध-चिट्ठं हय-विवेयं ॥

जा का य सिद्धि-बुद्धी जल-गय-पडिविंव-गहण-वंचा सा ।

पच्चक्खेण सरीरे विणस्समाणांमि मणुयाणं ॥

जं कयगं तमणिच्चं ति जुत्तिओ भंगुरत्तणे सिद्धे ।

कायस्स थिरीकरणं सुरचाव-थिरीकरण-तुल्लं ॥

ता सुत्तूण कुबुद्धिं जीव-दया-पमुह-सव्व-गुण-पवरे ।

सयल-सुह-हेउ-भूए जिणिंद-धम्ममे मइं कुणसु ॥

इय सोउं पडिबुद्धो सम्मं जिणधम्ममायरइ जोगी ।

तेणावि गारुडं सुंदरस्स दिन्नं पडिय-सिद्धं ॥

तो सुंदरो कमेणं पत्तो कंचणउरे ठिओ वाहिं ।

पारद्धो विविह-कयाणगाण कय-विक्कए काउं ॥

अह पसरिओ वसंतो चूय-वणुच्छलिय-कोइल-रवेण ।

जग्गविय-विसम-वाणो निव्वासिय-माणिणी-माणो ॥

जत्थ—

के वि त्थी-परिरंभेण कामिणो कुरवय व्व कुसुमंति ।

पमया-पय-पहया पल्लवंति के वि हु असोय व्व ॥

घउल व्व रमणि-मइरा-गंडूस-मिसेण के वि वियसंति ।

पहसंति कामिणीहिं कडक्खिया के वि तिलय व्व ॥

फुल्लंति विरहिणो विरहय व्व लहिऊण पंचमं के वि ।

तह चंपय व्व तूसंति के वि वर-सुरहि-सलिलेण ॥

सुंदर-जिणमुहा वसंतूसवं दहुं गया उज्जाणं ।

जत्थ—

जंबीरंव-कयंव-जंबु-कयली-कप्पूर-पूगी-फली

खज्जूरज्जुण-सल्ल-सल्लह-समी-नग्गोह-सोहंजणा ।

ककौली-कुवली-लवंग-लवली-नोमालिया-मालई

सग्गासोय-तमाल-ताल-तिलया रेहंति निद्धा दुमा ॥

तत्थ, तेहिं दिद्धा असोय-तरु-तले चंदलेह व्व तारिया-नियर-परियरिया  
निय-सही-सहिया कन्नगा । तं सुहरं निव्वत्तिऊण भणियं सुंदरेण—

वयणेण इमीए निज्जियाइँ जं पंकयाइँ वियसंति ।

तं जल-संसग्ग-कयं मूढत्तं पुरइ ताण धुवं ॥

सा वि कय-मयण-पडिमा-पूया दट्टूण सुंदरं भणइ ।

सहि ! संपइ पच्चक्खं मयणमिणं किमहमचेमि ? ॥

जंपइ सही अणंगो सो सुव्वइ एस पुण पहाणंगो ।

सा भणइ इमो सक्को ?, भणइ सही सो विहयचित्तो ॥

एस उवज्जिय-वित्तो, सा जंपइ भइणि ! को इमो तत्तो ? ।

विन्नाय-तव्वइयरा सत्थाह-सुओ त्ति कहइ सही ॥

एत्थंतरंमि पुरिसो समागओ तेण जंपिया कन्ना ।

तुह कणय-सुंदरि ! पिया भणइ इमं गच्छ निय-गेहं ॥

सुंदर-मणं मुणंतेण सणियमुवसप्पिउं जिणमुहेण ।

सो पुरिसो संलत्तो एसा कन्ना सुआ कस्स ? ॥

पुरिसेण कहियमिह अत्थि कणय-कोडीसरो कणयसारो ।

सिद्धी तस्सेसा कणयसुंदरी नाम वर-धूया ॥

आगच्छंति इमीए वरगा बहवो परं न सेट्ठिस्स ।

को वि चहुट्टइ चित्ते अओ इमा अपरिणीय त्ति ॥

इय जिणमुहस्स कहिउं गहिउं तह कन्नगं गओ पुरिसो ।

तो कहइ जिणमुहो सुंदरस्स कन्नाइ वुत्तंतं ॥

मयण-त्तर-पर-वसो भणइ सुंदरो मुक्क-दीह-नीसासो ।

मित्त ! इमीए विरहे निय-जीयं निष्फलं मत्ते ॥

मित्तो जंपइ सुंदर ! जणणी-वयणाइं किं न संभरसि ।

किं ते गुरुवएसा चित्ताओ पवसिया सव्वे ॥

किं तुह धीसरियमिणं विसयाणं विसम-विस-विवागतं ।

कत्थ विवेगो वि गओ वयंस ! जं एवमुल्लयसि ॥

वज्जरइ सुंदरो सव्वमत्थि नट्टं न किं पि मह मित्त ! ।

न मुयइ मणं मयच्छी टंकुक्किन्न व्व किं तु इमा ॥

अहं जिणसुहेण भणियं जहं अणुरत्तो दहं तुमं सीए ।  
सा वि तहं वेयं तहा सुह-दंसणओ मए सुणियं ॥

जओ—

सुहराओ धिय साहइ जो जस्स पिओ किमेत्थ भणिएण ।  
साहेइ पंगणं धिय वरस्स अंतगयं लच्छि ॥  
तो होसु तुमं घोरो होहो तुहं पिययमा इमा नृणं ।  
एवं तक्केमि अहं अणुहल-निमित्त-सउणेहिं ॥  
इय बुज्झविडं नीओ आवासं सुंदरो जिणसुहेण ।  
कय-देव-गुरु-सुमरणा रयणीए दो वि पासुत्ता ॥

पहाए ते पडह-दान-पुत्तं उग्यांसणं सुणंति—जो कणयसार-सेट्टि-पूयं  
कणयसुंदरिं सप्प-दट्ठं जीवावेह, सेट्टो से दीनार-लक्खं देह । तओ सुंदरेण  
वाराविओ पडहओ, भणिया एरिसा—दसेह तं मे । तेहिं वुत्तं पमायं काऊण  
एह । गओ भित्तेण सह सुंदरो दिट्ठो सेट्टो कणयसुंदरी य । कहिऊण जहट्ठियं  
वुत्तं भणियं सेट्टिणा—मह ! कणयसुंदरिं जीवाविऊण देसु मे जीवियं ।  
सुंदरेण वुत्तं—अत्थि ताव गारुडं, कज्ज-सिद्धीए दिव्वा पमाणं वि । आलिहियं  
मंडलं सुमरियं गारुडं तक्कणा उम्मीलिय-लायणा विरयंती मंडलाओ उट्ठि-  
ऊण निविट्ठा जणणीए उच्छंणे कणयसुंदरी । तुट्ठो सेट्टो उच्छलितो आणंद-  
नंदो सओ । कणयसुंदरी वि सो वेय एस सुहओ ति सरमसाए किंवि  
गुरु-यण-लज्जा-मंदाए दिट्ठो सुंदरं दहमादत्ता । सुंदरो तं तहा दहण अयंदाण-  
द-सुंदरो जाओ ।

जओ—

अणुराय-लद्ध-पसराइं गुरु-यणालोय-लज्ज-वत्थियाइं ।  
घोरिय-निरिक्खियाइं कुणंति परिओसमयंतं ॥  
सेट्टो पूयाइ मणं सुणिडं तहं जाणिडं जिणसुहराओ ।  
नयर-कुल-प्पसुहं सुंदरस्स तं जंपए एवं ॥  
सुंदर ! मह पूयाए इमीए संमोहणे सदप्पस्स ।  
सप्पस्स व कंदप्पस्स पम्म-दक्खो तुमं वेय ॥

ता परिणेषु एवं । सुंदरेण वुत्तं—गुरु-यणायत्तो एस अत्थो । सेट्टिणा  
वुत्तं—क्ख ! एस ते विणओ कुलाणत्तं कहेइ । गच्छ विवावासं । अहं पुण  
पत्तुयत्थे तुहं जणणीए अणुत्तं मिण्हस्सं । तओ लेहं समयिऊण पेक्किया



पुरिसा जयंतीए । दंसिओ लेहो धणसिरीए । वाइओ सो तीए जहा—भदे !  
कंचणउरे कणयसारो सेट्टी तुह सुयस्स निय-धूयं देइ, जइ तुमं अणुमज्जसि ।  
धणसिरीए भणियं को कल्लाणे विरोहो । जयसुंदरी-सम्मएण समप्पिओ  
तेसिं पडिलेहो । तेहिं गंतूण दंसिओ सेट्टिस्स ।

जहा—

सव्वुत्तमो तुमं सुंदरस्स जइ देसि देसु निय-कन्नं ।

भवणं पविसंतीए सिरिए को झंपयं देइ ॥

तओ सेट्टिणा तं दंसिज्जण परिणाविओ कणयसुंदरिं सुंदरो । निय-नयरं  
गंतु कामो वि सो आसन्नो पाउसो त्ति ठिओ तत्थेव । पत्थिया के वि सत्थिया ।  
तत्थ मे जणणि-वरिणीणं इमाणि अप्पेज्जसु त्ति भणिज्जण सुंदरो दामोयर-  
विप्पस्स सम्पपए सत्त रयणाइं । सो वि पत्तो जयंतीए । लोभ-दोसओ तेण  
अवलत्ताइं ताइं । अन्न-वणिएण अप्पिओ दामोयर-पासाओ सत्त रयणाइं  
घेत्तव्वाइं ति लेहो । तं घेत्तूण गया दामोयर-पासं धणसिरी । दंसिज्जण लेहं  
मग्गिओ सो रयणाणि । तेण वुत्तं—न मज हत्थे पेसियाणि, एस पुण कओ  
केणावि कूड-लेहो । आगया गिहं धणसिरी भणिया बहुया—बच्छे ! चलिय-  
चित्तो वंभणो, ता कस्स वि पहाण-पुरिसस्स कहिज्जण गिण्ह रयणाणि । जं  
अंवा आणवेइ त्ति वुत्तूण भुत्तुत्तरं गया सेट्टि-समीवं जयसुंदरी । कहिओ तस्स  
रयण-वुत्तंतो । तेणावि तीए ख्व-लुडेण भणिया सा—भदे ! जइ मए सह  
एकत्तो वि विसए सेवेसि तो ते कज्जं करेमि । तीए वुत्तं—जइ एवं ता जा-  
भिणी-पुढम-जामे आगंतव्वं ति । गया पुरोहि-पासे । तस्स वि सेट्टि-सरिसो  
समुल्लावो । धीय-जामे आगंतव्वं ति । गया मंति-सगासं । सो वि पुरोहिणेव  
पाडिओ । तं चेव जंपइ तइय-जामे इज्जसु त्ति भणिज्जण गया रत्तो पासे । रत्ता  
वि तं चेव वुत्तं, चउत्थ-जामे जाभिणीए सामिणा आगंतव्वं ति भणिज्जण  
गया निय-गेहं । साहिओ सासुयाए तव्वुत्तंतो । जत्थ कारण-पुरिसा वि एरि-  
सा तत्थ केरिसी रयणासा । बहूए वुत्तं—अत्थि चउ-दिस-ट्टिय-पुरिस-पमाणा  
चउ-कोणा मंजूसा । सा रिक्खी काज्जण गिहेम-देस्से मुचउ । सासुयाए तहेव कयं ।  
सज्जियं जयसुंदरीए मंदिरं । निसाए विप्फुरंते मोहे व्व विहिय-दिट्ठि-पडिरोहे  
तिमिरोहे आगओ सेट्टी । पविट्ठो भवणव्भंतरं । कयं तीए चलण-सोहणाइ ।  
पारद्धा सिंगार-कहा । इत्थंतरे पत्तो पुरोहिओ भणियं अणेण—सुंदरि ! उग्घा-  
डेसु दुवारं । तीए वुत्तं—को एस ? सेट्टिणा भणियं—पुरोहिओ व्व लक्खीयइ ।



अत्थित्थ किञ्चि निलुक्कण-ठाणं ? दंसिओ तीए मंजूसाए उत्तर-कोणो । तत्थ पविट्ठो सेट्ठी, दिन्नं तालयं । उग्घाडियं दुवारं, पवेसिओ पुरोहिओ, निवेसिओ सीहासणे, तस्स वि तद्देव कओ उवयारो, पारद्धा संकहा । एत्थंतरे पत्तो मंती भणियं तेण—उग्घाडेहि दुवारं । तीए वुत्तं को एस ? पुरोहिएण भणियं—मंति व्व नज्जइ अत्थित्थ किञ्चि नासण-ट्ठाणं ? तीए दंसिओ पच्छिम-कोणो । तत्थ पविट्ठो पुरोहिओ । पवेसिओ मंति तस्स वि कओवयारो पारद्धा कहा । इत्थंतरे आगओ राया तेण वुत्तं—उग्घाडेहि वारं । तीए वुत्तं—को एसो ? मंतिणा वुत्तं-राय व्व लक्खीयइ । दंसेहि नासण-ट्ठाणं । दंसिओ तीए दक्खिण-कोणो तत्थ पविट्ठो मंती । पवेसिओ राया पारद्धो उवयारो । इत्थंतरे गहिय-संकेया आगया सासुया भणिया अणाए—वच्छे ! उग्घाडसु दुवारं । रत्ता भणिया—का एसा ? तीए वुत्तं—मह सासुया । रत्ता वुत्तं—दंसेहि किं पि ठाणं, खणमित्तं ओसराभि । दंसिओ पुव्व-कोणो पविट्ठो राया दिन्नं तालयं । इत्थंतरे पहाया रयणी । बहुयं गले घेत्तूण परुत्ता धणसिरी । मिलिओ लोगो, आगओ तलारो, पुच्छियं तेण किमेयं ति ? धणसिरीए कहियं—एगो पुत्तो सो वि देसंतरे पत्तो पंचत्तं । तओ तलारो गओ रायउलं । नत्थि राय त्ति गओ मंति-गेहं । मंती नत्थि त्ति गओ पुरोहिय-गिहं । सो वि नत्थि त्ति गओ सेट्ठी-गेहं । सो वि नत्थि त्ति कहियं लहुय-पंचउलस्स । तं आगयं गिहे । निस्सविज्जण घर-सारं भणिया तेण धण-सिरी—भदे ! तुह गेहे महंती अत्थ-संभावणा न य किं पि दीसइ त्ति । तीए वुत्तं देसंतरं वचंतेण पुत्तगेण भणियमेयं—एसा मंजूसा जत्तेण रक्खियच्चा । पंच-उलेण चितियं संभाविज्जइ इत्थ घरसारं । सा उण चालिउं पि न तीरइ त्ति पुच्छिया बहू—किं कारणं जं इत्थ बहुओ भारो ? तीए वुत्तं—अज्ज मए सुविणे चत्तारि लोगपाला गिहागया दिट्ठा । ते वि मंजूसाए पुव्व-दाहिणावरुत्तरेसु कोणेषु पविट्ठा । तो जइ सच्चो एस सुविणो तो तप्पभावेण भारो संभाविज्जइ । राय-पुरिसेहिं चडाविया गड्डीए मंजूसा, नेऊण मुक्का करणस्स पुरओ । मिलिओ लोगो । पंचउलेण मगिया धणसिरी कूंचियाओ । उग्घाडियाइं तालयाइं । पुव्वाओ कोणाओ नव-बहु व्व पडच्छन्न-सुहो अहो-निविट्ठ-दिट्ठी निग्गओ राया । दाहिणाओ मंती, पच्छिमाओ पुरोहिओ, उत्तराओ सेट्ठी । सव्वे वि वेगेण गया निय-निय-गिहेसु । पंचउलेण भणियं—किं सच्चं इमे रायामव-पुरो-हिय-सेट्ठिणो ? किं वा इंदयालं ? न हसंताणं न रोयंताणं ति पुच्छिया जय सुंदरी—को एस वुत्तंतो । तीए वुत्तं घरे चेव साहिओ सुविणो, सो सच्चो संभा

विज्जइ । पंचउलेण चित्तिं अलं इमिणा वियारेण, मा जणो पंडिओ कीरओ ।  
 आयार-संवरं काऊण मंजूसाए सह पेसियाओ सासुय-वहुयाओ । रत्ता  
 भणिओ तलारो एगंते—गिहे गंतूण भण जयसुंदरिं, जहा रयणाणि लहसि  
 तहा करिस्सामो, परं न एस निसा-वुत्तंतो कस्स वि कहियव्वो । तहेव कयं  
 तलारेण । अमच्चेण भणिओ दामोयरो परसंतियाणि रयणाणि हरंतस्स ते  
 सुमरियं कयंतेण ता लहुं समप्पेहि । तेणावि तहेव कयं ।

अह सुंदरो वि वित्ते वासारत्ते विट्ठ-वहु-वित्तो ।

सह कणयसुंदरीए पत्तो खेमेण निय-नयरिं ॥

जणणी-मुहाउ सोउं जयसुंदरि-सील-रयण-वुत्तंतं ।

तीए उवरि विसेसेण सुंदरो कुणइ अणुरायं ॥

देव-गुरु-भक्ति-रम्मं धम्मं जयसुंदरी चिरं काउं ।

पज्जंते गहिय-वया मरिऊण गया तियस-लोयं ॥

इति शीले जयसुंदरी-कथा ।

इय सील-धम्ममायन्निऊण भव-जलहि-तारण-तरंडं ।

संचिण्ण-मणो राया गिण्हइ नियमं गुरु-समीवे ॥

अट्ठसि-चउद्दसी-पसुह-पव्व-दियहे सुनिचमेव मए ।

कायव्वं वंभवयं भयवं ! मण-वयण-काएहिं ॥

अह वागरियं गुरुणा—जीव-दया-कारणं तवं कुज्जा ।

छज्जीव-निकाय-वहो न होइ जम्हा कए तम्मि ॥

जह कंचणस्स जलणो कुणइ विसुद्धं मलावहरणेणं ।

जीवस्स तहेव तवो कम्म-समुच्छेय-करणेण ॥

कम्माइं भवंतर-संचियाइं तुडुंति किं तवेण विणा ।

उज्झांति दवानलमंतरेण किं केण वि वणाइं ॥

अगणिय-तणु-पीडेहिं तित्थयरेहिं तवो सयं विहिओ ।

कहिओ तह तेहिं चिय तित्थयरत्तण-निमित्तमिलो ॥

कुसुम-समाओ तियसिंद-चक्कवट्ठिणाइ-रिद्धीओ ।

जाणसु तव-कप्प-महीरुहस्स सिंद-सुक्ख-फलयरस्स ॥

वारस वरिसाइं तवो पुव्व-भवे रुपिणीइ जह विहिओ ।

तह कायव्वो नीसेस-दुक्ख-खवणत्थमग्गेहिं ॥

तं जहा—

लच्छि-गामे लच्छी-अलंकिओ आसि सोमदेवो त्ति ।  
 विप्पवरो दाणपरो लच्छिमई नाम तस्स पिया ॥  
 सा नियय-रूव-लावन्न-गव्विया गमइ कालमणवरयं ।  
 मंडंती अप्पाणं अन्न-दिणे मंदिरे तीए ॥  
 समणो समाहि-गुत्तो पत्तो पक्खोपवास-पारणए ।  
 भिक्खत्थं तं ददुं तुट्ठो अब्भुट्ठिओ विप्पो ॥  
 समणस्स देहि भिक्खं पिए ! इमस्स त्ति जंपिउं भज्जं ।  
 सो निग्गओ गिहाओ मंडंती सा वि निय-वयणं ॥  
 दप्पण-तल-संकंतं मुणि-पडिबिंवं च पिच्छए एवं ।  
 निम्मंसमट्ठि-चम्मावसेसमइमलिण-दुग्गंधं ॥  
 तं ददुं कुवियाए दिट्ठि-पहं मज्झ मेल्लसु विरूव ! ।  
 इय निट्ठर-भणिरीए तीए निस्सारिओ साहू ॥  
 तीए य सत्तम-दिणे जाओ सव्वंग-संचरो कोढो ।  
 जं उग्ग-पुन्न-पावाइं एत्थ जम्मे वि दित्ति फलं ॥  
 जण-वन्नणिज्ज-वन्नं आसि सुवण्णं व जं सरीरं से ।  
 तंव व तं विवण्णं जायंतं कं न दूमेइ ॥  
 सुंदरिम-हसिय-कमलं पि कम-जुयं तीइमं गलं जायं ।  
 रंभा-समं पिट्ठयं सिंवलि-थंभाभन्नूरुजुयं ॥  
 चंपय-लओवमं पि हु भुय-जुयलं जायमयगर-सरिच्छं ।  
 अरुणंगुलि-कलियं पि हु कर-कमल-जुयं गयं गलिउं ॥  
 विंव-फल-सोयरं पि हु उट्ठ-पुडं कुट्ठ-घोत्थरं जायं ।  
 सरला वि नासिया से नट्ठा कुट्ठस्स भीय व्व ॥  
 एवं उंवर-कोढकंता कंता वि तेण सा चत्ता ।  
 रूव-सिणेहाईणं अणिच्चयं तेण वित्ति वुहा ॥  
 मण-दुक्ख-अग्गि-दड्ढा मया इमाए विसिज्जण अग्गिम्मि ।  
 जं भणियमोसहं खलु अग्गि चिय अग्गि-दड्ढाण ॥

मरिज्जण सा समुप्पन्ना तत्थेव गामे रायउले रासही । पय-पाणं अपावंती  
 कह वि दियहाइं जीविज्जण मया संजाया गड्ढा-सूयरिया । तओ मरिज्जण जाया  
 सुणही । वणे भमंती दड्ढा दवग्गिणा, मरिज्जण लाड-देसे भरुयच्छासन्न-गामे

जाया कुरुवा विस्सरा दुग्गंधा काणि त्ति नाम धीवर-धूया । तग्गंधं असहंतेहिं  
 पिडहिं नम्मया-तीरे तण-कुडीरयं काऊण तत्थ ठविया सा । नावाए नईए  
 लोगं उत्तारंती दिणाइं गमेइ । अन्नया सो चेव समाहिगुत्तो साहू सिसिरे  
 नम्मया-तीरे कय-काउस्सग्गो दिट्ठो तीए । तं च तरंगिणी-तरंग-संग-सीयलं  
 दुस्सह-समीरं सहंतं संज्ञाए निरावरणं पेच्छिऊण जाय-करुणाए कया तस्स  
 समंतओ तण-भरेहिं पवण-वारणत्थं वाडी । पभाए आगया, मुणिं नमिऊण  
 निविट्ठा पुरओ । कया मुणिणा धम्मदेसणा । तं सोऊण संविग्गा सा पुच्छए  
 मुणिं—भयवं ! कहिं पि तुमं मे दिट्ठ-पुब्बो । नाण-वलेण साहिया साहुणा तीए  
 लच्छिमइ-भवाइया पुब्ब-भवा । संजाय-जाइसरणा जाया सा साविया । सा-  
 हुणा समप्पिया धम्मसिरि-अज्जाए । साहुणीहिं सह विहरंती गया गाममेक्कं ।  
 मुक्का तत्थ नाइल-सावयस्स गिहे । करेइ जिण-भवण-वेयावचं । काऊण वा-  
 रस-वरिसाइं एगंतरोववासे पज्जंत-विहियाणसणा मरिऊण जाया अच्चुइंदस्स  
 पिययमा । पंचपन्नासं पलिओवमाइं पवर-भोगे भुत्तूण समुप्पन्ना इहेव भरहे  
 वराड-विसय-मंडिणीए कुंडिणीए नयरीए ।

जत्थुल्लासिय-दोसायराउ रयणीउ न उण रमणीओ ।

अगुरु-परिचय-पहाणा य भोइणो जोइणो न उण ॥

तत्थ वलुहा-विलासिणी-विसेसओ भेसओ राया ।

जस्स असि-भिन्न-अरि-करि-कुंभत्थल-गलिय-मुत्तिय-गणेण ।

वीएण व जणिआ समर-भूमि-पडिएण कित्ति-लया ॥

तस्स रत्तो निरुवम-रुव-रेहा-वियंभिय-जसाए जसमइ-देवीए गव्व  
 संभवा रुप्पिकुमारस्स लहु-वहिणी रुप्पिणी नाम धूया जाया । सा य सरीरसुं-  
 दरिम-दलिय-देव-रमणी-मडप्फरा मयरद्वय-महाराय-लीला-वणं पत्ता जुव्वणं ।  
 इओ य विस्संभर-भरण-भूयाए वारवइए भरहद्व-चक्कवटी कण्हो राया ।  
 अन्नया तत्थ गओ गयणंगणेण नारय-रिसी । सो वि कण्ह-वल-पसुह-दसारे  
 अभिनंदिऊण पत्तो कण्हस्स अंतेऊरं । तत्थ अब्भुट्ठाण-अग्घ-दाणाईहिं स-  
 म्माणिओ अंतेउरीहिं, न उण कयसिगाराए आयरिस-गिहे अप्पाणं सच्चवंतीए  
 सच्चभामाए । कुविएण तेण चिंतियं—निय-सोहंण-गध्वियाए सच्चभानाए  
 एक्काए न पूइओऽहं ता तहा करेमि जहा एसा सावक्क-डुक्खे पडइ त्ति । तओ  
 उप्पइओ सो निसियासि-पट्ट-सन्निहं नहंगणं । पत्तो कुंडिणीए । भेसय-नरिं-  
 दमभिनंदिऊण पविट्ठो अंतेउरं दिट्ठा तत्थ रुप्पिणी ।



जीए सयंकयाणं रुवाइ-गुणाण वन्नणत्थं व ।  
 चउ-वयणो संपन्नो पयावई विम्हय-वसेण ॥  
 तीए अग्यं दाउं पराए भत्तीए नारओ नमिओ ।  
 तेणावि रुपिणीए आसीसा एरिसा दिन्ना ॥  
 कण्हस्स अग्गमहिस्सी वारवई-सामिणो तुमं होसु ।  
 नमिऊण पुच्छए सा—भययं ! को एस कण्हो त्ति ? ॥  
 अह नारएण कहियं चरियं कण्हस्स सूलओ सव्वं ।  
 पयडी-कया गुणा तह सोहग-परक्कम-प्पसुहा ॥  
 तं सोउं संजाओ अणुराओ रुपिणीइ कण्हम्मि ।  
 तीए रुवं लिहिउं पडंमी नारयरिस्सी वि गओ ॥  
 कण्हस्स पडं अप्पइ, सो पुच्छइ भइ ! का इमा देवी ? ।  
 रिसिणा भणियं—नरवर ! न देवया माणुसी एसा ॥  
 कण्हो जंपइ किं माणुसीइ संभवइ एरिसं रुवं ।  
 भणइ सुणी नणु तीए रुवस्स लवो मए लिहिओ ।

जओ—

एदह मित्तम्मि जए सुंदर-महिला-सहस्स-भरिए वि ।

अणुहरइ नवर तिस्सा वामद्वं दाहिणद्धस्स ॥

एवं भणिऊण उप्पइओ नारओ । जायाणुराएण कण्हेण पेसिया  
 कुंडिणीए रुपिणो पासे रुपिणी-मग्गणत्थं पुरिसा । गोवालो हीण-जाइ त्ति  
 निसिद्धो कण्हो रुपिणा । दिन्ना य सिसुपालस्स । अन्नया पहरिक्के पिउच्छाए  
 भणिया रुपिणी—वच्छे ! ममुच्छंग-गयं तुमं वालत्ते दट्ठूण अइसुत्तय-सुणिणा  
 भणियं, एसा कण्हस्स अग्गमहिस्सी होही । मए भणियं—भयवं ! को सो  
 कण्हो ? । तेण जंपियं—पच्छिम-दिसाए, समुद्ध-तीरे जो वारवई निवेसेही ।  
 संपयं भइ ! तुह कल्लाणसुवट्ठियं । कण्हेण मग्गिया तुमं परं न दिन्नासि,  
 रुपिणा दिन्नासि सिसुपालस्स । रुपिणीए भणियं—किमन्नहा होइ सुणि-  
 वयणं ? । तुमं चेव कुणसु जमित्थजुत्तं । तीए नायं—अत्थि एयाए कण्हे अणु-  
 राओ । तओ तीए पेसिओ पच्छन्नं कण्हस्स दूओ । जहा—माह-सिय-ट्ठमिए  
 नाग-घरे पूया-निमित्तं रुपिणीए समं गमिस्सामि । तत्थ तुमए आगंतव्वं ति ।  
 पारद्धो य वीवाहो रुपिणा सिसुपालस्स । समागओ सो अपेय-करि-तुरय-  
 रह-पाइक्क-चक्क-परिगओ । कलि-कामेण नारएण जाणाविओ एयमत्थं कण्हो ।



रामेण सह रहाखुदो सो पत्तो कुंडिणीए पंचाणणो व्व काणणे निम्भओ चिद्दइ । तंमि दिणे रुपिणी पिउच्छाए बहु-धाई-बुद्ध-नारी-परिगया नागाइ-पूयणत्थं गया उज्जाणे । काऊण नाग-पूयं पूएइसुं इंदाणी-पमुह-देवेसु कहियं चरेहिं एयासिं जहा पत्ता एए राम-केसवा । तओ रहाओ उयरिऊण कण्हेण अभिवाइया पिउच्छा । भणिया य रुपिणी—

कण्हो हं तुज्झ कए इहागओ, तो समीहसे जइ मं ।

ता आरुह रहमेयं हियए पुण पुन्वमाखुदा ॥

पिउच्छाए अणुत्ताया कण्हेण आरोविया रहं रुपिणी । एसा रुपिणी केणावि निज्जइ त्ति परियणेण कओ कोलाहलो । तं सोऊण मिलिओ बहुओ लोगो । भणिओ सो कण्हेण—गंतूण कहेह रुपिणो, तुह भइणी कण्हेण निज्जइ, जइ अत्थि कावि सत्ती ता मेल्लावसु त्ति भणिऊण आऊरिया राम-कण्हेहिं पलय-काल-घण-घोसाणुकारिणा सरेण कय-असंख-जण-संखोहा संखा । सुणिय-बुत्तंता जणिय-कोवा कय-संनाहा दसहिं सहस्सेहिं गयंदाणं तिहिं लक्खेहिं तुरंगाणं सट्ठीए सहस्सेहिं रहाणं बहूहिं लक्खेहिं पाइकाणं परियरिया रुपिसि-सुपाला । लग्गा अणुमग्गेणं राम-कण्हाणं । ते आगच्छंते दट्ठूण भउवभंत-हिययाए कण्हुच्छंग-गयाए रुपिणीए भणियं—बहु-सेन-संगया महारहा इमे तुम्हे पुण सेन-रहिया । ता तुम्ह संगमं विहलं व तक्केमि त्ति कंपइ मे हियं । कण्हेण जंपियं—पंकयच्छि ! उज्जेसु सज्झसं झत्ति ।

बहुएवि अहं गरुडो व्व पन्नगे निग्गहिस्सामि ।

जओ—

अम्हे थोडा रिउ बहुय इउ कायर चिंतंति ।

सुद्धि निहालहि गयणयलु कइ उज्जोउ करंति ॥

जइ न पत्तियसि ता पिच्छ मे बाहु-बलं ।

इय भणिउं कण्हेणं आकण्णं कड्डिऊण कोदंडं ।

एगेण अद्ध-चंदेण छिंदिया ताल-तरु-माला ॥

पुण वि बल-पयडणत्थं हरिणा वज्जं नियंगुलीयस्स ।

दलियं नियंगुलीहिं कप्पूर-कणो व्व हेलाए ॥

दट्ठूण इमं तुट्ठा एसा, अह हलहरं हरी भणइ ।

वेत्तूण बहुं वचसु अहं निवारेमि पर-सेनं ॥

हलिणा वि हरी भणिओ वच्च तुमं पर-बलं जिणेमि अहं ।

इय तेसिं संलावं सोउं तुट्टा य तट्टा य ॥  
 कण्हस्स रुप्पिणी निवडिज्जण चलणेसु विन्नवइ एवं ।  
 रक्खेसु रुप्पिणो मज्झ भाउणो जीवियं नाह ! ॥  
 हरिणा भणिओ रामो रक्खेज्ज इमीइ भाउणो जीयं ।  
 कण्हो वि सयं पुण रुप्पिणीइ सह निय-पुरिं चलिओ ॥  
 जलहि-जलं पिय मच्छो विलोलए परवलं बलो पबलो ।  
 लीलाए मुसलेणं चूरंतो करडि-संघायं ॥  
 तो कुविओ सिसुपालो दुक्को भानिय-कराल-करवालो ।  
 हणिउं मुसलेण बलेण सो वि गय-पोरिसो विहिओ ॥  
 अह घाविओ स-दप्पो रुप्पी धिट्ठोसि रे ! तुमं गोव ! ।  
 जो मह पुरओ चिट्ठसि इय जंपंतो हलहरेण ॥  
 आयड्डिउं रहाओ हलेण हणिउं तल-प्पहारेण ।  
 धरणीइ पाडिओ छिन्न-वणु-गुणो ललिय-केसो य ॥  
 भणिओ सुक्कोसि मए रे ! जीवंतो दयाइ गच्छ गिहं ।  
 इय विहिय-वेरि-विजओ कण्ह-समीवं गओ रामो ॥  
 वारवईइ पवेसे भणिया कण्हेण रुप्पिणी एवं ।  
 धणएण निम्मिया जा मज्झ कए सा पुरी एसा ॥  
 कण्हो भणिओ तीए गुरु-यण-दिक्खाओ गरुय-विभवाओ ।  
 बहु-परिवार-जुयाओ भज्जाओ तुज्झ चिट्ठंति ॥  
 एगानिणी अहं पुण आणीया बंदिणि व्व इह तुमए ।  
 ता तह करेसु तासिं जह नाह ! न होमि हास-पयं ॥  
 कण्हेण जंपिया सा मा वीह पिए ! तहा करिस्सामि ।  
 जह चूडामणि-भूया होसि तुमं सव्व-भज्जाणं ॥  
 तो गंतुं उज्जाणे अबणेउं सिरि-वरे सिरि-पडिमं ।  
 तट्टाणे सा ठविया कण्हेण इमं च सिक्खविया ॥  
 सच्चा-पमुहाउ अंतोउरीउ सिरि-पणमणत्थमेत्थ जया ।  
 आगच्छंति तथा खलु अणमिस्स-नयणा हवेज्ज तुमं ॥  
 अह कण्हो निय-भवणे पत्तो सच्चाइ पुच्छिओ एवं ।  
 कत्थ तुह वल्लहा सा ? सो जंपइ सिरि-वरे अत्थि ॥  
 तइंसणूसुचाओ गयाओ सव्वाओ तत्थदेवीओ ।

ददूण रुपिणि कणय-सच्छहं छविमगमितच्छि ॥  
 लच्छि ति लक्खिउं पूइउं पणमिउं च जंए सच्चा ।  
 देवि ! पसायं काउं जइ कुणसि तुमं ममाहिं तो ॥  
 तुच्छं रुवाइ-गुणेहिं महिलमागतुगं तओ तुज्झ ।  
 काहं महंत-पूयं इय विन्नविउं गया सच्चा ॥  
 कणहस्स अंतिए भणइ अप्पणो दइयममह दंसेसु ।  
 तो सिरि-हरंमि पत्तो कण्हो अंतेउरीहिं समं ॥  
 सो रुपिणीइ अब्भुट्ठिऊण भणिओ नमामि कं पढमं ।  
 कणहेण सच्चभाना दक्खविया भणइ सा एवं ॥  
 पुव्वं मए पणमिया एसा हसिऊण जंए कण्हो ।  
 जं भइणीए भइणी नमिया तत्थत्थि को दोसो ॥  
 वियरेइ रुपिणीए पासायं सव्व-सुंदरं कण्हो ।  
 तह रयण-कंचणाहरण-वत्थ-पमुहं महा-विहवं ॥  
 इय पुव्व-जम्म-निम्मिय-तव-प्पभावेण रुपिणी देवी ।  
 इंदेण सइ व्व सुहं माणेइ समं उविंदेण ॥

इति तपसि रुक्मिणी-कथा ।

जह पुव्व-भवे महुकेउवेहि पज्जुन्न-संव-कुमरेहिं ।  
 विहिओ तवो विचित्तो तह अत्तेहिं पि कायव्वो ॥

तं जहा—

कइयावि कणह-पासे समागओ नारओ कहइ एवं ।  
 वेयड्ड-पव्वए जंववंत-विज्जाहरिंदस्स ॥  
 देवीए सिवचंदाइ नंदणो अत्थि वीससेणो ति ।  
 जंववई जंजूणय-वन्ना तस्सत्थि लहु-वहिणी ॥  
 निय-वयण-कणय-पंकेरुहाण तुल्लत्त-दंसणत्थं व ।  
 सुर-सरियाए कूले कीलंती सा मए दिहा ॥  
 कणहेण तत्थ गंतुं दढाणुराण सावि आणीया ।  
 तज्जणयमगाहिटी जिणिऊण हरिस्स उवणेइ ॥  
 सो वि हु गुरु-रिडीए हरिणा परिणाविऊण निय-धूयं ।  
 गुरु-वयण-सवण-संविगग-माणसो गिण्हए दिक्खं ॥

अग्नया गिरिनयराओ सचभामाए भाया दुज्जोहणो तत्थागओ । सो परिहासेण भणिओ सचभामाए—भाय ! वेवाहिओ होसु जया मज्झ पुत्तो होइ तथा तुमए तस्स निय-धूया दायव्वा । रुप्पिणीए वि सो एवं भणिओ । इत्थंतरे भिक्खत्थं तत्थागओ ओहिनाणी साहू । पवराहारेहिं पडिलाभिऊण सो रुप्पिणीए भणिओ—

भयवं ! मे होही पुत्तो ? सच्चाए वि पुच्छिओ एवं ।

होहि त्ति एग-वयणं भणिऊणं निग्गओ साहू ।

सचभामा-रुप्पिणीणं जाओ दुण्हंपि सुय-विवाओ । सच्चा भणइ मुणिणो मे अक्खिओ पुत्तो, रुप्पिणी भणइ ममं ति । सच्चाए भणियं—जीए पुत्तो होही तदियरीए केसेहि पुत्त-विवाहे दग्ग-कज्जं कायव्वं । इत्थ सक्खिणो कण्ह-वलदेव-दुज्जोहणा । अग्नया निस्साए सारय-ससंक-सच्छहो वसहो वयणे पविसंतो सुविणे दिट्ठो रुप्पिणीए । कहिओ कण्हस्स । तेणावि हक्कारिऊण सम्माण-पुव्वं पुच्छिया सुविण-पाढगा—किं फलो एस सुविणो त्ति ? तेहिं कहियं—तुज्झ तुल्लो पुत्तो होही ।

अह महासुक्काओ चविऊण महुदेव-जीवो रुप्पिणीए गग्गे सलुप्पन्नो । सा नवण्हं मासाणं साहरेगाणं निय-देह-प्पहा-पभारेण गग्ग-गिहंधयार-दारयं दारयं पसूया ।

वच्चाविओ य कण्हो गंतुं चेडीए तुरिय-गमणाए ।

तोए नियंग-लग्गं दिन्नं कण्हेण आभरणं ॥

कण्हो पहिट्ठ-हियओ उवविट्ठो सुइ-मंदिरे गंतुं ।

काउं करे कुमारं दासी दंसेइ कण्हस्स ॥

नयण-मणाणंदकरं सव्वंगं जाव तं नियइ कण्हो ।

ता रयणं व कुमारो हरिओ केण वि अदिट्ठेण ॥

अह रुप्पिणी-कुमारावहार-गुरु-सोय-भरिय-सव्वंगा ।

मुच्छा-निमीलियच्छी धस त्ति धरणी-यले पडिया ॥

सिसिरोवयार-संपत्त-चेयणा पसमिउं व सोयणिं ।

सा वाह-सलिल-पूरं मिलंती पलवए एवं ॥

हा चंदवयण ! हा कमल-नयण ! हा वच्छ ! लच्छि-कुल-भवण ! ।

हा निय-वंस-विभूषण ! हा किसलय-अरुण-कर-चलण ! ॥

खिविऊण ममं दीणं दुस्सह-सोयानलंमि पजलंते ।



अगणिय-जणणि-सिणेहो पुत्त ! तुमं कत्थ पत्तोसि ॥  
 निळुक्खणा अहं चिअ निब्भग्ग-सिरोमणी अहं चेअ ।  
 जं परिहरिऊण ममं पुत्त ! तुमं कत्थ वि गओसि ॥  
 हा तणय ! कणय-सच्छह ! जीवंति लोयणेहिं एएहिं ।  
 किं तुज्झ वयण-कमलं कयाइ पुणरवि पलोइस्सं ॥  
 कणहो वि जाय-सोगो विलवइ सह जायवेहिं हा वच्छ ! ।  
 केणावि वेरिएणं एक-पए चेव हरिओसि ॥  
 हा दिव्व ! मह विलीयं किं दिट्ठं जं तए सुय-मिसेण ।  
 आरोविऊण भवणे कप्प-तरु एस अवहरिओ ॥

एत्थंतरे गयणाओ आगओ नारओ, भणियं तेण—भो ! किमेवं सोय-  
 सुव्वहह, जओ सुरासुरेहिं पि दुरइक्कमो कम्म-परिणामो । ता अवलंवेह धीरयं,  
 कहेमि तुम्ह पुत्त-पउत्तिं ति, भणिऊण पत्तो महाविदेहं । पणमिऊण सीमंघ-  
 र-सामिं पुच्छेइ—भयवं ! किं पुव्व-भवे रुप्पिणीए कयं कम्मं जं जायमेत्तो वि  
 अवहरिओ से पुत्तो । केण अवहरिओ, कत्थ सो, कहं वा चिट्ठइ ति ? । भणियं  
 सामिणा भइ ! सुण—वंभणी-भवे इमीए उज्जाणाओ मोरीए रसंतीए मोर-  
 पोयगो नीओ निय-गेहं । बुद्धिं नेऊण सिक्खविओ नइं । तालाए चप्पुडि-  
 याए य दिन्नाए नडो व्व नचए विविह-भंगीहिं । सा उण तस्स माया मोरी  
 तजेह-मोहिया न मिळए तं पएसं । सयणेहिं भणिया वंभणी—भइ ! किं  
 अणेण रुडेण जस्स माया मोरी सुय-विओग-डुक्खिया एवं गमइ कालं । तओ  
 तव्वयण-जायाणुकंपाए तीए सोलसमे मासे सुक्को । तं कम्मं वारस-गुणं उइत्तं  
 रुप्पिणीए । अओ सोलस-वरिस-पज्जंते पुत्त-दंसणं होहि ति । जं पुण पुच्छियं  
 केण कम्मेण अवहारिओ ति तं सुण—एत्थेव भारहे वासे सालि-ग्गासे मणोर-  
 सुज्जाणस्स सामी सुमणो नाम जक्खो । तत्थेव सोमदेवो नाम वंभणो आसि ।  
 तस्स भज्जा अग्गिला ताणं दुन्नि पुत्ता चउदस-विज्जा-ठाण-पारगा अग्गिभूई  
 वायुभूई य । अन्नया बहु-साहु-सहिओ चंदो व्व तारय-परियरिओ समोस्स-  
 रिओ मणोरसुज्जाणे नंदिवट्ठणायरिओ । गओ तव्वंदणत्थं गाम-लोगो । पारब्बा  
 भव-निव्वेय-जणणी गुरुणा धम्मदेसणा । निय-पंडिच्च-पयंड-दप्पा दो वि  
 दिय-नंदणा उवट्ठिया वाए । निज्जिया एकेण साहुणा भणिया य—भइ ! किं  
 जाइ-कुलाइ-गव्वसुव्वहह । सुणह अत्तणो पुव्व-भवं । इत्थेव गामे वणत्थलीए  
 सियाला दो वि तुम्मे आसी । कयाइ करिस्सगेण केण वि हलोवगरणाइं खेत्ते



मुक्काइं नाडयाइं रयणीए बुद्धेण तित्ताइं ताइं भक्खिज्जण मया कम्मवत्सेण ।  
जाया इमस्स चिप्पस्स पुत्ता । करिस्सगो वि कालेण मओ जाओ निय-सुण्हाए  
नंदणो । जाइं सरिज्जण कहं निय-तणयं जणयं सुण्हं वा जणणिं जंपेमि त्ति  
मूयत्तणं पवत्तो । जइ नत्थि पच्चओ, तो सद्देह तं मूयं जेण सव्वमेयं साहइ ।  
तओ वाहराविओ मूओ भणिओ सो मुणिणा ।

राया वि होइ भिच्चो भिच्चो वि नरेसरत्तणं लहइ ।

माया वि होइ भज्जा भज्जा वि हु होइ माय त्ति ॥

जणओ वि होइ तणओ तणओ वि हु एत्थ जायए जणओ ।

सुण्हावि होइ माया माया वि हु होइ सुण्ह त्ति ॥

ता वच्छ ! संसार-सख्वमेयं परिभाविज्जण सुत्तूण लज्जं कहेसु  
अत्तणो पुव्व-भवं । सो वि सहरिस्सो लोयस्स निय-पुव्व-भवं साहइ । संधि-  
ग्ग-मणो मुणि-पासे पव्वइओ पामरो । ते वि दिय-दारया सियाला वंभणा  
जाय त्ति उवहसिया अविवेणिणा लोएण । विलक्ख-चित्ता कोवमुव्वहंता  
रयणीए खग्ग-वग्ग-हत्था वहत्थं साहूणं आगया उज्जाणं । थंभिया लुमण-  
जक्खेण । पभाए दिट्ठा खीलिया लोणेण । मुणिय-बुत्तंता आगया तेसिं  
माया-पियरो । अक्खिज्जं जक्खेण मुणि-मारणुज्जुया इमे मए एवं कया ।  
तो जइ जिणधम्मं पडियज्जंति ता मिल्लेमि, न अन्नहा । तेहिं भणियं  
दुक्करो साहु-धम्मो सावग-धम्मं पुण करिस्सामो । एवं करेह त्ति भणि-  
ज्जण मुक्का ते जक्खेण । गहियं सावगत्तं भावओ सुएहिं साहु-समीवे, न  
उण जणणि-जणएहिं । कालेण अग्गिभूइ-वाउभूइणो मरिज्जण समुप्पत्ता  
सोहम्मे पंच-पलिओवमाज देवा । तओ चुया हत्थिणाउरे अरिहदास्स  
सावयस्स पुन्नभइ-माणिभइ-नामाणो जाया नंदणा । जिणसासणापुरत्ता  
कुणंति सावगत्तं । अन्नया महिंद-चाव-चवलं जाणिज्जण जीवियं महिंद-मुणि-  
समीवे पवन्नो अरिहदासो दिक्खं । तस्स सुया रहाख्खा साहु-नमणत्थं  
पत्थिया । पेच्छंति मग्गे सुणही-सणाहं चंडालं । जाओ तेसिं तदुवरि सि-  
णेहो । गया साहु-समीवे । वंदिज्जण पुच्छंति साहुं—भयवं ! किं कारणं जेण  
अम्हाणं सुणहिं चंडालं च दट्ठूण सिणेह-निव्वभरं मणं जायं । साहुणा कहियं-  
तुव्वे अग्गिभूइ-वाउभूइ पुव्व-भवे हुंता । तुम्ह पुण माया-पियरो अकय-धम्मा  
मया संसारं हिडिज्जण माया सुणही जाया पिया पुण एसो सोवागो ।  
तओ ते संजाय-जाइसरणा संसार-सख्वं सुमरंता गया गेहं । तेहिं कहिज्जण

युत्तंतं पडिवोहिओ सोवागो सुणही य । वेरग-समगो सोवागो मास-प्पमाणं  
अणसणं काऊण मओ नंदीसरे देवो जाओ । सुणही वि कयाणसणा तत्थेव पुरे  
रत्तो धूया जाया । पुणो वि सो साहू तत्थागओ । पुच्छिओ तेहिं सुणही  
सोवागो य मरिऊण कत्थ गय स्ति ? । साहुणा कहियं जहावत्तं । राय-धूया  
पडिवोहिया तेहिं । काऊण पवज्जं गया सुरलोयं । ते वि काऊण निम्मलं साव-  
गतं पत्ता सोहम्मे । जाया सुरिंद-सरिसा सुरा । तओ चुया हत्थिणाउरे वीर-  
सेण-रायस्स महु-केढवाभिहाणा जाया तणया । गहिय-कला-कलावा पत्ता  
जुव्वणं । पर-लोय-पत्थिएण पिउणा ठविओ रज्जे महुकुमारो, केढवो कओ-  
जुवराओ । अन्नया निय-सेवगस्स वडउर-सामिणे कणयाभरणस्स भज्जा  
चंदाभा नाम अवहरिया महुणा । तीए सह विसए सेवंतो महु कालं गमेह ।  
वडउर-नरिंदो वि चंदाभा-विरहे तरु-वक्क-निवसणो भूइ-भुर-कुंडियंगो संजाओ  
जडहारी । कयाइ दिट्ठो देवीए मग्गे भमंतो, दंसिओ महु-नरिंदस्स । एस  
मज्झ पई मह विओगे परिचत्त-रज्जो एगागी एवं परिव्वभमइ । तं सोऊण  
चित्थियं महुणा ।

हा ! कुंदिंदु-समुज्जलो कलुसिओ तायस्स वंसो मए  
वंधूणं मुह-पंकएसु य हहा दिन्नो मसी कुचओ ।  
ही ! तेलुक्कमकित्ति-पंसु-पसरेणुखूलियं सव्वओ  
धिद्धी ! भीम-भवुव्वभाण भवणं दुक्खाण अप्पा कओ ॥  
जं विसय-परव्वस-माणसेण हरियं मए पर-कलत्तं ।  
ता तिव्व-तवं काहं इमस्स पावस्स सुद्धिकए ॥  
तो धुंधुमार-कुमरं रज्जे ठविऊण महु-मही-नाहो ।  
निय-वंधु-केढवेणं समन्निओ गिण्हए दिक्खं ॥  
ते दो वि सयल-सुत्तत्थ-पारगा जिय-परीसह-कसाया ।  
कुव्वंति तवं छट्ठमाइ-छम्मास-पज्जंतं ॥  
बहुवात्त-सहस्साइं सामन्नं पालिऊण पज्जंते ।  
कय-पायवोव-गमणा मरिउं सुक्के सुरा जाया ॥  
अह वडउर-नयर-निवो काउं अन्नाण-तवमपज्जंतं ।  
मरिऊण समुप्पन्नो पलियाऊ जोइसेसु सुरो ॥  
तत्तो चविउं भमिओ भवम्मि लहिउं नरत्तणं कह वि ।  
किंचि कय-सुकय-कम्मो जाओ सो धूमकेउ-सुरो ॥

महु-नरिंदो वि सत्तरस-सागराहं सुर-रिद्धिं भुत्तूण चविउं समुप्पन्नो  
 कण्ह-पत्तीए रुपिणीए पुत्तो । धूमकेउ-सुरेण भज्जा-वेरं सरिऊण अवहरिओ  
 सो । नीओ विजयद्ध-भूधरस्स भूरमण-वणे । लुहा-तिसा-सीय-वायायव-  
 पीडिओ दुक्खेण मरउ त्ति मुक्को सिलायले । गओ सुरो सट्ठाणं । देव-वसेण  
 विमाणारूढो निय-भज्जाए कणयमालाए समेओ कालसंवरो विज्जाहरो  
 आगओ तं पएसं । देह-प्पहा-पडल-पूरिय-दियंतरं रयण-पुंजं व तं दारयं  
 दट्ठूण विज्जाहरो अवयरिऊण विमाणाओ पहिट्ठ-मणो वेत्तूण तं समप्पए  
 निय-भज्जाए । तुट्ठ-चित्ताए तीए समं गओ निय-नयरं मेहकुंडं । गरुड-रिद्धीए  
 कयं पज्जुत्तो त्ति से नामं । कणय-गिरि-गुहा-गओ कप्प-रुक्खो व्व वट्टए  
 एसो । तं सोऊण हरिसिओ नारओ । नमिऊण जिणिंदं गओ वेयड्ड-सेल-  
 सिहर-सेहरं मेहकुंड-नयरं । तत्थ दट्ठूण कालसंवरो वड्ढावए पुत्त-जन्मेणं ।  
 तेणावि नेऊण भवणग्गमंतरं दंसिओ पज्जुत्तो । तं रुपिणी-पडिम-रूवं निरु-  
 विऊण उप्पइओ नारओ । आगओ वारवईए । कहेइ कण्ह-रुपिणी-पमुहाण  
 पुरओ सीमंधर-जिणोवइट्ठं पज्जुन्न-वुत्तंतं । तं सोऊण रुपिणी-पुत्त-दंसणूसुया  
 कालं गमेइ । अन्नया जाओ भाणू नाम सच्चभामाए मणाणंद-जणओ तणओ ।

अह मेहकुंड-नयरे पज्जुत्तो गुण-कलाव-पडिपुत्तो ।

उद्दाम-कामिणी-मण-विमोहणं जुव्वणं पत्तो ॥

तेलुक्के वि तमत्थि वत्थु न परं जं तस्स सव्वप्पणा

पाविज्जाखिल-लोय-लोयण-सुहा-सारस्स तुल्लत्तणं ।

जं पंकेरुह-कुंद-चंद-पमुहा ते तस्स तेयस्सिणो ।

इक्केक्कस्स वि अंगयस्स पुरओ दीसंति दासा इव ॥

अह तं निसग्ग-सोहग्ग-संगयं पेच्छिऊण तज्जणणी ।

मयण-विचत्ता विलज्जा पज्जुन्नं जंपए एवं ॥

मह कुक्खि-भवो न तुमं किं तु अरन्नंमि सुहय ! लद्धोसि ।

संवड्ढिओ पगामं गरूएहिं मणोरहेहिं मए ॥

संपइ मणोरहे मह विसय-सुहासेवणेण पूरेसु ।

जेण तुह देमि विज्जा-गोरी-पंनत्ति-पमुहाओ ॥

इय सोउं सो चिंतइ धिद्धी जणणी वि जंपए एवं ।

अहवा मयणायत्ता कज्जमकज्जं च न मुणंति ॥

विज्जाओ ताव गिण्हामि तयणु काहामि किं पि जं उच्चियं ।

तो भणइ इमो विज्जाउ देहि मे तुह हियं काहं ॥  
 दिन्नाउ तस्स विज्जाउ तीइ सुद्धाइ विसय-कुद्धाए ।  
 तत्तो भोग-सुहृत्थं तं पत्थंतिं भणइ कुमरो ॥  
 जइ वि अहं तुह पुत्तो न होमि पुत्तो त्ति वड्डिओ तह वि ।  
 ता वोत्तुं पि न जुत्तं तुज्झ इमं किं पुणो काउं ॥  
 पुणरुत्तं पत्थंती वि तेण गणिया तणं व सा जाव ।  
 ताव नहेहिं नियंगं चियारिउं तीइ पुक्करियं ॥  
 अह संभंतो पत्तो तवभत्ता भणइ हा किमेयं ति ।  
 सा कहइ मज्झ सीलं बला वि खंडइ इमो कुमरो ॥  
 दंसइ य नह-पयाहं तो कुविओ कालसंवरो भणइ ।  
 निय-पुत्ते रे ! मारह इमं दुरायरमकयहुं ॥  
 ते पहरिउं पयट्टा पयंड-भुय-विक्रमेण कुमरेण ।  
 एकेण व निज्जिणिया हरिणा हरिण व्व सव्वे वि ॥  
 तत्तो कुद्धो कालो व्व दुस्सहो कालसंवरो दुक्को ।  
 सो वि कओ गय-दप्पो इमिणा सप्पो व्व मंतेण ॥  
 नटो पुरे पविट्ठो सो पज्जुत्तेण पेसिउं पुरिसं ।  
 जाणाविओ समगं पि कणयमालाइ वुत्तंतं ॥  
 भणिओ य संसुहोहं जं दुक्को तुज्झ ताय ! संगामे ।  
 तं खमसु मज्झ दोसं खमा-परा हुंति जं गुरुणो ॥  
 महिला-अणत्थ-संदोह-मंदिरं दोस-दुम-अमय-कुल्ला ।  
 इय चित्तिज्जण खयरेसरेण सम्माणिओ कुमरो ॥

एत्थंतरे आगओ नारओ । एस देव-रिसि त्ति साहिओ पज्जुत्तस्स  
 विज्जाए । पणमिओ सो अणेण । तेणावि कहियं कणह-पत्तीए रुपिणीए तुमं  
 पुत्तो । धूमकेउणा अवहरिओ । तुह विरहे रुपिणीए गणियाहं सोलस-वरि-  
 साहं । रुपिणीए सच्चभामाए सह पइत्ता कया आसि । जीए सुओ पुव्वं उप्प-  
 जिही तदन्नाए केसेहिं पुत्त-विवाहे दव्व-कज्जं कायव्वं । संपयं सच्चा-सुयस्स  
 भाणुस्स विवाह-कालो वट्ठइ । ता कुमार ! तत्थ वच्चामो । तओ पियरं पुच्छि-  
 ज्जण पत्थिओ पज्जुत्तो नारएण समं । पुरओ पिसंडि-पासाय-पसरंत-पहा-  
 पव्वभार-भासुरं वारवहं दट्ठूण पुच्छए तं किमेयं ति ? ।

तो नारएण कहियं धणएण कया इमा सुवन्नमई ।



महु-नरिंदो वि सत्तरस-सागराहं सुर-रिद्धिं भुत्तूण चविडं समुप्पन्नो  
 कण्ह-पत्तीए रुपिणीए पुत्तो । धूमकेउ-सुरेण भज्जा-वेरं सरिऊण अवहरिओ  
 सो । नीओ विजयख-भूधरस्स भूरमण-वणे । छुहा-तिसा-सीय-वायायव-  
 पीडिओ दुक्खेण मरउ त्ति मुक्को सिलायले । गओ सुरो सट्ठाणं । देव-वत्सेण  
 विमाणारूढो निय-भज्जाए कणयमालाए समेओ कालसंवरो विज्जाहरो  
 आगओ तं पएसं । देह-प्पहा-पडल-पूरिय-दियंतरं रयण-पुंजं व तं दारयं  
 ददूण विज्जाहरो अवयरिऊण विमाणाओ पहिद्व-मणो वेत्तूण तं समप्पए  
 निय-भज्जाए । तुद्व-चित्ताए तीए समं गओ निय-नयरं मेहकुंडं । गरुय-रिद्धीए  
 कयं पज्जुत्तो त्ति से नामं । कणय-गिरि-गुहा-गओ कप्प-रुक्खो व्व चट्टए  
 एसो । तं सोऊण हरिसिओ नारओ । नमिऊण जिणिंदं गओ वेयडु-सेल-  
 सिहर-सेहरं मेहकुंड-नयरं । तत्थ ददूण कालसंवरं वज्जावए पुत्त-जम्ममेणं ।  
 तेणावि नेऊण भवणव्भंतरं दंसिओ पज्जुत्तो । तं रुपिणी-पडिम-रुवं निरु-  
 विऊण उप्पइओ नारओ । आगओ वारवईए । कहेइ कण्ह-रुपिणी-पमुहाण  
 पुरओ सीमंधर-जिणोवइदं पज्जुत्त-वुत्तंतं । तं सोऊण रुपिणी-पुत्त-दंसणूखुया  
 कालं गमेइ । अन्नया जाओ भाणू नाम सच्चभामाए मणाणंद-जणओ तणओ ।

अह मेहकुंड-नयरे पज्जुत्तो गुण-कलाव-पडिपुत्तो ।

उद्दाम-कामिणी-मण-विमोहणं जुव्वणं पत्तो ॥

तेलुक्के वि तमत्थि वत्थु न परं जं तस्स सव्वप्पणा

पाविज्जाखिल-लोय-लोयण-सुहा-सारस्स तुल्लत्तणं ।

जं पंकेरुह-कुंद-चंद-पमुहा ते तस्स तेयस्सिणो ।

इक्केक्कस्स वि अंगयस्स पुरओ दीसंति दासा इव ॥

अह तं निसग्ग-सोहग्ग-संगयं पेच्छिऊण तज्जणणी ।

मयण-विवसा विलज्जा पज्जुत्तं जंपए एवं ॥

मह कुक्खि-भवो न तुमं किं तु अरन्नंमि सुहय ! लद्धोसि ।

संवड्ढिओ पगामं गरुएहि मणोरहेहिं मए ॥

संपइ मणोरहे मह विसय-सुहासेवणेण प्ररेखु ।

जेण तुह देमि विज्जा-गोरी-पंनत्ति-पमुहाओ ॥

इय सोउं सो चिंतइ धिद्धी जणणी वि जंपए एवं ।

अहवा मयणायस्ता कज्जमकज्जं च न मुणांति ॥

विज्जाओ ताव गिण्हामि तयणु काहामि किं पि जं उचियं ।



तो भणइ इमो विज्जाउ देहि मे तुह हियं काहं ॥  
 दिग्गाउ तस्स विज्जाउ तीइ सुद्धाइ विसय-लुद्धाए ।  
 तत्तो भोग-सुहृत्थं तं पत्थंतिं भणइ कुमरो ॥  
 जइ वि अहं तुह पुत्तो न होमि पुत्तो त्ति बड्डिओ तह वि ।  
 ता वोत्तुं पि न जुत्तं तुज्झ इमं किं पुणो काउं ॥  
 पुणरुत्तं पत्थंती वि तेण गणिया तणं व सा जाव ।  
 ताव नहेहिं नियंगं वियारिउं तीइ पुक्करियं ॥  
 अह संभंतो पत्तो तवभत्ता भणइ हा किमेयं ति ।  
 सा कहइ मज्झ सीलं बला वि खंडइ इमो कुमरो ॥  
 दंसइ य नह-पयाइं तो कुविओ कालसंवरो भणइ ।  
 निय-पुत्ते रे ! मारह इमं दुरायरमकयधुं ॥  
 ते पहरिउं पयट्ठा पयंड-भुय-विक्रमेण कुमरेण ।  
 एकेण व निज्जिणिया हरिणा हरिण व्व सव्वे वि ॥  
 तत्तो कुद्धो कालो व्व दुस्सहो कालसंवरो दुक्को ।  
 सो वि कओ गय-दप्पो इमिणा सप्पो व्व मंतेण ॥  
 नट्ठो पुरे पविट्ठो सो पज्जुत्तेण पेसिउं पुरिसं ।  
 जाणाविओ समग्गं पि कणयमालाइ वुत्तंतं ॥  
 भणिओ य संसुहोहं जं दुक्को तुज्झ ताय ! संगामे ।  
 तं खमसु मज्झ दोसं खमा-परा हुंति जं गुरुणो ॥  
 महिला-अणत्थ-संदोह-मंदिरं दोस-दुम-अमय-कुल्ला ।  
 इय चित्तिज्जण खयरेसरेण सम्माणिओ कुमरो ॥

एत्थंतरे आगओ नारओ । एस देव-रिसि त्ति साहिओ पज्जुत्तस्स  
 विज्जाए । पणमिओ सो अणेण । तेणावि कहियं कण्ह-पत्तीए रुपिणीए तुमं  
 पुत्तो । धूमकेउणा अवहरिओ । तुह चिरहे रुपिणीए गमियाइं सोलस-वरि-  
 साइं । रुपिणीए सच्चभामाए सह पइत्ता कथा आसि । जीए सुओ पुव्वं उप्प-  
 ज्जिही तद्वत्ताए केसेहिं पुत्त-विवाहे दब्भ-कज्जं कायव्वं । संपयं सच्चा-सुयस्स  
 भाणुस्स विवाह-कालो वट्ठइ । ता कुमार ! तत्थ वच्चामो । तओ पियरं पुच्छि-  
 ज्जण पत्थिओ पज्जुत्तो नारएण समं । पुरओ पिसंडि-पासाय-पत्तरंत-पहा-  
 पव्वार-भासुरं वारवइं दट्ठूण पुच्छए तं किमेयं ति ? ।

तो नारएण कहियं धणएण कया इमा सुवन्नमई ।

वारवई नाम पुरी जुग्गा कण्हस्स तुह पिउणो ॥  
 भणियं अणेण—कस्स वि इहागओहं न साहियव्वो त्ति ।  
 कय-वाल-साहु-वेसो जणणी-गेहं गओ एसो ॥  
 सो जंपइ सोलस-वच्छराहं उववासिओ अहं थक्को ।  
 संपइ पारणय-कए तुह गेहं साविए ! पत्तो ॥  
 सा भणइ तवो कम्मं सुव्वइ वरिस-प्पमाणमुक्किहं ।  
 जं पुण इत्तियं कालं कहसि तुमं तं कहं घडइ ॥  
 जंपइ पज्जुन्न-मुणी वरिसाणं सोलसण्ह-मज्झंमि ।  
 जणणीए थण-छीरं पि साविए ! न हु मए पीयं ॥  
 जइ तुज्झ अत्थि दिच्छा देसु तओ अह व नत्थि तो जामि ।  
 तो भणइ रुप्पिणी तं तुह अत्थो वत्थुणा केण ॥  
 सो जंपइ पेज्जाए, तो पेज्जा तीइ पइउमाढत्ता ।  
 तो विज्जाए इमिणा जलणो विज्झाविओ झत्ति ॥  
 तो रुप्पिणीइ भणियं—भयवं ! गिण्हाहि मोयगे पवरे ।  
 किं तु न जीरवइ इमे अन्नो एक्कं विणा कण्हं ॥  
 अक्खेइ खुड्डओ जीरवेमि तेऽहं तव-प्पभावेण ।  
 तो खुड्डयस्स पुरओ मोयग-रासी कओ तीए ॥  
 पक्खिवइ खुड्डओ रक्खसो व्व वयणंमि मोयगे सव्वे ।  
 हसिऊण भणइ देवी—तुहत्थि दिव्वा धुवं सत्ती ॥  
 अह नारएण कहियं तुह पुत्तो एस देवि ! पजुन्नो ।  
 कुमरो वि साहु-ख्वं मुत्तुं जाओ सहज-ख्वो ॥  
 सुर-कुमरो व्व मणहरो पडिओ पाएसु निय-जणणीए ।  
 आलिंगिऊण गाढं सिरंमि सो चुंविओ तीए ॥

तेण भणिया जणणी न ममागमणं कस्सवि साहियव्वं, जाव मे न मिलइ  
 पिया । इओ य सच्चभामाए रुप्पिणी-पासे पेसिया पुरिसा नाविएण समं केस-  
 जायणत्थं । पज्जुन्नेण विज्जा-बलेण नावियस्स सीसं मुंडिऊण पेसिया केसा ।  
 सच्चभामा वि स-रोसा आगया रुप्पिणी-पासं । पज्जुन्नो वि कण्ह-ख्वं काऊण  
 ठिओ तत्थ दिट्ठो सच्चभामाए । तओ कोवेण तज्जंती इमो मूलमणत्थाणं जया-  
 निग्गच्छिस्सइ तया केसे गिण्हिस्सामि त्ति भणंती निग्गया । गया-कण्ह-  
 भवणं । तत्थ तं सपरियणं पेच्छिऊण भणइ—मज्झ पइन्ना-भंगं काऊण

सिन्धुमागओ सि एत्थ त्ति । गया निय-गेहं । कण्हो वि तीए अणुणयत्थं गओ तत्थ । इओ य पज्जुन्नो रह-रयणे रुप्पिणिं ठाविऊण संखं आऊरंतो निग्गओ नयरी-मज्जेण । जंपेइ पडर-जणं कहेइ कण्हस्स जहा रुप्पिणी केणावि भडेण निज्जइ । जह सामत्थमत्थि ता निचारेसु । तं सोऊण जाय-कोवा जायवा करि-तुरय-रह-समूहमारुहिऊण धाविया तस्स पिट्ठओ । ते वि खंड-भुय-दंड-कुंडलिय-कोदंड-चंड-मुक्क-नाराय-नियर-निरुद्ध-नह-मंडला वलिऊण निज्जिया पज्जुन्नेण । तओ आगओ गय-संख-चक्क-करवाल-करो रहारुद्धो कण्हो । सो वि गोरी-पन्नत्ति-विज्जा-वलेण कओ कुमारेण परंसुहो । जाओ विलक्ख-वयणो चिंताउरो भणिओ नारएण—नारायण ! एस ते पुत्तो रुप्पिणी-गम्भ-संभवो पज्जुन्नो । हरिस-वस-विसदंठ-वयणेण कण्हेण आलिंकिऊण मद्दसवेणं पवेसिओ पुरिं । परिणाविओ नरिंद-खयरिंद-सुंदरीहिं गरुय-गुण-रंजिएहिं राम-कण्हेहिं । कओ सो रज्ज-चित्तगो । एत्थंतरे दुज्जोहण-पेस्सिएहिं पुरिस्सेहिं विन्नत्तो कण्हो, जहा—तुज्झ सुण्हा मह धुया भाणु-विवाह-जुग्गा अवहरिया सा केणावि । तो तं गवेसेसु । कण्हेण भणियं—किमहं सव्वन्नू जेण तं जाणामि । जह जाणंतो अहं ता किं न जाणिओ मए रुप्पिणी-पुत्तो पज्जुन्नो । पज्जुन्नेण वुत्तं—देव ! देसु मे आएसं तेण तं आणेमि । कण्हेण वुत्तो सो—एवं करेसु त्ति । तओ आणीया सा । तेणेव अवहरिया आसि, तं गरुय-विभूर्हिए विवा-हिओ भाणु-कुमारो । अन्नया पज्जुन्न-कुमार-चरियाइं कयच्छरियाइं सोऊण सच्चभामा भणइ कण्हं—तहा करेसु, जहा ममावि जायए एरिसो पुत्तो । कण्हेण जंपियं—पिए ! पुत्तेहिं एवं होइ । पुणरुत्तं सच्चाए वुत्तंतो पुच्च-परिचियं देवं सुमरंतो एगंते चिट्ठइ कय-पोसहो कण्हो ।

तइय-दिणे पच्चक्खीहूओ देवो तमुल्लवइ कण्हो ।

मह देसु पुत्तमन्नं पज्जुन्न-कुमार-सारिच्छं ॥

भणइ सुरो—तुह होही सुओ सुयं जीइ वंच्छसे तीए ।

अप्पसु इमं ति भणिऊण देइ हारं स कण्हस्स ॥

तत्तो तिरोहिओ सो इमं च विज्जा-पभावओ मुणिउं ।

पज्जुन्नो निय-जणणिं भणइ सुओ होउ तुह वीओ ॥

सा भणइ मज्झ वीओ पसवो नत्थि त्ति नाणिणा कहियं ।

ता मज्झ वल्लहाए जंववईए सुयं देसु ॥

एवं ति भणइ कुमरो पत्ता इत्थंतरंमि सा तत्थ ।

सच्चा ख्वाइ कया पण्णत्ति-बलेण कुमरेण ॥  
 पट्टविया वास-हरे सच्चा एस त्ति जाणिउं कण्हो ।  
 तुट्ठो तीए कंठे हारं पक्खिबइ सुर-दिअं ॥  
 तीए सह संभोगं कुणइ हरी सा वि निय-गिहं पत्ता ।  
 सुत्ता पासइ सीहं सुविणे वयणंमि पविसंतं ॥  
 अह सुक्काओ चविउं तीए केढव-सुरो वसइ गम्भे ।  
 सच्चा वि कण्ह-पासे पत्ता अह चितए कण्हो ॥  
 संभोयस्स अत्तिता अज्जवि तो आगया पुणो एसा ।  
 तेसिं रइ-विग्घ-कए कुमरेणं वाइया भेरी ॥  
 भेरी-सइं सुणिउं निस्सा विहाय त्ति उट्ठिओ कण्हो ।  
 जंववईए जाओ समए संबो त्ति वर-पुत्तो ॥  
 सो जुव्वणं पवन्नो विवाहिओ खयर-राय-कन्नाओ ।  
 पज्जुत्ते कय-नेहो तेण समं कीलइ जहिच्छं ॥  
 अह नेमि-नाह-पासे पव्वइया दो वि विहिय-तिव्व-तवा ।  
 उप्पन्न-केवला वोहिऊण भुवणं गया मोक्खं ॥

इति तपसि प्रद्युम्न-शंभ-कथा ।

इह लोयाइ-निरीहो कुणसु तवं कम्म-निज्जरा-हेउं ।  
 जह धम्मजसो साहू न उण तहा धम्मघोस-मुणी ॥

तं जहा—

अत्थित्थ भरह-वासे अवन्ति-जणवय-विसेसय-सरिच्छा ।  
 अच्छेरय-सय-कलिया नयरी-नामेण उज्जेणी ॥  
 जत्थ सुर-घर-सिरेसुं सुवन्न-कलसाण उवरि विलसंता ।  
 रेहंति धया हंस व्व गयण-गंगाइ कमलेसु ॥  
 अरि-विजय-कउज्जोओ राया तत्थासि चंडपज्जोओ ।  
 पुत्ता सहोयरा दो पालग-गोपालगा तस्स ॥  
 वेरग-परिगणं गहिया गोपालगेण पव्वज्जा ।  
 पवल-पयावेणं पालगेण पुण पालियं रज्जं ॥  
 जाया दो तस्स अवन्तिवद्धणो रट्ठवद्धणो य सुया ।  
 रज्जे जेट्ठो ति अवन्तिवद्धणो तेण अहिसित्तो ॥



जुवराय-पए तह रट्टवद्धणो ठाविओ कणिट्ठो त्ति ।  
 संबिग्ग-मणेणं पालगेण गहिया सयं दिक्खा ॥  
 आसि जलरासि-धूया मणोहरा. रट्टवद्धणस्स पिया ।  
 निम्मल-सील-गुणाभरण-धारिणी धारिणी नाम ॥  
 तीए य अत्थि पुत्तो गुणोह-जुत्तो अवन्तिसेणो त्ति ।  
 गव्वंमि समुप्पन्नो बीओ पुत्तो तहा तीए ॥  
 तइया वसंत-समओ वियंभिओ कामिणी-विलासमओ ।  
 पयडिय-कंदप्प-मओ उज्जीविय-जण-मण-प्पमओ ॥  
 तत्थ वसंते कीलंतमुववणे अवन्तिवद्धणो राया ।  
 दट्ठूण धारिणिं मयण-परवसो चितए एवं ॥  
 चंदो इमीइ सुह-पंकएण विजिओ समुद्-सलिलम्मि ।  
 मज्झइ निचं पि कलंक-पंक-पक्खालणत्थं व ॥  
 एईए वालाए लोयण-लायन्न-लाह-लुद्धाईं ।  
 मुद्धाईं मय-कुलाईं वण-वास-वयं व सेवन्ति ॥  
 एईइ अहर-हरियारुणिम-मरट्ठाईं लज्जमाणाईं ।  
 विंय-फलाईं उव्वंधणं व वल्लीसु चिरयन्ति ॥

ता जइ इमीए सह विसय-सुहं सेवेमि ता अत्तणो जीवियं सहलं  
 मझेमि । तओ सो इमीए कुसुम-तंबोल-विलेवणाईणि पेसिउं पयट्ठो । सा वि  
 गुरु त्ति तं पइ निव्वियारा सव्वं गिण्हइ । अत्तया अविभाविज्जण उभय-लोग-  
 भयं भणिया रत्ता—सुंदरि ! ममं पडिवज्जसु । तीए वुत्तं—महाराय ! जो मे  
 भत्तुणा तुमं पडिवन्नो सो मए पुव्वं पडिवन्नो । रत्ता वुत्तं—मणुस्स-भावेण  
 मं पडिवज्जसु । तीए वुत्तं—अणेय-समर-निव्वूढ-साहसं तुमं नणुस्सं को न  
 पडिवज्जइ ? रत्ता वुत्तं—ममं पइं पडिवज्जसु । तीए वुत्तं—जो तुमं सयल-  
 पुहवीए पईं सो ममावि पईं चेव । रत्ता वुत्तं—कमलच्छि ! अलं परिहासेण,  
 मयण-जलण-जाला-पलित्तं ममं नियग-संगमामय-रसेण निव्ववेज्जण रज्ज-सा-  
 मिणी होसु । तीए वुत्तं—देव ! मा एवमाणवेसु गरुओ तुमं । मेढिभूओ  
 भुवणस्स । समुदो व्व मा विलंवेसु मज्जायं, विलंधिय-मज्जाए तुमंमि समुदे य  
 जायए जग-प्पलओ । तुह भएणं च नाएणं च वट्टए लोओ ।

यतः—

६

इदं प्रकृत्या विषयैर्वशीकृतं  
 परस्परस्त्रीधनलोलुपं जगत् ।



सनातने वर्त्मनि साधुसेविते

प्रतिष्ठिते भूपभयोपपीडितम् ॥

ता अलं इमिणा कुल-कलङ्क-कारिणा दुग्गइ-निबन्धणेणं दुरज्झवसाएणं ।  
परिचत्तो एस मग्गो खुद्द-सत्तोहिं पि । पइदिणं पत्थंतो एसो भणिओ अणाए—  
किमेयस्स वि भाउणो न लज्जसि । चित्तिं रत्ता—नूणं रट्ठवट्ठण-भएण मं न  
मन्नए एसा ता वावाएमि तं । तद्देव काऊण भणिया एसा—वावाइओ मए  
भय-कारणं ते । तीए चित्तिं—

धिद्धी ! मह देहमिणं हा वज्जं पडउ मज्झ ख्वंमि ।

जं जायं मरण-करं गुण-निहिणो अज्जउत्तस्स ॥

अकलंकिय-सीलाए परिओसं कुणइ मज्झ भिक्खा वि ।

रज्जेण वि तेण अलं जं लवभइ सील-भंगमि ॥

तत्तो अवन्तिसेणं पुत्तं मुत्तूण धारिणी चलिया ।

सत्थेण सह कमेणं पत्ता कोसंवि-नयरीए ॥

तत्थ विजयारिसेणो राया नामेण अजियसेणो त्ति ।

गुण-गण-लीला-भवणं देवी लीलावई तस्स ॥

धम्म-तरु-वारिवाहो धम्मवत्तू नाम तत्थ आयरिओ ।

विणयाइ-गुण-पवत्ता पवत्तिणी तह य विणयवई ॥

तीए वसहिं गंतूण धारिणी तं पवत्तिणिं नमइ ।

सा जंपइ तुह वच्छे ! नरिंद-पत्ती-सरिसमंगं ॥

एयस्स विसरीसी पुण दसा, अओ कहलु इत्थ किं तत्तं ।

तो कहइ धारिणी से निय-वुत्तंतं भणइ सा वि ॥

धत्तासि तुमं वच्छे ! जा एवं सील-पालण-निमित्तं ।

मिल्लसि जलण-पलीविय-पलाल-पूलं व रज्जं पि ॥

जं सयलोवइव-सेल-दलण-दंभोलि-दंड-दुप्पेच्छं ।

जं पुव्व-भवज्जिअ-पाव-दाव-विज्झवण-घण-तुल्लं ॥

जं सग्ग-सोक्ख-तरु-मूलमुत्तिमं मुत्ति-मंदिर-दुवारं ।

सीलंमि तंमि निच्चं जत्तो जुत्तो चिय बुहाणं ॥

न अन्नो सील-पालणोवाओ त्ति तीए पडिक्खा दिक्खा । तओ अ पच्छा  
सिणो वाहि व्व वड्डिउं पवत्तो गग्गो । पुच्छिया सा पवत्तिणीए—भद्दे !  
किमेयं ति ? तीए वुत्तं—पुव्वं निय-पइ-संगसेण मे एस गग्गो जाओ, परं

वय-विग्घो मा होउ त्ति न मए अक्खाओ । सावय-वरे पच्छन्ना ठिया सा ।  
 कमेण पसूया सव्व-लक्खणालंकियं दारयं । साहु-साहुणीणं किलेसो मा होउ  
 त्ति चिंतंतीए रट्ठवट्ठण-नामंक-मुद्धिया-सणाहो मुक्को सो नरिंद-भवणंगणे ।  
 अवक्कंता साहुणी । मणि-प्पभा-समुज्जोइय-गयणंगणो सो उवरितलारूढेण  
 दिट्ठो रत्ता । घेत्तूण दिट्ठो लीलावईए । भणिया सा—एस ते अपुत्ताए पुत्तो  
 त्ति । पच्छन्न-गम्भा देवी पसूय त्ति कयं रत्ता वट्ठावणयं ।

जओ—

संगामे गय-हुग्गमे हुयवहे जालावली-संक्रुले  
 कंतारे करि-वग्घ-सीह-विसमे सेले बह्वहवे ।  
 अंभोहिंमि समुल्लसंत-लहरी-लंघिज्जमाणं वरे  
 सव्वो पुव्व-भवज्जिएहिं पुरिसो पुत्तेहिं पालिज्जए ॥

साहुणिहिं पुच्छिया सा—कत्थ एगागिणी गयासि ? तीए वुत्तं—वा-  
 वन्नं डिंभ-ख्वं जायं । तस्स परिट्ठवणत्थं । सो पंच-घाइ-परिगओ वड्डिउ-  
 माढत्तो । कयं मणिप्पभो त्ति से नामं । साहुणी वि देवीए सह संगयं काऊण  
 दारयमभिनंदेइ । कय-कला-गहणो मणिप्पभो पत्तो जुव्वणं । भरण-पज्जव्व-  
 साणयाए सव्व-जीवाणं त्ति पंचत्तं पत्ते अजियसेणे सव्व-गुणागरो त्ति अहि-  
 सित्तो रज्जे मणिप्पभो मंति-सामंतेहिं ।

जओ—

न दत्त्वा नार्थितामेति नवाम्भोभिर्न पूर्यते ।  
 आत्मा तु पात्रतां नेयः पात्रमायान्ति सम्पदः ॥  
 सो परक्कमकंत-विकंत-वेरि-चक्को पालए रज्जं ।  
 अत्थि तहिं विणयवई-पवत्तिणीए य सीसिणी-पवरा ।  
 विगय-भयासा भत्तं पचक्खइ भव-भउन्विग्गा ॥  
 संवेण गरुय-भत्तीइ पूइया अणसणे ठिया जाव ।  
 पच्छा विच्छड्डेण महया सक्कारिया अज्जा ॥  
 धम्मवसु-सूरि-सीसा आसि दुवे धम्मघोस-धम्मजसा ।  
 ते वि पयट्ठा काउं सरीर-परिकम्मणं एवं ॥  
 चत्तारि वि चित्ताइं विगई निज्जुहियाइं चत्तारि ।  
 संवच्छरे य दोन्निओ एगंतरियं च आयामं ॥  
 नाइ विगिट्ठो य तवो छम्मासे परिमियं च आयामं ।

अत्रे वि य छम्मासे होइ विगिटुं तवो कम्मं ॥  
 वासं कोडी सहियं आयामं काउ आणुपुब्बीए ।  
 गिरि-कंदरं तु गंतुं पायवगमणं अह करेज्ज ॥  
 अह धारिणिं अदद्धं चित्तेइ अवन्तिवद्धणो एवं ।  
 हा ! विसय-पर-वसेणं मए महंतं कयमकज्जं ॥  
 जं निहओ निय-भाया सा वि कलत्तं न मज्झ संपन्ना ।  
 तो भक्खिए वि काए नाहं अजरामरो जाओ ॥  
 इय पच्छायाव-परो संविग्गो धारिणीइ पुत्तस्स ।  
 रज्जं अवन्तिसेणस्स वियरिउं गिण्हए दिक्खं ॥  
 सन्वे वि निवा उच्चियं कुणंति पूयं अवन्तिसेणस्स ।  
 किं तु मणिप्पभ-राओ कमागयं पेसइ न दंडं ॥  
 दंडस्स मग्गणत्थं पट्ठवइ मणिप्पभस्स सो दूयं ।  
 गंतूण कय-जहोचिय-कायब्बो सो भणइ एवं ॥  
 आइसइ महाराओ अवन्तिसेणो मणिप्पभ-नरिंद ! ।  
 दाउं कमागयं मज्झ दंडमणुहवसु रज्ज-सुहं ॥  
 तं वयणमसुय-पुण्वं सोऊं पसरंत-रोस-रत्तच्छो ।  
 भणइ नरिंदो रे ! रे ! जीहं छिंदेह दूयस्स ॥  
 जं देवो आणवइ त्ति जंपिउं गहिय-पहरणे पुरिसे ।  
 दद्धुं उवट्टिए धिट्ठयाइ दूएण पडियमिणं ॥  
 राजन् ! वाक्यं परस्येदं वयं वाइ-मात्रहारिणः ।  
 त्वं चान्ये च महीपालाः सर्वे दूतसुखा यतः ॥  
 निपतत्स्वपि शस्त्रेषु सम्प्रवृत्ते महाहवे ।  
 दूतानां प्रेषणं युक्तमवध्यत्वं च नीतिषु ॥  
 तो मुणिय-नीइ-सत्थेण तेण रत्ता विसज्जिओ दूओ ।  
 आगंतुं सो अक्खइ वुत्तंतमवन्तिसेणस्स ॥  
 सो चउरंग-चसू-भर-चूरिय-फणिराय-फण-रयण-चक्को ।  
 गहिऊण भूरि कोसं कोसंवि-पुरीइ संवल्लिओ ॥  
 अह धम्मघोस-मुणिणा कय-पडिकम्मेण चित्तिं एवं ।  
 इह जह विगय-भयाए पूया संघाउ संपत्ता ॥  
 अहमवि तहा लहिस्सं तो पुण्वं तत्थ अणसणं विहिउं ।

धम्मजसो पुण साहू सुह-चित्तो चित्तए एवं ॥

नो इह लोगट्टयाए तवमहिद्धेज्जा, नो परलोगट्टयाए तवमहिद्धेज्जा, नो कित्ति-वन्न-सद्-सिलोगट्टयाए तवमहिद्धेज्जा, नन्नत्थ निज्जरट्टयाए तवमहिद्धेज्जा, ता कम्म-क्खए कायव्वे, किं लोग-सक्कारेणं, तत्थ वच्चामि जत्थ न को वि जाणइ त्ति भावंतो कोसंबीए उज्जेणीए य अंतरा वच्छगा-तीरे गिरि-कंदरंमि पवन्नो अणसणं ।

पर-वलमिंतं सोउं मणिप्पभो कुणइ समर-सामग्गिं ।

अह आगंतुं रुद्धा अवंतिसेणेण कोसंबी ॥

तो निविड-कवाडेहिं नगर-दुवाराइं आवरिज्जंति ।

ते सुभडा संनद्धा पहरण-हत्था ठविज्जंति ॥

कोट्ट-कविसीसयाइं अलं करिज्जंति कोट्टवालेहिं ।

पर-चक्क-चूरणत्थं उवला सुचंति जंतेहिं ॥

सलहिज्जंति भुयाओ भडाण दाऊण भूरि-दव्वाइं ।

सज्जिज्जंति करिंदा तुरंगमा पक्खरिज्जंति ॥

विलहिज्जंति जहारिहमेए य पियाउ धीरविज्जंति ।

निय-निय-दल-चिंताए निओगिणो वाउलिज्जंति ॥

मणि-कणय-प्पमुहाइं जणेण खोणीइ निकखणिज्जंति ।

तण-जल-तेल्ल-घइंघण-धन्नाइं संगहिज्जंति ॥

सव्वे वि हु नायरया किमित्थ होहि त्ति आउला जाया ।

न य वयणेण वि तं धम्मघोसमभिनंदए को वि ॥

सो पूअं अलहंतो मओ तओ कोट्ट-उवरि-भागेण ।

खित्तो बाहिं दारेण नत्थि जं निग्गम-पवेसा ॥

किञ्च—

अन्यथैव विचिन्त्यन्ते पुरुषेण मनोरथाः ।

दैवादित्सद्भावा कार्याणां गतिरन्यथा ॥

अन्न-दिणे पट्टविओ अवंतिसेणेण मागहो एक्को ।

जंपइ मणिप्पभं सो किं चिट्ठसि जंडुगो व्व तुमं ॥

नयरी-दरीइ नट्टो जइ सच्चं विक्कम-प्पहाणोसि ।

तो सीहो व्व गुहाओ नयरीओ नीहरसु बाहिं ॥

भणियं मणिप्पभेणं नयरि-गुहाए वसाभि सीहोहं ।





जीवाण होइ न खओ इमाण बंधूण जुद्धेण ॥  
 ताव निवारेमि इमे तत्तो जंपइ मणिप्पमं अज्जा ।  
 वच्छ ! ममेगं तं देहि जेण जंपेमि किं पि हियं ॥  
 तंमि विइत्ते रत्ता रायाणं भणइ धारिणी अज्जा ।  
 किं निय-सहोयरेणं समं तुमं कुणसि संगामं ॥  
 रत्ता भणियं—भयवइ ! कहं असच्चं तुमं इमं भणसि ।  
 तो धारिणीइ कहिओ सच्चो वि हु नियय-वुत्तंतो ॥  
 भणियं च जइ न पत्तियसि वच्छ ! पुच्छसु तुमं नियय-जणणिं ।  
 तह पेच्छ रट्ठवट्ठण-नामकं कट्ठिउं मुहं ॥  
 राया तहेव काउं गय-संको भणइ जइ वि सच्चमिणं ।  
 तह वि हु नियत्तमाणो अज्जे ! लज्जामि अहमिणिह ॥  
 तो अज्जाए भणियं चिट्ठ खणं जाव उवसमावेमि ।  
 तुह भायरं पि तत्तो पत्ता अज्जा दुइय-कडगं ॥  
 सा जंपइ पडिहारं कारावसु राय-दंसणं मज्झ ।  
 सो कहइ इमं रत्तो, राया जंपइ पवेसेसु ॥  
 तेण वि पवेसिया सा निवेसिया आसणे नरिंदेण ।  
 दट्ठूण परियणो तं चिंतिउमेवं समाढत्तो ॥  
 अज्जा एसा दीसइ अम्हाणं सामिणीइ सरिसि त्ति ।  
 सम्मं निस्त्वमाणो सुणइ धुवं धारिणी एसा ॥  
 तो पणमिऊण अज्जं रोयंतो परियणो कहइ रत्तो ।  
 अह जणणी खलु एसा, रुयमाणो नमइ तं राया ॥  
 पच्छा निय-वुत्तंतं कहेइ सा जंपए पुणो वि इमं ।  
 भाया तुहेस राया ता विरमसु वच्छ ! जुज्झाओ ॥  
 इय धारिणि-अज्जाए सहोयरा दो वि उवसमं नीया ।  
 ते परिओस-वसेणं मिलिया वियसंत-मुह-कमला ॥  
 उल्लसिय-सिणेहाणं दुण्ह वि बंधूण संगमे तेसिं ।  
 तं किं पि सुहं जायं तइलुक्कं संकडं जस्स ॥

यतः—

पादा हिमांशोर्ललितं बधूनां

गन्धः स्रजां भ्रातृसमागमश्च ।

एकैकमन्येष मुदं तनोति

कः संहतानां पुनरस्ति मल्लः ॥

जोगे सहोयराणं निय-कुल-गयण-यल-रवि-मयंकाणं ।  
 कोसंबीए जायं दिणे दिणे नव-नवं पव्वं ॥  
 ठाऊण तत्थ कहवय-दिणाइं सह जणणि-पमुह-अज्जाहिं ।  
 उज्जेणीह पयदा मिलिय चिय दो वि ते गंतुं ॥  
 ठाणे ठाणे पाहुड-सयाइं लोयाउ ते पडिच्छंता ।  
 जिण-मंदिरेसु पूयं कुणमाणा गरुय-भत्तीए ॥  
 मुणि-विदं बंदंता संपत्ता ते वि वच्छगा-तीरं ।  
 जत्थत्थि गिरि-गुहाए धम्मजस-मुणी कयाणसणो ॥  
 तन्नमणत्थमुचितं आसन्नं साहु-सावयाइ-जणं ।  
 ददुं निव-जणणी-साहुणीउ गंतुं नमंति मुणिं ॥  
 ताहिं भणिया नरिंदा गहियाणसणस्स साहुणो अम्हे ।  
 पय-पज्जुवासणत्थं चिट्ठिस्सामो इहेव त्ति ॥  
 निव-पुंगवेहिं भणियं पूयं करिमो इमस्स अम्हे वि ।  
 तत्तो सो पइदियहं संवेण नरेसरेहिं च ॥  
 भत्तीए थुव्वंतो सेविज्जंतो तहा नमिज्जंतो ।  
 पूया-निरीह-चित्तो मुत्तं देहं गओ सगं ॥  
 ते वि नरिंदा पत्ता उज्जेणि-पुरीइ साहुणीहिं समं ।  
 पालंति चिरं रज्जं जिणधम्म-पभावणा पवणा ॥  
 निय-सील-रक्खणत्थं दिक्खं गहिऊण घारीणी देवी ।  
 काऊण तवं मुत्तूण देहममरत्तणं पत्ता ॥  
 इति तपसि धर्मयशो-धर्मघोष-कथा ।

खेलाई-लब्धीओ तव-प्पभावेण हुंति साहुस्स ।  
 गिरिणो व्व ओसहीओ ससि-कर-संगेण दित्ताओ ॥  
 मुणिणो खेल-लवेण वि देहं कुट्टकुयं पि देहीणं ।  
 कोडी-वेह-रसेण व तवं संपज्जइ खुव्वं ॥  
 कथूरिया-परिमलो मुणि-देह-मलो समग्ग-रोग-हरो ।  
 मुणिणो कर-फरिसेणं अमएण व होइ रोग-खओ ॥

मुणि-अंग-संगि-सलिलं रवि व्व तिमिरं हरेइ रोग-भरं ।  
 समंग-लग्न-पवणेण जंति विलयं विस-प्पमुहा ॥  
 विस-दूसियमन्नाई मुणि-मुह-पत्तेसु निव्विसं होइ ।  
 मुणि-वयण-भंत-सवणेण समइ सव्वो विस-वियारो ॥  
 मुणिणो नह-केसाई जं जं रोगीण ओसहं तं तं ।  
 अणिमा-गुणेण साहू सुई-रंधे वि संचरइ ॥  
 सुर-सेलाओ महंतं महिम-गुणेणं मुणी कुणइ रूवं ।  
 लंघिज्ज लघिम-गुणओ अनिलस्स वि लाघवं साहू ॥  
 सक्काईहिं वि दुसहं मुणिणो गरिमा-गुणेण गरुत्तं ।  
 पाचण-सत्तीए छिवइ मेरु-सिरमंगुलीए मुणी ॥  
 पाकम्म-गुणेणं मुणी भुवी व नीरे जलि व्व भुवि चरइ ।  
 इस्सरिय-गुणेण पुणो चक्किंद-सिरिं खमो काउं ॥  
 साहु-वसित्त-गुणेणं पसमं कूरो वि जंतुणो जंति ।  
 अप्पडिघायत्त-गुणेण सेल-मज्झे वि कमइ मुणी ॥  
 अंतद्वाण-गुणेणं समणो पवणो व्व जायइ अदिस्सो ।  
 रूवेहिं कामरुचित्तणेण पूरइ जयं पि मुणी ॥  
 एगत्थ-वीयओ पेगअत्थ-वीयाई जत्थ जायंति ।  
 सा वीय-बुद्धि-रिद्धी संपज्जइ निच्छियं मुणिणो ॥  
 सा धरइ कुट्ट-बुद्धी कुट्टे धनं व अक्खयं मुत्तं ।  
 एग-पयाउ वि गिण्हइ गंधं पि पयाणुसारी सो ॥  
 अवगाहइ सुय-जलहिं अंतमुहत्तेण सो मणोवलिओ ।  
 सो बायावलीयो तं गुणेइ अंतोमुहुत्तेण ॥  
 सो कायवली पडिमं चिरं पवन्नो वि जाइ न किलेसं ।  
 तह अमय-खीर-महु-घय-आसव-लब्धी हवइ साहू ॥  
 साहुस्स पत्त-पडियं अमयाइ-रसं भवे कदन्नं पि ।  
 वयणं व दुक्खिएसुं जायइ अमयाइ-परिणामं ॥  
 अक्खीण-महाणस-लद्धिओ य धेवं पि बहुय-दाणे वि ।  
 मुणि-पत्त-पडियमन्नं न खिज्जए जिमइ जा न सयं ॥  
 अक्खीण-महालय-लद्धि-जोयओ साहुणो असंख-जणो ।  
 सम्माइ निरावाहं तित्थयरस्सेव परिसाए ॥

एगेण इंदिएणं सेसिंदिय-अत्थ-दंसणं जत्थ ।  
 संभिन्न-सोय-लद्धी मुणिणो सा होइ तव-वसओ ॥  
 जंघाचारण-लद्धीइ एक्क-फालाइ जाइ सो रुयगं ।  
 इक्काए नंदीसरमेइ सठाणे तु बीयाए ॥  
 एक्काए फालाए मेरु-सिरं जाइ सो तओ चलिओ ।  
 एक्काए नंदणवाणे बीयाए एइ सठाणं ॥  
 सो विज्जालद्धि-जुओ इक्काए माणुसुत्तरं जाइ ।  
 बीयाए फालाए वच्चइ नंदीसरं दीवं ॥  
 तत्तो नियत्तमाणो इक्काए चेव एइ सठाणं ।  
 उडुं तु दोहि फालाहि जाइ इक्काइ पुण एइ ॥  
 सो आसीविस-इड्डीइ निग्गहाणुग्गह-क्खमो होइ ।  
 लद्धीओ अप्प-कज्जे तहा वि न पउंजए समणो ॥  
 तव-पभवाओ लद्धीओ संय-कज्जे पउंजमाणो वि ।  
 विण्हुकुमारो व्व मुणी मगं पि लिप्पइ न पावेण ॥

तं जहा—

अत्थित्थ भरह-खेत्ते वित्थिन्नं हत्थिणाउरं नयरं ।  
 जत्थ निवसंति निचं तुरय व्व सुहेसिणो लोया ॥  
 इक्खागु-कुल-सरोवर-पउमं पउमुत्तरो निचो तत्थ ।  
 सोहग्ग-हत्थि-साला जाला नामेण से देवी ॥  
 सीह-सुविणेण लद्धो विण्हुकुमारो त्ति से सुओ एक्को ।  
 चउदस-सुविण-पिसुणिओ वीओ पुत्तो महापउमो ॥  
 ते जुव्वणमारुढा अह सजिगीसो त्ति जाणिउं ठविओ ।  
 पउमुत्तरेण रत्ता जुवराय-पए महापउमो ॥  
 पत्तो उज्जेणीए सिरिधम्मो नाम पत्थिवो अत्थि ।  
 तस्स नमुइ त्ति मंती कुसत्थ-भाविय-मइ-प्पसरो ॥  
 अह मुणिसुव्वय-सीसो संपत्तो तत्थ सुव्वयायरिओ ।  
 तन्नमणत्थं रत्ता वच्चंतो पुर-जणो दिट्ठो ॥  
 कत्थ गुरु-वित्थरेणं वच्चइ एसो त्ति पुच्छिओ नमुई ।  
 सो कहइ के वि समणा उज्जाणे आगया अज्ज ॥  
 ते नमिउं जाइ जणो अहं पि जामि त्ति जंपियं रत्ता ।  
 भणियममच्चेण तुमं जइ धम्मं देव ! सोउमणो ॥

ताहं कहेमि तं तुह भणइ निवो धुवमहं गमिस्सामि ।  
 भणइ अमच्चो तुम्हेहिं तत्थ मोणेण ठायव्वं ॥  
 जेण जिणिऊण वाए करेमि तेऽहं निरुत्तरे झत्ति ।  
 तो गुरु-पासंमि गओ राया नमुई पुर-जणो य ॥  
 पुच्छंति गुरु-समीवे ते वि असंबद्ध-भासिणो धम्मं ।  
 ताण सख्वं मुणिउं तुण्हिक्को चिट्ठए सूरि ॥  
 नमुई जंपइ सूरि पडुच्च किं एस जाणइ वइल्लो ।  
 एक्केण चेल्लएणं भणियं चिट्ठंतु मह गुरुणो ॥  
 दाहामि उत्तरं ते अहं पि जंपसु तुहत्थि जइ दप्पो ।  
 अह कुविय-मणो मंती जंपइ परुसेहिं वयणेहिं ॥  
 पासंडिणो असुइणो निचं सुइ-सत्थ-वाहिरा तुम्हे ।  
 ता नरवइस्स निय-मंडलाओ निव्वासिउं जुत्ता ॥  
 तो चिल्लएण भणियं जे मेहुण-सेविणो असुइणो ते ।  
 न उण मुणिणो इमे जेण वंभयारी सुई निचं ॥  
 पासंडिणो य सुय-वाहिरा य भणंति ते मेहुणासत्ता ।  
 वंभवयं तु वहंता मुणिणो कह तारिस्सा हुंति ॥

तद्यथा—

कंडनी पेवणी चुल्ली जलकुम्भी प्रमार्जनी ।  
 पञ्च सूना गृहस्थस्य तेन स्वर्गं न गच्छति ॥  
 सेवन्ति जे इमाओ सूणाओ पंच ते तई वज्झा ।  
 तच्चिरया उण मुणिणो कहं तई वाहिरा हुंति ॥  
 इय खुल्लगेण विहिओ निरुत्तरो कोवमुवगओ मंती ।  
 सिरिधम्मनिवो नायर-जणो य निय-मंदिरे पत्तो ॥  
 रयणीइ मुणि-वहत्यं किवाण-हत्यो वणं गओ नमुई ।  
 गारुडिणं भुयगो व्व थंभिओ सासण-सुराए ॥  
 पच्चूसे तं दहुं तहट्ठियं विम्भिओ महीनाहो ।  
 नयर-जणो य अणेगो गिण्हइ जिण-भासिवं धम्मं ॥  
 नमुई तहावमाणाओ निग्गओ हत्थिणाउरं पत्तो ।  
 माणीण विदेसो चिय ठाणं अवमाणियाण जओ ॥  
 जुवराय-महापउमो नमुइं निय-मंतिणं कुणइ तत्थ ।



अन्न-निवह-प्राणं हि आगयं आयरंति निवा ॥  
 एतो य महापदमस्त मंडलं मंडलो व्व लद्धलो ।  
 सिंहवलो नाम निवो दुग्गरस वलेण विद्वह ॥  
 नमुहं भणह कुमारो सिंहवलो निग्गहिज्जे जेण ।  
 सो किं अत्थि उवाओ नमुहं जंपह किमन्नेण ॥  
 पट्ट ! देसु ममाएसं जेण उवायं फलेण दंसेमि ।  
 पायडिउं पुण वयणेहिं तं किलीवा वि सक्कंति ॥  
 इय सोउं तुट्टेणं कुमरेण विसज्जिओ गओ नमुहं ।  
 दलिउं दुग्गं सीहो मयं व वेत्तूण सीहवलं ॥  
 पत्तो कुमार-पासे तुट्टेण अणेण जंपिओ नमुहं ।  
 मग वरं, सो जंपह समयम्मि वरं गहिस्सामि ॥  
 अह जालादेवीए अरहंत-रहो कराविओ पवरो ।  
 तह तीह सवत्तीए लच्छीदेवीह वंभ-रहो ॥  
 लच्छीह निवो भणिओ वंभ-रहो भमउ पुरवरे पढमं ।  
 पच्छा अरहंत-रहो, तो जाला जंपए एवं ॥  
 जह वंभ-रहो भमिही इह पुव्वं मज्झ अणसणं तत्तो ।  
 तत्तो रहाण रत्ता दुण्हंपि निवारिया जत्ता ॥  
 तो जणणि-दुक्ख-दूमिअ-मणो निसाए अलक्खिओ कहवि ।  
 नगराउ महापदमो खग्ग-सहाओ विणिक्खंतो ॥  
 परिणीय-राय-कन्नो कयारिविजओ चिरं महिं भमिउं ।  
 उप्पन्न-चक्क-रयणो पुणो वि हत्थिण पुरं पत्तो ॥  
 अह तत्थ समोसरिओ नयरज्जाणंमि सुव्वयायरिओ ।  
 तस्स नमंसण-हेउं पत्तो पउसुत्तरो राया ॥  
 धम्मं सोऊण निवो भव-निविज्जो गुरुं भणह एवं ।  
 काऊण रज्ज-सुत्थं तुह पासे पव्वइस्सामि ॥  
 गंतूण गिहे राया विण्हुकुमारं पडुच वज्जरह ।  
 रज्जमिणं गिण्ह तुमं अहं तु दिक्खं गहिस्सामि ॥  
 जंपह विण्हुकुमारो जलण-पलीविय-पलाल-पूलं व ।  
 मुत्तूण रज्जमेयं चारित्तमहं पि गेण्हिस्सं ॥  
 तो भणह महापदमं राया पडिवज्ज वच्छ ! रज्जमिणं ।

जेणम्हे गिण्हामो दिक्खं कम्मुक्खणण-दक्खं ॥  
 सो भणइ ताय ! रज्जे विण्हुकुमारं ठवेसु मह जेट्ठं ।  
 पत्तिं व्व विहिय-भत्ती तस्साहं होमि जुवराओ ॥  
 भणइ निवो एस मए वहुंपि भणिओ न गिण्हए रज्जं ।  
 किं तु विसएसु विमुहो मए समं संजमं काही ॥  
 तो कय-मोणो पउमो रज्जे चक्खित्तणे य अहिस्सित्तो ।  
 पउमुत्तरेण गहिया विण्हुकुमारेण सह दिक्खा ॥  
 जणणि-कराविय-रहजत्तं काऊण चक्खिणा नयरे ।  
 जिणसासणस्स जणिया समुन्नई निय-कुलस्सेव ॥  
 नगरागर-गामाइसु कारविया तेण जिण-गिहा गरुया ।  
 जिणधम्म-कप्पतरु-अंकुर व्व सव्वत्थं छज्जंति ॥  
 निट्ठविय-अट्ठ-कम्मो कमेण पउमुत्तरो गओ सिद्धिं ।  
 जायाओ तव-वलेणं विण्हुकुमारस्स लद्धीओ ॥  
 मेरु व्व होइ तुंगो सुरो व्व रुवाइं कुणइ विविहाइं ।  
 गरुडो व्व भमइ गयणे जाओ सोणेग-सत्ति-जुओ ॥  
 अन्न-समयंमि हत्थिणपुरंमि चंदो व्व तारया-वरिओ ।  
 सो मुणि-अलंकिओ कुणइ पाउत्तं सुव्वयायरिओ ॥  
 तं जाणिऊण नमुई सुमरंतो पुव्व-वेर-संवंधं ।  
 विन्नवइ महापउमं देसु वरं मज्झ पडिक्खं ॥  
 वज्जरइ महापउमो जंपसु किं देमि ? जंपए नमुई ।  
 ताव मह देहि रज्जं करेमि पट्टु ! जाव जन्नमहं ॥  
 तत्तो सच्चपइन्नो राया नमुइस्स अप्पए रज्जं ।  
 अंतोउर-मज्झ-गओ सयं तु चिट्ठइ निरारंभो ॥  
 पुर-वाहिं गंतुं होइ दिक्खिओ जन्न-वाडए नमुई ।  
 पत्ता नायरया लिंगिणो य वट्ठावया तस्स ॥  
 किं तु न सन्नागया सेव-भिखुणो तं छलं इमो लहिउं ।  
 गंतूण कोव-विवसो सुव्वय-सूरिं भणइ एवं ॥  
 जो होइ जया राया दंसणिणो तं तथा निसेवन्ति ।  
 राय-विरुद्ध-ठिईणं धम्मो वि न निव्वहइ पायं ॥  
 तुम्हे पुण मं निंदह अहिणंदह न उण दंसणेणावि ।

ता मह रजं मुंचह निहणिस्सं अन्नहा तुब्भे ॥  
 भणइ गुरु अम्ह इमो कप्पो त्ति न आगया तुमं ददुं ।  
 निदं कस्स वि अम्हे न करेमो किं पुणो तुम्ह ॥  
 नमुई जंपइ कुब्बो किं बहुणा इत्थ सत्त-दिण-उवरिं ।  
 जो चिट्ठिस्सइ तुम्हाण सो मए मारियव्वो त्ति ॥  
 इय जंपिउं गओ सो गुरु भणइ भो ! किमित्थ कायव्वं ।  
 मुणिणो कहेह तुम्हे निय-निय-मह-सत्ति-अणुख्वं ॥  
 तत्थेक्को भणइ मुणी सट्ठिं वच्छर-सयाइं विहिय-तवो ।  
 पउमस्स जेइ-भाया विण्हु-मुणी मंदरे अत्थि ॥  
 सो उवसमिही एयं पउमो व्व पह्म इमस्स जो जम्हा ।  
 नह-गमण-सत्ति-जुत्तो जो सो वच्चउ तमाणेउं ॥  
 तो भणइ मुणी एक्को गंतुं सत्ती मम त्थि नागंतुं ।  
 भणइ गुरु गच्छ तुमं सो चेव तुमं इहाणेही ॥  
 सो उप्पइओ गरुडो व्व विण्हु-साहुस्स संनिहिं पत्तो ।  
 तं ददुं संभंतो विण्हुमुणी चितए एवं ॥  
 मुणि-आगमणमिणं कहइ संघ-कज्जं उचट्ठियं किं पि ।  
 कहमन्नहा विहारो साहूणं पाउसे होइ ॥  
 इय चितंतं तं वंदिऊण साहइ पओयणं साहू ।  
 तं वेत्तूण खणेणं विण्हू हत्थिणपुरं पत्तो ॥  
 सो वंदिउं निय-गुरुं मुणि-परियरिओ गओ नमुइ-पासं ।  
 नमिओ य नमुइ-वज्जं नरिंद-लोएण सव्वेण ॥  
 सो धम्म-कहं काउं कोमल-वयणेहिं जंपए नमुइं ।  
 चिट्ठंतु ताव मुणिणो पुरंमि इह पाउसो जाव ॥  
 एगत्थ न चिर-कालं वसंति सयमेव साहुणो एए ।  
 ददुं बहु-जीव-वहं विहरंति न पाउसम्मि पुणो ॥  
 गरुए इमंमि नयरे जइ भिक्खा-वित्तिणो इमे भिक्खू ।  
 मास-चउकं चिट्ठंति तुज्झ किं नस्सए तत्तो ॥  
 जे भरह-निव-पुंगवेहिं पुव्वं नमंसिया मुणिणो ।  
 ते जइ तुमं न पणमसि तह वि ठियं देहि ताण पुरे ॥  
 इय विण्हुकुमारेणं भणिओ नमुई सकोवमुल्लवह ।

किं वयण-वित्थरेणं न देमि वसिउं पुरे तुम्ह ॥  
 जंपइ पुणो वि विण्ह वसंतु मुणिणो वणंमि पुर-वाहिं ।  
 कुविओ नमुई साहइ न सहेऽहं तुम्ह गंधं पि ॥  
 मज्झे वा वाहिं वा पुरस्स संवास-पत्थणाइ अलं ।  
 ता मेल्लह मह नयरं निहणिस्सं अन्नहा तुम्हे ॥  
 तं सोउं विण्ह मुणी पज्जलिओ पावओ व्व घय-सित्तो ।  
 तह वि नमुई पयंपइ पय-त्तयं देहि मह वसिउं ॥  
 नमुई जंपइ दिन्नं पय-त्तयं तो इमाउ जइ वाहिं ।  
 ठाहिसि तओ हणिस्सं एवं होउ त्ति भणइ मुणी ॥  
 अह वड्डिउं पयट्ठो किरीट-कुंडल-धरो कुसुम-माली ।  
 धणु-वज्ज-किवाण-करो भयंकरो तिहुयणस्सावि ॥  
 विकिरंतो गह-चक्कं चक्कर-नियरं व निय-करग्गेहिं ।  
 कंषावंतो पयददरेण पत्तं व महिवीडं ॥  
 उच्छालंतो जलनिहि-सलिलं चिर-भुत्तमुदरवाऊ व्व ।  
 वेल व्व नइ-पवाहे पडिलोम-पहे बहावंतो ॥  
 पाडंतो खयर-गणं तणं व फारेण फुक्क-पवणेण ।  
 वड्डंतो सो जाओ मेरु-समो कय-विविह-खवो ॥  
 दाउं सिरंमि पायं धरिणीए पाडिओ इमो नमुई ।  
 चिट्ठइ चलणे ठविउं पुग्वावर-जलहि-मज्झंमि ॥  
 तं ति-जय-क्खोभ-करं दट्ठूण सुरंगणाउ सक्केण ।  
 पट्टवियाओ गायंति महुरमरहंत-भणियत्थं ॥  
 कोवो जलणो व्व वणं दहइ तवं पन्नगो व्व कुणइ भयं ।  
 जीयं पक्खिवइ भवे रत्ते दुस्सिक्ख-तुरओ व्व ॥  
 इय कोवोवसम-कए तह किंनर-खयर-पमुह-महिलाओ ।  
 गायंति सवण-मूले मुणिस्स पुरओ य नचंति ॥  
 पउमो वि आगओ निय-पमाय-सच्चिवावराह-भीय-मणो ।  
 नमिऊण चलण-लग्गो खमावए विण्ह-मुणि-नाहं ॥  
 भयवं ! न मए मुणिया कीरंती दुट्ठ-मंतिणा इमिणा ।  
 आसायणा मुणीणं कहिया य न मज्झ केणावि ॥  
 तह वि इमो मह दोसो जं नमुई मज्झ संतिओ भिच्चो ।  
 छिप्पंति भिच्च-दोसेण सामिणो नीइ-वयणमिणं ॥

तह तुह अहं पि भिच्चो तुमं पहु मज्झ मज्झ दोसेण ।  
 छिप्पसि तुमं पि भयवं ! ता उवसंहर इमं कोवं ॥  
 एवं खामिज्जंतो सो तइल्लोकेण वज्जिउं कोवं ।  
 जाओ सहज-सरीरो वेला-मुक्को समुदो व्व ॥  
 इय काउं जिण-पवयण-पहावणं गुरु-समीव-कय-सुखी ।  
 तिक्व-तव-खविय-कम्मो विण्हुकुमारो गओ मोक्खं ॥  
 इति लब्धिप्रकटने विष्णुकुमार-कथा ।

एवं तव-माहाप्पं सुणिऊण तवो नरिंद ! कायव्वो ।  
 सो वज्झो छ-ग्गेओ अविंभतरओ य छ-ग्गेओ ॥

सं जहा—

अणसणमूणोयरिया वित्ती-संखेवणं रस-च्चाओ ।  
 काय-किलेसो संलीणया य वज्झो तवो होइ ॥  
 पायच्छित्तं विणओ वेयावच्चं तहेव सज्झाओ ।  
 झाणं उस्सगो वि य अविंभतरओ तवो होइ ॥  
 रत्ता भणियं अट्टमि-चउइसी-पसुह-पव्व-दियहेसु ।  
 जिण-कल्लाण-तिहीसु य सत्तीइ तवं करिस्सामि ॥  
 एवं वारस-भेयं तव-धम्मं अक्खिउं गुरु भणइ ।  
 वारसविहं नराहिव ! सुण संपइ भावणा-धम्मं ॥  
 सुह-भावणा-परिगओ जीव-दयं पालिउं खमइ जीवो ।  
 सो असुह-भावणाए गहिओ पावं न किं कुणइ ॥  
 वंझं वित्ति जहित्थ सत्थ-पढणं अत्थाववोहं विणा  
 सोहग्गेण विणा मडप्प-करणं दाणं विणा संभमं ।  
 सन्भावेण विणा पुरंधि-रमणं नेहं विणा भोअणं  
 एवं धम्म-समुज्जमं पि विवुहा ! सुद्धं विणा भावणं ॥  
 सत्तम-नरय-निमित्तं कम्मं वद्धं पसन्नचंदेण ।  
 असुहाइ भावणाए सुहाइ पुण केवलं पत्तं ।

सं जहा—

अत्थित्थ पोयणपुरं रमणीहिं विभूसियं पि सवत्तो ॥  
 जं नरमणीहिं रेहइ तत्थ निवो सोमचंदो त्ति ।



रिउ-रमणि-नयण-नीर-प्पवाह-संबंध-लज्ज-उल्लासो ।  
 छज्जइ समुज्जलो तस्स जस-भरो रायहंसो व्व ॥  
 देवी य धारणी से जीइ हसंतीइ ओणय-मुहीइ ।  
 दु-गुणेइ दंत-कंती थण-वट्टे हार-लट्ठीओ ॥  
 अन्नया गवक्खे ठियस्स केसे निवस्स विवरंती ।  
 पलियं दट्ठं जंपइ समागओ देव ! दूओ त्ति ॥  
 दट्ठं दिस्सउ राया जंपइ किं देवि ! दीसइ न दूओ ।  
 सा भणइ नाह ! नाहं मणुस्स-दूयं तुह कहेमि ॥  
 नवरं पलियं दट्ठूण धम्म-दूओ मए समक्खाओ ।  
 देवीइ दंसियं पलियमिंदु-किरणज्जलं रसो ॥  
 तं दट्ठूण नरिंदो हिम-संगम-दड्ढ-कमल-सम-वयणो ।  
 झत्ति तरंगिय-नयणो संजाओ बाह-सलिलेण ॥  
 तं फुसमाणा चेलंचणेण हसिऊण जंपए देवी ।  
 जइ लज्जसे जराए तो पडहं देव ! दावेमि ॥  
 बुड्ढो त्ति जो भणिस्सइ देवं तस्संग-निग्गहं काहं ।  
 राया जंपइ सुंदरि ! जुत्तमिणं निच्चिवेयाणं ॥  
 जम्हा जयम्मि जीवा मूढा बुड्ढत्तणेण लज्जंता ।  
 पुण वि तरुणत्त-लुब्धा विज्जंति रसायण-निमित्तं ॥  
 बलि-पलिय-नास-हेउं कुणंति तणु-महणोसहईणि ।  
 चंकम्मंति सलीलं पुरओ तरुणीण तरुण व्व ॥  
 पुट्ठा परेण बहुयं पि विंति ते थेवमत्तणो जम्मं ।  
 गय-जुव्वणा वि मूढा कुणंति ही जुव्वण-वियारो ॥  
 देवि ! मह पुव्व-पुरिस्सा अ-दिट्ठ-पलिया पलित्त-पूलं व ।  
 रज्जमिणं परिचइउं पर-लोय-समुज्जया जाया ॥  
 जं पुण एयाण कम्मं विलंघिउं रज्जमेत्तियं कालं ।  
 विहियं मए महंतं तं जाओ मह मणे मन्नू ॥  
 ता वज्जिऊण रज्जं वण-वास-वयं अहं पवज्जिस्सं ।  
 पुत्तं पसन्नचंदं बालं परिपालसु तुमं ॥  
 देवी जंपइ पच्छा न अच्छिउं उच्छहे विणा तुमए ।  
 सेह-रहियंमि गयणे कयावि किं फुरइ विज्जलिया ॥

बालं पि सोमचंदो पसन्नचंदं निवेसितुं रज्जे ।  
 देवीए घाईए य संगओ तावसो जाओ ॥  
 अह देवीह पयटो पवड्डिउं पुव्व-संभवो गव्वो ।  
 समयंमि समुप्पन्नो समत्त-लक्खण-धरो पुत्तो ॥  
 वक्कलचीरि त्ति कयं से नामं वक्कलेहिं पिहिओ त्ति ।  
 पत्ता पंचत्तं झत्ति धारिणी पसव-पीडाए ॥  
 चंद-विमाणे जाया देवी सा पुव्व-नेह-पडिबद्धा ।  
 कय-वण-महिंसी-ख्वा दुडं पाएइ तं पुत्तं ॥  
 तं किं पि न चोज्जमदिट्ठ-माइओ जं निरक्खरो एसो ।  
 धाई वि कमेण मया नत्थि हि भवियव्वया-नासो ॥  
 किच्छेण पालिओ सो पिउणा जाओ य जुव्वणाभिमुहो ।  
 कुणह फल-कंद-कुसुमाणयणेण पिउस्स साहेज्जं ॥  
 अह तं पसन्नचंदो वणे वसंतं सहोयरं मुणिउं ।  
 चित्तेइ कुणउ ताओ थविरो तावस-वयं विसमं ॥  
 जं पुण वणवास-दुहं दुसहं वालो वि सहइ मह भाया ।  
 रज्जं तु करेमि अहं तं महइ मह मणे पीडा ॥  
 तो भणियाउ गणियाउ तेणं गंतुं मुणीण वेसेण ।  
 निय-कोसलेण उवल्लोभिज्जण आपेह मह वंधुं ॥  
 तत्थास्से गयाओ मुणि-वेस-धराउ ताउ सो ददुं ।  
 अभिवाइज्जण मुद्धो पुच्छइ को आसमो तुम्ह ॥  
 जंपंति ताउ अम्हे पोयण-आसम-निवासिणो रिसिणो ।  
 तुह आगया अतिहिणो ता आतित्थं तुमं कुणलु ॥  
 सो भणइ खाह तुम्हे विल्लाइ-फलाइँ आणियाइँ मए ।  
 ताहिं भणियं इमाइँ विरसाइँ न कोवि भक्खेइ ॥  
 जे अम्ह आसम-दुमा तेसिं फलवत्तियं तुमं पिच्छ ।  
 तो भुंजावन्ति इमं खंडमए मोयगे ताओ ॥  
 तो भक्खिज्जण एसो जाओ विल्लाइ-फल-विरस्त-मणो ।  
 ताओ निय-देह-फरिसं कय-हरिसं कारवन्ति इमं ॥  
 थोर-थण-कलस-कलिए निय-वच्छ-यले ठवन्ति तस्स करं ।  
 सो जंपइ महरिसिणो किं अंगं कोमलं तुम्ह ॥

किं वा थलाइं हियए एयाइं समुन्नयाइं तुम्हाण ।  
 ताओ निय-कर-यलेहिं तं फरिसंतीउ जंपंति ॥  
 अम्ह वण-रुक्ख-फल-भक्खणेण इणमंग-मइवं होइ ।  
 उवचय-वसेण हियए थलाइं थूलाइं तह हुंति ॥  
 ता मुत्तुं एयमसारमासमं अम्ह-आसमं एहि ।  
 तो कुणइ सो कुमारो ताहिं समं गमण-संकेयं ॥  
 संठविउं तावसभंडमागओ जाव सो कहिय-ठाणे ।  
 तरु-बडिया चर-पुरिसा ता दहुं सोमचंद-रिसिं ॥  
 आगच्छंतं तासिं कहंति ताओ वि साव-भीयाओ ।  
 वाहागमे मिगीओ व सव्वाओ दिसोदिसं जंति ॥  
 ठाणं गयम्मि जणए सयल-वणे ताओ सो गवेसंतो ।  
 परिभमइ जाव मुद्धो ता पेच्छइ रह-गयं पुरिसं ॥  
 ताय ! अभिवाययामि त्ति तं पि जंपइ रिसि त्ति मन्नंतो ।  
 रहिणा पयंपिओ सो कुमार ! ते कत्थ गंतव्वं ॥  
 सो भणइ पोयणे आसमम्मि तत्थेव गंतुकामेण ।  
 रहिणा सो संलत्तो एहि समं चेव वच्चाओ ॥  
 रहिणो भज्जं ताय त्ति सो भणइ तीए पुच्छिओ भत्ता ।  
 को एसो उवयारो रहिणा भणियं पिए ! एसो ॥  
 इत्थी-रहियम्मि वणे वसिओ त्ति तुमं पि मन्नए पुरिसं ।  
 किं बाहिज्जं ति इमे मिगि त्ति तुरगे य वागरइ ॥  
 वक्कल-चीरी रहिणा भणिओ एएहिं कज्जमिणमेव ।  
 रहिणो वि मोयणा से दिन्ना तो जंपए एसो ॥  
 दिन्नाइं एरिसाइं फलाइं मे पोयणासम-रिसीहिं ।  
 अह रहिणो संजायं चोरेणेक्केण सह जुद्धं ॥  
 रहिणा वि णिज्जिओ सो दढ-प्पहारित्तरंजिओ भणइ ।  
 एत्थत्थि मज्झ अत्थो वित्थिन्नो तं तुमं णिण्ह ॥  
 भरिओ रहो धणेणं रहिणा सो पोयणम्मि संपत्तो ।  
 दाऊण किं पि मुल्लं वक्कल-चीरिं इमं भणइ ॥  
 इमिणा मग्गसु उडवं इह त्ति सव्वत्थ सो परिभमंतो ।  
 गणिया-णिहं गओ भणइ ताय ! अभिवादयामि तुमं ॥  
 महरिसि ! इमिणा मुल्लेण देसु उडवं ति देमि णिण्ह इमं ।

इय जंपंती अक्का हक्कारावह दिवाकिंति ॥  
 तस्स अणिच्छंतस्स वि तह कम्मं कारवेइ सा ण्हविउं ।  
 अवणीय-वक्कलं तं परिहाविय-वत्थ-आभरणं ॥  
 परिणावह निय-धूयं रुवेण सुरंगणं व पच्चक्खं ।  
 गायंतीओ वट्ट-वरमत्तेस-वेसाओ चिट्ठंति ॥  
 मुणि-वेसा वेसाओ जाओ गयाओ कुमारमाणेउं ।  
 ताओ कहंति रत्तो एवं उवलोभिओ कुमरो ॥  
 आगमणे संकेयं कारविओ किं तु ताय-दंसणओ ।  
 अम्हे नट्ठाओ तओ न सक्किओ सद्धिउं कुमरो ॥  
 अम्हे गवेसमाणो अडविं चिय उवगओ न पिउ-पासं ।  
 तं सोऊण विसत्तो पसन्नचंदो भणइ एवं ॥  
 अट्टह अजुत्तं जं सो पत्तो पासं न मज्झ पिउणो ।  
 मीणो व्व जलाओ सो जणयाओ विजोजिओ मरिही ॥  
 इय दुक्खेण नरिंदो सयणिज्ज-गओ रहं अपावंतो ।  
 तीए गणियाइ गिहे मुरय-रवं निसुणिउं भणइ ॥  
 मह दुक्खिए वि सुहिओ को एसो जस्स मंदिरे एवं ।  
 सुव्वइ मुरय-रवो तं परंपराए सुणइ गणिया ॥  
 सा आगंतुं विन्नवइ नरवइ देव ! मह पुरा कहियं ।  
 नेमिस्सिण जो तुह एइ गिहं तावसो तरुणो ॥  
 तस्स तुमं निय-धूयं दिज्जसु तस्स पभावओ होही ।  
 सा सुख-भागिणी अज्ज मज्झ सो आगओ गेहं ॥  
 परिणाविओ य धूयं मट्टसवो तेण वट्टइ गिहे से ।  
 देवो दुक्खी न मए मुणिओ ता खमसु मह दोसं ॥  
 तो रत्ता पट्टविया पुव्व-नरा तदुवलक्खण-निमित्तं ।  
 गंतुलुवलक्खिउं तं आगंतुं विन्नवंति निवं ॥  
 परितुट्टमणो राया वट्ट-समेयं करेणु-खंघ-गयं ।  
 वक्कल-चीरिं आणेइ निय-गेहं गरुय-रिद्धीए ॥  
 परिणीय-राय-कत्तो सो कुमरो मुणिय-सयल-ववहारो ।  
 संपन्न-वंछियत्थो तिथसो व्व सुहं गमइ कालं ॥  
 जणओ वि वणे कुमरं अपेच्छमाणो दढं कुणइ सोयं ।  
 निव-पट्टविया पुरिसा कहंति से कुमर-वुत्तंतं ॥

सो होइ किंचि सत्थो सुय-विरहे तह वि तत्स महारिसिणो ।  
 अचंत-रोअणाओ कमेण अंधत्तणं जायं ॥  
 अनेहिं तावसेहिं कयाणुकंपेहिं पारण-दिनेसु ।  
 विहिय-फल-संविभागो तत्थेव वणे वसइ एसो ॥  
 वारससु वच्छरेसुं गएसु कहयावि अडरत्तम्मि ।  
 कुमरो वक्कलचीरी पडिबुद्धो चिंतए एवं ॥  
 जम्म-समए वि माया मज्झ मया तो महाकिलेसेण ।  
 परिपालिओम्हि पिउणा पवन्न-तावस-वएणावि ॥  
 निच्चं कडि-चडिएणं पिउणो तव-वरण-पीडियंगस्त ।  
 कट्टं कयं मए निवडियस्स पण्ह-प्पहार-समं ॥  
 पच्चुवयार-समत्यो जाओऽहं जाव जुव्वणाख्खो ।  
 बिहि-वसओ इह पत्तो पावो अजिइंदिओ ताव ॥  
 इय चिंतिऊण कुमरो निवइं विन्नवइ देव ! मह चित्तं ।  
 ताय-चलणारविंदं दट्ठं उक्कंठियं वाढं ॥  
 राया भणइ ममावि हु अचंतं ताय-दंसणे वंछा ।  
 तो दोवि गया तत्थासमम्मि ते राय-जुवराया ॥  
 कुमरो जंपइ दट्ठण आसमं मह तणं व रज्ज-सिरी ।  
 ताइं इमाइं सराइं रमिओ हंसो व्व जत्थाहं ॥  
 फल-भक्खणं जहिच्छं कयं मए जाण ते इमे खक्खा ।  
 एए ते हरिणा भायर व्व मह खेळण-सहाया ॥  
 मह बुद्ध-पाण-पवणाउ ता इमा मायरो व्व महिसीओ ।  
 रज्जे वि मज्झ कत्तो पिउ-सुस्ससा कहं तु इमं ॥  
 ते आसमं पविट्ठा तुट्ठा दट्ठण सोमचंद-रिसिं ।  
 जंपइ पसन्नचंदो ताय ! तुमं नमइ जेट्ठ-सुओ ॥  
 पिउणा पसन्नचंदो सव्वंगं पाणिणा परासुट्ठो ।  
 पुत्तय ! निरामओसि त्ति जंपमाणेण महारिसिणा ॥  
 कुमरो जंपइ एसो वक्कलचीरी तुमं नमइ ताय ! ।  
 सो रिसिणा सव्वंगं तुट्ठेणालिगिओ गाढं ॥  
 नयणेसु तया रिसिणो वाह-जलं पसरियं सिणेहेण ।  
 तं चेय तत्स अंधत्त-विगम-परमोसहं जायं ॥



तो दुन्निवि महरिसिणा ते दिट्ठा पुच्छिया कुसल-वत्तं ।  
 ते विति अम्ह कुसलं सव्वत्थ तुह पप्साएण ॥  
 तं अणपेक्खिज्जंतं तावस-भंडं खु केरिसं जायं ।  
 इय चिंतंतो पत्तो वक्कलचीरी उडव-मज्जे ॥  
 तावस-भंडं वत्थंचलेण पडिलेहए सयं ठवियं ।  
 सो पायकेसरीए जइ व्य पत्ताह-उवगरणं ॥  
 पुव्वं कहिं पि करणं कयं मए एरिसं ति चिंतंतो ।  
 सो जाय-जाइसरणो सामन्नं सरइ पुव्व-कयं ॥  
 विस-दारणेसु विसएसु हा! कहं मुच्छिओम्हि मूढ त्ति ।  
 पसरिय-सुह-भावो वीय-सुक्क-ज्झाणं अहंकंतो ॥  
 वक्कलचीरी चूरिय-मोह-बलो झत्ति केवली जाओ ।  
 जणयस्स बंधवस्स य जहट्ठियं कहइ सो धम्मं ॥  
 अम्हाण सुक्ख-मग्गो सुट्ठु तए दंसिओ त्ति जंपंता ।  
 तं देवया-समप्पिय-लिंगं ते दो वि पणमंति ॥  
 तम्मि समयम्मि पोयण-पुर-आसन्ने मणोरमुज्जाणे ।  
 सयल-तहलुक्क-पुज्जो वीरजिणिंदो समोसरिओ ॥  
 पत्तेयबुद्ध-समणो वक्कलचीरी पवन्न-जिणधम्मं ।  
 निय-जणयमप्पिउं जिणवरस्स विहरेइ अन्नत्थ ॥  
 गंतुं पसन्नचंदो पोयणपुरमुल्लसंत-वेरग्गो ।  
 वालं पि सुयं रज्जे ठविउं पडिचज्जए दिक्खं ॥  
 सो अहिगय-सुत्तत्थो कमेण दुक्कर-तवच्चरण-निरओ ।  
 वीरजिणिंदेण समं समागओ रायणिह-नयरं ॥  
 सामिस्स बंदणत्थं विणिग्गओ सेणिओ सपरिवारो ।  
 तस्स पुण अग्गसेत्ते संति दुवे सुसुह-दुम्मुहा ॥  
 एग-चलणे पइट्ठिय-मूसिय-भुय-जुयलमचल-थिर-कायं ।  
 रवि-बिंब-निहिय-नयणं एगं पेच्छंति ते समणं ॥  
 एक्केण तत्थ भणियं—अहो ! महप्पा मुणी इमो को वि ।  
 सयल-जण-बंदणिज्जो जो एवं कुणइ तिच्च-तवं ॥  
 चिट्ठेज्ज एग-चलणेण को रविं को खणं पि पेक्खेज्ज ।  
 एयस्स सग्ग-मोक्खा दुक्करकारिस्स हत्थ-गया ॥

वीएण पुणो भणियं—पसन्नचंदो नराहिवो एसो ।  
 एयस्स नत्थि घम्मो बिहलं तिब्बं पि तव-कम्मं ॥  
 बालो पुत्तो रज्जम्मि ठाविओ जो अणेण सो इण्हि ।  
 मोयाचिज्जाइ रज्जं अरीण मिलिऊण मंतीहिं ॥  
 मंतीणं ताण रज्जं समप्पियं रक्खणत्थमेएण ।  
 ते भक्खंति खला तं लुद्धा दुब्बं व मज्जारा ॥  
 बाले ह्यम्मि पुत्ते होही एयस्स वंस-विद्धंसो ।  
 अंतेउरं अणाहं इमं विणा कं दसं लहिही ॥  
 ता एसो पाव-निही न हीण-चरिओ धुवं अदट्ठव्वो ।  
 एवं सोउं चलियं पसन्नचंदस्स सुहज्जाणं ॥  
 सो चित्तिउं पवत्तो—अहो ! अणज्जा कुमंतिणो एए ।  
 मह पुत्तस्स बिहडिया बहुसो सम्माणिया वि मए ॥  
 जइ तत्थ अहं हुंतो तेसिं वीसत्थ-घायगाण तओ ।  
 अणुसासणं करंतो नव-नव-निग्गह-पयारेहिं ॥  
 इय कलुस-ज्झाण-परो रायरिसी रोस-रक्खसारूढो ।  
 पेक्खइ पुत्त-विक्खे ते पच्चक्खे व्व दुरमच्चे ॥  
 पुब्बं पिव ते समरे मणसा..... ।  
 एत्थंतरम्मि राया समागओ सेणिओ तत्थ ॥  
 तं ज्ञाण-निच्चलं पिक्खिऊण राया फुरंत-परिओसो ।  
 उत्तरिऊण करिंदाओ वंदए महि-निहित्त-सिरो ॥  
 तव-सामत्थमउब्बं पसन्नचंदस्स इय विचिंतंतो ।  
 राया गंतुं परिचत्त-रायचिंधो नमइ नाहं ॥  
 सो परिसाइ निसिज्जो समए पुच्छइ जया मए नाह ! ।  
 नमिओ पसन्नचंदो करिज्ज जइ सो तथा कालं ॥  
 का तस्स गइ हुज्जा वीरजिणो भणइ तम्मि समयम्मि ।  
 सो कालं कुणमाणो सत्तम-नरयम्मि गच्छिज्ज ॥  
 सरलासओ नरिंदो चिंतइ सुणिणो कहं निरय-गमणं ? ।  
 ता न मए सुट्ठु सुयं खणंतरे पुच्छए पुणावि ॥  
 भयवं ! पसन्नचंदो करेइ जइ संपयं कहवि कालं ।  
 तो कत्थ वच्चइ ?; जिणो जंपइ सब्बट्ठसिद्धम्मि ॥

पुच्छइ सेणिय-राओ वागरणं नाह ! कहमिणं दुविहं ।  
 भणइ जिणो सो तइया दुस्सुह-दुव्वयण-सवणेण ॥  
 पसरिय-पुत्त-ममत्तो रुद्धज्जाणं महंतमारुढो ।  
 बद्ध-यण-असुह-कम्मो सत्तम-नरयारिहो आसि ॥  
 तह वंदिउं अवगए मंतीहिं समं मणेण जुज्झंतो ।  
 तुट्ठेसु पहरणेसुं मुणिउं सन्नद्धमप्पाणं ॥  
 निहणामि सिरत्ताणेण दुट्ठ-सचिवे इमे त्ति चिंतंतो ।  
 तग्गहणत्थं हत्थेण मत्थयं सो परासुसइ ॥  
 तं लुंचियं फुसंतो सुमरइ पडिक्क-दिक्खमप्पाणं ।  
 तो चिंतइ धिक्खी मं रुद्धज्जाणाणुबद्ध-मणं ॥  
 किं मज्झ तेण पुत्तेण किं च मंतीहिं चत्त-संगस्स ! ।  
 इय चिंतंतो पुरओ ठियं व मं वंदिऊण इमो ॥  
 आलोइय-पडिकंतो पसत्थ-ज्ञाणेण खविय-कम्म-भरो ।  
 सव्वट्ठ-सिद्ध-जुग्गो पसन्नचंदो मुणी जाओ ॥  
 इय जंपिऊण विरए विरजिणे सेणिओ गयण-मग्गे ।  
 दट्ठं सुर-संपायं स-विस्सओ पुच्छए सामि ॥  
 भयवं ! सुर-संपाओ किं एसो नह-यले ? भणइ सामी ।  
 जायं पसन्नचंदस्स संपयं केवलं नाणं ॥  
 इय जिण-वयणं मुणिउं स-देव-मणुयासुरा मुणइ परिस्ता ।  
 सुगइ-कुगईण हेऊ सुहासुहा भावणा चेय ॥

इति भावनायां प्रसन्नचन्द्र-कथा ।

सुह-भावणा-वत्सेणं संजाया खविय-वाइ-कम्माण ।  
 केवल-नाणुप्पत्ती साल-महासाल-पसुहाण ॥

तं जहा—

इत्थत्थि पिट्ठचंपा-नयरी पर-वक्क-भय-अकय-कंपा ।  
 मय-लंछणो ससि चियं सुरु चियं जत्थ कर-चंडो ॥  
 तत्थ नय-नियर-सालो सालो राया विसाल-बल-साली ।  
 नामेण महासालो सहोयरो तस्स जुयराओ ॥  
 अह तत्थ समोसरिओ सुर-पुंगव-सेविओ महावीरो ।

शाल-महाशाला दो वि तत्स पत्ता पणमणत्थं ॥  
 तरिऊण भव-समुद्दं धम्म-तरंडेण लहह मोक्ख-त्तंडं ।  
 इय धीरजिणेसर-देसणाइ ते दो वि पडिबुद्धा ॥  
 सालेण महाशालो रज्जं पडिवज्जसु त्ति भणिओ वि ।  
 जाव न तं गिण्हइ ताव गागली भाइणिज्जो त्ति ॥  
 जसवइ-पिठरय-पुत्तो ठविओ रज्जस्मि गरुय-रिद्धीए ।  
 शाल-महाशालेहिं गहिया दिक्खा जिण-समीवे ॥  
 समयंतरस्मि सामी विहरंतो आगओ पुरिं चंपं ।  
 सह शाल-महाशालेहिं गोयमो पहु-अणुत्ताओ ॥  
 पत्तो य पिट्ठचंपं कंचण-कमल-ट्ठिओ कहइ धम्मं ।  
 सोऊण गागली तं पडिबुद्धो जणणि-जणय-जुओ ॥  
 ठविऊण सुयं रज्जे गिण्हइ दिक्खं पिज्जहिं परियरिओ ।  
 पंचहिं वि तेहिं कलिओ चलिओ गोयम-गुरु चंपं ॥  
 ताण जिण-वंदणत्थं वच्चंताणं पहस्मि पंचण्हं ।  
 सुभ-भावणा-पराणं उप्पन्नं केवलं नाणं ॥  
 सव्वे वि गया चंपं कमेण ति-पयाहिणं ति ते सामिं ।  
 वंदेइ इंदभूई इयरे पंच वि गया परिसं ॥  
 ते भणइ गोयमो एह सामिणं वंदह त्ति तो सामी ।  
 तं जंपइ मा गोयम ! केवलि-आसायणं कुणसु ॥  
 खामेइ गोयमो ते विसन्न-चित्तो य चित्तए एवं ।  
 लहिऊण केवलमहं किं सिज्झिस्सामि एत्थ भवे ॥  
 पुव्वं जिणेण कहियं मणुओ अट्ठावयस्मि जो चड्डिं ।  
 चउवीस-जिणे नमिही सो सिज्झिस्सइ इहेव भवे ॥  
 तं जंपंते तियसे मुणिं अट्ठावयं गारिं गंतुं ।  
 वंछेइ गोयमो वंदणत्थमरहंत-पडिमाणं ॥  
 तावस-पडिवोहं जाणिऊण सो भयवया अणुत्ताओ ।  
 चारण-लद्धि-वलेणं पवणो व्व खणेण तं पत्तो ॥  
 एत्तो य मोक्ख-हेउं सोउं अट्ठावयंसमारुहिं ।  
 तिज्जि पयद्दा कोडिन्न-दिन्न-सेवाल-कुलवइणो ॥  
 पढमो चउत्थ-पारणय-अइ-कंदाइ-भोर्यणो निच्चं ।  
 पंच-सय-तावस-जुओ आरुद्धो मेहलं पढमं ॥

छट्-तव-पारणे रह्य-सुक्क-कंदाह-भोयणो दुइओ ।  
 दुइयाह मे हलाए चडिओ पंच-सय-परिवारो ॥  
 निचं कयट्टमो विहिय-सुक्क-सेवाल-पारणो तहओ ।  
 पंच-सय-तवस्सि-जुओ आरुढो मेहलं तहयं ॥  
 ते उडुं आरुहिउं अखमा चिट्ठंति उम्मुहा जाव ।  
 पेच्छंति कणय-वन्नं थूल-तणुं गोमयं ताव ॥  
 जंपंति ते परुप्परमम्हे अट्ठावए तव-किसा वि ।  
 आरुहिउं न तरामो कहमारुहिही इमो थूलो ? ॥  
 इय जंपंतेसु इमेसु गोयमो तं गिरिंदमारुढो ।  
 तियसो व्व सो खणेणं नयणाण अगोयरं पत्तो ॥  
 एयस्स अहो ! सत्ती महरिसिणो ता नियत्तमाणस्स ।  
 सीसा अम्हे होमि त्ति निच्छओ तावसेहिं कओ ॥  
 तो गोयमो मणोहर-मणि-कणय-मयं जिणालयं पत्तो ।  
 अट्ठावय-गिरि-रायस्स मउड-सोहं जमुव्वहइ ॥  
 भरहेसर-कारविया चउवीस-जिणाण तत्थ पडिमाओ ।  
 अप्पडिमाओ वन्न-प्पमाण-जुत्ताउ सो नमइ ॥  
 निगंतुं जिण-गेहाओ इंदभूई असोग-रुक्ख-तले ।  
 उवविट्ठो तियसाणं जिण-पन्नत्तं कहइ धम्मं ॥  
 पत्थावे भणइ इमं तव-यसओ अट्ठि-चम्म-सेसंगे ।  
 किडि-कडिय-संधिणो जंपिउं पि अखमा मुणी हुंति ॥  
 तो चिंतइ वेसमणो थूलत्तं गोयमस्स पेक्खंतो ।  
 किं भयवं साहु-गुणे अप्प-विसंवाइणो कहइ ॥  
 मणपज्जवेण भयवं तवभावं जाणिऊण वज्जरइ ।  
 परमत्थओ पमाणं ज्ञाणं न किसत्तणं तणुणो ॥

तहा हि—

जंबुद्दीवस्मि महाविदेह-ठिय-पुक्खलावई-विजए ।  
 अत्थि मही-महिला-पुंडयं व पुंडरिणिणी नयरी ॥  
 वेरि-करि-पुंडरीओ ससि-पंडुर-पुंडरीय-रुद्धदिसो ।  
 सिरि-केलि-पुंडरीयं तत्थ निवो पुंडरीओ त्ति ॥  
 तस्स भुय-दंड-कुंडलिय-चंड-कोयंड-कंड-तुंडेहिं ।



खंडिय-विपक्ख-मुंडो जुवराओ कंडरीओ त्ति ॥  
 अह तत्थ नलिण-वण-काणणम्मि गुणिणो समागया मुणिणो ।  
 ताण समीवे धम्मं सुणंति ते राय-जुवराया ॥  
 वेरग-मग-लग्गो सगिहं गंतूण पुंडरीय-निवो ।  
 जुवराय-कंडरीयं मंति-समक्खं इमं भणइ ॥  
 वच्छ ! कमागयमेयं गिण्हसु रज्जं अहं तु भय-भीओ ।  
 भव-दुक्ख-लक्ख-खंडण-दक्खं दिक्खं गहिस्सामि ॥  
 तो भणइ कंडरीओ—किं भव-कूवम्मि खिवसि मं नाह ! ।  
 तुममेव कुणसु रज्जं अहं तु काहामि पवज्जं ॥  
 भणियं रत्ता—रेहइ धम्मो वि कमेण वच्छ ! कीरंतो ।  
 कुमरेण जंपियं—देवं ! नत्थि मरणस्स को वि कम्पो ॥  
 तो भणइ पुंडरीओ जइ वि इमं तहवि जुव्वणं विसमं ।  
 कामो जएक्क-वामो निरग्गलो इंदियग्गामो ॥  
 दुपरिच्चओ पमाओ परीसहा दुस्सहा चलं चित्तं ।  
 हुयवह-जाला-पाणं व दुक्करं वच्छ ! चारित्तं ॥  
 ता सावय-धम्मं चिय पवज्जिओ रज्ज-पालणं कुणसु ।  
 पडिवन्न-अनिव्वहणं उभय-भव-दुहावहं जम्हा ॥  
 वज्जरइ कंडरीओ सच्चमिणं तहवि नाह ! निय-वयणं ।  
 कीरइ किमन्नहा तो चित्तव्वा निच्छयं दिक्खा ॥  
 इय भणित्तं पव्वइओ कुमरो राया उ भावओ साहू ।  
 गेहम्मि ठिओ मंतीहिं वारिओ दिक्ख-गहणाओ ॥  
 तो कुणइ कंडरीओ चिरं तवं निच्चमंग-निरवेक्खं ।  
 दस-विह-सामायारिं पालइ मुणि-वल्लहो होइ ॥  
 अह अन्नया वसंते वियंभिए भुवण-खोह-संजणणे ।  
 चारित्त-मोह-वसओ चलइ मणं कंडरीयस्स ॥  
 सो चित्तेइ अलं मे पवज्जाए किलेस-बहुलाए ।  
 गंतुं करेमि रज्जं जं मह निय-बंधुणा दिन्नं ॥  
 तो पत्तो पुंडरिगिणि-नयरीए सो ठिओ य उज्जाणे ।  
 उवगरणं ठविउं तरु-लयाइ हरियम्मि उवविट्ठो ॥  
 सो अप्पाणं रत्तो जाणावह वण-निउत्त-पुरिसाओ ।

राया वि पहाण-जुओ आगंतुं नमह तं क्षति ॥  
 रुक्खे ठविओवगरणो एगागी हरिय-काय-लुढियंगो ।  
 वय-निव्विन्नो मन्ने इमो त्ति सुणिउं भणह राया ॥  
 भो ! भो ! सुमरह तुम्हे जं वारं तस्स मज्झ तंमि दिणे ।  
 रहस-वसेण पवन्ना वालेण अणेण पवज्जा ॥  
 तत्तो राया दाऊण कंडरीयस्स राय-चिंधाहं ।  
 सुणि-लिंगाणिय-गहिउं नीहरह सयं गहिय-दिक्खो ॥  
 अह वय-भट्ठो रंको व्व क्खि-तणू एस भोयणत्थो त्ति ।  
 गरहिज्जंतो लोएहिं कंडरीओ कुणह कोवं ॥  
 भुंजामि ताव पढमं पच्छा एयाण निग्गहं काहं ।  
 इय चिंतंतो चित्तम्मि कंडरीओ गओ गेहं ॥  
 उत्तम-मज्झिम-अहमो ति-विहो लद्धो चिराउ आहारो ।  
 भुत्तो तव-तिव्वल्लहेण कंडरीएण आकंठं ॥  
 तस्स बहु-भोयणाओ य भोग-जागरणओ य रयणीए ।  
 जाया विसुइया वेयणा य महई समुप्पन्ना ॥  
 भत्थि व्व अनिल-पुन्ना वियसियमुयरं निखंभिओ पवणो ।  
 तस्सुल्लसिया तण्हा सव्वंगं पसरिओ दाहो ॥  
 भट्ठ-पइन्नो पावो एसो त्ति विभाविउं निओगीहिं ।  
 सो अकय-चिकिच्छो किच्छमुवगओ चितए एवं ॥  
 जह कहवि हमं रयणिं अहक्कमिस्सामि तो पभायम्मि ।  
 निहणिस्सं स-कुडुंवे सव्वे वि निओगिणो एए ॥  
 एवं रुह-ज्झाणेण कण्हलेसा-समन्निओ मरिउं ।  
 सत्तम-पुढवीए इमो उप्पन्नो अप्पइट्ठाणे ॥  
 अह पुंडरीय-साहू अहो सुलद्धं चिराउ सुणि-धम्मं ।  
 काहामि गुरु-समक्खं ति चिंतिउं चलह गुरुपासे ॥  
 सो वेला-लंघिय-सीय-रुक्ख-भोयण-किलामिओ मग्गे ।  
 कोमल-कन-तल-नीहरिय-रुहिर-संसित्त-महिवट्ठो ॥  
 गामे उवस्सयं मग्गिऊण तण-सत्थरम्मि उवचिट्ठो ।  
 गुरु-पासे गिण्हिस्सं कइया दिक्खं ति चित्तेइ ॥  
 गरहिय-निय-दुचरिओ पइसमय-समुल्लसंत-सुह-झाणो ।  
 पीणंगो वि विवन्नो सो सव्वट्ठे सुरो जाओ ॥

ता देहस्स कित्तं पीणत्तं वा मुणीण अपमाणं ।  
 किं तु सुह-ज्ञाणमेककं निब्बाण-निबंघणं वित्ति ॥  
 गोयम-भणियं एयत्थ-संगयं पुंडरीय-अज्झयणं ।  
 गिण्हेह एक्क-वारेण धणय-सामाणिओ देवो ॥  
 वेस्समणो उण नमिज्जण गोअमं गिण्हज्जण सम्मतं ।  
 संपत्त-ति-जय-रज्जो व्व रंजिओ जाइ निय-ट्ठाणं ॥  
 इय देस्सणाइ गमिज्जण गोयमो रयणिमुत्तरइ जाव ।  
 अट्ठा-वयाउ पेच्छंति तावसा ताव तं तुट्ठा ॥  
 जंपंति पणमिउं ते महारिसि ! तव-लच्छि-कुल-भवण ! अम्हे ।  
 तुह सीसा होहामो तुमं तु अम्हाण होसु गुरु ॥  
 तो गोयमो पर्यपइ सव्वन्नू मह गुरु महावीरो ।  
 सो चिअ सुरासुरचिय-चलणो तुम्हं पि होउ गुरु ॥  
 पुणरुत्त-पत्थण-परे दिक्खइ तावस-गणे गणहरिंदो ।  
 तेसिं समप्पियं देवयाइ सव्वं पि मुणि-लिंगं ॥  
 जूहाहियो व्व कलहेहिं तेहिं सह गोयमो पहु-समीवे ।  
 चलिओ गओ य गामं भिक्खा-काले भणइ एए ॥  
 किं तुम्ह पारण-कए मण-इट्ठं कहइ जेण आपेमि ।  
 ते पायसं ति जंपंति विम्हओ फुल्ल-मुह-कमला ॥  
 तं एग-कुक्खि-पूरण-पमाणमाणइ पडिग्गहे काउं ।  
 लद्धि-समिद्धो भयवं जंपइ मुणिणो निविसइ त्ति ॥  
 अम्हाण पारणं एत्तिएण नणु पायसेण किं होही ।  
 तहपि गुरु जं जंपइ तं कायव्वं ति चिंतंता ॥  
 ते सव्वेवि निविट्ठा अक्खीणमहाणसाइ लद्धीए ।  
 जेमाविज्जण सव्वे सयं च पच्छा जिमइ भयवं ॥  
 अह अम्हेहिं पत्तो देवो परमेसरो महावीरो ।  
 जणय-समो एस गुरु धम्मो य भवन्नव-तरंडो ॥  
 ता कयपुत्ता अम्हे त्ति भावयंताण भुंजमाणाण ।  
 सेवाल-भक्खगाणं संजायं केवलज्ञाणं ॥  
 दिन्नाईणं नियडे गयाण पहु-पाडिहेर-दसणओ ।  
 कोडिन्नाईणं पुण पहु-पिच्छणओ तमुप्पन्नं ॥

सामिं तिपयाहिणिडं केवलि-परिसाए पत्थिया एए ।  
 एह नमंसह सामिं ति भणइ तो गोयमो भयवं ॥  
 मा कुरु केवलि-आसायणं ति वागरइ गोयमं सामी ।  
 मिच्छादुक्कड-पुव्वं ते खामइ गोयमो नमिडं ॥  
 चित्तेइ गोयमो पुण वि गरुय-कम्मो किमेत्थ जम्मेऽहं ।  
 सिद्धिस्सामि न वा किं एए पुण दिक्खिया वि मए ॥  
 पत्ता केवल-नाणं अहो महंतो इमाण पुत्त-भरो ।  
 एवं चिंतावत्तं पर्यंपए गोयमं सामी ॥  
 सच्चं सुराण वयणं जिणाण वा किं ति गोयमो भणइ ।  
 नाह ! जिणाणं सामी जंपइ ता मा कुणसु अधिइं ॥  
 तण-वंस-चम्म-उन्ना कह तुल्ला हुंति जेण इह नेहो ।  
 चिर-संसग्गा तुह मइ उन्ना कड-संनिहो नेहो ॥  
 सो दढ्यरो जया तुज्झ तुद्धिही केवलं तया होही ।  
 ता तुममहं च गोयम ! अंते तुल्ला भविस्सामो ॥  
 इति भावनायां शाल-महाशाल-कथा ।

पुव्व-कय-कम्म-वसओ नीय-जणोच्चिय-पहे पयट्ठो वि ।  
 सुह-भावणाइ पत्तो केवल-नाणं इलापुत्तो ॥

तं जहा—

इत्थेव भरहवासे विसिट्ठ-सर-वावि-कूव-कय-सोहं ।  
 धण-धन्न-समिद्ध-जणं अत्थि इलावड्ढणं नयरं ॥  
 पुरिसा परत्थ-लुद्धा सरोय-नयणाउ जत्थ इत्थीओ ।  
 भवणाइं भोगि-रुद्धाइं तत्थ किं वणिमो अन्नं ॥  
 तत्थ निवो जियसत्तू कराल-करवाल-राहुणा जत्तस ।  
 निच्चंपि सूर-राघाण कवलणं कीरए चोज्जं ॥  
 तस्सासि माणजिज्जो वेसमण-सरिच्छ-रिद्धि-वित्थारो ।  
 इब्भो नाम गुण-निही समग्ग-वणिवग्ग-अवयंसो ॥  
 निरुवम-रूवाइ-गुणोह-धारिणी धारिणी पिवा तत्तस ।  
 तेसिं निरवच्चत्तं करवत्तं पिव दलइ हिययं ॥

जओ—

संसार-निव-तरुणो कडुयं कुसुमं व विसय-सुक्खं पि ।



चोजं अमय-फलोवममवच्च-मुह-दंसणं एकं ॥  
 तत्थत्थि इला-देवी तीए उवाइयं कयमणेहिं ।  
 जइ अम्ह सुओ होही ता तुह भत्ति करिस्तामो ॥  
 तुह चित्तिं च नामं दाहामो तस्स, तो सुओ जाओ ।  
 तुह-मणेहिं अणेहिं इलाइ पूया कया महई ॥  
 पएसु पाडिओ सो भणिओ नामेण तह इलापुत्तो ।  
 निव्विग्घं वट्ठतो संजाओ अट्ठ-वारिसिओ ॥  
 जणएण कलायरियस्स अप्पिउं कारिओ कला-गहणं ।  
 अह रमणी-माण-मडप्प-मोडणं जुव्वणं पत्तो ॥  
 तह वि रमइ रमणीसुं न मणं पि इमो मुणि व्व उवसंतो ।  
 जणणि-जणएहिं तत्तो खित्तो दुल्ललिय-गोढीए ॥  
 अह संपत्तो सरओ उल्लासिय-रायहंस-हरिस-रओ ।  
 पसरिय-ताम-रस-रओ अविवेय-जणग्घविय-सरओ ॥  
 निस्सि-निम्मल-तारय-संगयस्स गयणत्स पाडिसिद्धीए ।  
 वियसिय-कुमुय-जुयाइं जम्मि सराइं विरायंति ॥  
 कलुसंति अपिज्जंतं पुव्वं सत्थं ति जम्मि पिज्जंतं ।  
 सव्वो वि होइ सत्थो पिओ त्ति लोयाण कहइ जलं ॥  
 मलिणा वि घणा खित्तेसु वरिसिउं जम्मि उज्जला जाया ।  
 खित्तेसु रिद्धि-दाणं विसुद्धि-हेउ त्ति जंपंति ॥  
 वासासु आसि हरिसो सिहीण हंसाण जम्मि संजाओ ।  
 सासुए केवि दिणा केवि वट्ठइ त्ति पयडेइ ॥  
 सारस-मिहुण-वणत्थल-मणोहरा वियसमाण-कमल-मुही ।  
 पसरंत-कास-हासा जम्मि वियंभइ भुवण-लच्छी ॥  
 तम्मि सरए स-मित्तो पहिट्ठ-चित्तो गओ इलापुत्तो ।  
 नंदण-वणाभिरामे आरामे कीलण-निमित्तं ॥  
 दिट्ठा तत्थ अणेणं रइ व्व ख्वेण मणहरा तरुणी ।  
 लंखय-नडस्स कम्मा नचंती विविह-भंगीहिं ॥  
 तं पेच्छंतो सो पर-वसो त्ति विद्धो सरेहिं मयणेण ।  
 जं असमत्थो पुरिसो पहरेइ परं छलं लहिउं ॥  
 अह थंमिओ व्व सहसा टंक्काक्किओ व्व चित्त-लिहिओ व्व ।



लेप्प-घडिओ व्व पत्थरमओ व्व सो निच्चलो जाओ ॥  
 सेउ-वियंभिओ सो जलं व दाउं कुलाभिमाणस्स ।  
 उल्लसिओ पाव-दुमंङ्कुर-प्पवंचो घुरोमंचो ॥  
 काहं कहां अकज्जं ति सज्जसेणं च पसरिओ कंपो ।  
 लज्जाइ पाडिसिद्धीइ नूण से चेयणा नट्टा ॥  
 तं तयवत्थं दट्ठुं भणंति पर-चित्त-लक्खणा मित्ता ।  
 जाया महर्हं वेला वयंस ! इह आगयणम्ह ॥  
 काहं ति जणणि-जणया तुह अधिहं तेण मंदिरं जामो ।  
 वणमिणमवाय-वहुलं ति नेह जुज्जइ चिरं ठाउं ॥  
 इय पत्तविओ वि इमो तग्गय-चित्तो न जंपए किं पि ।  
 तो घेत्तूण भुएहिं नीओ मित्तेहिं पिइ-गेहं ॥  
 तत्थ वि सयणिज्ज-गओ विमुक्क-उण्हण्ह-दीह-नीसासो ।  
 परिचत्त-निच्च-किच्चो चिट्ठइ तं चेव चित्तंतो ॥  
 तुच्छ-जले मच्छस्स व तस्सारइ-परिणयस्स वुत्तंतं ।  
 पिउणो कहांति मित्ता नड-धूया-दंसण-प्पभिहं ॥  
 तं सोउं सो वज्जाहओ व्व सहसा बिसायमावन्नो ।  
 वाह-जल-सरिय-नयणो स-प्पणयं जंपए पुत्तं ॥  
 उत्तम-कुलम्मि जाओ वच्छ ! तुमं, तुह नणोहरा सुत्ती ।  
 तुज्ज विमुद्धा बुद्धी सत्थ-रहस्सं तए पढियं ॥  
 जुत्ताजुत्त-विमरिसं न खमो काउं विणा तुमं अन्नो ।  
 ता कत्तो जायमिणं तुह गुण-विवरीयमायरणं ॥

तहा—

जेण कुलं कल्लसिज्जइ सुयणा खिज्जंति उल्लसंति खला ।  
 कंठ-गय-जीविया वि हु सप्पुरिस्ता आयरंति न तं ॥  
 मुणिऊण इमं राया काही सब्बस्स-निग्गहं मज्झ ।  
 लज्जिस्सए गुरुयणो कओ कुपत्ते किलेसो त्ति ॥  
 संभाविस्संति तुमं अकुलीणं नयर-सिद्धिणो नूणं ।  
 निय-पंति-वाहिरं मं सयण-गणा पुण करिस्संति ॥  
 ता निरुद्धम-स्वणां लायन्नामय-समुद्ध-लहरीणं ।  
 वच्छ ! कुल-कन्नगाणं कर-गह्णं कारविस्सामि ॥

जं वच्छ ! वंछसि इमं अकुलीणं मणहरं पि तमजुत्तं ।  
 चंडाल-कूव-सलिलं सिद्धो सिसिरंमि किं पियइ ॥  
 अहं भणइ इलापुत्तो—अहं पि जाणामि ताय ! सव्वमिणं ।  
 किं तु तहिं अणुरत्तं न तरामि निवारिउं चित्तं ॥  
 अपि चण्डानिलोद्धूततरङ्गस्य महोदधेः ।  
 शक्येत प्रसरो रोक्षुं नानुरक्तस्य चेतसः ॥  
 सो जिवियक्खणु अक्खियइ छज्जइ सोज्जि छइल्लु ।  
 उप्पह-पट्ठिओ पहि ठवइ चित्तु जु नेह गहिल्लु ॥  
 पावेमि जइ न एयं तो पाणा निक्खमंति महं नूणं ।  
 हा ! विहि-वत्सेण वत्सेण पडिओम्हि करेमि किं ताय ! ? ॥  
 इय पुत्त-निच्छयं सुणिऊणं जणएण लंखओ भणिओ ।  
 कणएण समं तुलिउं सुयस्स मे देहि निय-धूयं ॥  
 तो लंखएण भणियं जइ तुज्झ सुयस्स कज्जमेयाए ।  
 ता मिलउ अन्ह एसो सुवन्न-अक्खय-निही जमिमा ॥  
 जणएण कहियमेयं सोऊण विचित्तए इलापुत्तो ।  
 हा ! मज्झ कए जणएण ववसियं जण-विरुद्धं पि ॥  
 विहि-वत्सओ संपत्तं अपत्त-दाणं व निष्फलं तं पि ।  
 ता किं करेमि ठाउं खणं पि न खमो विणा तीए ॥  
 इय चित्तिऊण एसो अगणिय-पिउ-माइ-मित्त-उवएसो ।  
 वज्जिअ-कुलाभिमाणो लंखय-नड-पेडए मिलिओ ॥

जओ—

विसमाउह-वाण-पहार-जज्जरे माणुसस्स मण-कलसे ।  
 ठाइ कहं निक्खित्तं थेवं पि परोवएस-पयं ॥  
 उद्दाम-काम-कामल-विद्विय-विवेय-चक्खुणो मणुया ।  
 खुप्पंति मग्ग-बुक्का अकिच्च-पंकमि किं चोज्जं ॥  
 तं भणइ नडो निउणा सिप्पे नट्टाइयम्मि महं धूया ।  
 वच्छ ! तुमं तु अनिउणो तुम्ह तओ अणुचिओ जोगो ॥  
 ता सिक्ख तुमं नट्टाइ-सिप्पमहं सिक्खित्तं पयट्ठो सो ।  
 न हि कुणंति किमकिच्चं तरुणी-वत्त-वत्तिणो मणुआ ॥  
 पल्ल-गुण-संपत्तो खिप्पं सिप्पम्मि तम्मि संजाओ ।

सव्वेसिसुवखित्ती किमसज्झं मइ-पगरिसस्स ॥  
 तं भणइ पुणो वि नडो निय-सिक्खं पयडिउं वहु सुवन्नं ।  
 विट्ठवसु तुमं विवाहं करेमि रिद्धीइ तुह जेण ॥  
 तो विन्नाय-नड-नयरे नड-पेच्छं मग्गिओ निवो तेण ।  
 संपत्ता नागरया निवो निविट्ठो स-देवीओ ॥  
 तो कुणइ इलापुत्तो पेक्खणयं जणय-जणमणच्छेरं ।  
 राया नड-धूयाए रुवाइ-गुणेहिं अक्खित्तो ॥  
 हंतुमिलापुत्तं भणइ भइ ! भो ! कुणसु वंस-पडणं ति ।  
 तो रंग-भूमि-निक्खय-वंसग्गे ठावियं फलयं ॥  
 पासेसु दोसु कीला तस्स कया तत्थ सो समारुढो ।  
 पाएसु पाउआओ सच्छिद्दाओ परिहिज्जण ॥  
 असि-फल-वग्ग-हत्थो अग्गाइ सत्त सत्त पच्छे ।  
 करणाइं कुणइ गयणे उप्पयमाणो इलापुत्तो ॥  
 छिद्देसु कीलए सो पवेसिउं जाव चिद्दए उद्धो ।  
 ता रंजिओ पुर-जणो जंपेइ अहो महच्छरियं ॥  
 अन्नस्स नत्थि सत्ती इमं ति सो दव्वमिच्छए दाउं ।  
 किं तु निवस्मि अदिंते न देइ एयस्स किंचि जणो ॥  
 राया उ चित्तइ इमं इमाउ ठाणाउ कहवि जइ एसो ।  
 पडिज्जण मरइ ता होज्ज नट्टिया मे इमा भज्जा ॥  
 तो भणइ निवो न मए तुह विन्नाणं निरुवियं सम्मं ।  
 ता कुणसु पुणो वि इमं तेण कयं तं दुइय-वारं ॥  
 तुट्ठो य जणो वाढं गय-लज्जो जंपइ पुणो राया ।  
 न मए सम्मं दिट्ठं ता पयडसु पुण वि विन्नाणं ॥  
 तं तेण तइय-वारं कयं निवो तहवि देइ न हु किंचि ।  
 अहह ! अजुत्तमजुत्तं ति कुणइ हाहारयं लोओ ॥  
 लक्खेइ लंखियाखित्त-माणसं खिइवइं इलापुत्तो ।  
 तो चित्तिउं पवत्तो धिद्धी ! विसयाण विसमत्तं ॥  
 जेणेस निवो रंगो व जीवियाए इमीइ अपुरत्तो ।  
 मम मरण-निमित्तं कारवेइ करणाइं पुणरुत्तं ॥  
 संते वि खव-लावन्न-कंतिनंते महंत-सुद्धंते ।

अकुलगयाइ किमिमीइ पत्थिवो एस अणुरत्तो ॥  
 अहवा किमणेण अहं पि एरिसो चेव जेण वट्ठामि ।  
 दूरे नियइ जलंतं ता लोओ न उण पाय-तले ॥  
 धिद्धी ! मह जम्ममिणं जेण न लज्जा कया गुरु-जणस्स ।  
 जणणि-जणयाण दुक्खं मणं पि न निरुद्धियं जेण ॥  
 परिभादियं न चित्ते लोए लहुयत्तमत्तणो जेण ।  
 जेणोभय-लोय-भयं न थेवमेत्तं पि संभरियं ॥  
 उमग्ग-विलग्गेणं मत्तगएण व मिठ-रहिण्ण ।  
 पर-पुट्ठ-वालएण व पर-घर-संचरण-सीलेण ॥  
 भक्खाभक्ख-विभागं अपेक्खमाणेण हुयवहेणेव ।  
 गिरि-नइ-पय-पूरेण व नीयं चिअ वच्चमाणेण ॥  
 विस-रुक्खेण व नीसेस-लोय-उव्वेय-करण-दक्खेण ।  
 सयल-जण-गरहणिज्जं लंखय-कुलमणुसरंतेण ॥  
 अहह ! मए मूढेणं कओ कलंको कुलम्मि ससिविमले ।  
 सयणाणं वयण-सरोरुहेसु मसि-कुचओ दिशो ॥  
 उद्धूलियं समग्गं तहलोकं अयस-पंसु-पसरेण ।  
 अप्पा अणप्प-दुग्गइ-दुक्खाणं भायणं विहिओ ॥  
 हा ! रुवमेत्त-दंसण-लोल-सहावत्तणेण सलह-समे ।  
 पाविट्ठि-दिट्ठि-रंडे पंच इमे मंडया तुज्झ ॥  
 इय वेरग्ग-गएणं अणेण कस्सवि गिहम्मि धणवइणो ।  
 पंच-समिया ति-गुत्ता दढ-व्वया साहुणो दिट्ठा ॥  
 निय-रुव-विजिय-तियसंगणाउ तरुणीओ धणवइ-वट्ठओ ।  
 भत्तीइ भत्त-पाणं तेसिं दितीओ दिट्ठाओ ॥  
 ते दट्ठं सो चित्तइ इमे कयत्था सुलद्ध-जम्माणो ।  
 जे एरिसे पि धीरा न दित्ति दिट्ठिं जुवइ-वग्गे ॥  
 अहह ! अहं पुण पावो अणज्ज-चरिओ विवेय-परिहरिओ ।  
 जो अकुलीण-जणत्थे अणत्थमेवं अणुहवामि ॥  
 इय चिंतंतस्स इमस्स मोहणिज्जं गयं खओवसमं ।  
 उल्लसिओ सुह-भावो फुरिओ चारित्त-परिणामो ॥  
 चित्तेण चत्त-संगो मुक्क-ममत्तो सरीरमेत्ते वि ।

जह धंसगो चडिओ तहेव सो खवग-सेढीए ॥  
 सुह-भावणानलेणं दहिउं नीसेस-घाइ-कम्म-वणं ।  
 पयडिय-लोयालोयं सो पावइ केवलं नाणं ॥  
 सो देवया-समप्पिय-लिंगो सुर-कय-सरोरुह-निससो ।  
 राय-प्पमुह-सहाए धम्मं वागरिउमाढत्तो ॥  
 चिंतामणिं व दुलहं लहिउं मणुयत्तणाइ-सामग्गिं ।  
 परिहरह विसय-सुक्खं किंपाग-फलं व मुह-महुरं ॥  
 पडिवज्जह चारित्तं थेवं पि पमाय-चेट्ठियं चयह ।  
 पाविस्सह अन्न-भवे विडंबणं अन्नह अहं व ॥  
 रत्ता भणियं—पुव्वं कओ पमाओ मुणिंद ! को तुमए ? ।  
 का वा विडंबणा पाविय त्ति, तो केवली कहइ ॥  
 अहमासि वसंतपुरे छक्कम्म-कओज्जमो पवर-विप्पो ।  
 मह माहणी य भज्जा कय-गुरु-लज्जा विणय-सज्जा ॥  
 अम्हे अणुरत्ताइं परोप्परं पालिऊण गिहवासं ।  
 गुरु-पासे पडिवुद्धाइं दोवि दिक्खं पवन्नाइं ॥  
 मज्झ मणे नावगओ नेहो सुत्तत्थ-लीण-मइणो वि ।  
 मह भज्जाए य कओ जाइमओ किं पि निय-चित्ते ॥  
 गुरु-पुरओ तमणालोइऊण दुन्नि वि गयाइं सुर-लोयं ।  
 तत्तो चुओ य जाओ एसोऽहं तुम्ह पच्चक्खो ॥  
 जाइ-मएणं जाया एसा सा हीण-जाइ-नड-धूया ।  
 तन्नेहेणं एवं विडंबणमहं पि संपत्तो ॥  
 तं सोउं नड-धूया राया देवी य भावणा-वसओ ।  
 पाविंति केवल-सिरिं कमेण सव्वाणि सिज्झंति ॥

इति भावनायामिलापुत्र-कथा ।

विसएसु पयटो वि हु पुरिसो वेरगं-भावणा-वसओ ।  
 अपयटो दट्ठव्वो दिट्ठंतो भाउणो दुन्नि ॥

तं जहा—

इत्थेव भरहवासे अत्थि पुरं रयणसंचयं नाम ।

कमलवणं व सहइ जं रमणी रमणिज्ज-वयणेहिं ॥



अणुवत्तिय-नय-धम्मो आजम्म-परोवयार-कय-कम्मो ।  
 मयरद्धओ व्व रम्मो नर-नाहो तत्थ जयवम्मो ॥  
 समरम्मिं जो समग्गे विपक्ख-वग्गे पलायमाणम्मि ।  
 संसुहमप्पाणं चिय पिच्छइ करवाल-संकंतं ॥  
 सुद्ध-हसिएण जीए हसियं व जयम्मि लज्जियं अमयं ।  
 अप्पाणं न पयासइ जयावली तस्स सा देवी ॥  
 तस्सासी जुवराओ सहोयरो विजयवम्म-नामो त्ति ।  
 तस्स सुमइ त्ति मंती विसिद्ध-मइ-विजिय-सुर-मंती ॥  
 अन्न-समयम्मि सूरी जुगंधरो नाम आगओ तत्थ ।  
 चंदो व्व तारएहिं बहूहिं साहूहिं परियरिओ ॥  
 नयरुज्जाणम्मि ठिओ नमणत्थं तस्स राय-जुवराया ।  
 सामंत-मंति-कलिया दोवि गया गयवराख्खा ॥  
 भू-भिलिय-निडाल-यला दो वि गुरुं वंदिऊण उवविट्ठा ।  
 भव-निव्वेय-पहाणा पारद्धा देसणा गुरुणा ॥  
 भो ! भो ! भव्वा दुव्वार-दुक्ख-संदोह-सलिल-संपुण्णं ।  
 जम्म-जरा-मरण-समुल्लसंत-कल्लोल-दुल्लंघं ॥  
 कोह-बडवग्गि-दुग्गं मोह-मेहावत्त-भीसण-सरूवं ।  
 माण-गिरि-दुरवगाहं गुरु-माया-वल्लि-परिणद्धं ॥  
 धण-मुच्छ-मच्छ-रिंछोल्ले-संकुलं पाव-पंक-पडिहत्थं ।  
 रागोरग-संरुद्धं विविहामय-मयर-दुप्पेच्छं ॥  
 अणवरय-पडंत-महंत-आवया-सय-सहस्स-संकिण्णं ।  
 दुद्धर-विसय-पिवासुच्छलंत-वेला-पसर-विसमं ॥  
 तरिऊण भव-समुद्धं जइ वंछह मोक्ख-पारमुवल्लुं ।  
 ता पडिबज्जह चारित्त-पवहणं पवर-गुण-कलियं ॥  
 अह भणइ सुमइ-मंती—भयवं ! चारित्तमेव जीवाणं ।  
 निव्वान-लाभ-हेउ त्ति निच्छओ वट्टए न इमो ॥  
 जं मल्लदेवी सिद्धा अकय-चरित्ता वि भावणा-वसओ ।  
 कम्म-खाए निमित्तं तत्तो सुह-भावणं येय ॥  
 तो गुरुणा वागारियं अणेग-जस्सेसु सुकय-जोगेण ।  
 अणुचिण्ण-चरित्ताणं कमेण सुह-भावणा होइ ॥

जं पुण मरुदेवीए अकय-वयाए वि भावणा जाया ।  
 तं नूणं टउयाटचकेण जागरण-तुलं ति ॥  
 मंती पभणइ—भयवं ! कह टउयाटचकेण जागरणं ? ।  
 सूरी जंपइ—पयडं जयस्मि अक्खाणयं एयं ॥  
 अत्थि महावडगामे वसंतपालो त्ति ठक्कुरो तत्थ ।  
 टउओ गाम-तलारो तं गामं रक्खए निचं ॥  
 गामाहिवस्स अचंत-वल्लहो अत्थि कुक्कुडो एक्को ।  
 जस्स सिहा सोहइ पउमराय-घडिय व्व आरत्ता ॥  
 नज्जइ जस्स पिसंगं चंचु-पुडं जच्च-कंचणमयं व ।  
 रेहइ घुसिण-विलित्तं व पिजरं जस्स चलण-जुयं ॥  
 छज्जंति जस्स पिच्छा चित्ताभा विविह-रण-रइय व्व ।  
 तं पिच्छंतो चिय गाम-ठक्कुरो निव्वुइं लहइ ॥  
 ठक्कुर-गेहासणे गिहम्मि चंडा तहिं वसइ महिला ।  
 अह तीए कुक्कुड-मंस-भक्खणे दोहलो जाओ ॥  
 अगो य कुक्कुडो तत्थ नत्थि तत्तो कहिं पि संगहिउं ।  
 सो चेव तंवचूडो विणासिउं भक्खिओ तीए ॥  
 तं कुक्कुडं अदट्ठं वसंतपालो अनिव्वुओ जाओ ।  
 टउयं तलारमाणवइ तंवचूडस्स सुद्धि-कए ॥  
 कत्तो वि तप्पउत्ति अलहंतो सो वि भणइ फुडमेयं ।  
 कुक्कुड-पउत्ति-कहगस्स देमि दीणार-वीसं ति ॥  
 तं सोउं घण-लुद्धा चंडाइ सयज्झिया कह वि मुणिउं ।  
 चवला नाम तलारस्स अग्गओ अक्खए एवं ॥  
 चंडाइ भक्खिओ कुक्कुडो त्ति को पच्चओ त्ति सो भणइ ।  
 चवला जंपइ चंडा-मुहेण एयं कहावेमि ॥  
 तो डल्लाए ठहउं ठविओ चवलाइ निय-गिहे टउओ ।  
 सहि-कय-कवड-सिणेहाइ सहिउं पुच्छिया चंडा ॥  
 सहि ! कुक्कुड-युत्तंतं मह कह मूलाउ सा वि तं कहइ ।  
 जा कुक्कुडो मए भक्खिओ त्ति एत्थंतरे चवला ॥  
 हत्थ-ट्टिय-लट्ठीए डल्लाए उवरि टच्चकं देइ ।  
 टउयं जाणावेउं तो चंडा चितए एवं ॥

ध्रुवमिह ठविउं टउयं इमीइ पुट्टमिह कुक्कुड-सखं ।  
 ता जह अलियं एयं सुणइ इमो तह भणामि त्ति ॥  
 तो जंपइ टउया-टच्चकेण सहि ! जग्गियाहमेत्ताहे ।  
 चवला जंपइ सहि ! जग्गियाहमेयस्स को अत्थो ॥  
 चंडा भणइ मए सहि ! सुविणो दिट्ठो इमो न उण सच्चं ।  
 इय तच्चयणं सोउं जाया चवला विलक्ख-मणा ॥  
 जागरणं टउया-टच्चकेण तो जह कयाइ संभवइ ।  
 मोक्खो वि कयाइ तहा जीवाण विणा चरित्तेण ॥  
 जे सिद्धा जे सिज्झंति जंतुणो सिज्झिहंति जे के वि ।  
 ताण सुह-भाव-जुत्तं निमित्तमेकं चिय चरित्तं ॥  
 इय धम्म-देसणाए संविग्गा दो वि राय-जुवराया ।  
 चारित्तं धित्तुमणा नमिऊण गुरुं गया गेहं ॥  
 जयवर्म्म-नरिंदेणं भणिओ लहु-बंधवो विजयवर्म्मो ।  
 वच्छ ! कमागयमेयं रज्जं पडिवज्ज तुममिण्हि ॥  
 सुणिऊण गुरु-समीवे परिणइ-विरसं विसं व विसय-सुहं ।  
 कम्म-गिरि-दलण-वज्जं पवज्जमहं तु गिणिहस्सं ॥  
 भणियं जुवराणं अहं पि दुब्बार-दुक्ख-पसरओ ।  
 संसार-चारयाओ निविण्णो संजमं काहं ॥  
 रत्ता भणियं एत्तिथ-दिणाहं रज्जं कयं मए वच्छ ! ।  
 नमिर-नर-नाह-निवहं तुमं पि तं संपयं कुणसु ॥  
 सुय-संक्रामिय-रज्जो तुमं पि गिणिहज्ज संजमं पच्छा ।  
 समयंमि कीरमाणं सच्चं पि हु सोहए जम्हा ॥  
 वज्जरइ विजयवर्म्मो रज्जं काऊण संजमं काहं ।  
 जइ देज्ज कहवि तुट्ठो मरण-विलंबक्खराहं जमो ॥  
 अहमज्ज करेमि इमं कल्लं काहामि पुण इमं किच्चं ।  
 इय को मंतइ मइमं तरंग-खण-भंगुरे जीए ॥  
 लहिऊण दुल्लहमिणं कहिं पि चिंतामणिं व मणुयत्तं ।  
 विसय-पमाय-परयसो न निप्पलं निग्गमिस्सामि ॥  
 रज्जं गल-रज्जुं पि व भोगे भुयगे व्व बंधणं व धणं ।  
 पासं व गेहवासं सुत्तुं दिक्खं गहिस्सामि ॥  
 तो रत्ता वज्जरियं—जइ एवं गिणइ ता तुमं दिक्खं ।

न ह्यु सकेमि अहं पुण पयाओ~ मुत्तं अणाहाओ ॥  
 काऊण रज्ज-मुत्थं कमेण दिक्खं अहं पि गिण्हस्सं ।  
 तो भाव-जइ व्व ठिओ जयवम्मो गेहवासे वि ॥  
 इयरो पुण पव्वइओ गुरु-पय-मूलंमि गरुय-रिद्धीए ।  
 अहिगय-समत्त-मुत्तो निरवज्जं कुणइ पव्वज्जं ॥  
 आगम-विहिणा कइयावि नगर-गामागरेसु विहरंतो ।  
 सो रयणसंचयपुरे समागओ गुरु-अणुत्ताओ ॥  
 नगरासबुज्जाणे वसहिं सो गिण्हउं ठिओ तत्थ ।  
 तन्नमणत्थं देवी-समन्निओ आगओ राया ॥  
 कहिओ जिणिंद-धम्मो निवंधणं सग्ग-मुक्ख-सुक्खाणं ।  
 परिणाम-दारुणत्तं विसयाण परूचियं मुणिणा ॥  
 संविग्ग-मणा देवी जयावली गिण्हए नियममेवं ।  
 एयं मुणिं इह द्वियमहं अदट्ठं न भुंजेमि ॥  
 मुणि-निच्च-पज्जुवासण-पराइ तीए दिणाइँ वचंति ।  
 अन्नदिणे उक्किट्ठा बुट्ठी जाया उवरि-भागे ॥  
 नयरस्स काणणस्स य अत्थि नई अंतरा महावेगा ।  
 सा उवरि-बुट्ठि-सलिलेण दुत्तरा झत्ति संपन्ना ॥  
 मुणिणो नमंसणत्थं न गया देवी न भुंजए तत्तो ।  
 लुपंति न निय-नियमं मरणे वि हु जं महासत्ता ॥  
 रत्ता भणिया देवी अज्ज तुमं किं न भोयणं कुणासि ।  
 तीए य निय-पइत्ता निवेइया भूमि-नाहस्स ॥  
 राया भणइ न नज्जइ कस्मि दिणे विरमिही नई एसा ।  
 सूमाल त्ति तुमं पुण अभोयणे पाविहिसि कट्ठं ॥  
 ता वच्च जंपसु नइं मह देवर-दिक्ख-गहणओ पमिई ।  
 जइ मज्झ पिययमेणं विसय-सुहासेवणं विहियं ॥  
 ता भयवइ ! मा विरमसु अहं न कयं देहि मज्झ तो मगं ।  
 हसिऊण भणइ देवी किमसंवद्धं भणासि देव ! ॥  
 तुममेवं जंपतो नाह ! चिरं सेविउं विसय-सुक्खं ।  
 अचलत्त-कलिंगगमो दिओ व्व अचंत-साहसिओ ॥  
 रत्ता बुत्तं मुत्तुं कुवियप्पे देवि ! गच्छ कुरु भणियं ।  
 देवी भणइ किमेवं अवलवसि कयं विसय-सेवं ॥

मं कुट्टणि व्व भुयगं तुमं पयारेसि अलिय-वयणेहिं ।  
 दिव्व-सख्वं तु नइं पयारिउं कस्स सामत्थं ॥  
 रत्ता भणियं तुह देवि ! किं वियारेण कुणसु मह वयणं ।  
 देवी भणइ सकोवं व देव ! किमहं गहग्गहिया ॥  
 विसय-सुहसेवणे जा सयाचि तुह सक्खिणी अहं नाह ! ।  
 तह जीए अंगेसुं एयं चित्तं समत्तं पि ॥  
 साहं सच्च-पियाए नईइ पुरओ असच्चमाएसं ।  
 तुह वयणेण भणंती होहामि न कस्स हसणिज्जा ॥  
 ता वेत्तूण भुयाए भणिया देवी निवेण सप्पणयं ।  
 मह वयणमिक्क-चारं करेसु भणिएण किं बहुणा ॥  
 चित्ते असइहंती वि तं गिरं नरविमाणमाख्खा ।  
 रत्तो उवरोहेणं नई-समीवं गया देवी ॥  
 दोसु वि तडेसु लगं पास-ट्टिय-रुक्ख-उक्खणण-दक्खं ।  
 अम्मंलिह-लहरि-भरं दट्टण नइं भणइ देवी ॥  
 जइ मह देवर-दिक्खा-गहणाउ पभिइ भत्तुणा मज्झ ।  
 न कओ विसय-पसंगो ता भयवइ ! देहि मे मग्गं ॥  
 तो देह नई विवरं ववइ देवी सविम्हया तेण ।  
 तं वंदिउं सुणिंदं जा आगच्छइ नई ताव ॥  
 मिलियं नइं तह चिय दट्टं सुणिणो पुणो गया पासं ।  
 नइ-उत्तरण-निमित्तं कहेइ निव-वयण-वुत्तंतं ॥  
 तीए पडियोह-गुणं विचिंतिउं अणुचियं पि सा भणिया ।  
 देवि ! पुणो वच्च तुमं भणसु नइं एरिसं वयणं ॥  
 मह देवरेण भयवइ ! वय-गहणाणंतरं जइ न भुत्तं ।  
 ता विरम देहि मग्गं अह भुत्तं मा तओ दिज्जा ॥  
 ता देवी आगंतुं वागरइ नइं पडुच्च सुणि-वयणं  
 दिसे नईइ मग्गे स-विम्हया सा गया गेहं ॥  
 कय-भोयणा निवहणो देवी कहिऊण सच्च-वुत्तंतं ।  
 भणइ पडु ! तुम्ह दुण्हवि किसेयमच्चभूयं चरियं ॥  
 राया भणइ करिस्सइ भयवं चिय सच्च-संसयोच्छेयं ।  
 अच्छरिय-भरिय-हियया कहं पि रयणिं गमइ देवी ॥



गोसे नरिंद-सहिया देवी गंतूण पुच्छए साहुं ।  
 चरियं दुण्हवि तुम्हं किमिदयालं व चोज्ज-करं ॥  
 देवेण विसय-सेवा मह पच्चक्खं कया वि अवलत्ता ।  
 सा मन्निया नईइ पि अकय त्ति तओ पओ दिन्नो ॥  
 घय-सालि-दालि-मोयग-मंडग-पसुहं मए सहत्थेण ।  
 जं दिन्नं तुह अन्नं तए किमन्नस्स तं दिन्नं ॥  
 भयवं ! इत्तियकालं देहं निव्वहइ कह विणाहारं ।  
 ता खलु कयं पि भोयणमवलवसि तुमं पि साहसिओ ॥  
 एसा नई वि कत्तो सरिसी दुण्हंपि तुम्ह संघडिया ।  
 जा बहु मन्नइ वत्थुं तुम्हेहिं कयं पि अकयं ति ॥  
 भणइ मुणि-विजयवम्मो इममत्थं सुणसु तुज्ज जइ कुड्डं ।  
 मह वय-गहणाउ चिय इय चिंतंतो ठिओ राया ॥  
 को सो हवेज्ज दियहो जंमि अहं सव्व-संग-परिहारं ।  
 काउं पडिबज्जिस्सं गुरु-पय-मूलम्मि पव्वज्जं ॥  
 कइया दुवालसंगं गिण्हिस्समहं गुरुण वयणाओ ।  
 कमलाओ महुरं महुयरो व्व मयरंद-संदोहं ॥  
 दुव्वयणाहं सहंतो घरे घरे फुरिय-असम-पसम-रसो ।  
 भिक्खागओ सहिस्सं वावीस-परीसहे कइया ॥  
 वाहु व्व कया काहं उव्वगहं भत्त-पाण-दाणेण ।  
 साहूण कया वीसामणं च काहं सुवाहु व्व ॥  
 सम-सुह-दुक्खो सम-कणय-पत्थरो सम-सपक्ख-पडिबक्खो ।  
 सम-तरुणि-तणुक्केरो सम-मोक्ख-भवो कया होहं ॥  
 इय वेरग्न-पहाणो एसो राया परोवरोहेण ।  
 विसएसु पयट्ठो वि हु अपयट्ठो चेव दट्ठव्वो ॥  
 वेयण-वेयावच्चे इरियट्ठाए य संजमट्ठाए ।  
 तह पाणवत्तियाए छट्ठं पुण धम्म-चिंताए ॥  
 एएहिं कारणेहिं उगम-उप्पायणेसणा-सुद्धं ।  
 भत्तं भुंजंतो वि हु सुणी अकय-भोयणो भणिओ ॥  
 इय सोउं पडिबज्जइ तह त्ति सव्वं जयावली देवी ।  
 जिण-पूयण-मुणि-वंदण-दाण-परा गमइ दियहाइ ॥

राया वि सोमवर्मं जयावली-गन्ध-संभवं पुत्तं ।  
 ठविउं रज्जे संवेग-परिगओ गिण्हए दिक्खं ॥  
 कय-तिव्व-तवच्चरणा निच्चं वेरग-भावणा-पवणा ।  
 उपन्न-केवला दो वि बंधवा सिव-सुहं पत्ता ॥

इति भावनायां जयवर्म-विजयवर्म-कथा ॥

अह पुच्छइ कुमर-नराहिराउ, मण-मक्खड-नियमण-संकलाउ ।  
 कह कोरहि वारह भावणाउ, तो अक्खइ गुरु घण-गहिर-नाउ ॥  
 तं जहा—

चलु जीविउ जुव्वणु धणु सरीरु, जिम्ब कमल-दल्लग-विलग्गु नीरु ।  
 अहवा इहत्थि जं किं पि वत्थु, तं सव्वु अणिच्चु हहा धिरत्थु ॥  
 पिइ माय भाय सुकलत्तु पुत्तु, पहु परियणु मित्तु सिणेह-जुत्तु ।  
 पहवंतु न रक्खइ कोवि मरणु, विणु धमह अत्तु न अत्थि सरणु ॥  
 राया वि रंकु सयणो वि सत्तु, जणओ वि तणउ जणाणि वि कलत्तु ।  
 इह होइ नडु व्व कुकम्मवंतु, संसार-रंगि बहु ख्वु जंतु ॥  
 एकल्लउ पावइ जीवु जम्मु, एकल्लउ मरइ विदत्त-कम्मु ।  
 एकल्लउ परभवि सहइ दुक्खु, एकल्लउ धम्मिण लहइ सुक्खु ॥  
 जहिं जीवह एउ वि अत्तु देहु, तहिं किं न अत्तु धणु सयणु गेहु ।  
 जं पुण अणत्तु तं एक-चित्तु, अज्जेसु नाणु दंसणु चरित्तु ॥  
 वस-मंस-रुहिर-चम्मट्टि-वद्ध, नव-छिड्ड-झरंत-मलावणद्ध ।  
 असुइ-स्सरुव-नर-थी-सरीर, सुइ बुद्धि कहवि मा कुणसु धीर ॥  
 मिच्छत्त-जोग-अविरइ-पमाय, मय-कोह-लोह-माया-कसाय ।  
 पावासव सन्नि इमे सुणेहि, जइ महसि मोक्खु ता संवरेहि ॥  
 जह मंदिरि रेणु तलाइ वारि, पविसइ न किंचि ठक्खिय दुवारि ।  
 पिहियासवि जीवि तहा न पावु, इय जिणिहि कहिउ संवरु पहावु ॥  
 परवसु अनाणु जं दुहु सहेइ, तं जीवु कम्मु तणु निज्जरेइ ।  
 जो सहइ सबसु पुण नाणवंतु, निज्जरइ जिहंदिउ सो अणंतु ॥  
 जहिं जम्मणु मरणु न जीवि पत्तु, तं नत्थि ठाणु बालग्ग-मत्तु ।  
 उट्ठाहो-चउदस-रज्ज-लोगि, इय चिंतसु<sup>१</sup> निच्चु सुओवओगि ॥  
 सुह-कम्म-निओगिण कहवि लडु, बहु पावु करेविणु पुण विरुडु ।

जलनिहि-भुय-रयणु व दुलह बोहि, इय मुणिवि पमत्तु म जीव होहि॥  
 घम्मो त्ति कहंति जि पावु पाव, ते कुगुरु मुणसु निदय-सहाव ।  
 पइपुनिहि दुल्लहु सुगुरु-पत्तु, तं वज्जसु मा तुहु विसय-सत्तु ॥  
 इय वारह भावण सुणि विराउ, मणमज्झि वियंभिय भव-विराउ ।  
 रज्जु वि कुणंतु चित्तइ इमाउ, परिहरिवि कुगइ-कारणु पमाउ ॥  
 इय सोमप्पह-कहिए कुमार-निव-हेमचंद-पडिबडे ।  
 जिणघम्म-प्पडिबोहे पत्थावो वण्णिओ तइओ ॥

इत्याचार्यश्रीसोमप्रभविरचिते कुमारपालप्रतिबोधे  
 तृतीयः प्रस्तावः ॥

---

॥ ॐ ॥

## अथ चतुर्थः प्रस्तावः ।

अह वागरियं गुरुणा जीव-दयं धम्ममिच्छमाणेण ।  
सिव-मंदिर-निस्सेणी विरई पुरिसेण कायव्या ॥  
सर्वेदिय-वसगाणं समत्त-पावासवानियत्ताणं ।  
जं अविरयाण जीवाण कहवि न वट्ठ जीव-दया ॥  
( जं अविरयाण कहमवि वट्ठ सन्मं न जीव-दया ॥ पाठान्तरम् । )  
जइ कहवि सव्व-विरइं मुणि-धम्म-सत्त्वमक्खमो काउं ।  
ता देसओवि विरइं गिहत्थ-धम्मोचियं कुज्जा ॥  
पुव्व-परिकम्मिय-चित्त-कम्म-जुग्गा जहा भवे भित्ती ।  
तह विहिय-देस-विरई काउमलं सव्व-विरइं पि ॥

भणियं च—

एता वि देस-विरई सेविज्जइ सव्व-विरइ-कज्जेण ।  
पायमिमीए परिकम्मियाण इयरा थिरा होइ ॥  
पंचउ अणु-व्वयाइं गुण-व्वयाइं हवन्ति तिस्रेव ।  
सिक्खा-वयाइं चत्तारि देस-विरई दुवालसहा ॥  
संकप्प-पुव्वयं जं तसाण जीवाण निरवराहाण ।  
दुविह-तिविहेण रक्खणमणुव्वयं वित्ति तं पढमं ॥  
थिर-जीवी वर-स्वो नीरोगो सयल-लोग-मण-इट्ठो ।  
सो होइ सुगह-गामी सिवो व्व जो रक्खए जीवे ॥

तं जहा—

अत्थि नयरी विदग्धा दिय-मंदिर-दिस्समाण-घणदग्धा ।  
विविह-मणि-खंड-मंडिय-पिसंडि-पासाय-संदग्धा ॥  
सुंदर-कर-कय-हरिसो हरिसेणो तत्थ पत्थिवो अत्थि ।  
जस्स परवारणस्स वि चोज्जं न मओ ससुल्लसिओ ॥  
कमल त्ति तस्स देवी मुहेण जीए जियाइं कमलाइं ।  
नूणं लज्जंताइं जलस्स मज्झे निलुक्काइं ॥

तीए कयाइ पुत्तो विविहोवाइय-सएहिं संजाओ ।  
 रत्ना बद्धावणयं कारवियं गरुय-रिद्धीए ॥  
 तम्मि पुरे आसि पुरा महंतमसिवं हमम्मि पुण जाए ।  
 तं उवसंतं तत्तो सिवो त्ति नामं हमस्स कयं ॥  
 कणय-गिरि-कंदराए सो चंपय-पायवो व्व निव्विगंधं ।  
 बुद्धिं गओ कमेणं सयलाउ कलाउ सिक्खविओ ॥  
 सो पत्तो तारुलं ता रुलं तं अपावमाणीहिं ।  
 थुवममरीहिं चिरंतण-अमर-परिग्गह-विसत्राहिं ॥  
 तं चिअ पेच्छइ तं चेव थुणइ तं चेव आलिहइ चित्ते ।  
 चित्ते तं चिय चित्तइ तरुणि-यणो मयण-वसवत्ती ॥  
 तस्स भमिरस्स दंसण-सतण्ह-तरुणीण सहइ वयणेहिं ।  
 गयणं गवक्ख-निक्खंतएहिं ससि-लक्ख-निचियं व ॥  
 अह अन्नया कुमारे सहा-निसत्तम्मि पणमिउं राया ।  
 पडिहारेण उरत्थल-फुरंत-हारेण विन्नत्तो ॥

देव ! दुवारे दुवे देव-दंसणाभिलासिणो तावस-कुमारया चिहंति । रत्ना  
 पुत्तं—सिगंधं पवेसेहि । ते पवेसिया पडिहारेण । उचिय-पडिवत्ति-पुव्वं निवे-  
 सिया आसणेसु । पुच्छिया रत्ना—अवि सपरिवारस्स कुसलं कुलवह्णो ? ।  
 निव्विगंधं निव्वहइ तवोक्कम्मं ? । केण वा कज्जेण निय-पय-पंकएहिं तुज्जेहिं  
 पवित्तियं ठाणमेयं ति । तेहिं भणियं—चउरासम-गुरुणो महारायस्स पभा-  
 वेण सव्वत्थ कुसलं । केवलं—

कत्तो वि आसम-पए संपत्तो अत्थि करिवरो एक्को ।  
 जो वित्थिन्न-समुन्नय-कुंभत्थल-तुलिय-गिरि-सिहरो ॥  
 सव्वंग-लक्खण-वरो दीह-करो दंसण-दलिय-दुम-विसरो ।  
 दुव्वार-गइ-प्पसरो मय-गंध-भमंत-भमर-भरो ॥

सो महाराय-जोगं हत्थि-रयणं अन्नं च किंचि आसम-दुमाणं विह्वं करेइ  
 त्ति पेसिया अम्हे कुलवह्णा । रत्ना भणियं—महंतो अणुग्गहो कओ अम्हं ति  
 विसज्जिया तावसा । पत्थिओ हत्थि-गह्णत्थं पत्थिवो । इत्थंतरे विन्नतो सिव-  
 कुमारेण, देह मम आएसं जेणाहमेव गहिज्जण तं आणेमि । रत्ना दिक्को आएसो ।  
 नियत्तो सयं राया । चलिओ तुरंगमारुढो कइवय-पहाण-जण-परिवारो कुमारे ।  
 पत्तो तमुदेसं । दिट्ठो अणेण महि-बलय-गयगंधमसहंतो सग्गाओ समानओ



सुरगड व्व गयवरो । मुत्तूण तुरंगं अगगओ होऊण हक्किओ सो कुमारेण ।  
 वाविओ तयभिमुहं । संचिह्लिऊण पुरओ पक्खित्तमुत्तरिज्जं अणेण । परिणओ  
 तत्थ हत्थी । कुमारो वि दंत-मुसलेसु दाऊण चलणे चडिओ हत्थि-खंवे ।  
 वद्धमासणं अणेण अप्फालिओ कुंभत्थले करी करयलेण । एत्थंतरे परिणहस्स  
 पेच्छंतस्स चेव उप्पइओ हर-गल-गवल-सामले गयणगणे । गओ अगो-  
 यरं नयणाण । पत्तो खणेण वेयड्ड-पव्वयं । ठिओ तत्थ तरुण-तरुसंड-मंडि-  
 उज्जाण-मज्झ-भागे । सो य कुंजर-रुवं मुत्तूण जाओ कुरंत-मणि-कुंडलो  
 विज्जाहरो ।

नमिऊण तेण भणियं कुमार ! कंकेलि-तरु-तले एत्थ ।  
 वीसमसु खणं एकं जाव अहं कणयपुर-पट्टणो ॥  
 पवणंजयस्स खयरेसरस्स साहेमि तुम्ह आगमणं ।  
 इय जंपिऊण पत्तो खयरो अह चित्तए कुमरो ॥  
 हरिओमिहि किं इमिणा खयरेण किंवा इमीइ चित्ताए ।  
 देव्यं चेय पमाणं जणाण सुह-दुक्ख-संजणणे ॥  
 पिच्छामि ताव संपइ पगाम-रमणिज्जमेयमुज्जाणं ।  
 तो वियरंतो पत्तो तमाल-तरु-मंडवं कुमरो ॥  
 सोऊण तत्थ इत्थी-संलावं पेच्छए लयंतरिओ ।  
 कुसुम-सयणिज्ज-संठियमिक्कं कन्नं सही-सहियं ॥  
 तो चित्तए कुमारो का वि इमा कमल-दल-विसालच्छी ।  
 विरह-दसाइ उदगं कस्सवि साहेइ सोहगं ॥

इमीइ मुह-पंकयं कय-समत्त-नेत्तूसवं,  
 कलंक-परिवज्जियं पुलइओ ससी लज्जिओ ।

विसेस-ससिरीययं समुवलडुकामो धुवं,  
 करेइ अइदुक्करं हर-नडाल-वहिचयं ॥

अह कत्ताए भणियं—सहि भूयलए गिहं विमुत्तूण ।

उज्जाणमागयाहं महु-समय-विसेस-सिसिरमिणं ॥

कुसुमाउहेण सुलहेहिं कुसुम-वाणेहिं भिज्जमाणाए ।

मह उज्जाणं एयं पि पज्जलंतं व पडिहाइ ॥

तथाहि—

जालाहिं पिव मंजरीहिं हिययं दूमंति भूय-हुमा,

इंगाल व्यव न दिति लोयण-सुहं कंकेल्लिणो पल्लवा ।  
 संतावंति तपुं पलास-कुसुमकेरा कुलिंग व्यव मे,  
 भिंगालीओ वि संहरंति हरिसं धूमावलीओ विव ॥  
 कयं कयलि-वीयणं कुसुम-सत्थरो सज्जिओ,  
 विणम्मिय उरत्थले बहल-चंदणासेवणं ।  
 मुणाल-बलयावली विरईया भुयासुं तए,  
 तहावि न नियत्तए सहि ! सरीर-दाहो महं ॥

किं च—

पंचसरोवि हु मयणो सर-लक्खं मज्झ हियय-लक्खम्मि ।  
 जं मिल्लइ तेण मए लक्खिज्जइ एस लक्खसरो ॥  
 सुहयस्स दंसणं तस्स दुल्लहं मज्झ मंद-भग्गाए ।  
 ता इण्हि मन्नेहं मरणं चिय अप्पणो सरणं ॥  
 सोऊण इमं कुमरो चित्तइ तस्सेव जीवियं सहलं ।  
 जम्मि अणुरत्त-चित्ता खिज्जइ एवं इमा बाला ॥  
 कल्ला-सहीइ भणिया सहि ! मा उत्तम्म धरसु धीरत्तं ।  
 हरणच्छि ! निच्छियं ते होहिंति मणोरहा सहला ॥  
 जं पट्टविओ ताएण अज्जं सिवराय-पुत्तमाणेउं ।  
 नयरीइ चिदब्भाए सुवेग-विज्जाहरो तुरिउं ॥  
 अह निय-नामं सोउं फुरंत-हरिसो विचित्तए कुमरो ।  
 नूणं इमाइ बालाइ कारणेणाहमाणीओ ॥  
 एत्थंतरे उवितं दट्ठं विज्जाहराण संघायं ।  
 कुमरो नियत्तिऊणं पत्तो कंकेल्लि-तरु-मूले ॥  
 उचिय-पडिचित्ति-पुच्चं पवेसिओ तेहिं कणयउर-नयरे ।  
 ठविओ विउलम्मि विमाण-मणहरे रयण-पासाए ॥  
 भणिओ समए पवणंजएण खयराहिवेण सप्पणयं ।  
 सुण रायपुत्त ! अवहार-कारणं अप्पणो एयं ॥  
 अत्थि चउण्हं पुत्ताणसुवरि मे कणयसुंदरी धूया ।  
 अहिगय-कला-कलाया संपत्ता जोव्वणं सावि ॥  
 मह पणमणत्थमत्थाण-मंडवे जणणि-पेसिया पत्ता ।  
 तीए ख्वाहसयं दट्ठं भणियं मए एवं ॥

सो नत्थि नरो मन्ने इमीइ ख्वेण जो वरो जोग्गो ।  
 तत्तो विज्जाहर-मागहेण एक्केण संलत्तं ॥  
 अत्थि विदग्धा-पहुणो हरिसेण-नराहिवस्स अंगरुहो ।  
 नीसेस-कला-निलओ सिवो त्ति ख्वेण जिय-मयणो ॥  
 जह केसवो सिरीए सईइ सक्को हरो गिरिसुयाए ।  
 तह देव ! कुमारीए इमीइ सो चिय वरो उचिओ ॥  
 एवं सोउं तीए तहाणुराओ तुमम्मि संजाओ ।  
 जह विज्जाहर-कुमराण सहइ नामं पि कहवि न सा ॥  
 कत्थ वि रहमलहंती अपत्त-निदा-सुहा निसालुं पि ।  
 कर-यल-कलिय-कवोला चिड्डइ तुह संकह-खित्ता ॥  
 एयं नाऊण मए कुमार ! आणाविओ तुमं इत्थ ।  
 ता कणयसुंदरि परिणिऊण मह कुणसु परिओसं ॥  
 कुमरो जंपइ जं आणवेसि सज्जोन्निह तत्थ किं बहुणा ।  
 न कुलीण-जणो जाणइ गुरूण पडिक्कलमायरिउं ॥  
 तो कणयसुंदरीए पाणिग्गहणं कराविओ कुमरो ।  
 गुरु-रिद्धि-पवंधेणं पवणंजय-खेयरिंदेण ॥  
 अह अत्थाण-निसन्नो सिवकुमार-अणेय-खयर-परियरिओ ।  
 एक्केणागंतुं खेयरेण पवणंजओ भणिओ ॥  
 सूरपुर-प्पहुणो सूरतेय-खयरेसरस्स दूओऽहं ।  
 सो भणइ न मह दिन्ना मगंतस्सवि तए धूया ॥  
 भूगोयरस्स दिन्ना ता जंपित्ससि तुमं न मे कहियं ।  
 अज्जवि तं मह अप्पसु वयराणं छड्डियं किंतु ॥  
 हणिऊण अन्नहा भूमिगोयरं तं सयं वि गिण्हस्सं ।  
 पवणंजएण भणिओ दूओ—भो ! कहसु निय-पहुणो ॥  
 धूयाइ नाभिरुइउ त्ति जइ मए तं विवाहिओ न तुमं ।  
 तत्थ उवालंभ विहिं जेण तुमं मणहरो न कओ ॥  
 संपइ पुण पर-भज्जं तं वंछंतो न लज्जसे कीस ।  
 भण्णंति महापुरिसा परदार-परंसुहा जम्हा ॥  
 सिवकुमरेणं भणिओ दूओ—जइ भूमि-गोयरं हणिउं ।  
 फुरइ मई तुह पहुणो सो आगच्छउ तओ तुरियं ॥

जेणेस अप्पणो भूमिगोयरस्स य वियाणइ वितेसं ।  
 तह सेस-खेयेरेहिं खरंदिओ निग्गओ दूओ ॥  
 गंतूण सूरतेयस्स तं कहइ सोवि कोव-दुप्पेच्छो ।  
 बहु-खयर-सुहड- सहिओ कणयपुरं झत्ति संपत्तो ॥  
 तस्सागमणं मुणिउं कुमरो पवणंजयं भणइ एवं ।  
 इमिणा सह जुज्झंतं मं पिच्छ तुमं सपरिवारो ॥  
 तो पवणंजय-सहिओ सिवकुमरो निग्गओ रहरूढो ।  
 वज्जरइ सूरतेयं पट्टविउं खेयरं दूयं ॥  
 तुह मम य विग्गहो एस सेस-लोयस्स किं विणासेण ।  
 एक्कां जुज्झामो दुन्नि वि पेच्छउ जणो सेसो ॥  
 दप्पेण सूरतेओ तं पडिवज्जइ तओ इमे दोवि ।  
 रहमारूढा समरं कुणं ति भिल्लंति सर-निवरं ॥  
 तो सूरतेय-वाणा तरुणि-कडक्ख व्व धीयरायम्मि ।  
 सव्वेवि निप्फलत्तं पडिवज्जा सिवकुमारम्मि ॥  
 सिवकुमर-सर-समूहो अज्ज-पहे सूरतेय-सर-पंतिं ।  
 निप्पुन्न-जण-मणोरह-मालं छिंदेइ देव्वो व्व ॥  
 तो निद्धिय-सर-निचओ चावं चइऊण गहिय-करवालो ।  
 दुक्केइ सूरतेओ कुमरो वि ह्नु गिण्हए खग्गं ॥  
 निय-खग्गेणं खग्गं पोरिस-दप्पं च खंडए तस्स ।  
 वेत्तूण सूरतेओ छुरियं पहेरेइ सिवकुमरं ॥  
 लग्गइ न सो पहारो देहे थेवं पि सिवकुमारस्स ।  
 चित्तम्मि सज्जणस्स व दुज्जण-दुव्वयण-संवाओ ॥  
 कुमरेण वज्ज-कटिणेण मुट्ठिणा पहणिऊण तस्स भूयं ।  
 छुरिया निवाडिया करयलाउ सो पाडिउं बद्धो ॥  
 गयणाउ कुसुम-बुट्ठी मुक्का कुमरस्स उवरि अमरेहिं ।  
 सव्वो वि विम्हिओ विक्रमेण कुमरस्स खयर-गणो ॥  
 कुमरेण सूरतेओ मुक्को काऊण गरुय-सक्कारं ।  
 रयणावलि त्ति भइणी तेणवि परिणाविओ कुमरो ॥  
 इय अत्तेहिं वि विज्जाहरेहिं दिप्पाउ तस्स कक्काओ ।  
 तह तेण साहियाओ पक्कत्ति-प्पमुह-विज्जाओ ॥



भज्जाहिं ताहिं सहिओ खयर-समेओ विमाणमारुढो ।  
 सो पत्तो निय-नयरं तुट्ठा जणयाइणो सब्बे ॥  
 सो कणयसुंदरी-पमुह-खेयरी-चक्कवाल-परियरिओ ।  
 संपन्न-वंछियत्थो तियसो व्व सिवो गमइ कालं ॥  
 अत्थि य सिवस्स धावीइ नंदणो सो कुख्व-सेहरओ ।  
 बहिरो बाया-रहिओ जम्मंधो रोग-सय-गहिओ ॥  
 चंकमिउं पि अखमो विसिट्ठतर-चेयणाए परिचत्तो ।  
 तिब्ब-दुहक्कलो नारओ व्व निच्चं गमइ कालं ॥  
 दहुं तहाविहं तं करुणा-परवस-मणो सिवकुमारो ।  
 कुणइ विविहे उवाए तहुक्ख-निवारण-निमित्तं ॥  
 किं तु कया उवयार व्व दुज्जणे तम्मि हुंति ते विह्ला ।  
 चिंतइ सिवो पुराकय-पाव-फलं भुंजइ वराओ ॥  
 अन्न-दिणे चउनाणी समागओ तत्थ नाणभाणु-गुरु ।  
 तं नमणत्थं राया गओ समं सिवकुमारेण ॥  
 भू-मिलिय-निडाल-यला दोवि गुरुं वंदिऊण उवविट्ठा ।  
 भव-निव्वेय-पहाणा पारब्बा देसणा गुरुणा ॥  
 समयम्मि पुच्छइ सिवो—भववं ! मह धावि-सूणुणा इमिणा ।  
 किं पुब्ब-भवे विहियं जं एसो दुक्खिओ एवं ॥  
 किं वा उवयारिच्छा महई एयम्मि वट्टए मज्झ ।  
 गुरुणा भणियं—सुण राय-पुत्त ! सब्बं कहेमि इमं ॥  
 वडडरगामे दो आसि वंधवा अंव-निंव-नाम्माणो ।  
 अन्न-दिणे ते दुज्जिचि मुणीण पासम्मि संपत्ता ॥  
 तेहिं अहिंसा-धम्मो कहिओ तेसिं समग्ग-सुह-हेऊ ।  
 तं सोउं लहु-कम्मो अंवो संवेयमाववो ॥  
 सो थूल-जीव-वह-विरई-ख्व-धम्मस्स कुणइ पडिवत्ति ।  
 निवेण पावमइणा न धम्म-नामं पि सहियं ॥  
 भव-वेरग्ग-परिगओ गहिय-वयं पालिउं निरइयारं ।  
 कालेण मओ अंवो सोहम्मे सुरवरो जाओ ॥  
 काउं बहु-जीव-वहं निकुरुणो मंस-लालसो निवो ।  
 मरिऊण समुप्पन्नो नेरइओ पढम-पुढवीए ॥



अंबो कुमार ! चविडं सोहम्माओ तुमं समुप्पन्नो ।  
 जीव-वह-विरह-वसओ संपत्तो एरिसिं रिद्धिं ॥  
 नरगाओ निक्खंतो निंबो धावी-सुओ हमो जाओ ।  
 जीव-वह-विहिय-पावस्स सेसमणुमुंजह वराओ ॥  
 पुव्व-भवग्भासेणं उवयारिच्छा हमम्मि तुह कुरह ।  
 किं तु पुराकय-दुक्कय-वसेण थेवोवि नत्थि गुणो ॥  
 संजाय-जाइसरणो भयवं ! सच्चं हमं ति भणह सिवो ।  
 संविग्ग-मणा दुक्खिचि नमिऊण गुहं गया गेहं ॥  
 भणिओ सिवेण राया वय-गहणत्थं ममं विसज्जेसु ।  
 रत्ता वुत्तं किच्चं जमन्ह तं वच्छ ! कुणसि तुमं ॥  
 पियरो दुप्पडियार ति पुत्त ! जह मुणसि वुड्ड-वयणमिणं ।  
 ता वेत्तुं रज्जमिमं धम्म-सहाओ हवसु मज्झ ॥  
 कुमरो जंपह जं ताय ! आणवसि तत्थ एस सज्जोम्हि ।  
 तत्तो रज्जम्मि सिवं ठविडं गिण्हइ निवो दिक्खं ॥  
 पडिवन्न-गिहत्थ-वओ दया-पहाणो सिवो कुणह रज्जं ।  
 सो पडह-दाण-पुव्वं समत्त-जीवाभयं देइ ॥  
 सव्वत्थ गरिम-जिय-मंदराहं जिणमंदिराहं कारवइ ।  
 गुण-गाम-गामणीणं मुणीण चलणे नमइ निच्चं ॥  
 सव्वे वि निवा सेवं पयावमेत्तेण तस्स पडिवन्ना ।  
 तत्तो समर-निमित्तो न तस्स रज्जम्मि जीव-वहो ॥  
 चोरस्सवि नत्थि वहो जं कोवि न तत्थ चोरियं कुणह ।  
 इय निरवज्जं रज्जं परिपालइ सिव-महीनाहो ॥  
 दग्ग-लग्ग-जल-विन्दु-चंचलं जीवियं वियाणंतो ।  
 पुत्तं रज्जे ठविडं कयाचि दिक्खं पवन्नो सो ॥  
 रक्खिय-असेस-जीवो समत्त-सुत्तत्थ-पारगो जाओ ।  
 कय-तिव्व-तवो मरिडं पत्तो तिदिवं सिवं च सिवो ॥

इति स्थूलप्राणातिपातविरतौ सिवकुमारकथा ॥

जं गो-भू-कक्षा-कूडसक्त्व-नासापहार-अलियस्स ।  
 दुबिह-तिविहेण-वज्जणमणुव्वयं विंति तं वीयं ॥  
 भुयगो व्व अलियवाई होइ अवीसास-भायणं भुयपे ।  
 पावइ अकित्ति-पसरं जणयाण वि जणइ संतावं ॥  
 सचेण फुरइ कित्ती सचेण जणम्मि होइ वीसासो ।  
 सग्गापवग्ग-सुह-संपयाउ जायंति सचेण ॥  
 कुरुते यो मृषावादविरतिं सत्यवाग्ब्रतः ।  
 मकरध्वजवद्भद्रमुभयत्रापि सोऽभुते ॥

तद्यथा—

क्षीपस्य जम्बूपपदस्य भारते समस्ति काश्ची नगरी गरीयसी ।  
 लङ्केव कल्याणकलापकल्पिता परिस्फुरत्पुण्यजनालकेव या ॥  
 घनैरनन्वोऽत्र जनो न भोजनं  
 सरः सदम्भो न तपोधनव्रजः ।  
 सतामनागश्चरितं न भूपति-  
 र्वपुस्तरीणामनयो न चापरः ॥  
 तत्राभूद्वृपतिर्वीरदमनो नामविश्रुतः ।  
 यः सौन्दर्याच्च शौर्याच्च नारीणामभवत् प्रियः ॥  
 प्राज्यास्तस्याभवन् पुत्रास्तन्मध्ये यः पुनर्लघुः ।  
 रूपवानिति पित्रोक्तः स नाम्ना मकरध्वजः ॥  
 अन्यस्तद्रव्यमन्यः स वेधा येनैष निर्मितः ।  
 अन्यथा कथमस्याङ्गमुत्कृष्टं जगतोऽप्यभूत् ॥  
 क्रमाद् वृद्धिज्ञोऽधीती सकलासु कलासु यः ।  
 तीक्ष्णबुद्धिबलाद्वाढं नदीष्णः शकुनेऽभवत् ॥  
 ततस्तद्भूतभाव्यर्थं परमार्थं विदन्नपि ।  
 ज्ञापयामास नात्मानमसौ कार्यं विना महत् ॥  
 अथ मलयसमीरोदीपितानङ्गवह्निः  
 प्रतिविपिनविसर्पत्कोकिलारावरम्यः ।  
 विविधकुसुमगन्धभ्रान्तभृङ्गाभिरासः  
 समुदलसद्भक्तूनां चक्रवर्ती वसन्तः ॥

उद्यानपालकस्तत्र नत्वा भूपं व्यजिज्ञपत् ।  
 गत्वोद्यानं वसन्तर्तुं देव ! पश्य प्रसीद नः ॥  
 इति श्रुत्वा जराक्रान्तं निजं देहं पुनः पुनः ।  
 पश्यन्निःश्वस्य भूपालस्तं प्रति प्रत्यपीपदत् ॥  
 वसन्तसमयः सोऽयं सर्वोत्सवशिरोमणिः ।  
 उद्यानं कुसुमाकीर्णं द्रुमसन्दोहसुन्दरम् ॥  
 सन्ति सन्तोषकारिणः क्रीडोपकरणं स्त्रियः ।  
 किन्तु कामविकाराणां कारणं नास्ति यौवनम् ॥  
 तद्विना न वनक्रीडां कर्तुमिच्छति मे मनः ।  
 शोभते क्रियमाणा हि क्रियाऽवस्थोचिता नृणाम् ॥  
 ततः क्रीडार्थमुद्यानमागमिष्यन्ति मे सुताः ।  
 तेषां तारुण्यरम्याणामिदं हि समयोचितम् ॥  
 इत्युक्त्वा व्यसृजद्राजा दत्तार्थं वनपालकम् ।  
 कुमारांश्चादिशिक्षत्सा ! गच्छत क्रीडितुं वनम् ।  
 पित्रादेशं गृहीत्वा ते स्नातालङ्कृतमूर्त्तयः ।  
 आरुह्य करिणस्तुङ्गान् क्रीडां कर्तुं प्रतस्थिरे ॥  
 युष्माभिस्तत्र तद्देयं कुमारा दापयन्ति यत् ।  
 इत्यादिक्षत्सुताध्यक्षं कोशाध्यक्षान् पतिः क्षितेः ॥  
 कुमारा जग्मुरुद्यानं चिक्रीडुर्द्रुमराजिषु ।  
 ममज्जुः केलिवापीषु विचिक्र्युः कुसुमानि च ॥  
 सर्वेऽपि कारयामासुर्वहस्पर्द्धाः परस्परम् ।  
 सङ्गीतान्यमरस्त्रैणसगोत्रैः प्रमदाकुलैः ॥  
 तत्रार्थिभ्यो ददुर्लक्षमेके स्वर्णस्य केष्युभे ।  
 अन्ये तिस्रश्चतस्रश्च परे तुष्टा नृपात्मजाः ॥  
 अदात्कोटीं सुवर्णस्य कुमारो मकरध्वजः ।  
 ततः सर्वे समाजग्मुरुद्यानात् स्वं स्वमाश्रयम् ॥  
 कोशाध्यक्षाः क्षितीशस्य सविषादं व्यजिज्ञपत् ।  
 हेमनः कोटीं ददावेकामुद्याने मकरध्वजः ॥  
 कोटयर्थं त्वपरे सर्वेऽप्यर्थिभ्यो व्यतरन् प्रभो ! ।  
 इत्याकर्ण्य क्रुधं चक्रे क्षमापतिर्मकरध्वजे ॥

नमस्कर्तुं निशि प्राप्तं तं यभाषे महीपतिः ।  
 वत्स ! त्यागो गुणः पुंसां यद्यपि प्रतिपादितः ॥  
 तथापि क्रियमाणोऽसावाहार इव मात्रया ।  
 पुरुषस्य गुणाय स्यादन्यथाऽनर्थकारणम् ॥  
 ततोऽर्थिभ्यस्त्वयोद्याने स्वर्णकोटिर्यथा ददे ।  
 तथान्यदा न दातव्या क्वाप्याधिक्यं न शोभनम् ॥  
 आयस्थानेषु सर्वेषु यस्माद्देशे ममाखिले ।  
 त्रिंशदेव सुवर्णस्य जायन्ते किल कोटयः ॥  
 तत्र भक्तेषु पत्नीनां यान्ति षोडश कोटयः ।  
 गृहव्यये तु गच्छन्ति चतस्रः कोटयः सदा ॥  
 हस्तिनामेकया कोट्या भोगो भवति सर्वथा ।  
 गवाश्वकरभादीनां घृत्तिः कोटिद्वयव्ययात् ॥  
 चतस्रः कोटयस्त्यागे व्रजन्ति सकलार्थिनाम् ।  
 निधाने कोटयस्त्रिंशः स्थाप्यन्ते प्रतिवत्सरम् ॥  
 तुष्टस्तुष्टस्तत्त्वं चेत् कोटिं स्वर्णस्य दास्यसि ।  
 तदा स्तोकेन कालेन कोशो रिक्तीभविष्यति ॥  
 दुर्भिक्षे पतिते दैवान्मयि मृत्युमुखं गते ।  
 मत्सुतोऽपि ततो राज्यं कथं कर्तेति चिन्त्यताम् ॥  
 पुत्रः प्रोचे भवद्राज्ये यो भावी चेत्स पुण्यवान् ।  
 तदा वर्द्धिष्यते कोशो दुर्भिक्षं भविता न च ॥  
 अथ निष्पुण्यकः स स्यात् तदा तस्य नृदिष्यति ।  
 सञ्चितोऽपि चिरं कोशस्तत्कार्पण्येन तात ! किम् ॥  
 नृपेणोक्तं धनं पित्रोपार्जितं पुण्यवानपि ।  
 लब्ध्वा तेन पुमानन्यदर्जयन्नवलोक्यते ॥  
 विद्यमानं यथा बीजमुप्त्वा दक्षोऽपि कर्षकः ।  
 धान्यमाप्नोति पित्रर्थात्तथा पुत्रोऽर्थमश्नुते ॥  
 पुत्रः प्रोचे यदादाय पुण्यं पूर्वभवार्जितम् ।  
 जन्तुर्जातस्तदेवास्य बीजं सर्वार्थसिद्धये ॥  
 क्रुद्धो राजाऽब्रवीद्बीजं पुण्यमेव यदि श्रियः ।

आनय स्वर्णकोटिं तच्छिरश्चित्त्वाऽन्यथार्पय ॥  
 इत्याकर्ण्य पितुर्वाक्यं सामर्पो मकरध्वजः ।  
 निष्क्रान्तः सदसो धीरः केसरीवादिकन्दरात् ॥  
 पुरीपरिसरं यावज्जगाम मकरध्वजः ।  
 तावदक्षिणदिग्गतीं रासभो रसितं व्यधात् ॥  
 ततोऽपशकुनाशङ्की मुक्त्वा पूर्वामसौ दिशम् ।  
 चलितः पश्चिमां यावच्चक्राम कियतीं शुवम् ॥  
 तावदक्षिणदिग्भागे सोऽश्रौषीत्कौशिकस्वरम् ।  
 तमप्यशकुनं मत्वा प्रतस्थे दक्षिणां दिशम् ॥  
 ततो दक्षिणतो जज्ञे तस्य घोरं शिवारुतम् ॥  
 तच्छ्रुत्वा दक्षिणां मुक्त्वा प्राचालीदुत्तरां दिशम् ॥  
 ततस्तस्याभवद्वामदिग्भागे पिङ्गलारुतम् ।  
 अप्रशस्तमिदं ज्ञात्वा राजसूनु रचिन्तयत् ॥  
 न्यषेधि गमनारम्भश्चतसृष्वपि दिक्षु मे ।  
 सम्प्रत्यशकुनैरेभिस्तत्कुत्रान्यत्र याम्यहं ॥  
 कथं च चिनिवृत्त्याहमसाधितमनोरथः ।  
 उद्भटप्रकुटीभीमं पश्यामि पितुराननम् ॥  
 साम्प्रतं साम्प्रतं तस्मादवस्थानमिहैव मे ।  
 रजनी बह्वपाया यन्निशीथस्तु विशेषतः ॥  
 तिष्ठतोऽत्रैव मे किञ्चिद् भद्रं भावीति तर्क्यते ।  
 इदं हि श्रूयते दत्ते शकुनो मानितो वरम् ॥  
 एवं चिन्तापरो यावत् तत्रास्ति मकरध्वजः ।  
 रुदन्ती कथयामास तस्य तावदिदं शिवा ॥  
 नद्यास्तीरेऽत्र यद्वंशयष्टिमध्येऽस्ति गोपितम् ।  
 तद्गहाण चतुःकोटिमूल्यं रत्नचतुष्टयम् ॥  
 तच्छ्रुत्वा मुदितस्तत्र प्रयातो मकरध्वजः ।  
 यष्टिं ददर्श तत्पार्श्वे कञ्चिदप्रेक्ष्य मालुपम् ॥  
 भित्त्वा क्षुरिकया यष्टिं रत्नान्यादाय मध्यतः ।  
 नगराभिमुखं यावत् प्रस्थितो मकरध्वजः ॥  
 दिव्यगीतध्वनिस्तावत्तस्य श्रुतिपथं ययौ ।



यःपीयूषरसस्यन्द इव सम्मदमादधौ ॥  
 तस्यानुसारतो गच्छन् व्यन्तरायतनस्थितम् ।  
 मुनीन्द्रमेकमद्राक्षीत् सज्ञानमिव मूर्तिमत् ॥  
 तस्याग्रे स्त्रीगणे दिव्ये गीतातोद्यकृतोद्यमे ।  
 कुमारेण नरो नृत्यन् रम्यमूर्त्तिर्व्यलोकयत् ॥  
 तं पश्यन् कौतुकेनैष यावत् तत्र क्षणं स्थितः ।  
 तावत् सर्वं स संहृत्य मुनिं नत्वा गतः क्वचित् ॥  
 कुमारो विस्मयस्मेरो नत्वाऽपृच्छत्तपोधनम् ।  
 भगवन् ! कस्तवाग्रेऽसौ व्यधाधृत्यं क्व वा गतः ॥  
 मुनिनोक्तमयं यक्षः काननस्यास्य नायकः ।  
 वसत्यायतनेऽमुष्मिन्नाश्रित्य प्रतिमामिमाम् ॥  
 अत्रागतस्य मे स्थानादन्यतोऽनेन भक्तितः ।  
 निजाङ्गादङ्गनां कृत्वा चक्रे सङ्गीतकं क्षणम् ॥  
 संहृत्य सर्वरूपाणि सोऽधुना प्रतिमां श्रितः ।  
 कुमारो विस्मितः प्रोचे शक्तिरस्याद्भुता मुने ! ॥  
 साधुनोक्तमिदं स्तोत्रं यस्माद्देवा महर्द्धिकाः ।  
 अत्युत्कृष्टतपःशक्तियुक्ताश्च मुनिपुङ्गवाः ॥  
 कुर्वन्ति वैक्रियै रूपैर्जम्बूद्वीपस्य पूरणम् ।  
 इदं त्वल्पर्द्धिकस्यास्य व्यन्तरस्य विजृम्भितम् ॥  
 कुमारोऽवोचदेतेन भगवन् ! किं पुरा कृतम् ।  
 सज्ञातोऽयं यदल्पर्द्धिस्ततः साधुरचीकथत् ॥  
 मृषावादव्रतं पूर्वजन्मन्यादीयतामुना ।  
 तच्च भग्नमभाग्येन परन्यासापहारतः ॥  
 तेनाल्पर्द्धिरसौ जात इति श्रुत्वा नृपात्मजः ।  
 यावज्जीवं मृषावादविरतिं प्रत्यपद्यत ॥  
 अथ क्षपाक्षयं प्राप ततो नत्वा तपोधनम् ।  
 परितुष्टमना गेहं जगाम मकरध्वजः ॥  
 तं दृष्ट्वा भ्रातरः प्रोचुः सोपहासं शुभं व्यधाः ।  
 स्वपुण्यमानमालोच्य यद्वयावृत्तोऽसि बान्धव ! ॥

निर्गत्य यदसिद्धार्थो निवृत्तोसि न तद्वरम् ।  
 प्रारब्धत्यागिनो मर्त्याः कस्य हास्यकृतो न हि ॥  
 स्वर्णशून्यः कथं वक्त्रं स्वं पितुर्दर्शयिष्यसि ।  
 स प्रोवाच विचारेण किं वः पश्यत कौतुकम् ॥  
 अथ कर्पटिकः कश्चित् करस्थः करपत्रिकः ।  
 दधन्नागफणं कक्षापुटं मलिनविग्रहः ॥  
 तृणप्लयुतं वंशं विभ्राद्राजकुलाग्रतः ।  
 अन्यायो मुषितोऽस्मीति निजगाद गुरुस्वरम् ॥  
 तदाकर्ण्य सभासीनो राजा वेत्त्रिणमादिशत् ।  
 अन्यायं पूत्करोत्येष मद्राज्ये केन हेतुना ॥  
 प्रतीहारस्तमानीय पप्रच्छ नृपतेः पुरः ।  
 पूत्करोषि किमन्यायं मुषितः केन वा भवान् ॥  
 सोऽवोचत्सेवितोऽम्भोधिर्मया द्वादशवत्सरीम् ।  
 सोऽदान्मह्यं चतुःकोटीमूल्यं रत्नचतुष्टयम् ॥  
 निक्षिप्य यष्टिमध्ये तदन्नायातो नदीतटे ।  
 सुप्तो रात्रावहं यष्टिं भित्त्वा तत्कश्चिदग्रहीत् ॥  
 इति श्रुत्वा नृपोऽवोचत् सचिवं तनयोऽपि मे ।  
 यदि जग्राह रत्नानि कृत्वा तस्यापि निग्रहम् ॥  
 समर्पयास्य रत्नानि ततः कर्पटिकोऽवदत् ।  
 स एव निग्रहार्हो यस्तद्ग्रहं मन्यते स्वयम् ॥  
 यः पुनस्तानि रत्नानि गृहीत्वाऽपि न मन्यते ।  
 न तस्य निग्रहः कार्य इत्यर्थं शपथोऽस्तु वः ॥  
 ततोऽस्मात्थेन सर्वत्र पुरेऽकार्यत घोषणा ।  
 यो रत्नान्यग्रहीत् कोऽपि स तान्यर्पयतु द्रुतम् ॥  
 तच्छ्रुत्वाऽचकथद्रत्नवृत्तान्तं मकरध्वजः ।  
 एतान्यस्यार्पयेत्युक्त्वा मन्त्री राज्ञे व्यजिज्ञपत् ॥  
 कुब्धो राजा कुमारस्य वधायामात्यमादिशत् ।  
 द्वेष्यः पर इव स्वोऽपि न्यायिनां हि न योजिज्ञतः ॥  
 अथ धोतितदिवचक्रो भूत्वा कर्पटिकः सुरः ।  
 जगाद जगतौ ज्येष्ठं राजन् ! जयति ते कुलम् ॥

यत्रोत्पेदे पदं वाचां सत्यानां मकरध्वजः ।  
 कोऽयं वृत्तांत इत्युचे तं विस्मितमुखो नृपः ॥  
 तेनोक्तं तत्पुरोद्यानाध्यक्षो यक्षोऽस्मि पण्मुखः ।  
 रजन्यां तु निजैः पुण्यैर्लब्ध्वा रत्नचतुष्टयम् ॥  
 कुमारो मदगृहं प्राप स श्रुत्वा मुनिदेशनाम् ।  
 सत्यवाग्ब्रतमादाय प्रातः स्वगृहमागमत् ॥  
 अधादित्योदये गच्छन्नप्रच्छिन्नं स मुनिर्मया ।  
 सत्यवाग्ब्रतमेतत् किं कुमारः पालयिष्यति ॥  
 किं बाहमिव लोभेन बाधितः खण्डयिष्यति ।  
 साधुरुचे ब्रतं नैष प्राणत्यागेऽपि लोप्यति ॥  
 ततोऽमुष्य परीक्षार्थमहं कर्पटिकोऽभवम् ।  
 रत्नेष्वपि निरीहोऽसौ न सत्यब्रतमत्यजत् ॥  
 अस्यास्ति सदृशः कश्चिन्नान्यः सत्त्वनिधिः पुमान् ।  
 इत्युक्त्वान्यदपि ब्रुव्यं दत्त्वाऽस्मै व्यन्तरो ययौ ॥  
 कुमारस्य वचः सत्यं रत्नलाभं च तादृशम् ।  
 दृष्ट्वा दृष्टो नृपः प्रोचे सचिवान्निखिलानिदम् ॥  
 अयमेव महासत्त्वः सत्यवाक् सुकृतास्पदम् ।  
 लघुरप्येष निःशेषकुमाराणां गुणैर्महान् ॥  
 अस्याद्भुतेन सत्येन पुण्येन च कदाचन ।  
 न देशे भविता दौस्थ्यं दुर्भिक्षडमरादिकम् ॥  
 ततो राज्यभरं बोधुमयं धत्ते धुरीणताम् ।  
 इत्युक्त्वा तं नृपो राज्ये निवेश्य जगृहे ब्रतम् ॥  
 राज्यं सत्यप्रधानोऽयं व्यधत्त मकरध्वजः ।  
 लीलयैवाखिलास्तस्य भूपालाः प्रणतिं ययुः ॥  
 कुर्वाणेन जिनेन्द्राचीं तेन साधून्मस्यता ।  
 पात्रेभ्यो ददता वित्तं जगृहे जन्मनः फलम् ॥  
 पालयित्वा चिरं राज्यं स्मरन् पञ्चनमस्क्रियाम् ।  
 मृत्योत्पन्नः सहस्रारे त्रिदशो मकरध्वजः ॥  
 इति कृतमृषावादत्यागव्रतो मकरध्वजो  
 व्यलभत भवेऽप्यस्मिन् कीर्तिं श्रियं च दुरासदाम् ।

सुरनरसुखं भुक्त्वा भूयः परत्र विकल्मषः  
शिवपदपुरीसाम्राज्यं स क्रमेण करिष्यति ॥

इति मृषावादविरतौ मकरध्वजकथा ।

जं चोरं कारकरस्स खत्त-खणणाइणा पर-धणस्स ।  
दुविह-तिविहेण-वज्जणमणुव्वयं विंति तं तइयं ॥  
जो न हरइ पर-दव्वं इहावि सो लहइ न वह-वंधाई ।  
पर-लोए पुण पावइ सुर-नर-रिद्धीओ विजलाओ ॥  
एकस्स चेव दुक्खं मारिज्जंतस्स होइ खणमेकं ।  
जावज्जीवं सकुडुंवयस्स पुरिसस्स धण-हरणे ॥  
दव्वं परस्स वज्जं जीयं जो हरइ तेण सो हणिओ ।  
दव्व-विगमे जओ जीयमंतरंगं पि जाइ खयं ॥  
जं खत्त-खणण-वंद-ग्गहाइ-विहिणा परस्स धण-हरणं ।  
पच्चक्ख-दिट्ठ-दोसं तं चिट्ठउ दूरओ ताव ॥  
पर-वंचणेण घेत्तुं दिंतस्स वि पर-धणं पर-भवस्मि ।  
पर-गेहे चिय वचइ दत्तस्स व वणिय-पुत्तस्स ॥

तं जहा—

अत्थि सुर-भवण-सिहरग्ग-लग्ग-दिणयर-रह-तुरय-मग्गं ।  
पुरमित्थ पइट्ठाणं लोउत्तर-संपया-ट्ठाणं ॥  
तत्थ पयावसीहो निवो पयावानलो नवो जस्स ।  
रिउ-रमणि-नयण-नीर-प्पवाह-सेत्तो वि पज्जलइ ॥  
चिट्ठंति तत्थ विच्छिन्न-रित्थ-कुल-संभवा वणिय-पुत्ता ।  
अन्नोन्न-नेह-जुत्ता दत्तो संखायणो य दुवे ॥  
देसंतराई गंतुं धणज्जणं जुव्वणे न जो कुणइ ।  
किं कूव-दहुरस्स व तस्स पसंसिज्जए जीयं ॥  
इय मंतिज्जण दुन्निचि परोप्परं निग्गया निय-पुराओ ।  
महिमंडले भमंता कमेण पत्ता रयणदिवं ॥  
रयणाई तत्थ संखायणेण पत्ताई न उण दत्तेण ।  
पुरिसस्स हि पुव्व-कयं सुकयं चिय फलइ सव्वत्थ ॥

संखायणो पयद्वो अन्न-दिणे नियय-देसमागंतुं ।  
 दत्तो उण अकयत्थो त्ति ठाउमहिलसइ तत्थेव ॥  
 साहारणाइं दुण्हवि इमाइं रयणाइं अन्ह इय भणिउं ।  
 संखायणेण दत्तो चि अप्पणा सह समाणीओ ॥  
 सत्थेण सहागच्छंति दोवि ते रयण-संबलत्थइयं ।  
 मग्गे वहंति कमसो जा पत्ता निय-पुरासन्नं ॥  
 ता तत्थ भिल्ल-धाडी पडिया दत्तेण निय-करत्थाइं ।  
 खित्ताइं अणुवलक्खं रयणाइं रुक्ख-गहणम्मि ॥  
 अह ताडिऊण दत्तं तस्स सयासाउ संबलत्थइया ।  
 भिल्लेहिं जम-भडेहिं व गहिया संखायण-समक्खं ॥  
 नीया पल्लिं भिल्लेहिं कइवि दियहाइं तत्थ धरिऊण ।  
 मुक्का अनन्न-दिसाहि दोवि पत्ता पइट्ठाणं ॥  
 जइ कहवि रयण-लाभो न होइ ता होहमलियवाइ त्ति ।  
 संखायणस्स कहिओ दत्तेण न रयण-वुत्तंतो ॥  
 अन्न-दिणे तत्थ गओ दत्तो पत्ताइं तेण रयणाइं ।  
 न समप्पियाइं संखायणस्स एसो परोक्खो त्ति ॥  
 अह कित्ति यम्मि काले गयम्मि पियरो इमाण काल-गया ।  
 जाया पमाण-भूया एए चिय दोवि संबलत्थ ॥  
 संखायणो धणद्धो देव-वसेणं न तारिसो दत्तो ।  
 सो चिंतइ रयण-कए खिज्जइ संखायणो न इमो ॥  
 कुणइ परलोग-किरियाओ एस तत्तो अहं पि एयाओ ।  
 एयं चिय उद्दिस्सिउं करेमि एएहिं रयणेहिं ॥  
 एवं कए न होही मित्त-दोहो वि तो कुणइ दत्तो ।  
 परलोग-किच्चमत्थि य सेनेहो धम्म-बुद्धी य ॥  
 एवं नियाउयं पालिऊण आउ-क्खये मया दोवि ।  
 जत्थुप्पन्ना तं वागरेमि नर-नाह ! निसुणेसु ॥  
 चिट्ठंति दुज्जि नयरीओ उत्तरा दाहिणा य महुराओ ।  
 महुराउ सुयण-वाणीउ जत्थ दक्ख व्व विलसंति ॥  
 पत्त-वण-च्छायाओ भमरहियाओ लसंत-सुमणाओ ।  
 जत्थ वणेसु लयाओ भवणेसु वसंति विलयाओ ॥



तत्थोत्तर-महुराए समिद्धदत्तो त्ति वाणिओ अत्थि ।  
 सो विहव-विहवणत्थं दक्खिण-महुरं कयाइ गओ ॥  
 तस्स तर्हि विविह-कयाणगाण कय-विक्कए कुणंतस्स ।  
 जाओ असोगदत्तेण वाणिएणं सह सिणेहो ॥  
 तस्स थिरीकरणत्थं दोहिं पि कओ इमेहिं संकेओ ।  
 एक्कस्स सुओ धूयं परेण परिणावियव्वो त्ति ॥  
 कइवय-दिणाइं ठाउं समिद्धदत्तो गओ नियय-नवरिं ।  
 संखायणस्स जीवो कमेण जाओ सुओ तस्स ॥  
 दत्तस्स पुणो जीवो असोगदत्तस्स नंदणो जाओ ।  
 भवियव्वयाइं तेसिं विहियाइं पुव्व-नामाइं ॥  
 कय-उच्चिय-कला-गहणा कमेण ते दोवि जुव्वणं पत्ता ।  
 संखायणस्स भगिणी जाया दत्तस्स सा दिन्ना ॥  
 इय कित्तिए वि काले गयम्मि अकयम्मि चेव वीवाहे ।  
 ताण पियरो विवन्ना ते चिय घर-सामिणो जाया ॥  
 तत्थत्थि कुवेरस्स व गरुओ दत्तस्स रिद्धि-वित्थारो ।  
 सो तं सयमुवभुंजइ जहोचियं देइ अत्तेसिं ॥  
 अन्न-दिणम्मि निविट्ठो ण्हाणत्थं मणिमयम्मि सो पीढे ।  
 चत्तारि उवट्ठविया कलसा कंचणमया तस्स ॥  
 तह चउरो रूपमया तंवमया मिम्मया य पत्तेयं ।  
 एवं ण्हाणोवगरणमन्नं पि इमस्स साइसयं ॥  
 तं ण्हविऊण विमुक्को तत्थेक्को उड्डिओ कणय-कलसो ।  
 एवं चउरो वि गया एवं चिय रूप्पियाई वि ॥  
 ण्हाणोवगरणमन्नं पि जं महत्थं तमुड्डियं एवं ।  
 अह दत्तो भुत्तुमणो भोयण-सालाह संपत्तो ॥  
 तस्स पुरो ठवियाइं कंचण-कच्चोल-रूप-थालाइं ।  
 दिन्ना सुवन्न-थाली दव्वी पमुहेहिं आहारो ॥  
 भुत्तस्स तस्स सव्वं पि थाल-कच्चोल-पमुहमुड्डीणं ।  
 थालस्स कन्न-वट्ठी धरिया कुड्डेण दत्तेण ॥  
 तित्थियमेत्तं खंडं दत्तस्स करे ठियं तओ एसो ।  
 अहह अउव्वं विहि-विलसियं ति चिंताउरो जाओ ॥

अह तस्स विणट्ठाइं जलहि-निहिस्ताइं जाणवत्ताइं ।  
 थल-पह-पट्टवियं तक्करेहिं हरियं सयल-भंडं ॥  
 नट्ठाइं निहाणाइं गयाइं विहलत्तणं करिसणाइं ।  
 कण-कप्पड-प्पमुहाइं दड्ढाइं अग्गिणा गेहे ॥  
 कय-विक्रएसु छेओ होइ न लब्भइ कलंतर-निउत्तं ।  
 न कुणंति य सम्माणं परियण-बंधुयण-नायरया ॥

जओ—

रिद्धि विट्ठणह माणुसह न कुणह कुवि सम्माणु ।  
 सउणिहि सुच्चइ फलरहिउ तरुवर इत्थु पमाणु ॥  
 लच्छीइ विलसियं तं दट्ठं सुविणिंदियाल-सारिच्छं ।  
 विम्भय-विसाय-विवसो आढत्तो चित्तिउं दत्तो ॥  
 खणमेत्त-दिट्ठ-नट्ठा हा ! लच्छी जेण तेण तक्केमि ।  
 तडिलय-तरंग-सुरधणु-दब्बेण कया इमा विहिणा ॥

जइवि हु सूरु सुरूवु विअक्खणु

तहवि न सेवइ लच्छि पइक्खणु ।

पुरिस-गुणागुण-मुणण-परम्मुह

महिलह बुद्धि पर्यपहिं जं बुह ॥

संतिं पि सिरिं मोत्तूण उत्तमा संजमं पवज्जंति ।

अहमा दूर-गयं पि हु तं पत्थंता किलिस्संति ॥

तो मज्झ इमीए अलं ति चित्तिउं निग्गओ निय-गिहाओ ।

दत्तो परिब्भमंतो भरुअच्छं पट्ठणं पत्तो ॥

निव्वाण-मग्ग-साहण-कयायरो पाव-कायरो दिट्ठो ।

गुण-रयण-सायरो तेण तत्थ धम्मायरो सूरी ॥

तं दट्ठूण मुणिंदं चंदं जलहि व्व सो समुल्लसिओ ।

नमिज्जण रिद्धि-भेए पुच्छइ, अह कहइ आयरिओ ॥

धम्मिड्ढी भोगिड्ढी पाविड्ढी इह तिहा भवे रिद्धी ।

सा भज्जइ धम्मिड्ढी जा दिज्जइ धम्म-कज्जेसु ॥

सा भोगिड्ढी गिज्जइ सरीर-भोगम्मि जीए उवओगो ।

जा दाण-भोग-रहिया सा पाविड्ढी अणत्थ-फला ॥

पाविड्डी पाविज्जइ फलेण पावस्स पुब्ब-विहियस्स ।  
 पावेण भाविणा वा इत्थत्थे सुणसु दिट्ठं ॥  
 इह आसि वसंतपुरे परोप्परं नेह-निव्वभरा मित्ता ।  
 खत्तिय-माहण-वाणिय-सुवण्णयार त्ति चत्तारि ॥  
 ते अत्थ विट्ठवणत्थं चलिआ देसंतरं निय-पुराओ ।  
 पत्ता परिव्वभमंता भूमिपइट्ठम्मि नयरम्मि ॥  
 रयणीइ तस्स वाहिं उज्जाणे तरुतलम्मि पासुत्ता ।  
 पढम-पहरम्मि चिट्ठइ जग्गंतो खत्तिओ तत्थ ॥  
 पेच्छइ तरु-साहाए पलंबमाणं सुवण्ण-पुरिसं सो ।  
 विम्हिय-मणेण भणियं अणेण सो एस अत्थो त्ति ॥  
 कणय-पुरिसेण संलत्तमत्थि अत्थो परं अणत्थ-जुओ ।  
 तो खत्तिएण कुत्तं जइ एवं ता अलं अम्ह ॥  
 वीए जामे जग्गेइ माहणो सोवि पिच्छइ तद्देव ।  
 तइयम्मि वाणिओ तं दट्ठण न लुब्भए तम्मि ॥  
 जग्गइ चउत्थ-जामे सुवण्णयारो सुवण्ण-पुरिसं तं ।  
 दट्ठण विम्हिय-मणो भणइ इमं एस अत्थो त्ति ॥  
 पुरिसेण जंपियं एस अत्थि अत्थो परं अणत्थ-जुओ ।  
 जंपइ सुवण्णयारो न होइ अत्थो अणत्थ-जुओ ॥  
 पुरिसो जंपइ तो किं पडामि ?, पडसु त्ति जंपइ कलाओ ।  
 पडिओ सुवण्ण-पुरिसो छिंदइ सो अंगुलि तस्स ॥  
 खड्डाए पक्खित्तो सुवण्ण-पुरिसो सुवण्णयारेण ।  
 गोसम्मि पत्थिया ते सुवण्णयारेण तो भणिया ॥  
 किं देसंतर-भमणेण अत्थि एत्थवि इमो कणय-पुरिसो ।  
 खड्डाइ मए खित्तो तं गिण्हइ विभज्जिउं सच्चे ॥  
 तो सच्चेवि नियत्ता अंगुलि-कणगेण भत्तमाणेउं ।  
 वणिओ सुवण्णयारो य दोवि पत्ता नयर-मज्झे ॥  
 चित्तियमिमेहिं हणिमो खत्तिय-माहण-सुए उवाएण ।  
 अम्हं चिय दोण्हं जेण होइ एसो कणय-पुरिसो ॥  
 भुत्तूण सयं मज्झे समागया गहिय-कुसुम-तंबोला ।  
 खत्तिय-माहण-जुग्गं विस-मिस्सं भोयणं वेत्तुं ॥

बाहिं ठिएहिं तं चेव चितियं किं चिरं ठिया मज्झे ।  
 तुम्हे त्ति भणंतेहिं दुन्निवि खग्गेण निग्गहिया ॥  
 विस-मिस्सं भत्तं भुंजिऊण दिय-खत्तियावि वावणा ।  
 इअ एसा पाविड्डी पाविज्जइ पाच-पसरेणं ॥  
 सव्वा असासय च्चिय रिद्धी परमत्थओ भव-निमित्तं ।  
 मोक्खो अक्किचणाणं जीवाण जिणेहिं जं भणिओ ॥  
 इय धम्म-देसणाए पडिबुद्धो एस गंठि-भेएण ।  
 चारित्त-मोहणिज्जं इमस्स पत्तं खओवसमं ॥  
 पव्वइओ पर-पडिबोहणत्थमविमुक्क-थालखंडो सो ।  
 अहिगय-समत्त-सुत्तो करेइ तिव्वं तवच्चरणं ॥  
 अन्न-समयम्मि एसो उत्तरमहुरं गओ विहरमाणो ।  
 भिक्खा-कए भमंतो पत्तो संखायणस्स गिहं ॥  
 निय-रिद्धि-वित्थरं तं दट्ठण इमस्स मज्जमाणस्स ।  
 पुण्णो किमूणगो व त्ति कोउगेण द्विओ तत्थ ॥  
 दिस्सा इमस्स भिक्खा तहवि न निहरइ एस तो भोत्तुं ।  
 संखायणो पवत्तो वहिणीए वीयण-कराए ॥  
 भणिओ अणेण साह—किं जासि तुमं न लद्ध-भिक्खो वि ।  
 किं वालियं पलोयसि ?, मुणिणा संखायणो भणिओ ॥  
 विसए विसं व विसमे वियाणिउं जे पवत्त-पव्वज्जा ।  
 ते जिय-मयणा मुणिणो तणं व तरुणीओ मत्तंति ॥  
 किंतु ठिओ रिद्धि-कुऊहलेण अहमेत्थ इत्तियं कालं ।  
 संखायणेण भणियं रिद्धिं गिण्हाहि देमि अहं ॥  
 जंपइ मुणी न कज्जं धयवड-चवलाइ मज्झ रिद्धीए ।  
 संखायणेण भणियं जइ एवं ता कहं कुइं ॥  
 मुणिणा भणियं तुह आगयस्स वसहीइ तं कहिस्तामि ।  
 संखायणेण भणियं एवं ति तओ गओ साह ॥  
 समए वसहिं गंतुं नमिउं संखायणो रहसि साहुं ।  
 कह कोउगं ति पुच्छइ मुणी भणइ तुह कुओ रिद्धी ॥  
 संखायणो पयंपइ कमागया मे इमा, मुणी भणइ ।  
 सच्चं साहसु, संखायणेण भणियं अमुग-दियहे ॥

कत्तो वि अकम्हा आगय त्ति तह अत्थि खंड्थालमिह ।  
 तं पुण तह चेव ठियं समारिउं तीरह न जम्हा ॥  
 दत्तेण कन्नवट्ठिं समप्पिउं जंपिओ इमो भइ ! ।  
 एएण समारिज्जसु घडइ त्ति समारियं तेण ॥  
 संजाय-कोउगो संभमेण संखायणो भणइ दत्तं ।  
 भयवं ! कहसु किमेयं जहट्ठियं साहए एसो ॥  
 एवमिणंति पवज्जइ एसो जाणइ य सयण-संवंधं ।  
 तो भणइ मज्झ भइणिं परिणेउं भुंज निय-रिद्धि ॥  
 दत्तो जंपइ भोगा भुयंग-भोग व्व जे मए सुक्का ।  
 पत्थेमि पुणावि संपइ असूढ-सन्नो कहं तेऽहं ॥

तथा—

अवश्यं यातारश्चिरतरमुपित्वापि विषया  
 वियोगे को भेदस्त्यजति न जनो यत् स्वयममून ।  
 ब्रजन्तः स्वातन्त्र्यादतुलपरितापाय मनसः  
 स्वयं त्यक्त्वा ह्येते शमसुखमनन्तं विदधति ॥  
 इय सोउं पडिबुद्धो दिक्खं संखायणो वि पडिबन्नो ।  
 कय-तिव्व-तवा मरिऊण दोवि सगं सिवं च गया ॥  
 जं पुव्व-भवे संखायणस्स दत्तेण वित्तमवलवियं ।  
 तो दत्त-गिहाओ गयं परत्थ संखायणस्स गिहं ॥  
 इति अस्तेयव्रते दत्त-संखायण-कथा ।

जं निय-निय-भंगेहिं दिव्वाणं माणुसाण तिरियाणं ।  
 परदारानं विरमणमणुव्वयं वित्ति तं तुरियं ॥  
 चउ-विह-कसाय-मुक्को चउ-गइ-संसार-भमण-निव्विण्णो ।  
 जो धरइ चउत्थ-वयं सो लहइ चउत्थ-पुरिसत्थं ॥  
 निव्वडिय सुहइ-भावाण ताण को बहइ एत्थ समसीहिं ।  
 परि-रमणि-संकडे निवडिया वि न मुयंति जे मेरं ॥  
 इणमेव धम्म-वीयं इणमेव विवेय-कणय-कसवट्ठो ।  
 इणमेव दुक्करं जं कीरइ परदार-विरइ-वयं ॥  
 यः पालयति निर्व्याजं परस्त्रीविरतिव्रतम् ।  
 परब्रेह च स श्रेयः पुरंदर इवाश्नुते ॥



तद्यथाऽस्त्यत्र विस्तीर्णे जम्बूद्वीपस्य भारते ।

महाधनजनाकीर्णं विलासपुरपत्तनम् ॥

शुभा रम्भाकीर्णाः प्रचलदलकान्ताः सतिलकाः

प्रपन्नाः पुद्गागैरसमलवलिव्यक्तरुचयः ।

बहिर्यत्रान्तश्च प्रकटितमहामानवकुलाः

सदारामाः पुंसां पृथुलकुचरम्या मुदमदुः ॥

तत्र सिंहस्थो राजा शूरः सिंह इवाभवत् ।

चित्रं क्रमागतं मार्गं यो विभेद न जातुचित् ॥

यत्कृपाणलतालग्रक्षिपल्लोहितपल्लवाः ।

सुपुवे दिग्बधूतंसं यशः कुसुममाहवे ॥

तस्य सुन्दरदेहस्य देवी कनकवत्यभूत् ।

अनङ्ग इति कन्दर्पं त्यक्त्वा रतिरिवागता ॥

तयोर्भुजानयोर्भोगान् पूर्वपुण्यसमुद्भवान् ।

सौन्दर्यनिर्जितामर्त्यकुमारस्तनयोऽभवत् ॥

पुरन्दर इति ख्यातः सोऽधीत्य सकलाः कलाः ।

कामिनीमानसोन्मादजननं यौवनं ययौ ॥

सोऽगादन्येषुरुद्यानं द्रुमराजिंविराजितम् ।

तत्र नानाविधाः क्रीडाः कुर्वन् वभ्राम सर्वतः ॥

सोऽपश्यत्स्वेचरं कश्चिद्वेदनानष्टचेतनम् ।

कीलितं तरुणा सार्द्धं हस्तयोः पादयोस्तथा ॥

कुमारः करुणाक्रान्तस्तस्य निष्कास्य कीलकान् ।

संरोहण्योषधीयोगाद्वृणसंरोहणं व्यधात् ॥

स्वस्थीभूतं तमप्राक्षीत् कुमारः किं तवेदशी ।

दर्शनीयाकृतिव्यक्तरुणस्याप्यभवद्दशा ॥

अवोचत् स्वेचरो यद्यप्यवद्यं चरितं मम ।

तथापि कथयाम्येष तव जीवितदायिनः ॥

अस्ति प्रशस्तमुत्तुङ्गमणिमन्दिरसुन्दरम् ।

वैताल्यस्योत्तरश्रेण्यां पुरं गगनवल्लभम् ॥

तत्र विद्याधराधीशो रत्नचूडोऽस्ति विश्रुतः ।

अनिरुद्धः स्मरस्येव स्रजुस्तस्यास्मि सूर्यकः ॥

सोऽहं यौवनमासाद्य चण्डानिलमिवानलः ।  
 तमवाप मदोद्रेकं यन्नाकृत्यं न किञ्चन ॥  
 अन्यदा गगने भ्राम्यन् रत्नशालपुरप्रभोः ।  
 खेचरस्य प्रियां दृष्ट्वा जातोऽस्मि स्मरविह्वलः ॥  
 सहसा तामपाहार्षं मांसपेशीं यथा खगः ।  
 कन्दर्पविवशानां हि क प्रेक्षापूर्वकारिता ॥  
 तामादाय कुरङ्गाक्षीमिहायातमरुद्ध माम् ।  
 पृष्ठागतः पतिस्तस्या नकुलः पद्मगं यथा ॥  
 मां विनिर्जित्य युद्धेन प्रापय्य च दशामिमाम् ।  
 स जगाम निजं स्थानं गृहीत्वा गृहिणीं निजाम् ॥  
 तदेवं व्यसनाम्भोधौ मग्नो येनाहमुद्धृतः ।  
 स निष्कारणबन्धुस्त्वं महात्मन् ! मम वर्तसे ॥  
 अतो रूपपरावर्तविद्यामादाय मे प्रियम् ।  
 कर्तुमर्हसि यत् सन्तः प्रार्थनाभङ्गभीरवः ॥  
 परोपरोषप्राधान्यादग्रहीत्तां पुरन्दरः ।  
 परस्त्रीसंगमोद्विग्नः स्वस्थानं सूर्पको ययौ ॥  
 अथ सज्जनवत्तत्र सुखदः स्फुरितो मरुत् ।  
 जिनवाक्यमिवापास्तरजोगन्धपयोऽपतत् ॥  
 पुष्पवृष्टिरभूत्सृष्टेः पञ्चवर्णतयोत्कटा ।  
 साधोर्गुण इव व्योम्नि जजृम्भे दुन्दुभेर्ध्वनिः ।  
 क्रीडास्रजं जगल्लक्ष्म्याः स्वर्णपद्मं व्यधुः सुराः ।  
 निषण्णः केवली तत्र राजहंस इवोज्ज्वलः ।  
 देशनां कर्तुमारम्भे सदेवनरपर्षदः ।  
 तं नत्वा विस्मयस्मेरः कुमारो न्यषदत्पुरः ॥  
 जन्तुघातो मृषावादः स्तेयं युवतिसङ्गमः ।  
 परिग्रहश्च पञ्चामी मुच्यतां पापहेतवः ॥  
 इति श्रुत्वा भवोद्विग्नो निजगाद पुरन्दरः ।  
 भगवन् ! सर्वथा कर्तुं त्वदुक्तमहमक्षमः ॥  
 परस्त्रीत्यागमात्रं तु करिष्ये जीवितावधि ।  
 यद्विपाको मया दृष्टः संप्रत्येवातिदारुणः ॥

गुरुर्जगाद पुण्यात्मन्निदमेवातिदुष्करम् ।  
 इदमेव नरामर्त्यनिर्वाणश्रीनिबन्धनम् ॥  
 इदं विदधता भद्र ! त्वया सर्वमनुष्ठितम् ।  
 इदं पालयतो भावी महानभ्युदयस्तव ॥  
 ततः केवलिनं नत्वा परस्त्रीपरिहारतः ।  
 कृतार्थं मन्यमानः स्वं कुमारोऽगात्रिजं गृहम् ॥  
 अन्यदा सुन्दरोद्देशदेशदर्शनलालसम् ।  
 कश्चिन्मागधमेकान्ते पप्रच्छ नृपनन्दनः ॥  
 किं त्वया भ्राम्यता पृथ्वीं दृष्टं किमपि कौतुकम् ।  
 सोऽवोचचेत्तत्रार्थं शुश्रूषा तन्निशम्यताम् ॥  
 अस्ति भोगिवधूभोग्याभोगं भोगपुरं पुरम् ।  
 पातालपुरवच्चित्रमशेषश्रीविभूषितम् ॥  
 तत्र शत्रुञ्जयो राजा शस्त्रशास्त्रकृतश्रमः ।  
 शिरांसि धूनयामास विद्धिषां विदुषां च यः ॥  
 गिरीशस्येव गङ्गोमे द्वे देव्यौ तस्य बल्लभे ।  
 एका रत्नवती नाम द्वितीया मदिरावती ॥  
 शुद्धबुद्धिरिवास्तूत नीतिं रत्नवती सुताम् ।  
 रामणीयकविस्फूर्जत्कीर्तिं नाम्ना कलावतीम् ॥  
 यस्याः शरीरसौन्दर्यं विभाव्य भुवनाद्भुतम् ।  
 ह्रियेव दर्शनं लोके न यच्छन्ति सुराङ्गनाः ॥  
 कलाकलापे सकले कलयामास कौशलम् ।  
 सा क्रमान्मदनक्रीडावनं प्राप च यौवनम् ॥  
 रूपादिभिरपश्यन्ती पुरुषं तुल्यमात्मनः ।  
 पुरुषद्वेषिणी साऽभूदित्याश्चर्यं मयेक्षितम् ॥  
 इत्याकर्ण्य दिदृक्षुस्तां निशितासिकरो निशि ।  
 अनिवेद्यैव कस्यापि कुमारो निर्ययौ पुरात् ॥  
 स सरोऽद्रिसरिद्रामनगराकरसङ्कुलाम् ।  
 भुवं भ्राम्यंस्तस्मिन्मरम्यां प्राप महादवीम् ॥  
 मध्याह्नातपततोऽसौ तरुमूले कृतस्थितिः ।  
 महापुरुष ! मां रक्षेत्यश्रुणोत्करुणस्वरम् ॥

केनापि पीड्यते काचित् वराकीति स चिन्तयन् ।  
 विभ्रत् कृपां कृपाणं च तं शब्दं प्रत्यगाद्भुतम् ॥  
 सोऽपश्यत् काननस्यान्तः स्त्रीमेकां कलशस्तनीम् ।  
 पद्मास्यां पल्लवातान्नपाणिपादां मृगेक्षणाम् ॥  
 दिक्षु चक्षुः क्षिपन् कश्चिददृष्ट्वा तत्र मानुषम् ।  
 आवभाषे कुमारस्तां कस्त्वां भद्रे ! विधाधते ॥

स्त्री—

यतः प्रभृति दृष्टस्त्वं तदादि मदनः प्रभो ! ।  
 मां पीडयति पञ्चेपुरप्यसंख्यैरिवेषुभिः ॥  
 त्वमेव मदनस्पृहीं शरणं मम नापरः ।  
 तत्त्वं निजभुजस्तम्भमध्यमारोप्य रक्ष माम् ॥

कुमारः—

त्वां परस्त्रीं कथं भद्रे ! स्वकराभ्यां स्पृशाम्यहम् ।

स्त्री—

पुरुषस्य परैव स्त्री सर्वेति प्राज्ञ ! चिन्तय ॥

कुमारः—

यद्यप्येवं तथापि त्वं मम नासि परिग्रहे ।

स्त्री—

महान्तो नाथ ! मन्यन्ते जगत्सर्वं परिग्रहे ॥

कुमारः—

तथापि तव सम्भोगः करोति दुरतिक्रमम् ।

उभयोर्लोकयोर्दुःखमतस्त्वां कथमाद्रिये ॥

स्त्री—

स्मरार्त्ता सानुरागाऽहं स्वामिस्तन्मम सङ्गमः ।

कुर्यात्तव ममाप्येवमुभयोर्लोकयोः सुखम् ॥

कुमारः—

सर्वथा न करोम्येव परस्त्रीस्पर्शपातकम् ।

ततः किममुना साकं त्वया वाक्कलहेन मे ॥

इत्युक्त्वा स वनात्तस्मान्निर्गत्य बलितोऽग्रतः ।

तमाचक्षे साक्षेपमेकः शस्त्रीकरः पुमान् ॥

परस्त्रीविप्लवं कृत्वा मागास्तिष्ठ पुरो मम ।  
 तस्य सिंह इवेभस्य कुमारः संमुखः स्थितः ॥  
 जगाद च सदैवाहं परस्त्रीणां पराङ्मुखः ।  
 संमुखः परशस्त्रीणां ब्रूहि यत्तेऽभिवाञ्छितम् ॥  
 दिव्यरूपधरो भूत्वा सोऽप्रवीत्तिष्ठताग्रतः ।  
 सर्वत्र शुचयो धीरा इति सत्यीकृतं त्वया ॥  
 अहं स्वामी वनस्यास्य व्यन्तरः पिङ्गलाभिधः ।  
 अद्य वेलावनेऽम्भोवेर्मित्रपार्श्वमहं गतः ॥  
 निवृत्य यावदायातस्तावद्रीक्ष्ये निजां प्रियाम् ।  
 प्रार्थनां तव कुर्वाणां प्रच्छन्नोऽहं स्थितस्ततः ॥  
 तृणवत्तामवज्ञाय यत्त्वं सत्त्वमहोदधिः ।  
 प्रस्थितोऽस्ति तदाश्चर्यं दुष्करं किमतः परम् ॥  
 तुष्टोऽहं किं ददे तुभ्यं अथावादीत्पुरन्दरः ।  
 भद्र ! किं न त्वया दत्तं ददता दिव्यदर्शनम् ॥  
 तस्मै याच्ञाऽनभिज्ञायान्यमोघं देवदर्शनम् ।  
 इति जल्पन् सुरश्चिन्तारत्नं दत्वा तिरोदधे ॥  
 चिन्तारत्नप्रभावेण प्राप्तसर्वसमीहितः ।  
 त्यागं भोगांश्च कुर्वन् स क्रमाद्भोगपुरं गयौ ॥  
 राजपुत्रीमुपायेन पश्यामीति पुरन्दरः ।  
 वामनः समभूद्रूपपरावर्तनविद्यया ॥  
 कथागीतादिभिः कुर्वन् पुरलोकस्य विस्मयम् ।  
 जगाम वामनः ख्यातिं गुणा हि यशसः पदम् ॥  
 अन्यदाऽऽश्चर्यकारीति नृपेणाहूय वामनः ।  
 त्वमस्मत्सन्निधौ तिष्ठेरित्युक्तः स तथाऽकरोत् ॥  
 कलाविद् वामनश्चायमिति जातकुतूहला ।  
 चेटीं प्रेष्यात्मनः पार्श्वे तमाहृत कलावती ॥  
 सा प्रीतिमगमद् दृष्टे वामनेऽपि नृपात्मजे ।  
 कुर्यात् कुतुहिनीं स्मेरां मेघच्छन्नोऽपि चन्द्रमाः ॥  
 दृष्ट्वा राजसुतां हृष्टो दध्यौ मनसि वामनः ।  
 अस्यां प्रकर्षमारूढं रूपनिर्माणकौशलम् ॥  
 वक्त्रं चन्द्रविजित्वरं यदधरो बन्धूकबाधाबुधः



कण्ठः कम्बुविडम्बकोऽक्षियुगलं नीलोत्पलश्रीहरम् ।  
 पाणिद्वन्द्वमशोकपल्लवरुचां लुण्टाकमस्यास्ततः  
 कोऽप्यन्यत्कृतपूर्वसृष्टिमहिमा धातुः प्रयत्नो ध्रुवम् ॥  
 अथ पृष्ठः कलावत्या कुत्रत्योऽसीति वामनः ।  
 विलासपुरवास्तव्योऽस्मीति स प्रत्यपीपदत् ॥  
 किं तत्र नगरे किञ्चिदस्ति वस्त्वद्भुतं वद ।  
 इति प्रोक्ते कलावत्या साकूतं वामनोऽब्रवीत् ॥  
 तत्र सिंहस्थो राजा तस्य पुत्र पुरन्दरः ।  
 यः सौन्दर्यकलौदार्यविक्रमादिभिरद्भुतः ॥  
 इत्याकर्ण्य कुमारं प्रत्यनुरागं चकार सा ।  
 को वा न रज्यते लोकः श्रुतैरप्यद्भुतैर्गुणैः ॥  
 त्यक्तान्यसर्वव्यापारा चिन्तयन्ती पुरन्दरम् ।  
 योगिनीव परात्मानं दिवसानि निनाय सा ॥  
 आसने शयने रात्रौ दिवसे भवने वने ।  
 नाससाद रतिं कापि शफरीव स्थले स्थिता ॥  
 जलार्द्रासुमनःशय्याचन्द्रचन्दनपञ्चमान् ।  
 प्रपञ्चितवपुस्तापान् मेनेऽग्नीनिव पञ्च सा ॥  
 इतश्च गीतं शृण्वन्त्या वामनस्य मनोहरम् ।  
 मदनो मदीरावत्या मनो बाणैरताडयत् ॥  
 सा निशीथे नृपं सुप्तं त्यक्त्वोत्थाय शनैः शनैः ।  
 प्रस्थिता वामनभ्यर्णमङ्गरक्षैरलक्षिता ॥  
 विबुद्धो नृपतिः कासौ चलितेति विचिन्तयन् ।  
 मन्दं मन्दं पदन्यासमन्वगान्मदिरावतीम् ॥  
 गत्वा व्यबोधयद्देवी वामनं मधुरोक्तिभिः ।  
 करिष्यति किमेवेति ज्ञातुं छन्नो नृपः स्थितः ॥

वामनः—( देवीमालोक्य )

देवता सदृशी का त्वम् ?

देवी—

देव्यहं मदिरावती ।

वामनः—

अत्रागतासि किं कर्तुं

देवी—

कामार्ता त्वामुपासितुम् ॥

वामनः—

कुरुष्वो धनहीनोऽहं मुग्धे ! किं मामुपस्थिता ।

रूपनिर्जितकन्दर्पः पृथ्वीनाथः पतिस्तव ॥

हंसं हित्वा कलयसि वकं रत्नमुत्सृज्य धत्से

काचं कार्त्तस्वरमवगणय्यारकूटं विभर्षि ।

दुग्धं त्यक्त्वा पिवसि विकले ! काञ्चिकं यद्विमुच्य

क्षोणीनाथं रचयसि रुचिं सेवितुं वामनं माम् ॥

राजा ( स्वगतम् )—

साधु वामन ! धन्योऽसि यः स्तौष्यन्त्यं स्वनिन्दया ।

स्वं निर्गुणमपि प्रायो मन्यन्ते गुणिनं जडाः ॥

देवी—

तदेव सुन्दरं तस्य यद्यस्य प्रतिभासते ।

विमुच्य करभङ्गचूतं करीरे कुरुते रतिम् ॥

तन्नाथ ! किं विचारेण मद्भ्रमः कुरु सत्वरम् ।

प्रियस्त्वं मे नरेन्द्रस्तु द्वेष्यो वार्धकदूषितः ॥

राजा ( स्वगतम् )—

ताश्चदूत्तीः पुरा श्रुत्वा देवीवदननिर्गताः ।

चदूत्तीः सांप्रतं शृण्वन्न किं हृदय ! भिद्यसे ॥

वामनः—

चक्षुषाऽपि निरीक्षेऽहं नान्यामपि परस्त्रियम् ।

किं पुनर्भवतीं भद्रे ! महाराजस्य वल्लभाम् ॥

राजा ( स्वगतम् )—

शरीरेणैव वत्स ! त्वमहो ! वामन ! वामनः ।

कर्मभिः पुनरुत्तुङ्गस्त्वमेव जगतोऽप्यसि ॥

देवी—

परस्त्री किमहं मूर्ख ! या त्वां स्वयमुपस्थिता ।

परस्त्री कथिता सा हि या बलादुपपद्यते ॥

वामनः—

परस्त्रीं सेवितुं जातु चित्तमुत्सहते न मे ।

जननीव नमस्कार्या त्वं देवि ! मम तद्रज ॥

देवी—

करोषि यदि मे वाक्यं यदिच्छसि ददामि तत् ।

भविष्यत्यन्यथा मूढ ! सन्देहो जीवितेऽपि ते ॥

वामनः—

अखण्डितचरित्रस्य मृत्युरप्यस्तु मे वरम् ।

लभ्यते यदनाचारात् साम्राज्येनापि तेन किम् ॥

इति प्रार्थयमानासौ वामनेन निराकृता ।

विलक्षीभूय संप्राप स्वस्थानं मदिरावती ॥

राजाऽपि शयने गत्वा चिन्तयामास चेतसि ।

अहो ! दुश्चरितं स्त्रीणां विचाराणामगोचरः ॥

अकृतान्याङ्गनासङ्गं सर्वाभीष्टार्थपूरकम् ।

मां विहाय विधत्ते हा ! किमेषा वामने मनः ॥

प्रेमसर्वस्वशंसीनि कुर्वत्यपि चट्टानि मे ।

रमतेऽसौ हहान्यत्र वेत्ति स्त्रीचरितं हि कः ॥

किं तडित्करिकर्णाद्या येन द्रव्येण निर्मिताः ।

स्त्रीणां चित्तस्य निर्माणे तदेव विधिनादृतम् ॥

धिष्णां विषयगृहं यद्विषयाः स्त्रीनिबन्धनाः ।

स्त्रीणां चरित्रमीदृक्षं यद्वक्तुमपि नोचितम् ॥

अहो ! मे मन्दभाग्यत्वं कालेनैतावतापि यत् ।

नैकोऽपि समभूत् पुत्रो यं राज्ये स्थापयाम्यहम् ॥

कलावत्यपि चेत्कुर्याच्चित्तं राजस्रुते कचित् ।

तत्तमेव निजे राज्ये निवेश्य व्रतमाददे ॥

इति चिन्ताजुषो राज्ञः प्राज्यानर्थनिबन्धनम् ।

जवाद्विषयतृष्णेव निशा नाशं समासदत् ॥

रुद्धदृष्टिस्तमस्तोमः प्राप मोह इव क्षयम् ।

दोषान्तमुदयं लेभे विवेक इव भास्करः ॥

अत्रान्तरे प्रतिहार्या विज्ञप्तः पृथिवीपतिः ।

देव ! चित्तं कलावत्या यन्न रेमे नरे क्वचित् ॥  
 साम्प्रतं वामनाख्याते राजपुत्रे पुरन्दरे ।  
 बद्धोत्कण्ठं तदस्वस्थं न कापि लभते रतिम् ॥  
 इति श्रुत्वा नृपो दृष्टः कलावत्या गृहं ययौ ।  
 आहूय वामनं तत्र निजगाद सगौरवम् ॥  
 छन्नरूपस्त्वमेवासि राजपुत्रः पुरन्दरः ।  
 उत्तमैश्वरितैर्ज्ञातस्तदात्मानं प्रकाशय ॥  
 राजा रजनीवृत्तान्तं जानातीति विचिन्त्य सः ।  
 अहो ! देवस्य दक्षत्वं इत्युक्त्वा स्वमदर्शयत् ॥  
 जगाद च निशम्याहं राजपुत्रीं गुणोज्ज्वलाम् ।  
 कृतरूपपरावर्तः कौतुकाद्गृष्टुमागतः ॥  
 मङ्गलार्थं पुरस्कृत्य कुचकुम्भौ नृपात्मजा ।  
 प्रेमाद्रीं तन्मुखे दृष्टिं पुष्पवृष्टिभिवासुचत् ॥  
 राजा तमद्भुतं दृष्ट्वा निजां पुत्रीं च तादृशीम् ।  
 अवोचदनयोर्युक्तः सन्बन्धस्तुल्यरूपयोः ॥  
 प्रशस्तेऽहि शुभे लग्ने विभूत्याऽतिप्रकृष्टया ।  
 अकारयत्तयोर्भूषः पाणिग्रहणमादरात् ॥  
 कृतार्थः पार्थिवो राज्ये स्थापयित्वा पुरन्दरम् ।  
 प्रतिपेदे स्वयं दीक्षामार्हतीं गुरुसन्निधौ ॥  
 एवं परस्त्रीनियमात् प्रकृष्टां पुरन्दरः प्रापदिहापि ऋद्धिम् ।  
 परत्र चासादितवाञ्छितार्थो गीर्वाणनिर्वाणसुखानि लब्ध्वा ॥

इति परस्त्रीविरतौ पुरन्दरकथा ॥

दुपय-चउप्पय-धण-धन्न-खेत्त-घर-रुप्प-कणय-कुप्पाण ।  
 जं परिमाणं तं पुण अणुव्वयं पंचमं वित्ति ॥  
 जीवो भवे अपारे गरुय-परिगह-भरेण अङ्कतो ।  
 दुह-लहरि-परिक्खित्तो बुद्धुह पोओ व्व जलहिम्मि ॥  
 धम्मराम-खयं खमा-कमलिणी-संघाय-निग्घायणं  
 मज्जाया तडि पाडणं सुह-मणो-हंसस्स निव्वासणं ।  
 बुद्धिं लोह-महण्णवस्स खणणं सत्ताणुकंपा-भुवो

संपाडेइ परिग्गहो गिरिनई-पूरो व्व वडुंतओ ॥  
 लोह-परिचत्त-चित्तो जो कुणइ परिग्गहस्स परिमाणं ।  
 सो परभवे परिग्गहमपरिमियं लहइ नागो व्व ॥  
 अत्थि एत्थेव दीवे भारहे वासे कुसुमपुरं नयरं ।  
 दट्ठं मज्झट्ठियमत्थ-वित्थरं हरिउमुज्जया चोरा ।  
 फलिह-भवणेषु विरमंति भित्ति-हयमत्थया जत्थ ॥

तत्थ सीहविक्रमो राया ।

जस्स समरम्मि दट्ठं विमुक्क-कोसं करम्मि करवालं ।

हारिवडिय व्व सहसा कोसं मेळ्ळंति रिउणो वि ॥

तस्स सयलंतेउर-सारा तारा देवी । तीए गव्वभ-संभूओ रूवाइ-गुणेहिं  
 भुवणच्छरिय-भूओ सयल-कला-कलाव-कुलहरं हरिविक्रमो कुमारो । कयाइ वि-  
 यड्ड-गोटीए ठियस्स तस्स पढियं केणावि—

निय-पुन्न-परिक्खाए देस-वेस-भासा-विसेस-विन्नाणं ।

नव-नव-कोउग-दंसणमेगत्त ठियाण न हवंति ॥

इमं सोऊण चित्तियं कुमारेण मए देसंतरं गंतव्वं ति । तओ कस्सवि  
 अकहिऊण रयणीए निग्गओ कुमारो । परिभमंतो पत्तो कंचणउरं । तत्थ  
 पओसे पविसिउं पयट्ठो । पहरण-पाणि-पाइक्क-परिक्खित्ताइं पिहियाइं पओलि-  
 दाराइं दट्ठूण नियत्तो पसुत्तो परिसराराम-मज्झे पल्लव-सत्थरे । पहाय-प्पायाए  
 रयणीए पवुट्ठो पेच्छए पुरओ गयणंगणे अणप्प-मणि-देवप्पमाणं विमाणं ।  
 तम्मज्झ-गयाए गरुडारूढाए कणयावदाय-देहाए चक्क-दिवि-डिकिय-कराए देव-  
 याए भणिओ सो—भो कुमार ! आरोहसु विमाणमेयं । तुहाणयणत्थमेत्था-  
 गया अहं । तेण तं पणमिऊण कयंजलिणा जंपियं—देवि ! का तुमं, कत्थ  
 किमत्थं वा नेसि मं ? । देवयाए भणियं—कुमार ! अत्थि एसा विसाल-साला-  
 विसाला नयरी । तत्थ इक्खागु-कुल-कमल-सूरो सूरो राया । तस्साहं कुल-  
 देवया चक्केसरी । सो राया संपयं अपुत्तो पत्तो पर-लोयं । तस्स गोत्तिया  
 रज्जत्थिणो पयट्ठा कलहिउं, भणिया पहाणेहिं—भो ! किं कुल-क्खयं कुणह ।  
 अच्चेमो चक्केसरि-कुल-देवयं । सा जं भणित्सइ सो राया होहिं ति । तहेव  
 तेहिं कए वुत्ता मए गुत्तिया—नत्थि तुम्ह रज्ज-जुगया ।

जं पुरिसमहं रज्जे ठावेमि करेह तस्स पय-सेवं ।

रज्जं पुण पाविज्जइ पुणेहिं पुराणुच्चिणेहिं ॥



मुणिउं तुमं अवहिणा इहागयं आगयाहमाणेउं ।  
 हरिविक्रम-कुमर ! तओ लहु आरोहसु विमाणमिणं ॥  
 तो आरूढो कुमरो गयं विमाणं नरिंद-भुवणम्मि ।  
 सयल-पहाण-समक्खं ठविओ देवीए सो रज्जे ॥  
 देवीइ तस्स दिन्नं चूडारयणं अणप्प-माहप्पं ।  
 जत्थ सिरत्थे निवडंति मुच्छिंया महियले रिउणो ॥  
 सव्वेहिं वि सो नमिओ नयरम्मि मद्दसवो समारद्धो ।  
 आहरण-रयण-वुट्ठिं काऊण तिरोहिया देवी ॥

नएण रज्जं कुणंतस्स तस्स अन्नया आगया करहमारूढा दुवे पुरिसा ।  
 विन्नत्तो तेहिं राया एगंते—अत्थि निय-विहव-विहिय-सुरपुर-पराजयं जयपुरं  
 नयरं । तत्थ पच्चत्थि-पत्थिव-डुज्जओ जयो राया । तस्स रइ व्व सुंदरी रइ-  
 सुंदरी देवी । रज्ज-सुहं सेवंताण ताण लच्छि व्व कमलच्छी जाया जय-  
 लच्छी धूया । तीए जम्म-दिणे कहियं जोइसिएण, जहा—एसा कन्नगा चउण्हं  
 रज्जाणं सामिणो पत्ती होहिं त्ति । सा संपयं पवन्ना तारुणं । रत्ता अन्न-रज्ज-  
 लाभत्थिणा सयं चेव सा परिणेउमारद्धा । विन्नत्तो पहाणेहिं राया—देव !  
 उभय-लोय-विरूद्धं ति न जुत्तं काउमेयं ति ।

जओ—

जेण कुलक्कमु लंघियइ अवजसु पसरइ लोइ ।  
 तं गुरु-रिद्धि-निबंधणु वि न कुणइ पंडिओ कोइ ॥  
 ता रज्ज-कारणं पि हु धूय त्ति इमा परस्स दायव्वा ।  
 जइ सोवणिणय-छुरिया हंतव्वो किं तओ अप्पा ॥

रत्ता भणिया पहाणा—तहावि अन्नस्स न दायव्व त्ति, विणासेह एयं ।  
 तओ तेहिं कया कन्ना पच्छन्ना । कहियं रत्तो विणासिय त्ति । तं जीवंति  
 नाऊण कुद्धो राया तेसिं । तओ तेहिं पेसिया अम्हे तुम्ह पासं, विन्नत्तं च  
 इमं, जहा—एस राया अणायार-परो पर-लोय-परम्मुहो मह-महुर-विसयासत्तो  
 सत्त-रहिओ हिओवएसं पि विसं व मन्नए । तुमं पुण एयविदरीओ रायरिसी ।  
 ता जइ एगागी आगच्छसि तो इमं दुरप्पाणं परिचयामो त्ति । रत्ता चितियं—  
 जुत्तमिणं । जं सामी वि मुक्कमज्जाओ मुच्चइ त्ति । जं पुण 'जइ एगागी आगच्छ-  
 सि'त्ति तं किं फलं । हुं नायं, सत्त-परिक्खण फलं ति । तओ रज्जसुत्थं काऊण  
 गओ तेहिं सह जयपुरं । पडिच्छिओ पहाणेहिं । परिणाविओ पच्छन्नं जय-

लच्छि । पच्छा पयासिओ लोए । निवेसिओ रज्जे । निग्गओ नयराओ सयं  
चेय जओ । अणुरत्त-पयइ-वग्गं पालइ रज्जं हरिविक्कमो ।

अन्न-दिणे सिरिपुर-नयर-सामिणा चंडसेण-राएण ।

निय-दूयं पट्टविउं भणिओ हरिविक्कमो एवं ॥

जो तुह पुच्च-नरिदेहिं मज्झ दिन्नो निरंतरं दंडो ।

तं संपइ देसु तुमं पि अन्नहा होसु रणसज्जो ॥

जो पुच्च-पत्थिवेहिं दिन्नो दंडो तमेव संभरसु ।

देमि न दंडमहं पुण वेत्तुं वंछामि तुह पासे ॥

इय हरिविक्कमराएण जंपिए नियपुरं गओ दूओ ।

गंतूण तेण कहियं पुच्चुत्तं चंडसेणस्स ॥

तं सोउं सो कुविओ चलिओ चउरंग-सेन्न-परियरिओ ।

तत्तो पत्तो हरिविक्कमो वि निय-देस-स्सिमंते ॥

दुण्हिवि दलाइं मिलियाइं ताण जायं जएक्क-चित्ताणं ।

कुड्ड-वसागय-सुर-खयर-सिद्ध-रुद्धवरं जुडं ॥

पहरण-संवट्ट-समुच्छलंत-हुयवह-फुलिग-छउमेण ।

खुर-रय-घणंघयारे रणम्मि रेहंति खज्जोया ॥

हरिविक्कम-सेवेणं जलहि-जलेणेव उच्छलंतेण ।

निव-चंडसेण-सेणा नइ व्व पच्छासुही चिहिया ॥

तो चंडसेण-निवई कुविओ उट्टेइ पवल-वल-कलिओ ।

हरिविक्कम-सेवं मंदरो व्व जलहिं विलोडेइ ॥

थक्को एक्को हरिणो हरि व्व हरिविक्कमो पुरो तस्स ।

रवि-मंडलं व दित्तं सिरम्मि चूडामणिं काउं ॥

चूडामणि-माहप्पेण चंडसेणस्स आगया मुच्छा ।

पडियाइं पहरणाइं हत्थेहिंतो ससिन्नस्स ॥

हरिविक्कम-सुहडेहिं गहिओ पुंजीकयाइं ताइं पुरो ।

तत्तो चूडारयणं सिराउ ओसारियं रत्ता ॥

सत्थी हूओ दट्ठूण चंडसेणो ससिन्नमप्पाणं ।

पहरण-रहियं हय-विक्कमं च चितइ विसन्न-मणो ॥

एस हरिविक्कम-निवो अणन्न-सामन्न-पुन्न-पवभारो ।

देवय-कय-सन्निज्झो मणुस्समेत्तं न होइ फुडं ॥

जं इमिणा सह जुद्धं पारद्धं तं मए कयमजुत्तं ।  
जो अप्प-पर-विसेसं न मुणइ सो होइ हसणिज्जो ॥  
हा दंसिउं असक्को जणस्स वयणं अहं अजस-कलुसं ।  
ता किं करेमि संपइ हुं नायं जामि वण-वासं ॥  
तो हरिविक्रम-पुरओ आगंतुं गिण्ह मज्झ रज्जमिणं ।  
इय भणिउं वन-वासं संपत्तो चंडसेण-निवो ॥  
हरिविक्रमो सिरिउरं गंतूण करेइ तत्थ रज्ज-ठिहं ।  
अह पुरिसा कुसुमपुराउ आगया जणय-पट्टविद्या ॥  
वच्छ ! अहं तुह विरहे इहं ठिओ संपयं गिलाणोमिह ।  
ता निय-रज्जं गिण्हसु इमं ति पुरिसेहिं विन्नत्तं ॥  
तो तत्थ रज्ज-सुत्थं काउं हरिविक्रमो जणय-पासं ।  
चलिओ चउरंग-चमू-चमदिय-फणिराय-फणचक्को ॥  
सो पत्तो कुसुमपुरं पणओ जणयस्स तेण अहिसित्तो ।  
रज्जे गुरु-रिखीए अह पर-लोयं गओ जणओ ॥  
सो भूरि कणय-कोसं पयाव-पडिहय-पयंड-पडिक्खं ।  
करि-तुरय-रह-समग्गं तिवग्ग-सारं कुणइ रज्जं ॥  
अह अन्नया निसाए पच्छिम-जामम्मि सुह-विउद्धस्स ।  
जाया रत्तो चिंता पुव्व-भवे किं मए विहियं ॥  
जं रज्जाण चउण्हं इमाण सामित्तमुत्तमं पत्तं ।  
इय चित्तं कुणमाणस्स निवइणो उग्गओ सूरु ॥  
उज्जाण-बालएणं विन्नत्तं ताव देव ! उज्जाणे ।  
सुर-कय-कमल-निसन्नो केवल-नाणी कहइ धम्मं ॥  
तो परितुट्ठो राया जयलच्छी-संगओ गओ तत्थ ।  
नमिउं गुरुं निसन्नो धम्मकहं सोउमादत्तो ॥  
समए पुट्टं रत्ता निसाइ जं चितियं चरम-जामे ।  
केवल्लिणा भणियं सुण नरिंद ! जं पुच्छियं तुमए ॥  
पुव्व-भवे आसि तुमं सिरिनयर-पुरम्मि सावगो नागो ।  
नागसिरि से भज्जा दुण्हवि नेहेण जंति दिणा ॥  
अन्न-दियहम्मि तेसिं पुरओ पुरिसेण भणियमेक्केण ।  
जं अच्छरियं वित्तं इहेव नयरम्मि तं सुणह ॥

देसंतराओ कत्तो वि आगओ इह पुरे नरो एक्को ।  
 सयल-कला-कुल-गेहं स्ववेण विणिज्जियाणंगो ॥  
 सो महिलाइ नव-जोव्वणाए दट्ठुण मयण-विहुराए ।  
 नीओ स-गिहं तंवोल-भोयणाईहिं गोरविओ ॥  
 तीए सह विसय-सुहं सेवंतो सो ठिओ कहवि दियहे ।  
 अन्न-दिणे अन्नाए नारीए कहवि सो दिट्ठो ॥  
 तीए वि नियं गेहं नीओ काऊण गरुय-सम्माणं ।  
 विसय-सुहं सेवंतीइ तीइ धरिओ चिरं कालं ॥  
 तस्स कए अन्नोन्नं दुन्निवि नारीउ ताउ कलहंति ।  
 अह कहमवि पढमाए एसो निय-गेहमाणीओ ॥  
 तस्स निसाए सुत्तस्स मत्थयं छिंदिऊण पट्टवियं ।  
 गेहम्मि सवत्तीए पयंपिया सा पुणो एवं ॥  
 जइ तुह इमम्मि नेहो इमस्स ता मत्थएण सह कुणसु ।  
 जलण-पवेसमहं पुण एयकवंधेण सह काहं ॥  
 तो जलणम्मि पविट्ठाउ दोवि महिलाउ नेह-गहिलाओ ।  
 अविमरिसिय-कारित्तं अकित्तिमं काम-विहुराण ॥  
 तं असमंजसमायन्निऊण नागो भणेइ संविग्गो ।  
 इत्थीसु असंतोसो इमस्स जाओ मरण-हेऊ ॥  
 तोऽहं संतोस-कए गेण्हामि परिग्गहस्स परिमाणं ।  
 तं गेण्हइ सकलत्तो नागो गंतुं गुरु-समीवे ॥  
 तप्पभिइ होइ नागो आजम्मं एग-दार-संतुट्ठो ।  
 नागसिरी उण मणसावि कुणइ पर-पुरिस-परिहारं ॥  
 जिण-भवण-पडिम-पूयाउ कारवइ पुत्थए लिहावेइ ।  
 साहूण देइ दाणं सन्निज्झं कुणइ सड्ढाणं ॥  
 एवं मुच्छा-रहिओ नागसिरीए पियाइ सह नागो ।  
 धम्मे धणं निजुंजइ खंडइ न परिग्गह-पमाणं ॥  
 अन्न-दिणे आगंतुं नागं वागरइ वाणिओ एक्को ।  
 तुह पिउ-दव्वं वेत्तुं पत्तो देसंतरम्मि अहं ॥  
 तत्थेव ठिओ कारण-वसेण दव्वेण तेण तत्थ मए ।  
 दव्वं बहुयमुवज्जियमिणिं पुण आगओ इत्थ ॥

ता पिउ-दव्वं गिण्हसु तुमं इमं तो पयंपए नागो ।  
 जइवि मह जणय-दव्वं तहावि गेण्हामि नाहमिणं ॥  
 जं इमिणा गहिण्णं खंडिज्जइ मह परिग्गह-पमाणं ।  
 तेण भणिओ वि पुण पुण जाव न गेण्हइ धणं नागो ॥  
 ता रयण-भूसण-धरो तियसो होऊण सो भणइ एवं ।  
 तुममेव नाग ! धन्नो पसंसिओ जो सुरिंदेण ॥  
 नागो जंपइ कह तत्थ मह पसंसाइ अवसरो जाओ ।  
 कहियं सुरेण एवं सक्कस्स सहा-निसन्नस्स ॥  
 पय-पणमत्थमेक्को पत्तो तियसो इमस्स सीसाओ ।  
 पडियं चूडारयणं तं गहियं अन्न-तियसेण ॥  
 तो झत्ति कण्हराईए पविसणत्थं पलायमाणो सो ।  
 वज्जेण हओ हरिणा सिरम्मि अन्नायकारि त्ति ॥  
 तं कंदंतं दट्ठं मए हरी जंपिओ जइ सुरा वि ।  
 लोभ-ग्गहेण गहिया गिण्हंति परस्स रयणाइं ॥  
 ता मुत्तूण मुणिंदे नरलोए नत्थि कोवि निह्लोभो ।  
 हरिणा भणियं चिट्ठइ सिरिनयरे सावगो नागो ॥  
 निह्लोभ-चक्कवट्ठी जो सपरिग्गह-पमाण-भंग-भया ।  
 तुह संतियं ति भणियं पि ढोइयं गिण्हइ न दव्वं ॥  
 तं सोउं रयणसिहो सुरो अहं तुह परिकखण-निमित्तं ।  
 इत्थागओम्हि हरिणा पसंसिओ भइ ! तुममेवं ॥  
 भणियं सुरेण मह कहसु किं पि किच्चं करेमि जं तुज्झ ।  
 नागेण जंपियं भइ ! नत्थि मह किं पि करणिज्जं ॥  
 तियसो गओ सठाणं कालेण स-भारियाइ सह नागो ।  
 स-परिग्गह-परिमाणं णिहोसं पालिऊण मओ ॥  
 सोहम्मे संपत्तो तत्तो चविउं तुमं समुप्पन्नो ।  
 नागसिरी तुज्झ पिया जाया नरनाह ! जयलच्छी ॥  
 तो जाय-जाइसरणाइं दोवि जंपंति सच्चमेयं ति ।  
 संवेग-परिगयाइं पुत्तं ठविऊण निय-रज्जे ॥  
 सव्वं परिग्गहं वज्जिऊण गेण्हंति दोवि पव्वज्जं ।  
 काऊण तवं तिव्वं गयाइं सग्गं च मोक्खं च ॥

इति परिग्रहपरिमाणे हरिविक्रमकथा ।



दससु दिसासुं जं सयल-सत्त-संताण-ताण-कय-महणो ।  
 गमण-परिमाण-करणं गुणव्वयं वित्ति तं पढमं ॥  
 जीवो धणलोभ-ग्गह-गहिय-मणो जत्थ जत्थ संचरइ ।  
 विद्वइ पाणिणो तत्थ तत्थ तत्तायपिंडो व्व ॥  
 संतोस-पहाण-मणो दिसासु जो कुणइ गमण-परिमाणं ।  
 सो पावइ कल्लाणं इत्थवि जम्मे सुबंधु व्व ॥

तं जहा—

जंबू-जंबीर-कयंव-अंव-निउरंव-बंधुरारामा ।  
 जंबुदीवे भरहे कोसंबी नाम अत्थि पुरी ॥  
 पसरंत-परुप्पर-पणय-कलह-कोवेण अकय-जोगेण ।  
 मिहुणाण कुणइ पीडं चंदो चिय जत्थ रयणीसु ॥  
 तत्थासि वीरसेणो नरेसरो नीइ-कंदली-कंदो ।  
 पणमिर-पत्थिव-मत्थय-कुसुमावलि-लीढ-पयवीढो ॥  
 तस्सासि माणणिज्जो जिणदत्तो नाम सावओ सेट्ठी ।  
 तस्स तणओ सुबंधू गहिय-कलो जुव्वणं पत्तो ॥  
 रइ-सरिस-रुव-रेहं सुनंद-वणियस्स वसुमहं धूरं ।  
 गुरु-विहव-वित्थरेणं पिउणा परिणाविओ एसो ॥  
 घयवड-चवलत्तणओ समत्त-भावण भव-समुत्थाण ।  
 पंच-नमोक्कार-परो पंचत्तमुवागओ सेट्ठी ॥  
 जह वचइ किरण-गणो अत्थमयंतेण सह दिणंदेण ।  
 तह अत्थमिओ अत्थो जणएण समं सुबंधुस्स ॥  
 धण-वज्जिओ सुबंधू वंधुयणस्स वि असम्मओ जाओ ।  
 सो चेव पिओ पायं जणस्स जं सेवए लच्छी ॥  
 अह अन्नया पयट्ठो विउत्त-जण-मीण-हणण-केवट्ठो ।  
 कय-तरुण-मण-प्पमओ महुसमओ मयण-दप्पमओ ॥

नचंत-रमणि-कंकण-कलाव

कल-सह-पवोहिय-कुसुम-चाव ।

अच्छेरय-रंजिय-तरुण-सत्थ

सुर-घरिहिं हुंति रहजत्त जत्थ ॥

जहिं कुसुम-गंध-लुद्धालि-जाल-

रव-भरिय-सयल-दिस-चक्रवाल ।  
 नीसेस-जगत्तय-विजय-सज्जु  
 जंपंति व मयण-नरिंद-रज्जु ॥  
 जहिं रत्त-सहहिं कुसुमिय-पलास  
 नं फुट्टए पहिय-गण-हिययमास ।  
 सहयारिहि रेहहि मंजरीओ  
 नं मयण-जलण-जालावलीओ ॥  
 जहिं मलय-समीरण-हल्लिरेहिं  
 नं नचइ लय-पल्लव-करेहिं ।  
 परहुय-रखु पसरइ काणणेसु  
 नं माणिणि-मय-चाओवएसु ॥

इय मयण-महा-महि-लोय-सहावहि भुवणि पयट्टइ महु समइ ।  
 कय इत्थी-सत्थिहिं अत्थ-समत्थिहिं कीलण-थुवण-गमणमइ ॥  
 अधण त्ति वसुमई पुण पारब्बा रोविउं विसन्न-मणा ।  
 किं रोयसि त्ति पुट्ठा सुबंधुणा तीइ कहियमिणं ॥  
 वर-वत्थ-नियत्थाओ रयणालंकार-मंडियंगीओ ।  
 अन्न-रमणीओ माणांति अज्ज मयणूसवं नाह ! ॥  
 अणलंकिया कुवत्था अहं तु लज्जामि ताण मज्झम्मि ।  
 तत्तो करेमि कहमूसवं ति रोयामि दीण-मणा ॥  
 तत्तो सुबंधुणा सा भणिया मह परिभवो पिए एसो ।  
 संपइ तुमं परिचय संतावं धरसु धीरत्तं ॥  
 चिवरं पि पविसिउं रोहणं पि खणिउं नहं पि आरुहियं ।  
 जलहिं पि लंघिउं भमडियं च देसंतराहं पि ॥  
 विडविय-वहूय-विहवो मणोरहा पूरणं तुह करिस्सं ।  
 किं तेण जीविण हि उवजुज्जइ जं न पियकज्जे ॥  
 इय भणिऊण पहाए सुबंधुणा निग्गएण गेहाओ ।  
 पुर-परिसरम्मि दिट्ठो मणपज्जव-संगओ समणो ॥  
 धम्म-कहं कुणमाणं जणाण तं पणमिउं सुबंधू वि ।  
 तस्स पुरओ निससो कयंजली वोत्तुमाढत्तो ॥  
 भयवं ! किं ते वेरग्ग-कारणं जेण जुव्वण-भरे वि ।

मणहर-मुत्ती वि तुमं पडिवन्नो दुक्करं दिक्खं ॥  
 मुणिणा भणियं सुण, इत्थ आसि नयरे गुणंधरो वणिओ ।  
 वरुण त्ति तस्स जणणी कुडिल-मणा गोमई गिहिणी ॥  
 न सुहाइ गोमईए सासू तो चित्तए वहू एवं ।  
 को सो होज्ज उवाओ जेण इमं नेमि पंचत्तं ॥  
 पइ-पुरओ जंपइ सासुयाइ दोसे वहू असंते वि ।  
 सो पियइ पाणियं तेत्तियं जेत्तियं भणइ घरिणी ॥  
 भणिओ सो जणणीए जणणिं दुलह त्ति मावमन्नेसु ।  
 सो मग्गइ दोवि धणेण लहइ घरणिं न उण जणणिं ॥  
 तह वि न मन्नइ जणणिं गुणंधरो केवलं घरिणि-रत्तो ।  
 भणिया जणणीए वहू विरमसु मह कट्ट-गोहूमे ॥  
 भणिउं वहू इमाए काउं बहु मोयगाइ-पक्कन्नं ।  
 दाहं तुह गोहूमे पुत्तो कट्टाई पुण दाही ॥  
 कहियं पइणो तीए जणणी बुडु त्ति महइ कट्टाई ।  
 तेणुत्तं किमजुत्तं विणोसहं चाहि-विगमो त्ति ॥  
 भणिया अणेण जणणी माए कट्टाई मग्गसि तुमं किं ।  
 कूडमिणं बहुयाए एवं होउ त्ति कलिऊण ॥  
 सा भणइ वच्छ ! एवं अन्न-दिणे तेण घरिणि-सहिण्ण ।  
 नीया जणणी पिउवणमत्थमिओ दिणयरो ताव ॥  
 सेसो जणो नियत्तो इमेहिं दोहिं पि विरइया चियगा ।  
 खित्ता य तत्थ जणणी तावग्गी नत्थि वीसरिओ ॥  
 भणिया गुणंधरेणं गिहिणी गेहाउ अग्गिमाणेसु ।  
 सा भणइ गिहं जंती इह चिद्धंती य वीहेमि ॥  
 तो दोवि गयाहं गिहं मरामि किमहं ति चित्तिउं जणणी ।  
 मुत्तूण चियं खिविउं अणाह-मडयं तहिं किं पि ॥  
 सयमाख्खा रुक्खं गुणंधरो गोमई य आगंतुं ।  
 दहिऊण चियं गेहं गयाइं दुत्तिवि पहिट्ठाइं ॥  
 मणि-कणय-भूसणाइं मुसिऊण पुराउ आगया तत्थ ।  
 चोरा दिव्व-वसेणं जणणी जत्थत्थि तरु-चडिया ॥  
 ते विभजिउं पयट्ठा भणिया जणणीइ देह भागं मे ।

नृणं इमा मसाणे रयणीए रक्त्वसी कावि ॥  
 इय भय-विहुरा चोरा नट्टा सुत्तूण सव्वमाभरणं ।  
 तं पुण गहिउं जणणी गया पभाए नियं गेहं ॥  
 ददुं जणणिं पुत्तो बहू य दुन्निवि चमकियाइं मणे ।  
 कहमागय त्ति पुट्टा सा विणय-पुरस्सरं तेहिं ॥  
 तीए कहियं सग्गे गयम्हि तो विम्हिएहिं तियसेहिं ।  
 दिन्नमिणं आहरणं तं वेत्तुं आगयाहमिमा ॥  
 भणियं बहूइ माए तं धन्ना जं सुरेहिं गोरविया ।  
 तीए वुत्तं थेवं गोरविया डोक्करि त्ति अहं ॥  
 जइ छोक्करिं कहवि ते लहंति तो गोरवं कुणंति बहू ।  
 धण-लुट्ठाए बहूइ भणियमहं तत्थ वचिस्सं ॥  
 गहियग्गि-सासुयाए तह पइणा सह गया मसाणम्मि ।  
 बहुया चियं पविट्ठा दड्ढा जलणेण झत्ति मया ॥  
 लहु एही मज्झ पिय त्ति चिंतिरेणं गुणंधरेण पुणो ।  
 पुण पुण भणिया जणणी आगच्छइ गोमई किं न ॥  
 तीए भणियं मग्गेण तेण तुह बल्लहा गया वच्छ ! ।  
 जेण पुणो न नियत्तइ अहं तु कत्थवि तया न गया ॥  
 कहिओ निय-वुत्तंतो य तस्स तेणावि जंपिया जणणी ।  
 तुमए कयमुचियमिणं सढे सढत्तं नहि अजुत्तं ॥  
 लोभाउ धण-निमित्तं चलिया सग्गं पि गोमई मूढा ।  
 पंचत्तं सा पत्ता तमेवमसमंजसं ददुं ॥  
 वेरग्ग-मग्ग-लग्गो गुरु-पासे संजमं पवन्नो सो ।  
 एसो सोहं तव-वस-पसरिय-मणपज्जव-न्नाणो ॥  
 ता भो ! सुबंधु ! तुममवि विवर-पवेसाइणो बहु किलेसे ।  
 काउं वंछसि धण-लोभ-परिगओ तं पुण न जुत्तं ॥  
 देसंतराइं भमडउ पविसउ विवरम्मि लंघउ समुहं ।  
 आरुहउ नहं तहवि हु न पावए किं पि निपुन्नो ॥  
 तो संतोस-परेणं इह परलोए य कुसल-कामेण ।  
 उड्ढाहो-तिरिय-दिसासु गमण-माणं विहेयव्वं ॥  
 तं सोऊण सुबंधू जंपइ धन्नो सुणिंद ! तुममेव ।

जो गोमईइ चरियं दहुं दिक्खं पवन्नोसि ॥  
विसय-विवसो अहं पुण पवज्जं गिण्हउं न सक्केमि ।  
किंचि कय-कुसल-लाहं काहं दिसि-गमण-परिमाणं ॥  
जोयणमेगं मुत्तुं उड्ड-दिसाए मए न गंतव्वं ।  
आजम्ममहो-लोए विवर-पवेसो न कायव्वो ॥  
तिरियं जलनिहि-तरणत्थमप्पणा पवहणे न चडियव्वं ।  
निय-नयराओ जोयण-सयस्स परओ न गंतव्वं ॥  
इय-दिसि-परिमाण-वयं मुणि-पय-मूले सुबंधुणा गहियं ॥  
तो एसो विहवत्थी महीयलं भमिउमाढत्तो ॥  
अगणिय-सरीर-डुक्खो बहु उवाए इमो कुणंतो वि ।  
पत्तो न फलं जेणंतराय-विगमे हवइ सिद्धी ॥  
गाम-नगरागराइसु भममाणेणं स-नियम-सीमंते ।  
पत्तेण तेण चितियमओ परं मे न गंतव्वं ॥  
एत्थंतरम्मि एसो भणिओ एक्केण जोगिणा एवं ।  
भइ ! तुमं किं दिससि विसन्न-चित्तो व्व मे कहसु ॥  
भणियं अणेण भयवं ! दारिहं मे विसाय-हेउ त्ति ।  
तो जोगिणा वुत्तं मह आएसं जह करेसि ॥  
अंक-चडियं व दासि विहेमि ता तुज्ज अणुचरिं लच्छि ।  
भणियं सुबंधुणा कहसु मज्झ जं किं पि करणिज्जं ॥  
अह जोइएण भणियं—इहत्थि पव्वय-तले विवरमेक्कं ।  
तत्थत्थि जक्खिणी सा तुट्ठा घणमिच्छियं देइ ॥  
तत्थ मए सह पविससु, सुबंधुणा जंपियं मए विहिओ ।  
विवर-प्पवेस-नियमो जावज्जीवं गुरु-समीवे ॥  
जोगी जंपइ—गिरिणो इमस्स दो जोयणाहं तुंगस्स ।  
सिहरम्मि कूवियाए सहस्स-वेहो रसो अत्थि ॥  
गिरिमारुहिउं तं दोवि गिण्हमो तेण साहिमो कणगं ।  
भणइ सुबंधू—उड्डं जोयण-परओ मह निवित्ती ॥  
जोगी जंपइ—पवहणमारुहिउं जलहि-पर-तडं जामो ।  
तत्थ खणिऊण रोहण-गिरिम्मि रयणाहं गिण्हेमो ॥  
भणियं सुबंधुणा—पवहणम्मि चडिउं मए जलहि-तरणं ।



पुण्यं पञ्चकलायं, तो भणियं जोगिणा एवं ॥  
 ठाणाउ इमाउ जोयणेहिं वारसहिं अत्थि वित्थिन्नं ।  
 सूरपुरं नाम पुरं तत्थत्थि महाबलो जक्खो ॥  
 सो मग्गिओ समप्पइ थेवेण कलंतरेण भूरि धणं ।  
 गंतूण तत्थ ववहरसु तेण जेणेसरो होसि ॥  
 भणियं अणेण—मह निय-पुराउ जोयण-सयं गमण-विसओ ।  
 तं पुण्णमित्थ तत्तो अओ परं जामि न पयं पि ॥  
 कुविएण व भणियं जोइएण जं जं उवायमक्खेमि ।  
 तं तं तुमं निसेहसि अहो अहन्नोसि निब्भग्ग ! ॥  
 भणियं सुबंधुणा तो पसिऊण सुणेह निच्छयं मज्झ ।  
 नियमेण अभग्गेणं धणं न जइ होइ मा होउ ॥  
 सुक्ख-निबंधणु पंच-दिण धण-लब्धु अहिलसमाणु ।  
 जम्म-परंपर-सुक्खकरु नियमु कु भंजइ जाणु ॥  
 अह चत्त-जोगि-ख्वो रवि-मंडल-भासुरो सुरो होउं ।  
 सो जंपिउं पवत्तो तुमं महासत्त ! धन्नोसि ॥  
 जम्मि समयम्मि तुमए मुणि-पय-मूले दिसि-व्वयं गहियं ।  
 जक्खो गोमुह-नामो अहं पि तत्थेव आसि तया ॥  
 किं अत्तत्थ-धणत्थी निय-नियमं पालिही नवा एसो ।  
 इय चित्तिऊण विहिया मए परिक्खा इमा तुज्झ ॥  
 तो अविचलेण सत्तेण तुज्झ तुट्ठो अहं इमं देमि ।  
 कणयस्स लक्खमिक्कं गिण्ह तुमं जंपइ सुबंधू ॥  
 कह नेमि नियय-गेहं इक्कोहं कंचणं इमं जक्ख ! ।  
 तो जक्खेणुक्खविउं खणेण सो निय-वरं नीओ ॥  
 कणगं समप्पिउं से जामि त्ति पयंपियं गओ जक्खो ।  
 विम्भिहय-मणो सुबंधू दट्ठुं धम्म-प्पभावमिणं ॥  
 पुज्जइ जिणं तिसंझं मुणीण दाणं निरंतरं देइ ।  
 सयल-सुहि-सयण-मग्गण-मणोरहापूरणं कुणइ ॥  
 इय दिसि-परिमाण-वयस्स पेक्खिउं सो इहावि माहप्पं ।  
 सेसाइं पि वयाइं गुरु-पय-मूलम्मि पडिबन्नो ॥  
 पज्जंत-कयाणसणो चित्तव्भंतर-फुरंत-परमेट्ठी ।

मरिचं गओ सुबन्धू सगं च कमेण मोक्खं च ॥

इति दिग्गते सुबन्धुकथा ।

धीयं गुण-व्वयं पुण भोयणओ कम्मओ य होइ दुहा ।

तं भोयणओ भोगोवभोग-माणं विहेयव्वं ॥

सइ भुज्जइ त्ति भोगो सो पुण आहार-पुप्फमाईओ ।

उवभोगो य पुणो पुण उवभुज्जइ भुवण-विलयाई ॥

असणस्स खाइमस्स य विरइं कुज्जा निसाइ जा जीवं ।

सुहु-मज्ज-मंस-भक्खण-पमुहाण य सव्वहा नियमं ॥

पनरस-कम्मादाणाइं कोट्टवालाइणो नियोगा य ।

तं कम्मओ पणीयं तत्थ करिज्जा बुहो जयणं ॥

पुरुषः पालयन् भोगोपभोगव्रतमावृतः ।

जयद्रथ इवाभीष्टं लभतेऽत्रापि जन्मनि ॥

तद्यथा भारतक्षोणीरमणीमणिकङ्कणम् ।

सुवर्णनिकराकीर्णमस्तिरत्नपुरं पुरम् ॥

यत्र त्रासः कुमणिषु सरोगतवमम्भोजखण्डे

दण्डच्छत्रेष्वलिकफलकेऽलीकशब्दप्रवृत्तिः ।

चन्द्रापत्ये विधुतनयता मारवाक् पुष्पचापे

नद्यां रोधस्तरुषु कलिकोपक्रमो न प्रजासु ॥

तस्मिन् धनरथो राजा रणे यत्तरवारिणा ।

कृतवैरियशोहंसप्रवासेन घनायितम् ॥

तस्य काञ्चनगौरस्य श्रीदेवी नाम देव्यभूत् ।

विष्णुं कृष्ण इति त्यक्त्वा या वभौ श्रीरिवागता ॥

तया सार्धं स भुज्जानो भोगान् शच्येव वासवः ।

निर्भरानन्दनिर्मग्नो गमयामास वासरान् ॥

अन्यदा सुपुत्रे पुत्रं श्रीदेवी दिव्यदर्शनम् ।

तस्य ऋद्ध्या नृपो नाम जयद्रथ इति व्यधात् ॥

पारीणः सर्वशास्त्राणां धुरीणः सर्वशस्त्रिणाम् ।

क्रमेण वर्द्धमानोऽसावजनिष्ट जयद्रथः ॥

स स्त्रीनेत्रमृगक्रीडावनं यातेऽपि यौवनम् ।

नादध्रे भूभुजां पुत्रीः परिणेतुमुपस्थिताः ॥

कदाचिद्राजपुत्रोऽसौ पुत्रजन्ममहोत्सवे ।  
 मन्त्रिणा मन्त्रगुप्तेन भोजनार्थं न्यमन्त्रयत ॥  
 समये तद्गृहं गत्वा स सर्वरसपेशलाम् ।  
 भोक्तुं रसवतीं यावत् निषण्णः कनकासने ॥  
 तावत्तत्र मुनिः कश्चिन् मासक्षपणपारणे ।  
 भिक्षार्थं क्षमिणां धुर्यो धर्मो मूर्त्त इवागमत् ॥  
 तं दृष्ट्वेन्दुमिवोदुन्वान् समुल्लासमुपागतः ।  
 तस्मै निष्पापमाहारं मन्त्री पुण्यमतिर्ददौ ॥  
 मांसानि घोलवटकानन्तकायानि चोत्क्षिपन् ।  
 दातुं दत्तावधानेन साधुना स न्यपिध्यत ॥  
 मन्त्रिणा प्रणतः साधुर्निर्गतः स्वाश्रयं ययौ ।  
 कुमारो भोजनं कृत्वा मन्त्रिणं पृष्ठवानिदम् ॥  
 मांसादीन्यग्रहीयन्न मुनिः किं तत्र कारणम् ।  
 मन्त्र्यूचे देव ! नो वेद्मि न चाप्राक्ष्यं मुनिं तदा ॥  
 यद्येपि त्वं तदा गत्वा पृच्छामः साम्प्रतं मुनिम् ।  
 कुमारोऽवोचदीदृक्षा द्रष्टव्याः परमर्षयः ॥  
 इत्युक्त्वा मन्त्रिणा सार्धं स मुनेराश्रमं ययौ ।  
 मुनिं नत्वा पुरस्तस्य प्राञ्जलिर्निषसाद् च ॥  
 साधुरुग्रभवदावसमुत्थं विप्लवं प्रशमयंस्तनुभाजाम् ।  
 कर्तुमारभत मन्त्रनिनादो देशनामृतवृष्टिमिवाब्दः ॥  
 आर्यदेशकुलरूपबलायुर्वुद्विवन्द्युरमवाप्य नरत्वम् ।  
 धर्मकर्म न करोति जडो यः पोतमुज्झति पयोधिगतः सः ॥  
 कुमारोऽवसरेऽपृच्छत् किं त्वं मन्त्रिगृहं गतः ।  
 मांसादीन्यतिहृद्यानि दीयमानानि नाग्रहीः ॥  
 मुनिनोक्तं कुमारास्तां मुनीनां गृहिणामपि ।  
 जिनैर्निषिद्धं मांसादि व्रते भोगोपभोगयोः ॥  
 कुमारोऽवोचदाचक्ष्व मुने ! तत्कीदृशं व्रतम् ।  
 भोगोपभोगयोः सर्वं स्वरूपं तस्यासावब्रवीत् ॥  
 ततोऽसौ भोगयोग्यानां वस्तूनामकरोन्मितिम् ।  
 तत्याजाजन्म भोगार्थं रात्रावशनखादिमे ॥

मधुमांससुरादीनां नित्यं विरतिमग्रहीत् ।  
 उपभोगार्हवस्तूनां मानं कुर्वन्नसौ पुनः ॥  
 एकैव स्त्री ममाजन्म भोग्येति प्रत्यपचत ।  
 जगृहे गृहिणां धर्मो मन्त्रिणा साधुसन्निधौ ॥  
 उभावपि मुनिं नत्वा सद्धर्मप्रतिपत्तिः ।  
 धन्यं मन्यौ मुदापूर्णौ स्वं स्वं गेहमगच्छताम् ॥  
 अथ रात्रौ पितुः पादान् पर्युपास्य जयद्रथः ।  
 अङ्गरक्षपरिक्षितः प्रसुप्तः स्वनिकेतने ॥  
 अरे ! गृहीत गृहीत हेति हत हतेति सः ।  
 जल्पन्निशीथे पल्यङ्गादाकर्षन् खड्गमुत्थितः ॥  
 तस्यैवं शब्दमाकर्ण्य पश्यद्भिः पत्तिभिर्दिशः ।  
 ददृशे केसरी साक्षात् कृतान्त इव भीषणः ॥  
 निजाङ्कमृगनिर्भेदभीतेन प्राभृतीकृताः ।  
 कला इव मृगाङ्गेण यो दंष्ट्राः कुटिला ददौ ॥  
 हस्तिभ्रान्त्याहतान्मेघादासैरिव तडिद्गुणैः ।  
 कडारैः केसरैः कीर्णं स्कन्धदेशमुवाह यः ॥  
 तं हन्तुं पत्तयो यावत् करवालानुदक्षिपन् ।  
 निश्चक्राम मृगारातिस्तावत्तूर्णपदक्रमः ॥  
 पत्तिभिर्वार्यमाणोऽपि कुमारस्तस्य पृष्ठतः ।  
 ययौ शीघ्रमुभौ प्राप्तौ पुरप्राकारसंनिधिम् ॥  
 वप्रं बद्धप्रतोलिकं ललङ्घे फालया हरिः ।  
 विद्युदुत्क्षिप्तनाम्नाऽऽशुकरणेन नृपात्मजः ॥  
 प्राकारलङ्घनाशक्ता निवृत्ताः पत्तयः पुनः ।  
 अमुं कुमारवृत्तान्तं जवाद्राज्ञे व्यजिज्ञपत् ॥  
 कुमारान्वेषणं कर्तुं शोकमस्तोकमुदहन् ।  
 चतुरङ्गचमूयुक्तः क्षमापत्तिर्निर्गाद् गृहात् ॥  
 कुमारपदचिह्नेन पथा गच्छन्बहिः पुरात् ।  
 वैरोढ्या भवनेऽद्राक्षीत् कुमारं पतितं नृपः ॥  
 भूपः समुच्छलन्सूच्छासमुच्छादितचेतनम् ।  
 सद्यः शीतोपचारेण किञ्चित् स्वस्थीचकार तम् ॥

जगाद् च निवर्तस्व वत्स ! यामो निजं गृहम् ।  
 सोऽवदज्जीवितं धर्तुं नाहं क्षणमपि क्षमः ॥  
 किं नीतेन मया तस्मात्स्वामित्रत्रैव पावकम् ।  
 प्रवेक्ष्यामि पुरो देव्यास्ततो रचय मे चिताम् ॥  
 को हेतुर्जीवितं धर्तुं न क्षमोऽसीति जल्पितः ।  
 मुहुः पित्रा कुमारोऽभून्नपयाऽवनताननः ॥  
 हियाऽसौ कारणं वक्तुं न शक्त इति चिन्तयन् ।  
 कथयास्मै स्वमित्रायेत्यूचे राजा जयद्रथम् ॥  
 सोऽवोचच्छ्रूयतां मित्र ! निशीथे जाग्रता मया ।  
 दृष्टाऽद्य पुरतो बाला काचिल्लोचनरोचना ॥

शरच्चन्द्राम्भोजोत्पलकलशकुन्दप्रभृतयो  
 भजन्ते येऽन्यस्त्रीवपुरवयवानामुपमितिम् ।  
 त एवास्यास्तेषां निखिलभुवनासम्भवरूपां  
 पुरस्ताद्विन्यस्ता दधति नियतं किङ्करकलाम् ॥  
 विवृत्तशफराङ्गनालवणिमानमातन्वती-  
 स्तथा मयि मुमोच सा सरभसं कटाक्षच्छदाः ।  
 विजृम्भितरतिभ्रमो रतिपतिर्मुहुर्मां हृदि  
 कुधेव निशितैः शरैः प्रववृते प्रहर्तुं यथा ॥  
 कथय कमलवक्त्रे ! का त्वमत्रागता वा  
 किमिति मृदुवचोभिर्वच्यहं यावदेताम् ।  
 निभृतपदमकस्मादेत्य सिंहेन तावत्  
 झगिति कवलितैषा राहुणेवेन्दुलेखा ॥  
 तद्वार्थं गृहीतासिरुत्थितोऽहं स निर्गतः ।  
 तस्याहं पृष्ठतो लग्नः सोत्रागत्य गतः क्वचित् ॥  
 स्त्रियास्तस्या विपत्तिर्मे जीवितत्यागकारणम् ।  
 कथितस्तेन मित्रेण वृत्तान्तोऽयं महीभृतः ॥  
 राज्ञोक्तं सा विपत्तेति विषादं वत्स ! मा कृथाः ।  
 यदन्या अपि विद्यन्ते भूपकन्या मनोहराः ॥  
 किं च लज्जावहं बहिःप्रवेशासद्ग्रहं त्यज ।  
 युक्तो नात्मबधः कर्तुं स्त्रीकृते कृतिनां यतः ॥



स्त्रीसिंहदर्शनं रात्रौ मायाप्येषा वितर्क्यते ।  
 दुर्घटस्तत्प्रवेशो हि मन्दिरे पत्तिभिर्वृते ॥  
 तदागच्छ गृहं वत्स ! मावधीर्मां स्वन्त्युना ।  
 जायन्ते जीवतः पुंसः कल्याणान्यखिलानि हि ॥  
 सोऽवोचत्सम्भवत्येषा तात ! मायापि किं त्विमम् ।  
 घृत्तान्तं देवतां पृष्ट्वा करिष्ये यदिहोचितम् ॥  
 कुरु प्रसादमन्त्रार्थं विघ्नं मे तात ! मा कृथाः ।  
 इत्युक्त्वा पुरतो देव्या निपपात जयद्रथः ॥  
 प्रधानपुरुषान् मुक्त्वा तत्पार्श्वेऽगाधृपो गृहम् ।  
 किमन्यच्छक्यते कर्तुं मानुषे हि दृढाग्रहे ॥  
 सत्त्वाधारं निराहारं कुमारं कृतनिश्चयम् ।  
 सप्तमाहर्निशि प्रोचे प्रत्यक्षीभूय देवता ॥  
 भोः ! कुमार ! किमर्थं मानाराधयसि ?, सोऽब्रवीत् ।  
 देवि ! स्त्रीसिंहघृत्तान्तं वद मे, देव्यचीकथत् ॥  
 अस्ति स्वस्तिमती नाम पुरी पारेपरेऽम्बुधेः ।  
 योजनानां सहस्राणि सा बहूनि भवत्यतः ॥  
 तां प्रशास्ति नृपः शूरो राजराज इवालकाम् ।  
 न्यायविक्रमधर्माणामेको यः केलिमन्दिरम् ॥  
 तस्यास्ति विजयादेवी स्मरस्येव रतिः प्रिया ।  
 सा रूपनिर्जितश्रीकां श्रीमतीं सुषुवे सुताम् ॥  
 सा क्रमादक्रमाधीतकला प्राप्तापि यौवनम् ।  
 पुरुषद्वेषिणी केनाप्युद्धाहं सह नेच्छति ॥  
 ततश्चिन्ताब्धिनिर्मग्नो यावदस्ति धराधिपः ।  
 तावन्नैमित्तिकः कश्चिदागमद् व्योमवर्त्मना ॥  
 तं निवेश्यासने हैमे सत्कृत्य च नृपोऽब्रवीत् ।  
 श्रीमत्या मत्सुतायाः को भावी भर्तॄन्ति कथ्यताम् ॥  
 सोऽप्युवाच सहस्रेषु योजनानां बहुष्वितः ।  
 पुरन्दरपुरप्रख्यमस्ति रत्नपुरं पुरम् ॥  
 तस्मिन् घनरथो राजा तस्य स्रुजयद्रथः ।  
 सोऽस्याः पूर्वभवे भर्ता स एव स्यादिहापि च ॥

किंवेतयोर्विधाहेच्छा स्यात्परस्परदर्शने ।  
 राज्ञोक्तमनयोस्तत्त्यादियद्दरस्थयोः कथम् ॥  
 अथैव निशि कुष्माण्डी देवी तत्कारयिष्यति ।  
 द्वादशेऽहिं विवाहं च तदाराधय तां नृप ! ॥  
 इत्युक्त्वाऽगाग्निमित्तज्ञो राज्ञाऽऽराध्यत देवता ।  
 प्रत्यक्षीभूय साऽवोचत् किं कार्यं नृप !, सोऽवदत् ॥  
 जयद्रथकुमारस्य श्रीमत्याश्च परस्परम् ।  
 यथा स्याद्दर्शनं देवि ! तथा मे कुर्वन्नुग्रहम् ॥  
 स्ववाहनहरिर्देव्या नियुक्तः श्रीमतीमिह ।  
 आनीय दर्शयित्वा त्वां पुनस्तत्रैव नीतवान् ॥  
 इति स्त्रीसिंहवृत्तान्तः कुमार ! कथितस्तव ।  
 तेनोक्तं देवि ! तत्राहं यथा यामि तथा कुरु ॥  
 मांसं समर्प्य वैरोढ्या प्रोचे भुङ्क्ष्व इदित्यदः ।  
 नभोगमनसामर्थ्यं येन स्यादद्भुतं तव ॥  
 सोऽवददेवि ! मांसस्य प्रत्याख्यानमहं व्यधाम् ।  
 देव्योक्तमधुनैवेदं तद्भि भक्षय दाडिमम् ॥  
 अस्य प्रभावाद्येन त्वं तत्र गत्वा निवर्तसे ।  
 तेनोक्तं कथमग्नीदं विरतो रात्रीभोजनात् ॥  
 दिव्यकन्यां पुरस्कृत्य कुमारं देवताऽवदत् ।  
 एतामुद्वह येन स्यास्त्वं खेचरशिरोमणिः ॥  
 तेनोचे मैवमादिक्षः कन्यां यद्युद्वहाम्यहम् ।  
 श्रीमत्युद्वहवाञ्छा मे व्रतभङ्गाय जायते ॥  
 एकैव ह्यस्तु मे पत्नीत्युपभोगव्रतं व्यधाम् ।  
 ततः क्रुधेव वैरोढ्या वस्तुमेवं प्रचक्रमे ॥  
 न करोषि ममादेशं स्वार्थमर्थयसे च यत् ।  
 तन्मूर्खोऽसि प्रभोर्वामः फलं कोऽप्यश्नुते नहि ॥  
 तेनोक्तं देवि ! कुर्वेऽन्यदुःसाधमपि ते वचः ।  
 व्रतभङ्गो पुनर्येन स्यान्न तत्कारुण्यस्तदे ॥  
 इत्यालोच्य व्रते दारुणं वैरोढ्या तुष्टमानसा ।  
 कुमारस्यार्पयामास गुटिके द्वे जगाद च ॥

करिष्यति मुखे क्षिप्ता तवैका व्योमगामिताम् ।  
 द्वितीया त्वीप्सितं रूपमित्युक्त्वा देवता ययौ ॥  
 कुमारः पश्यतां पुंसां गुटिकायाः प्रभावतः ।  
 उत्पत्य क्षणमात्रेण पुरीं स्वस्तिमतीमगात् ॥  
 श्रीपुञ्जश्रेष्ठिनो हृद्रे निपसाद जयद्रथः ।  
 पृष्टस्तेन कुतः को वा त्वं महात्मन्निहागतः ? ॥  
 कुमारो जल्पतिस्मात्र प्राप्तो रत्नपुरादहम् ।  
 कौतुकेन भुवं भ्राम्यन् राजपुत्रो जयद्रथः ॥  
 स्थातव्यं मद्गृहे भद्र ! पितुर्गृह इव त्वया ।  
 इत्युक्त्वा तं गृहे नीत्वा श्रेष्ठी स्नानाद्यकारयत् ॥  
 तद्रूपालापशीलाद्यैः कुटुम्बं श्रेष्ठिनोर्व्यधात् ।  
 कुमारे तत्क्षणात्प्रीतिः गुणाः प्रेम्णो हि कारणम् ॥  
 श्रेष्ठिपुत्री विशेषेण स्वसेव प्रीतिमत्यभूत् ।  
 द्वितीयेऽहि कुमारेण सा पृष्टा सादरं प्रगे ॥  
 स्वसः ! किमद्य राज्ञौ त्वं न दृष्टाऽथ जगाद सा ।  
 ममास्ति श्रीमती नाम भ्रातर्भूपसुता सखी ॥  
 तत्पार्श्वेऽहं स्थिता राज्ञौ, सोऽवोचन्नय तत्र माम् ।  
 साऽवदद्रीक्षते नैषा पुरुषद्वेषिणी नरम् ॥  
 तेनोक्तं रमणीरूपं करिष्ये साऽभ्यधात्ततः ।  
 एवमस्त्विति तत् कृत्वा सोऽगात् तत्र तया समम् ॥  
 उवाच श्रीमती केयं सखि ! श्रेष्ठिसुताऽवदत् ।  
 मत्सखीयं कलास्तस्याः कापीत्यूचे नृपात्मजा ॥  
 श्रेष्ठिपुत्री जगादैवं वेत्त्येषा सकलाः कलाः ।  
 तदा च श्रीमती हंसीं विद्युक्तां फलकेऽलिखत् ॥  
 तां जयद्रथ इत्यूचे त्वया विरहपीडिता ।  
 लिखितेयं परं नास्यास्तादृग् दृष्टयादि दृश्यते ॥  
 तर्हि त्वमालिखेत्युक्त्वा फलकं वर्णकैः सह ।  
 जयद्रथकुमाराय राजपुत्री समर्पयत् ॥  
 लिखित्वा तादृशीं सद्यो राजहंसीं जयद्रथः ।  
 श्रीमत्यै दर्शयामास तां सा दृष्ट्वैवमब्रवीत् ॥

आश्चर्यं चित्रचातुर्यं चित्ताभिप्रायसूचकम् ।  
 तथा ह्यस्या दृशोर्युग्मं वाष्पविन्दूनि च क्षरत् ॥  
 प्रम्लानमाननं चञ्चूः शिथिलात्तनृणालिका ।  
 ग्रीवाऽतीव श्लथः पक्षद्वन्द्वमुत्पतनाक्षमम् ॥  
 शून्यं चेदमवास्थानमवस्थां विरहातुराम् ।  
 आख्याति व्यस्तमेतस्या अनाख्यातामपि स्वयम् ॥  
 कलाविदीदृशी कस्मादियत्कालं सखि ! त्वया ।  
 नानीतेयं गृहे क्षित्वा निधानमिव किं घृता ॥  
 इत्यादिभिर्विनोदैस्तास्तस्थुः प्रीतिपराश्विरम् ।  
 श्रेष्ठिपुत्री कुमारश्च भोक्तुं स्वं सन्न जग्मतुः ॥  
 ( ततः स्वं सदनं गत्वा विलम्ब्य च कियच्चिरं ॥ —पाठान्तरम् )  
 मध्याह्नेऽगमदेकाकी स्त्रीरूपेण जयद्रथः ।  
 श्रीमत्याः पार्श्वमालापैः क्षणं नीत्वा जगाद् ताम् ॥  
 रमणी रमणीयाऽपि विना पतिपरिग्रहम् ।  
 ऋते सुवर्णसम्बन्धं मणीव न विराजते ॥  
 ततः कश्चिज्जगत्त्रेयानन्दनं नृपनन्दनम् ।  
 विशालकुलसम्भूतं परिणेतुं त्वमर्हसि ॥  
 राजपुत्री जगादैवं पूर्वं रूपादिभिर्गुणैः ।  
 आत्मतुल्यमपश्यन्ती मर्त्यं कमपि नाश्रयम् ॥  
 पश्चाद्वैमिक्तिकादिष्टदेवताराधनावशात् ।  
 स मयाऽदर्शि यश्चित्ते दङ्कोत्कीर्ण इव स्थितः ॥  
 लोकोत्तरगुणाधारं दूरस्थमपि तं विना ।  
 न शक्नोमपि भर्तारं कर्तुमिच्छति मे मनः ॥  
 उवाचैवं कुमारस्त्री यथैवं यौवनं तव ।  
 भोगशून्यं वृथारण्ये मालत्या मुकुलं यथा ॥  
 दविष्टः स यतस्तस्य पक्षौ नोत्पतनक्षमौ ।  
 न नभोगामिनी विद्या कथं स्यात्तेन सङ्गमः ॥  
 चल्लभे दुर्लभे सुभु ! कुरुष्वान्यमपि प्रियम् ।  
 किं हि शाल्योदनालाभे भुज्यते न युगंधरी ॥  
 वभापे श्रीमत्या न पतिमुचितं यद्यपि लभे

तथाप्यन्यं कर्तुं कथमपि न मे बाञ्छति मनः ।

कचित् किं न प्राप्तं श्रवणपथमाख्यानकमिदं

वरं शून्या शाला भवतु न पुनस्तस्करभृता ॥

तथा देव्या विवाहो मे कथितो द्वादशे दिने ।

दशाहानि गतान्यद्य द्वे दिने तिष्ठतोऽधुना ॥

तयोर्मध्ये विवाहार्थं ध्रुवमेप्यति मे प्रियः ।

सत्या हि देवतावाणी वामं स्फुरति चाक्षि मे ॥

ममाङ्गं त्वत्करस्पर्शात् किं च रोमाश्चमञ्चति ।

त्वद्वक्रदर्शनादन्यत्कामयेते न लोचने ॥

त्वद्वाक्येनामृतेनेव सिक्तमुज्जृम्भते मनः ।

तदहं तर्कयान्येवं स्त्रीरूपेण त्वमेव सः ॥

तं किं प्रत्यभिजानासि त्वमित्याख्यज्जयद्रथः ।

हसित्वा श्रीमती प्रोचे किमत्रार्थेऽपि संशयः ॥

कृष्ट्वाऽसौ गुटिकां वक्त्राज्जातः सहजरूपभृत् ।

तं दृष्ट्वा विकसच्चक्षुः श्रीमती विस्मिताऽवदत् ॥

अद्य पुण्यद्वमो नाथ ! फलितो मे त्वदागमात् ।

त्वन्निमित्तमित्यत्कालं धृताः प्राणाः कुर्वन्वितम् ॥

किन्तु त्वं कथमायातस्तत्र हेतुं जयद्रथः ।

देव्याराधनमाख्याय जगाम श्रेष्ठिमन्दिरम् ॥

राजा विदितवृत्तान्तो द्वितीयेऽहिं जयद्रथम् ।

गौर्यैव हिमवानीशं श्रीमत्या पर्यणाययत् ॥

दिनानि कतिचित्तत्र स्थित्वा प्रीतिपुरस्सरम् ।

गृहीत्वा श्वसुरानुज्ञां श्रीमतीं च जयद्रथः ॥

गुटिकायाः प्रभावेण व्योम्ना स्वपुरमगमत् ।

परितोषं परं पित्रोः शुचाविधुरयोर्व्यध्यात् ॥

इति घनरथ-पुत्रः प्राप भोगोपभोग-

व्रतविरचितचित्तश्चिन्तितं वस्तिवहापि ।

अयमधिगतमर्त्यामर्त्यशर्मा क्रमेण

श्रुतिसकलकर्मा लप्स्यते मोक्षलक्ष्मीम् ॥

इति भोगोपभोगव्रते जयद्रथकथा ॥



दोस-भुयंग-करंडो अणत्थ-दंडो अणत्थ-हुमसंडो ।  
जं तस्स विरमणत्थं तं वदंति गुण-व्वयं तह्यं ॥  
तणु-सयण-घराईणं अत्थे जं जंतु-पीडणं दंडो ।  
सो होइ अत्थ-दंडो अणत्थ-दंडो उ विवरीओ ॥  
पावोवएस-अवज्झाण-हिंस-दाण-प्पमाय-भेएहिं ।  
चउहा अणत्थ-दंडो अणंत-नाणीहिं निदिद्धो ॥  
करिसण-वणिज्ज-हय-वसण-छेय-गोदमण-पमुह-पावाण ।  
जो उवएसो कीरइ परस्स पावोवएसो सो ॥  
वरिसंतु घणा मा वा, मरंतु रिउणो, अहं निवो होअ ।  
सो जिणउ, परो भज्जउ, एवं चित्तणमवज्झाणं ॥  
हल-मुसलुकखल-सगडगि-खग-धणु-वाण-परसु-पमुहाणं ।  
हिंसा-निबंधणाणं समप्पणं हिंसदाणमिणं ॥  
जं मज्ज-विसय-विकहाइ-सेवणं पंचहा प्रमाओ सो ।  
अह व वय-हुद्ध-तेल्लाइ-भायण-च्छायणालस्सं ॥  
कय-परपीडमसंबद्ध-भासणं वज्जरंति मोहरिअं ।  
तं पुण अणत्थ-दंडस्स पढममंगं ति मोत्तव्वं ॥  
होइ वयणं सुयंधं महुरो सद्दो तह त्ति जं भणियं ।  
आणं कुणंति त्तियसावि तस्स जो चयइ मुहरत्तं ॥  
वज्जिय-अणत्थ-दंडो खंदो जाओ निवो पुरिस-वंदो ।  
मोहरियं काउं किंचि रुइ-जीवो दुहं पत्तो ॥

तं जहा—

अत्थि अंग-जणवयावयंस-कप्पा चंपा नयरी ।  
बहु-पोय-वाणियाणीय-रयण-लोभेण आगओ जलही ।  
पायार-हय-पवेसो रेहइ परिहा-मिसेण जहिं ॥  
तत्थ समुल्लसिय-लोय-लोयणाणंदो कुरुवंदो राया ।  
रिउ-रमणी-आणण-काणणेषु विलसंत-पत्तवल्लीओ ।  
नीयाउ खयं तरवारि-वारिणा जस्स अच्छरियं ॥  
तस्स सयलंतेउर-तिलय-कप्पा वप्पा देवी ।  
जीए सरीर-लच्छि नियच्छिउं अत्थि अच्छरिय-भूयं ।  
अच्छंति अच्छराओ समच्छराउ व्व छप्पाओ ॥

तीए पडिपुन-चंद-सुविणय-सुइओ समुप्पन्नो पुत्तो । कयं रत्ता गरु-  
य-रिद्धिए वच्चावणयं । सुविणाणुसारेण निम्मियं से पुरिसचंदो त्ति नामं ।  
सो पइदिणं पवड्डमाणो कमेण कय-जणाणंदो चंदो व्व जाओ सयल-कला-  
कलाव-कुसलो । पत्तो पगरिसं गीय-कलाए । पवन्नो मणुन-लावन्न-पुनं ता-  
रुनं । अन्नया पयट्ठो वसंत-सजओ ।

जस्सि दाहिण-मारुओ पसरए कामानलुदीवणो  
देहं चच्चइ चंदणेण घुसिणं मुत्तूण इत्थी-यणो ।

हेमालंकरणो व्व मंजरि-जुओ चूओफ़रो छजए

माणं माणवईण कोइल-रवो निव्वासए सव्वओ ॥

तत्थ विसेसुज्जल-नेवत्थ-सच्छाय-काय-च्छवीहिं वयंसएहिं परिगओ  
गओ कुमारो मणोरमुज्जाणं । पयट्ठो विविह-विणोएहिं कीलिडं ।

मुत्तुं तरु-कुसुमाइं अदब्भ-सोरब्भ-वासिय-दियंतं ।

सुह-पवण-परिमलमणुसरंति भमरा कुमारस्स ॥

अह कोउगेण कुमरो किंनर-सर-सुंदरेण सहेण ।

अन्नन्न-वन्न-संदोह-संगयं गायए गीयं ॥

तं गीयं गायंतं दट्ठं पप्फुल्ल-लोयणो लोओ ।

मन्नइ अमय-रसेण व सित्तं सव्वंगमप्पाणं ॥

कुमरो मणहर-रुवो गीयं महुुर-स्सरेण गायंतो ।

कस्स न हरेइ चित्तं जहा सुवन्नं च सुरहिं च ॥

तस्स गुण-रयण-निहिणो अणन्न-सरिसेहिं रुव-गीएहिं ।

रमणीउ विसेसेणं अवहिय-हिययाउ जायाओ ॥

तो जत्थ जत्थ कुमरो परिसक्कइ तत्थ तत्थ तप्पभिइं ।

परिचत्त-सयल-कज्जंतराउ तरुणीउ धावंति ॥

इमं असमंजसं दट्ठूण विन्नत्तो नायरएहिं राया-देव ! जइवि निद्धोसो  
कुमारो तहवि तग्गुणेहिं हय-हियओ नयर-नारीयणो न सम्मं वट्ठेइ । ता तहा  
क्कयव्वं देवेण जहा कुमारो भवणव्भंतरे चेव चिट्ठइ त्ति । तओ रत्ता भणिओ  
सो—वच्छ ! बाहिं भमंतस्स कलव्भासो न होइ त्ति, गिहे चेव चिट्ठसु तुमं ।  
तहेव तं काउमाढत्तो कुमारो । कयाए कत्तो वि निरोह-निमित्तमत्तणो सु-  
णिऊण सिहो व्व पंजरत्थो एवं किच्चिं चिट्ठिस्सामि त्ति चिंतंतो खग्ग-वीओ  
निग्गओ नयराओ । परिव्भमंतो पत्तो पारियत्त-विसयं । ठिओ गाम-देउले ।

एस्थंतरे अत्थंगयं गवण-लच्छि-मणि-कुंडलं मत्तंड-मंडलं । वियंभियं भमर-  
माला-सामलं तिमिर-पडलं । दिट्ठो कुमारेण नाइदूरे कणय-पुंजो व्व जलंतो  
जलणो । गओ सो तत्थ कोउगेण । पेच्छए धाउं घम्मंते धाउवाइगे । पडउ  
वसुहार त्ति जंपियं अणेण । तेहिं भणियं सागयं ति । उवविट्ठो ताण समीवे  
कुमरो । छूढो तेहिं जोगो सो कुमार-प्पभावेण वंतरेहिं न अवहरिओ त्ति  
जाया कणग-सिद्धी ।

तो धाउवाइगेहिं विचिंतियं सुपुरिसस्स एयस्स ।  
एस पभावो सिद्धं चिराउ जं कंचणं अज्ज ॥  
गिण्हसु इमं ति भणिओ कुमरो कहिज्जण तेहिं सम्भावं ।  
तं तेण ताण दिद्धं इमा उदाराण जं पयई ॥  
तेहिं उदारत्तणओ सुणिओ सो एस राय-पुत्तो त्ति ।  
छन्नोवि परिमलेणं कहिज्जइ किं न कप्पूरो ॥  
तो विन्नत्तो कुमरो इमेहिं अम्हाण देसु ओलग्गं ।  
दिद्धा इमाण सा तेण ते वि उलग्गिउं लग्गा ॥  
भणिया कुमारेण इमे इण्हि तुम्हाण किं किलेसेण ।  
सोऊण पुरिसचंदं नरिंदमिज्जइ दुयं तुम्हे ॥  
अह सो परिब्भमंतो कमेण कंषिल्लमागओ नयरं ।  
नय-रंजिय-जण-निवहो नराहिवो तस्स नरसीहो ॥  
तस्स त्थि सुया सुर-सुंदरि व्व सोहग्गसुंदरी नाम ।  
रूवाइ-गुणव्भहिया न खिवइ दिट्ठि पुरिसमेत्ते ॥  
लोयम्मि पुरिस-विद्देसिणी त्ति तत्तो गया पसिद्धिं सा ।  
तीइ गवक्ख-ठियाए दिट्ठो कुमरो परिभमंतो ॥  
पच्चक्ख-कामदेवो इमो त्ति भत्तीइ रायपुत्तीए ।  
तं अच्चिउं विमुक्का कुवलय-माल व्व निय-दिट्ठी ॥  
कुमारेण वि सा दिट्ठा रूवेण रह व्व धिम्मिय-मणेण ।  
तीए भावो धावीइ लक्खिओ संनिहि-ठियाए ॥  
को कत्थ व एस ठिओ त्ति जाणगत्थं इमीइ निय-धूया ।  
पट्टविया सोवि ठिओ देवउल-गवक्खगे गंतुं ॥  
अनीहमानोऽपि बलाददेशज्ञोऽपि मानवः ।  
स्वकर्मवातोत्पातेन नीयते तत्र यत्फलम् ॥

सो लिहइ सिलोगमिमं गवक्खगे तम्मि अद्ध-लिहियम्मि ।  
 पडिया खडिया तत्तो कुमरेण पसारिउं इत्थं ॥  
 अप्पसु इमं ति भणियं तो अप्पइ तस्स चित्त-पुत्तलिया ।  
 पुत्त-प्पभावओ सा अहिट्ठिया देवयाइ जओ ॥  
 तं धावि-सुया दडूण विम्भिया कहइ नियय-जणणीए ।  
 सावि नरिंद-सुयाए कहिउं पुच्छइ किमेयं ति ॥  
 सा भणइ राय-पुत्तो खु एस आसन्न-रज्ज-लाभो य ।  
 अन्नस्स एरिसी नहि पयईइ विणीय-परिणयया ॥  
 भणियं धावीइ न इत्थ संसओ जं तए वि ससिणेहं ।  
 सो सच्चिविओ नहि रमइ कहवि हंसी विणा हंसं ॥  
 राय-सुयाए भणियं लिहियं किं तेण तो गवेसेउं ।  
 धावीए कहियं से वज्जरियं राय-धूयाए ॥  
 आसन्नं च फलंतरमिमस्स एवं विहेण लिहणेण ।  
 धावी भणइ तुमं सो परिणेही किं फलं अन्नं ॥  
 एवं तकेमि अहं राय-सुया लज्जिया सपरितोसं ।  
 इत्थंतरे वियरिओ मत्त-करी खंभसुक्खणिउं ॥  
 असमंजसमाढत्तो काउं अवगणिय-मिठ-पडियारो ।  
 भंजिउमिमो पयटो कल्लगंतेउरावासं ॥  
 आउलमणेण रत्ता भणिउं जो सक्कए इमं वेत्तुं ।  
 सो गिण्हउ त्ति सोउं गय-पासं आगओ कुमरो ॥  
 सो विज्जुत्ति-करणेण रायहत्थिम्मि तम्मि आख्खो ।  
 वच्चासणो य गहिऊण अंकुसं तं वसीकुणइ ॥  
 उवलत्तिखऊण केणावि बंदिणा पढियमेत्थ समयम्मि ।  
 कुरुचंद-राय-पुत्तो जयइ कुमारो पुरिसचंदो ॥  
 दिट्ठो य साहिलासं पुणो पुणो सो नरिंद-धूयाए ।  
 परितुट्ठेण निवेण कओ कुमारस्स सक्कारो ॥  
 धूया भणाविया पत्थिवेण तुह पुत्ति ! एस उचिओ त्ति ।  
 हरिस-वियसंत-वयणाइ चित्तियं राय-पुत्तीए ॥  
 एकं मह मणइट्ठो अन्नं ताएण एस आइट्ठो ।  
 तं खलु संपन्नमिणं इट्ठं विज्जोवइट्ठं च ॥



अणुमयमिणं ति मुणिओ तीए परितोस-धिघ-दंसणओ ।

कारविओ वीवाहो रत्ता सह पुरिसचंदेण ॥

करि-तुरय-रयण-भूतण-पटंसुय-पमुह-दाणओ रत्ता ।

सक्कारिओ कुमारो तीए सह सेवए विसए ॥

मुणिऊण इमं पिउणा नीओ नयरं सगोरवं कुमरो ।

ठविओ रत्ते गहिया सयं तु दिक्खा गुरु-सगासे ॥

भूवालेहिं निचमच्चिज्जमाणो नाएणेसो पालए रत्त-लच्छि ।

सचं सचं होइ तं जंपए जं तत्तो पत्तो सचवाइ ति कित्ति ॥

अन्नया विउत्थिओ तस्स पत्थिवो भीमो । तस्सोवरि चलिओ चउरंग-

चमू-चमहियासेस-सेस-चूछा-रयण-चक्को पुरिसचंदो । पत्तो भीम-नयरं ।

भीमो वि काऊण जंताइ-दुग्ग-सामग्गि निग्गओ नयराओ । पुरिसचंदेण वि-

समंतओ रोहियं नयरं । वीय-पायारो व्व कओ कुंजर-परिक्खेवो ।

तस्स कडगस्स वाहिं सलिलं तुट्ठं किमेत्थ अच्छेरं ।

बहुयत्तणेण जलहिं पि सोसिउं तं खमं जम्हा ॥

सिद्धं विसन्नमेयं जल-विरहे तत्थ ठाउमचयंतं ।

वच्चिहइ सयं चिय सत्तु-सिन्नमिय हरिसिओ भीमो ॥

पहाणेहिं विन्नत्तो राया—देव ! जलाभावओ इत्थ न तीरए ठाउं, तो

संपयं अवक्कमिउसुचियं ति । पुरिसचंदेण वुत्तं-मा वच्चह विसायं । इण्हि चेष

भविस्सइ वुट्ठी । तओ तक्खणा तूल-लवो व्व लहुओ पाउब्भूओ गयणंगणे

घणो । सुयण-सिणेहो व्व सव्वओ वित्थरिओ सो । समरे सुहडु व्व

खग्ग-लट्ठिं पयट्ठो पयाप्पिउं विज्जलेहं । मत्त-गओ व्व लग्गो गहिरं गज्जिउं ।

सुपुरिसो व्व विसं आडत्तो वरिसिउं समंतओ सलिलं । सेत्त-जण-मणोरहे

व्व सर-निवहे पय-पूरेण पूरिऊण विरओ । इमं च व्हयरं मुणिऊण अमोह-

वयणो पुरिसचंदो ति भीयो भीमो । परिहिय-कंवलो कंठ-कय-कुहाडो उद-

णीय-पहाण-पाहुडो पडिवत्तो सेवं । समागओ निय-नयरं पुरिसचंदो । अत्थि

य तस्स सोहग्गसुन्दरी-गव्व-संभवो सुर-कुमारो व्व सवल-लोय-लोयणा-

णंदणो सेणो णाम णंदणो । गाहिओ कला-कलावं विसेसओ । सवल-सत्थ-पा-

रगो ति पत्तो पसिद्धिं । कुणइ वहुणं सव्वत्थ-संसओच्छेयं । कयाइ भरह-

रहस्स-वक्खाण-विसए दुण्हं गंधव्वियाण जाओ विवाओ । तप्पिण्णए पप्पाण

भूओ कओ कुमारो । समागया दोवि तस्स पासं । मिलिओ विवडु-लोओ ।



दोहि वि निय-निय-पक्खं अक्खिऊण भणिओ कुमारो—कुमार ! सव्व-सत्थ-  
परमत्थ-पारगो तुमं, ता छिंद संदेहं । कुमारो वि तासिं जाव निण्णयं जंपिउं  
पयट्ठो, ताव कम्म-दोसओ खुद-देवयाए कओ कुमारस्स वायावहारो । सो न  
सक्कए किं पि जंपिउं । हा ! किमेयं ति विसस्रो सव्व-लोओ । कराविया रत्ता  
बहु-प्पयारा मंत-तंताइ-किरिया । कुसामि-सेव व्व सव्वा सा जाया निप्फला ।  
तत्तो राया पलविउं पयट्ठो ।

हा पुत्त ! समत्त-कला-कलाव-कोसल्ल-भूसिय-सरीर ! ।  
पत्तोसि देव्व-वसओ कह मूयत्तण-वसणमेयं ॥  
अमयं पि जस्स पुरओ न चेय महुरत्तणेण हरइ मणं ।  
तं जायमन्ह दुलहं तुह वयण-विणिग्गयं वयणं ॥  
पत्तोसि जय-वडायं अखलिय-पसरेण जेण तुह मज्झे ।  
तं कइया तुह वयणं कय-सवण-सुहं सुणिस्सामो ॥  
एवमइक्कंते कित्तियम्मि काले समागओ तत्थ ।  
काम-करि-विजय-सिंहो आयरिओ विजयसिंहो त्ति ॥  
नाणा-विह-संदेहे जणाण सो हणइ ओहिनाणेण ।  
तं नमणत्थं राया कुमारं वेत्तूण संपत्तो ॥  
नमिओ गुरुं निविट्ठो पारब्बा धम्म-देसणा गुरुणा ।  
दुत्तर-भव-पारावार-पार-गमणे तरी-तुल्ला ।  
समयम्मि पुच्छइ निवो सेणकुमारेण किं कयं पावं ।  
पुव्वम्मि भवे भयवं ! पत्तं मूयत्तणं जेण ॥  
भणियं गुरुणा—पत्थिव ! इहेव आसी कुमार-गामम्मि ।  
अन्नोन्न-नेह-जुत्ता खंदो रुद्धो अ दो मित्ता ॥  
ते अन्न-दिणे दुज्जिवि साहूण उवास्सयम्मि संपत्ता ।  
तहिं तेहिं आयन्नियमणत्थदंड-व्वय-सरूवं ॥  
तो वेत्तुं सम्मत्तं दोहिं वि गहियं अणत्थदंड-वयं ।  
तं पालिउं अखंडं खंदो मरिउं गओ सग्गे ॥  
अह जायम्मि चिवाए दुण्हं पुरिस्साण दव्व-विसयम्मि ।  
एक्केण कयं उत्तरमग्गेण न सक्खियं काउं ॥  
तं उदिसियं मुहरत्तणेण रुद्धेण जंपियं एवं ।  
मूओ इमो वराओ किमुत्तरं सक्कए काउं ॥

तं वयणमसंबद्धं वोक्तुं बद्धं अणेण मूयत्तं ।  
 सो वि मरिऊण पच्छा सग्गे तत्थेव उप्पन्नो ॥  
 चविऊण खंद-जीवो जाओसि तुमं नरिद ! जं तुमए ।  
 चत्तो अणत्थदंडो तं पत्ता एरिसी रिद्धी ॥  
 चविऊण रुद्ध-जीवो सेणकुमारो इमो समुप्पन्नो ।  
 पत्तो इमो वि रिद्धिं अणत्थदंड-व्वय-वस्सेणं ॥  
 केवलमिभिणा विहियं जं पुव्व-भवम्मि किं पि मोहरियं ।  
 तव्वसओ विहिओ देवयाइ वायावहारो से ॥  
 इत्थंतरम्मि गुरुणो तव-प्पभावेण पडिहय-प्पसरा ।  
 सा वंतरी रडंती नट्ठा मुत्तूण तं कुमरं ॥  
 तो जाय-जाइसरणा नमिऊण गुरुं दुवेवि जंपंति ।  
 मुणि-नाह ! सव्वमेयं सच्चं तुमए जमुवइट्ठं ॥  
 थेवं पि हु दुच्चरियं विवाग-विरसं ति मुणियमम्हेहिं ।  
 ता करिय रज्ज-सुत्थं काहामो संजम-ग्गहणं ॥  
 अह गुरुणा वागरियं मणुयत्तं दुल्लहं चलं जीयं ।  
 विसया विसं व विसमा दुग्गइ-गमणं विणा धम्मं ॥  
 इय जाणिऊण जुज्जइ वियक्खणेणं खणं पि न पमाओ ।  
 ते पणमिऊण तूरिं निय-गेहमुवागया दोवि ॥  
 रक्षा भणिओ कुमरो कुरु रज्जमहं तु संजमं काहं ।  
 भणइ कुमरो न रज्जं करेमि अणुभूय-पाव-फलो ॥  
 तो पव्वइया दुल्लि वि रज्जं दाऊण भागिणेयस्स ।  
 कय-तिव्व-तवा मरिउं कमेण सग्गं सिवं च गया ॥  
 इति तृतीयगुणव्रते पुरुषचंद्रकथा ।

जं समणस्स व सावज्ज-जोग-वज्जणमरत्त-दुट्ठस्स ।  
 तं सम-भाव-सरुवं पढमं सिक्खा-वयं विति ॥  
 जो राग-दोस-रहिओ गहिउं सामाइयं न खंडेइ ।  
 सो सावओ वि साहइ सागरचंदो व्व पर-लोयं ॥  
 इह जंबुदीव-भरहे सग्गो व्व सुरट्ठ-मंडलो अत्थि ।  
 जत्थ अमर व्व मणुया रमणीओ अच्छराओ व्व ॥

तत्थ पुरी वारवई नव-वारस-जोयणाईं पिहु-दीहा ।  
 जा केवल कणयमई सहइ सुमेरुस्त बहिणि व्व ॥  
 पुहधीइ एक-चीरो नरिंद-सोलस-सहस्स-पणय-पओ ।  
 भरहृद-चक्रवट्टी नचमो कणहो निचो तत्थ ॥  
 तस्सासि जेट्ट-बंधू बलदेवो नाम पवल-बाहु-बलो ।  
 तस्स निसढो त्ति पुत्तो असढो जो सव्व-कज्जेसु ॥  
 तस्स सुओ संजाओ निय-कुल-नहयल-अलंकरण-भूओ ।  
 सागरचंदो चंदो व्व जणिय-जण-लोयणाणंदो ॥  
 सिक्खिय-कला-कलावो सो संपत्तो कमेण तारुत्तं ।  
 जं दहूण पणिट्ठं चत्तो तियसेहिं खव-मओ ॥  
 मेहु व्व सिहीण रवि व्व पंकयाणं सत्ति व्व कुमुयाणं ।  
 अचंत-पल्लहो सो संव-प्पसुहाण सव्वेसिं ॥  
 अह तत्थ अत्थि चित्थिन्न-हत्थि-रह-तुरय-पत्ति-परिवारो ।  
 निक्कवड-विक्रम-धणो धणसेणो नाम मंडलिओ ॥  
 नव-कमल-गम्भगोरी कमल-मुही कमल-रत्त-कर-चरणा ।  
 कमल व्व कमल-नयणा कमलामेल त्ति से धूया ॥  
 सा जोव्वणं पवन्ना दिन्ना जणएण मरुय-रिद्धिए ।  
 निव-उग्गसेण-अंगुवभवस्स नहसेण-नामस्स ॥  
 तम्मि समयम्मि पत्तो तस्स गिहं नारओ नहयलेण ।  
 वीणक्खमाल-भिसिया-पवत्तिया-छत्तिया-हत्थो ॥  
 कन्नाइ तीइ लाभे तिलोय-सामित्तणाभिसेए व्व ।  
 परिओस-परिवसेणं न पूहओ नारओ तेण ॥  
 तो कुविओ नहसेणस्स नारओ तग्गिहाउ उप्पइउं ।  
 सागरचंद-कुमारस्स मंदिरे झत्ति संपत्तो ॥  
 अब्भुत्ताणासण-अग्घ-दाण-पणिवाय-पमुहमुवयारं ।  
 काउं सागरचंदेण पुच्छिओ नारओ एवं ॥  
 भयवं ! भुवणे भमिरेण किंचि अब्भुयं तए दिट्ठं ।  
 भणियं रिसिणा दिट्ठं, कुमरेण पयंपियं किं तं ॥  
 तो नारएण कहियं—कुमार ! इत्येव अत्थि नयरीए ।  
 धणसेण-निवह-धूया कमलामेल त्ति वर-रूवा ॥

जा वयणेण विरायइ सारय-पुन्निम-निस व्व चंदेण ।  
 अहरेण सहइ जा बिहुमेण जलरासि-वेल व्व ॥  
 छज्जइ अच्छि-च्छोहेहिं जा तिरिच्छेहिं कामदेवस्स ।  
 उच्छलिर-मच्छ-रिंछोलि-छाइया केलि-सरसि व्व ॥  
 थल-कमलिणि व्व चलणेहिं सोहए जा सहाव-रत्तेहिं ।  
 जंगम-लय व्व जा पल्लवेहिं लक्खिज्जइ करेहिं ॥  
 तं सोऊण कुमारेण मयण-सर-सल्लिएण संलत्तं ।  
 किं सा कस्सइ दिन्नाऽदिन्न त्ति निवेइयं मुणिणा ॥  
 भणियं कुमारेण कहं तीए सह होज्ज संपओगो मे ।  
 न मुणामि त्ति भणित्ता तियसरिसी गयणमुप्पइओ ॥  
 पत्तो कमलामेलाए अंतियं तीइ विहिय-सक्कारो ।  
 सो पुच्छिओ य तीए दिट्ठं अच्छेरयं किं पि ॥  
 तो नारयेण वुत्तं बारवईए इहेव नयरीए ।  
 नव-पंकयच्छि ! अच्छेरयाइं दिट्ठाइं दुल्लि मए ॥  
 एकं सागरचंदो सुख-चूडामणी गुणिक-निही ।  
 वीयं पुण नहसेणो कुख-सीमा अणत्थ-गिहं ॥  
 इय सोउं सा वाला सागरचंदम्मि गाढमणुरत्ता ।  
 नहसेणे उ विरत्ता महाविसं जेण कन्न-विसं ॥  
 सा जंपिउं पवत्ता बाह-जलुप्पील-तीमिय-कवोला ।  
 भयवं ! अहं अहन्ना जायं मह जीवियं विहलं ॥  
 दिन्नाऽहं नहसेणस्स तस्स जणएण वेरिणा जइ वि ।  
 तह वि न तं परिणस्सं किं तु मरणं करिस्सामि ॥  
 जं पुण मणमणुरत्तं सागरचंदम्मि मज्झ तमजुत्तं ।  
 जं पुन-विहीणाणं सिज्झंति मणोरहा कत्तो ? ॥

जओ—

जं मणु मूढह माणुसह वंछइ दुल्लह वत्थु ।  
 तं ससि-मंडल-गहण किहिं गयणि पसारइ हत्थु ॥  
 सा नारएण वुत्ता भव घीरा मा करेसु संतापं ।  
 जं सो सागरचंदो तइ तिज्वं वहइ अणुरायं ॥  
 तेण सह संपओगो कह मे होज्ज त्ति ना वियप्पेसु ।

जं दुग्धदं पि घृतं घडइ चिय दिव्वमणुकूलं ॥  
 एवं कमलामेलं बुज्झवियं नारयेण आगंतुं ।  
 कहियं सागरचंदस्स सा तुमं इच्छइ मयच्छी ॥  
 पुव्वं पि तप्पउत्तिं सोउं सो आसि तीए अणुरत्तो ।  
 सा तुममिच्छइ वाला इ कहिए दढयरं जाओ ॥  
 तं चिय चितइ चित्ते सो तं चिय चित्त-पट्टए लिहइ ।  
 तं चिय जंपइ जीहाइ नियइ सुविणे वि तं चेव ॥  
 जइ हुज्ज अहं खयरो खगो व्व तो उड्डिऊण सहस त्ति ।  
 पिच्छामि मुहं तीए इय संकप्पे कुणइ कुमरो ॥  
 सो मिल्लइ नीसासे दीहुण्हे जेहिं आहया संता ।  
 मलिण-मुहा संजाया नूणं पास-द्विया भित्ता ॥  
 सो तस्स समुल्लसिओ संतावो जत्थ सलिल-पसईए ।  
 खित्ताउ तक्खणेणं छणंति सूसंति सुधंणे ॥  
 चंदण-चंद-जलहा कयलीदल-पवण-कुसुम-सिज्जाओ ।  
 न हरंति देह-दाहं चिरहानल-संभवं तस्स ॥  
 रज्जइ न गीय-नट्टाइएसु न कुणइ सरीर-सक्कारं ।  
 न पयट्टइ कीलासुं सा नाऽऽहारं पि अहिलसइ ॥  
 मुच्छा-मीलिय-नयणो पुणरुत्तं सो महीइ नियडंतो ।  
 सिसिरो-वयार-करणे ण कह वि पावेइ चेयन्नं ॥  
 पसयच्छि ! पसीयसु देसु दंसणं किं करेसि मह कोवं ।  
 खम इक्कं अवराहं इय जंपइ सो असंवद्धं ॥  
 कज्जाऽकज्ज-हियाऽहिय-उचिया-ऽणुचियाइ-वत्थु-परमत्थं ।  
 न मुणइ किं पि कुमारो सुन्न-मणो मज्ज-मत्तो व्व ॥  
 दट्ठूण तारिसं तं सुहिं सयणेहिं विभावियं एयं ।  
 मयणस्स दसं नवभिं संपत्तो संपयं एसो ॥  
 जइ पुण दसभिं दसं पि वच्चिस्सइ ता धुवं इमो मरिही ।  
 इय चित्ता अकंता ते सव्वे आउली-भूया ॥  
 इत्थंतरम्मि तत्थाऽऽनएण संवेण पट्टओ होउं ।  
 केलीइ ढक्कियं निय-करेहिं कुमरस्स अच्छि-जुयं ॥  
 कमलामेले ! मिल्लसु नयण-जुयं मे खगोर-मिहुणं व ।



अज्ज तुह वयण-चंदस्स दंसणाओ लहउ तत्ति ॥  
 एवं कुमरेण पयंपियम्मि संवेण भासिउं हसिउं ।  
 नाऽहं कमलामेला कमलामेलो अहं किंतु ॥  
 तो भणियं कुमरेणं अविलंवं संब ! मज्झ मेलिहिसि ।  
 कमल-दल-दीह-नयणं कमलामेलं तुमं चेव ॥  
 ताहे तेहिं कुमारेहिं मज्ज-पाणं कराविओ संबो ।  
 सो मज्ज-पाण-मत्तो अब्भुवगच्छाविओ एयं ॥  
 कमलमेला-मेलो मए कुमारस्स कारियव्वो त्ति ।  
 अह मय-विगमे संबो एवं चिंतेउमाढत्तो ॥  
 मत्तेण अब्भुवगयं अहो ! मए दुक्करं इमं वत्थुं ।  
 ता कह निव्वहियव्वं जं रहस्स-कयं दहइ कज्जं ॥  
 अहवा कायव्वं चिय समेणं विसमेण वा इमं कज्जं ।  
 पुरिस्सस्स भूसणं जं भणंति पडिवन्न-निव्वहणं ॥  
 इय चिंतिज्जण संवेण गूढ-पुरिसेहिं इत्ति कारविया ।  
 उज्जाणाउ सुरंगा कमलामेला-गिहं जाव ॥  
 तं नारयस्स कहियं रहस्समिसिणा वि तीइ वालाए ।  
 पज्जुमकुमाराओ पन्नत्ती मग्गिया विज्जा ॥  
 तव्वसउ विज्जाहर-खवं काज्जण सव्व-कुमरेहिं ।  
 नहसेण-विद्याह-दिणे कमलामेलं सुरंगाए ॥  
 नेज्जण तमुज्जाणं सागरचंदेण सह कुमारेण ।  
 परिणाविया तओ ते परितुट्ठमणा ठिया तत्थ ॥  
 अह निय-गिहे अदहुं कमलामेलं गवेसमाणेहिं ।  
 सयणेहिं कह वि दिट्ठा उज्जाणे कीलमाणी सा ॥  
 विज्जाहर-खवघरा दिट्ठा संवाइणो कुमारा य ।  
 विज्जाहरेहिं हरिया इय त्ति मुणिज्जण ते सव्वे ॥  
 धणसेण-उग्गसेण-प्पसुहा चउरंग-सिन्न-संनद्धा ।  
 जुडे समुज्जया निज्जिया य संवाइ-कुमरेहिं ॥  
 तो जाणिय-वुत्तंतो जणइणो निग्गओ सयं सबलो ।  
 कन्ना-कयग्गहे निग्गहेमि खयर त्ति जंपंतो ॥  
 पयडिय-निय-खवेणं संवेण विलग्गिज्जण पाएलु ।

नारायणस्त कहिओ कक्षा-परिणयण-बुलंतो ॥  
 तो दिना कण्हेण सागरचंदस्त चैव सा कक्षा ।  
 घणसेण-उगसेणा खमाविया उवसनं पत्ता ॥  
 एवं कओ विलकखो नहसेणो खामिओ वि न पसन्नो ।  
 घरिणी-पराभवेणं को वा कोवाउरो न ह्वे ? ॥  
 सो काउं असमत्थो सागरचंदस्त चिप्पियं किं पि ।  
 छिद्वाणि मग्गमाणो कुविय-मणो गमह दियहाइं ॥  
 अह तत्थ समोसरिओ अट्टारस-जुणि-सहस्स-परियरिओ ।  
 नव-कणय-कमल-गामी अरिद्धसामी तिजय-सामी ॥  
 तस्त पय-प्पणमत्थं सागरचंदो गओ गयाख्खो ।  
 तं नमिऊण निसन्नो धम्म-कहं सोउमाढत्तो ॥  
 लङ्घूण दुल्लहं माणुसत्तमथिरं च जाणियं जीयं ।  
 जइयंवं जिण-धम्मे सुर-नर-सिव-सुक्ख-संजणणे ॥  
 पुव्वं पडिबन्न-गिहत्य-धम्म-संवंधि-वारस-वओ वि ।  
 सो तीए देसणाए बाढं धम्मज्जुओ जाओ ॥  
 तत्तो चउदसीए निसाह बाहिं मसाण-आसने ।  
 काउस्सग्गेण ठिओ सो सामाइय-वयं काउं ॥  
 तं दहुं नहसेणेण चित्तियं अज्ज बहुय-कालाओ ।  
 साहेमि निय-समीहियमिमस्स रिउणो विणासेण ॥  
 रोसेणं तेण सागरचंद-मत्थए कुंडि-चओ ठविउं ।  
 जलिर-चियं-उगाराणं भरिओ पावाण अज्जा य ॥  
 अह वेयणा सरिरे संजाया तस्त जीवियंतकरी ।  
 तह वि अविचलिय-चित्तो सो चित्तिउमेवमाढत्तो ॥  
 मा कुणत्तु जीय ! खेयं दीणत्तं दूरओ परिचयत्तु ।  
 पुव्वाऽऽरोविय-पाव-कुमस्स जम्हा फलं एयं ॥  
 कम्मं कुणइ सयं चिय तस्त फलं भुंजए सयं जीवो ।  
 तो किं परम्मि रोसो विवेहणो जुज्जए काउं ॥  
 रे जीय ! तए पुव्वं समज्जियं किं पि जं असुह-कम्मं ।  
 तं निहयइ इमो तुह जगणंतो अत्तणो वयं ॥  
 ता उवयारी एसो जुग्गो चिय तुज्ज तुट्ठि-दाणस्स ।

एयम्मि जह पडस्ससि ता होसि कयग्व-सेहरओ ॥  
 इय तत्त-भावणाए वेयज-विहुरो वि अचल-सम-भावो ।  
 मुत्तूण पूह-गेहं सागरचंदो गओ सगं ॥  
 सो तत्थ तियस-सुंदरि-संदोहाणंद-यारि-मुह-चंदो ।  
 सुह-सागरा-ज्वगाढो सागर-संखं गमइ कालं ॥  
 इति सामायिकप्रते सागरचन्द्रकथा ॥

जं पुव्व-गहिय-सयल-व्वयाण संखेव-करणमणुदियहं ।  
 देसावगासियं तं भणंति सिक्खावयं वीयं ॥  
 जीवो पमाय-बहुलो पमाय-परिवज्जणे ह्वइ धम्मो ।  
 ता कीरइ पइदियहं संखेवत्ताऽपि संखेवो ॥  
 सच्छंद-पयाराइं जहा अणत्थे पडंति डिंभाइं ।  
 अनिजंतिय-वावारा जीवा निवडंति तह निरए ॥  
 तेणाऽवाय-परंपर-विसम-विस-प्पसर-रंभण-निमित्तं ।  
 निहिट्टं रक्खा-कंडयं व सिक्खावयं एयं ॥  
 अणुविस्तीए वि हु ओसहं व जो कुणइ वयमिणं मणुओ ।  
 पवणंजउ व्व पावइ सो इह लोए वि कल्लाणं ॥  
 इत्थेव जंवुदीवे भरहम्मि वराड-विसय-अवयंसं ।  
 कय-सयल-जणा-ऽऽणंदं नंदिरं नाम वर-नयरं ॥  
 तत्थाऽऽसि विजयसेणो राया रिउ-मह-निहलण-दक्खो ।  
 समयगलं भवणं चिय न उण मणं जरस्स कह्या वि ॥  
 तत्थेव आसि जिणधम्म-निच्चलो निच्च-लोय-गोरव्वो ।  
 गणणाऽहंक्कत-धणो धणउ व्व धणंजओ सिट्ठी ॥  
 सयल-घरकज्ज-सज्जा बहु-लज्जा तस्स सज्जणी भज्जा ।  
 देव-गुरु-भत्ति-जुत्तो पुत्तो पवणंजओ ताणं ॥  
 घर-दासीए जाओ सरिसो ख्वाइ-गुण-कलावेण ।  
 सेहरओ से मित्तो निच्चो सव्वत्थ वि सहाओ ॥  
 निय-निय-वाचार-परा गमंति ते वासराइं सव्वे वि ।  
 अह अत्थाण-निससस्स विजयसेणस्स भूवइणो ॥  
 सब्भूयवाइणा नाण-गग्ग-नेमित्तिएण विज्जत्तं ।

जायाइं कित्तियाइं पडु ! संपह दुन्निमित्ताइं ॥  
 तव्वसओ लोयाणं होही जं खास-सास-पमुहेहिं ।  
 रोगेहिं महापीड त्ति देव ! संभावयामि अहं ॥  
 रत्ता भणियं कित्तिय-दिणाइं होही इमा पीडा ।  
 जुत्तं निमित्तिणा मयण-तेरिसिं जाव न हु पुरओ ॥  
 किं कायव्वं इण्हि अज्ज वि सा मयण-तेरिसी दूरे ।  
 होही अणेग-लोग-क्खओ त्ति खिन्नो दढं राया ॥  
 कण्ठा-परेण रत्ता मंती जयसुंदरो इमं भणिओ ।  
 सोहसु किं पि उवायं जणस्स कुसलं हवह जेण ॥  
 तो भणियममच्चेणं इमस्स पक्खस्स तेरसीए वि ।  
 नयरम्मि मयण-तेरसि-महूसवं देव ! कारवसु ॥  
 जेण दुन्निमित्त-सीमा-घडणेण जणस्स होइ कल्लाणं ।  
 रत्ता भणिओ मंती जुत्तमिणं जंपियं तुमए ॥  
 तो मयण-तेरसिमहो नयरे घोसाविओ अकाले वि ।  
 पारद्धा रिद्धीए मयरद्धय-मंदिरे जत्ता ॥  
 तो तरुणी-घट्टाइं कय-चच्चरि-चारु-गाण-नट्टाइं ।  
 घण-ख्व-मरट्टाइं वणम्मि गंतुं पवट्टाइं ॥  
 निक्खंता रह-कुंजर-तुरंग-जंपाण-वाहणाऽऽख्ख्वा ।  
 रयणा-ऽलंकार-पसत्थ-वत्थ-पवरा पुर-जुवाणा ॥  
 पवणंजओ धणंजय-सिद्धि-सुओ तं महूसवं दट्ठं ।  
 रहमारुहिउं चलिओ किंकर-नर-नियर-परियरिओ ॥  
 पत्तस्स गोउरं तस्स रहवरो लग्गिऊण पडिखलिओ ।  
 अभिमुहमितेणं दिन्न-सिद्धि-सुय-सागर-रहेण ॥  
 पवणंजएण भणियं अरे ! ठिओ रुंभिऊण रह-मगं ।  
 को एसो निययरहं परियत्तिय वच्चए किं न ॥  
 तो सागरेण भणियं अरे ! परावत्तिऊण नियय-रहं ।  
 किं वच्चिस्सामि अहं किं न कुणसि वच्चसे एवं ॥  
 किं अप्पाणं केणावि भइ ! चागाइणा गुणेण तुमं ।  
 जेट्ठं ममाउ मन्नसि जं एवं जंपसि सट्ठपं ॥  
 एवं परोप्परं कोव-निम्भरं ताण उल्लुबंताणं ।



मिलिओ लोगो घोसूण नाय-मगं नियसो सो ॥  
 कुल-ख्व-कला-जोव्वण-घण-निव-सम्माण-दाण-पमुहेहिं ।  
 नय-कारणेहिं विवसा गेण्हंति न दो वि ते सिक्खं ॥  
 तह थकोहिं रहेहिं रुद्धा लोयाण निग्गम-पवेसा ।  
 ते सुणिय-वइयरेहिं भणिया जणएहिं आगंतुं ॥  
 भो ! किं न कुग्गहमिणं मेल्लह जं एग-ठाण-वासीणं ।  
 सयणाणं उवयारीण अणुचियं जुद्धमसोन्नं ॥  
 निय-मंदिरेसु वच्चह रहे परावत्तिज्जण जइ तुम्हे ।  
 ता को घण-क्खओ किं वसणं को वा कुल-कलंको ? ॥  
 अविमरिसियकारीणं खत्तिय-कुल-संभवाण अभिमाणो ।  
 काउं जुज्झइ एसो, न दीहदंसीण वणिघाणं ॥  
 एवं पन्नविण्हि वि तेहिं न सुक्को दुरग्गहो कह वि ।  
 तो अविणीए पुत्ते मुणिउं गेहं गया जणया ॥  
 अह नाय-वइयरेणं नरवइणा पेसिया पहाण-नरा ।  
 कुग्गह-गहिले दट्ठं सेट्ठि-सुए तेहि भणियमिणं ॥  
 भो ! पुव्व-पुरिस-विढविय-घणंऽध-मइणो मयं किमुव्वहह ।  
 जं न सुणह नय-मगं अवगणह गुरुवएसं च ॥  
 अत्तुक्करिसो जइ अत्थि तुम्ह गंतूण ता हओ चेव ।  
 वाहु-सहाया देसंऽतरम्मि विहवज्जणं कुणह ॥  
 जो विढविय-बहु-दव्वो एही वरिस्सेण तुम्ह मज्झाओ ।  
 अणिवारिय-दाणेणं च अत्थिणो सुत्थिए काही ॥  
 सो चिय वच्चउ अखलिय-रहो परावत्तिज्जण इयर-रहं ।  
 तं ते तह त्ति पडिवज्जिज्जण देसंतरेसु गया ॥  
 इमिणा कमेण गेहाउ निग्गंतुं नव-घणज्जणं काउं ।  
 इय तुट्ठमणो दाहिण-दिसाइ पवणंजओ चलिओ ॥  
 पुव्व-कय-सुकय-वसओ सो पत्तो पुंडरीप-तित्थम्मि ।  
 तत्थऽत्थि हय-विक्खओ वर-जक्खओ पुंडरीयक्खओ ॥  
 अन्न-सुरेसु न चक्खुं पि खिवइ पवणंजओ जिणं मुत्तं ।  
 तह वि कुतुहल-वसओ जक्ख-हरं दट्ठुमाढत्तो ॥  
 अह तत्थ सत्थवाहो पट्टय-लोयावलोयणऽक्खिसो ।



अविभाविय-मुक्क-कमो महीइ खलिऊण निवडंतो ॥  
 पवणंजएण घरिओ दक्खत्तणओ दया-परिगएण ।  
 पवणंजओ य हिंदेण तेण नीओ नियावासं ॥  
 भुंजाविऊण भणिओ पवणंजय ! वच्छ ! मज्झ धूयाए ।  
 भुवणब्भुय-भूयाए घर-लच्छीए य होसु पई ॥  
 पवणंजएण वुत्तं जुत्तमिणं किं तु अमुणिय-कुलस्स ।  
 किं देसि मज्झ धूयं कहं च जाणामि से णामं ॥  
 सो जंपिउं पवत्तो—अत्थि मही-रमणि-रयण-कंचीए ।  
 कंचीपुरीइ लच्छीहरो त्ति नाम्मेण सत्थाहो ॥  
 अट्ठ-दत्त-कणय-कोडीण नायगो णेग-लोय-उवयारी ।  
 अह तस्स घरे पत्तो वंभु त्ति निमित्तिओ पवरो ॥  
 सम्माणेउं सो तेण पुच्छिओ निच्छिऊण भो ! कहसु ।  
 नेमित्तिय ! मह आउं अओ परं कित्तियं कालं ? ॥  
 होही मह धूयाए मणोरमाए इमीइ को भत्ता ? ।  
 मज्झ अपुत्तस्स इमा घर-लच्छी कं व अणुसरिही ? ॥  
 वुत्तं निमित्तिणा भइ ! जीवियं जाव तुज्झ छम्मासा ।  
 अंतं सत्त दिणाइं तिब्बा सिर-वेयणा होही ॥  
 धूया कमल-दलच्छी तुह घर-लच्छी य सुकय-केलि-गिहं ।  
 वइदेसियमणुसरिही पुरिसं पवणंजयं नाम ॥  
 सो य तए नायव्वो स-प्पुरिसो पंच-जोयणंतरिए ।  
 तित्थम्मि पुंडरीए गएण जक्खस्स जत्ताए ॥  
 जो खलिऊण पडंतं तुमं धरिस्सइ इमो धुवं सो त्ति ।  
 तं सोऊण विसज्जिय-निमित्तिणा चित्तियं तेण ॥  
 हा ! विरसो संसारो जीवाण तरंग-भंगुरं जीयं ।  
 तो जामि तत्थ तित्थे जाव न वच्चांमि मच्चु-सुहं ॥  
 अन्नह हरिही राया घरसारं इय विणिच्छिउं चित्ते ।  
 सो इह तित्थे पत्तो वेत्तुं सव्वं पि न्निव-विभवं ॥  
 एसो सोऽहं खलिऊण निवडमाणो य रक्खिओ तुमए ।  
 ता मह धूयं परिणेषु गेह-लच्छिं वि गिण्हेसु ॥  
 तो तेण सुह-सुहुत्ते मणोरमाए कयं कर-ग्गहणं ।

पत्तो य सत्थवाहो परं पमोयं कयत्थो त्ति ॥  
 कहवय-दिणाऽवसाणे संजाया सीस-वेयणा तत्स ।  
 तो निच्छियं अणेणं आसन्नं अप्पणो मरणं ॥  
 धण-कणय-रयण-पमुहं परिग्गहं अप्पिऊण सव्वं सो ।  
 पवणंजओ अणेणं सप्पणयं जंपिओ एवं ॥  
 वच्छ ! तुह किच्च-कहणं धवलीकरणं ससिस्स व अजोत्तं ।  
 तह वि गुरु-नेह-विवसो भणामि तुहमवहिओ सुणत्तु ॥  
 घरलच्छीए सहिया समप्पिया तुह मए[इमा]धूया ।  
 ता वट्ठिज्ज इमीए तहा जहा संभरइ न ममं ॥  
 थेव-दिणाइं थिरोऽहं जं जमदूइ व्व दुस्सहा मज्झ ।  
 जाया सिरम्मि वियणा भणियं पवणं जएणेवं ॥  
 ताय ! किमेवं तुममाउलो सि तुह झत्ति वाहि-विद्धंसं ।  
 काहामि ओसहेहिं विसिट्ठ-विज्जोवइट्ठेहिं ॥  
 लच्छीहरेण भणियं घम्मो चिय वच्छ ! ओसहं इण्हि ।  
 जं सक्को वि न सक्कह तुट्ठंतं संधियं जीयं ॥

तत्तो सो समए[कय]निय-कुलो-चियंत-किच्चो पत्तो पंचत्तं । कयं से सो-  
 गनि-वभरेण पवणंजएण पारलोइयं कम्मं । कह वि निवारिया रुयंती मगोए  
 गमियाइं तत्थेव कह वि दिणाइं । गहिऊण उचियाइं कयाणयाइं कहिऊण  
 पुव्व-वइयरं मणोरमाए चलिओ निय-देसं । मग्ग-नगरेसु ववहारेण तेण अज्जि-  
 याउ दुप्पि सुवन्न-कोडीओ । पत्तो सो निय-नयरं । आणंदिय-सयणो पविट्ठो  
 तत्थ । वित्थरेण अणदिणाइं दिक्षाणिवारियदाणो(?)सलहिओ रायाइ-लोएण ।  
 सागरो वि गओ उत्तर-दिसं । अत्थं विणा न सक्कए अत्थमुवज्जिउं । तहावि-  
 महाकट्ठेण अज्जिया पंच दीणार-सहस्सा । आसन्ना मयण-तेरसि त्ति सहाय-  
 संगतो आगतो निय-नगर-नियड-गामे । निसाए सुत्तस्स तत्स सव्वस्सं गहि-  
 ऊण पलाणा सहाया । विउद्धो सागरो चरम-जामे । हा ! दुट्ठो सहाएहिं ति  
 विसत्तो चित्तेण, पवणंजओ वि एवमागतो भविस्सइ त्ति पविज्जे(ट्ठो?) लज्जंतो  
 वि निसाए वि नियघरं । नाय-दुत्तंतेण भणिओ जणगाइणा—रहस-कथकज्ज-  
 स्स एरिसो चेव विवागो त्ति । आणाविओ सागरेण गोउराओ रहो । हसिओ  
 सो जणेण । गरुयाण चडण-पडणं ति थिरीकओ पिडणा । पवणंजओ वि सव्व-  
 त्थ गिज्जंतणुणो अखलिय-रहो भमिओ मयणूत्तवे । गमेइ कालं सुहेण । सागरो

वि गरुया-ऽमरिसो तस्स मारणोवाए चित्तेइ । अन्नया चाउम्मासियदिणे पडि-  
वन्न-पोसहेण जंपिओ पिउणा पवणंजओ—वच्छ ! तुमं पि कुणसु पोसहं । पु-  
त्तेण वुत्तं—ताय ! न सक्केमि किं पि काउं । पिउणा भणियं—तहा वि गेहवा-  
हिं गमणं वज्जिऊण कुणसु देसावगासियं । अणिच्छंतेणाऽवि तहं त्ति कयं ज-  
णयाणुवत्तीए । पिउ-पासे चिट्ठंतस्स आगओ गेहदासी-सुओ सेहरओ । तेण  
भणियं भो ! पवणंजय ! सहस्सक्खेण इंदियालिण महायणस्स पुरओ पा-  
रद्धमिदयालं । तत्थ तुहाऽऽहवणत्थं महायण-पेसिओ पुरिसो आगओ त्ति ।  
पडिवन्न-देसावगासिएण पवणंजएण अदिन्न-पच्छुत्तरे भणिओ सो सिट्ठिणीए—

पवणंजय-मेवत्थं काउं सेहरय ! वच्छ ! गच्छ तुमं ।

तुममेव जणो सरिस्सत्तणेण पवणंजयं मुणिही ॥

सो वि हु तहेव काउं गंतूण महायणस्स मज्झम्मि ।

उवविट्ठो रयणीए पेक्खणयं दद्दुमादत्तो ॥

अहं पुव्व-वेर-विवसेण दुविह-तम-रुद्ध-दिट्ठि-पसरेण ।

छुरियाइ सेहरो सागरेण पवणंजओ त्ति हओ ॥

अहह ! ! पवणंजओ मारिउ त्ति लोयाण कलयलो जाओ ।

इयरो पुण संखुद्धो न सक्किओ नासिउं सहसा ॥

तलवर-भडेहिं रुद्धो खित्तो गुत्तीइ निवइ-वयणेण ।

केणवि नरेण सिट्ठं सिट्ठिस्स धणंजयस्स इमं ॥

तं वुत्तंतं सोउं विसन्न-चित्तेण सिट्ठिणा भणियं ।

हा ! ! सागरेण निहओ सेहरओ ताव मूढेण ॥

अहं लहिही वराओ विणासमेसो वि दिन्नसेट्ठि-सुओ ।

पवणंजएण वोत्तं मोयाविस्साभि ताय ! भिणं ॥

सो तेण धणं रत्तो दाउं मोयाविओ पहायम्मि ।

पवणंजओ जणेणं पसंसिओ सुकयकारि त्ति ॥

सो पिउणा संलत्तो जुत्तं जं मोइओ इमो तुमए ।

अवयारिम्मि वि करुणा कज्ज त्ति जिणेहिं जं कहियं ॥

अवयारयम्मि निहए सव्वा वि सक्कहा-निहणं[होइ] ।

उवयारमारिए पुण तम्मि चिरं चिट्ठए एसा ॥

पवणंजओ न पत्तो निहणं देसावगासियं काउं ।

इहरा सेहरयस्स व तस्स अणत्थो इमो होज्जा ॥

तप्पभिहं जिणधम्मं काऊण चिरं विसुद्ध-भाव-जुओ ।  
सग्गापवग्ग-सुक्खं कमेण पवणंजओ लहिही ॥

इति देशावकासिकग्रते पवनंजयकथा ॥

आहार-देह-भूस्सण-अयंभ-वाचार-चाय-रूवं जं ।  
पव्वेसु पोसहं तं तइयं सिकखा-वयं विति ॥  
अट्ठमि-चउइसी-पसुह-पव्व-दियहेसु जो कुणइ एयं ।  
पावइ उभय-भवेसुं सो रणसूरु व्व कल्लाणं ॥  
अत्थिऽत्थ जंबुदीवे भारहवासम्मि मज्झिमे खंडे ।  
महि-महिलाए कंचण-कंची कंचणपुरी नयरी ॥  
जीए पायारं पक्खिणो वि न खमंति लंघिउं तुंगं ।  
तल्लंघण-कय-कंखा हुंति विलक्खा खलु विपक्खा ॥  
तत्थ नरिंदो अमराउरीइ इंदो व्व आसि रणसूरो ।  
जस्स पयावेण हया अरिणो गिरिणो व्व वज्जेण ॥  
तस्स मणे मणिमय-दप्पणे व्व विमले सया वि संकंता ।  
सिरिकंता नाम पिया सयलंतेउर-तिलय-तुल्ला ॥  
तीए अणन्न-सरिसं रूवं दट्ठुं कोउहल-वसेण ।  
सग्गाट्ठिया वि तियसा अणमिस-नयणा धुवं जाया ॥  
तव्वयण-दंसणं चिय राया रज्जं पि मुणइ सग्गं व ।  
तव्विरहे पुण एसो मन्नइ नरयं व रज्जं पि ॥  
अह अन्न-दिणे अत्थाण-मंडवे जाव चिट्ठइ नरिंदो ।  
उव्वभड-भड-परियरिओ तारय-सहिओ ससहरु व्व ॥  
कत्तो वि ताव पत्तो कराल-करवाल-खेडय-सणाहो ।  
निब्भय-भयंकरो भिउडि-भीम-भालो भडो एक्को ॥  
अत्थाण-मंडवत्थं भड-सत्थं पिच्छिउं अवन्नाए ।  
दंसिय-अणन्न-दप्पो रायाणं भणिउमाढत्तो ॥  
किं न कुणसि जिणधम्मं विसए चिय सेवसे विमय-संको ।  
किं निय-बल-दप्पेणं मच्चु-भडाणं न बीहेसि ॥  
ता अच्छं तु जम-भडा सुरासुराणं पि दप्प-दलणा जे ।  
एकेण मए वि समं जुज्झसु जह अत्थि बाहु-बलं ॥



अह हत्थि-तुरय-रह-सुहृद-संतियं तुज्झ अत्थि सामत्थं ।  
 ता तं पयडेसु तुमं जेण खणं तं पि पेक्खेमि ॥  
 इय सुणिज्जण निवेणं तस्स वहत्थं भडा समाइट्ठा ।  
 न निसामियं इमेहिं चित्तंगएहिं व निव-वयणं ॥  
 लिप्प-घडिय व्व लिहिय व्व जाय-निद व्व मज्ज-मत्त व्व ।  
 आइट्ठा वि निवेणं ठिया भडा निच्चला सव्वे ॥  
 तो रोस-परवसेणं नरवइणा कड्डिओ नियय-खग्गो ।  
 तस्स भडस्स वहत्थं हत्थाओ निवडिओ सो वि ॥  
 १.... .... .... .... ....

कुविय-कयंत-कडक्खियस्स खिविज्जण दसंगुलीउ वयणम्मि(?) ।  
 चलणेसु मज्झ लग्गेसु तुमं जइ जीवियं महसि ॥  
 जं पुण कड्डिसि खग्गं तस्स फलं पावसु त्ति भणिज्जण ।  
 केसेसु निवं गहियं झत्ति गयणं गतो सुहृदो ॥  
 जोयण-सयाइं नेज्जण पंच तिरियं अरन्नमज्झम्मि ।  
 सुको सुहृदेण निवो सयं तु कत्थ वि गतो एसो ॥  
 तो चित्तिउं पवत्तो राया दुब्बिलसियं अहह ! विहिणो ।  
 सा कत्थ राय-लच्छी मज्झ सा कत्थ य अवत्था ? ॥  
 सुविणे वि जं न दीसइ जं चित्तिज्जइ मणे वि न कयावि ।  
 सुहमसुहं वा पुरिसस्स दंसए तं विही सव्वं ॥  
 न तहा दुहावए मं धण-परियण-सयण-रज्ज-विद्धंसो ।  
 सिरिकंता-देवीए विरहो जह दूमइ मणं मे ॥  
 देवीए विरहिओ अहं खणं पि न खमामि जीवियं धरिउं ।  
 देवी वि मज्झ विरहे मरणं पत्त त्ति तक्केमि ॥  
 ता किं मरण-कएऽहं पडामि तुंगाओ सेल-सिंगाओ ।  
 जाला-कराल-भीमे किं वा जलणम्मि पविसामि ॥  
 किं वा तरु-साहाए पासं कंठम्मि अप्पणो देमि ।  
 गहिरम्मि नई-तीरे किं वा देहं पवाहेमि ॥  
 अह वा काउरिसोऽहं जो मरण-मणोरहे करेमि मणे ।  
 जं दुस्सहे वि वसणे धीर चिय हुंति सप्पुरिसा ॥  
 इय चित्तिज्जण रत्ताऽरत्ते चंकम्मिउं पयट्ठेण ।



दिद्वो सहयार-तले तयो व्व सुत्तो मुणी एक्को ॥  
 नमिऊण भत्ति-पुव्वं रत्ता विन्हिय-मणेण सो भणिओ ।  
 भयवं ! तुह तिहुयण-लोय-लोयणा-ऽऽणंदणं ख्वं ॥  
 ता किं तुमं पवत्तो दिक्खं नव-जोव्वणं वि वट्ठतो ? ।  
 किं वा सुण्णमरणं एगागी सेवसे एवं ? ॥  
 मुणिणा भणियं मुणिउं अत्तासयं ख्व-जोव्वण-प्पमुहं ।  
 धत्ता गिण्हंति वयं भव-ऽन्नवोत्तारण-तरंडं ॥  
 सुहि-सयण-वग्ग-मज्झे निवसंतस्स वि न होइ मणुअस्स ।  
 केणाऽवि परित्ताणं मरणम्मि उवट्टिए संते ॥  
 तुह एयं पच्चक्खं भडेण इमिणा हट्ठेण घिप्पंते ।  
 सुहि-सयण-परियणेहिं न रक्खिओ जं नरिंद ! तुमं ॥  
 भणियं रत्ता भयवं ! दिव्व-त्ताणी तुमं तओ कहसु ।  
 किं इत्थ अहं खित्तो निक्कारण-वेरिणा तेण ॥  
 मुणिणा भणियं सुहडो न वेरिओ तुज्झ किं तु उवयारी ।  
 पंचम-कप्प-निवासी एसो अमियप्पिओ देवो ॥  
 मह पणमण-ऽत्थमित्थाऽऽगएण एएण पुच्छिओ म्हि अयं ।  
 को मइ चवियम्मि सुरो मज्झ विमाणम्मि होहि त्ति ? ॥  
 नाणेण मए कहिओ तुमं विमाणम्मि तम्मि भावि-सुरो ।  
 तुमसुहिसियं देवेण पुच्छिओ हं पुणो वि इमं ॥  
 भयवं ! किं जिणधम्मं सो कुणइ न व त्ति तो मए कहियं ।  
 तुमए इह आणीओ गिण्हिहिइ गिहत्थ-धम्मं सो ॥  
 इय सोऊण सुरेणं अप्पाणं पयडिउं पयंड-भंडं ।  
 सुहडे सहानिसत्ते य थंभिउं तुममिहाणीओ ॥  
 ता जिणधम्मं पडिवज्जिऊण पालसु तुमं महाराय ! ।  
 जेण परलोय-पत्तो कल्लण-परंपरं लहसि ॥  
 इय मुणि-वयणं सोउं पडिवन्नं सावगत्तणं रत्ता ।  
 संवेग-माणसेणं एसो य अभिग्गहो गहिओ ॥  
 अट्ठमि-वउद्दसीसुं कायव्वं पोसहं निसासु मए ।  
 तं पुण न पारियव्वं न जाव सूखगमो होइ ॥  
 अह पच्चक्खीहोउं भणियं अमयप्पियेण देवेण ।

एवं किलेसिओ जं तुमं मए खमसु तं राय ! ॥  
 रत्ना भणियं एसो मज्झ किलेसो वि कुणह परिओसं ।  
 जत्थ मए जिण-धम्मो ति-लोय-चिंतामणी पत्तो ॥  
 खिविऊण अह अरत्ते तुमए लंघाविओ ह्मि भवरत्नं ।  
 धम्म-पडिवज्जणेणं ता उवयारी तुमं मज्झ ॥  
 इय सोऊण सुरेणं मुणिद-पय-पंकए कय-पणामो ।  
 नेऊण कंचणपुरे मुक्को निय-मंदिरे राया ॥  
 कय-सव्व-जणा-SSणंदो जिणिद-पूया-परायणो राया ।  
 मुणि-पज्जुवासण-परो परमा-SSगम-सवण-विहिय-मणो ॥  
 रह-जत्ता-कयजत्तो समत्त-सत्ता-Sभयं पयासंतो ।  
 पव्वेसु पोसह-वयं पडिवज्जंतो गमह कालं ॥  
 अन्न-दिणे रयणीए जाओ अंतेउरम्मि अकंदो ।  
 तं सोऊण निवेणं पयंपियं हा ! किमेयं ति ? ॥  
 कहियं पडिहारीए संपइ अंतेउरम्मि तुह देव ! ।  
 एक्को पुरिसो पत्तो कत्तो वि अतक्किया-SSगमणो ॥  
 हा ! पाणनाह ! मं रक्ख रक्खसेणं अणेण णिज्जंति ।  
 इय विलवंतिं देवि गहिऊण सो गओ गयणे ॥  
 तं सोऊण नरिंदो अकंड-कंड-प्पहार-विहुरु व्व ।  
 मुच्छा-निमीलिय-Sच्छो धस त्ति धरणी-यले पडिओ ॥  
 अकंद-परेणं परियणेण सिसिरोवयार-करणेण ।  
 सत्थीकओ नरिंदो आढत्तो विलविउं एवं ॥  
 हा ! चंद-वयणि ! हा ! अमय-वयणि ! हा ! कमल-नयणि ! देवि ! तुमं ।  
 हा ! ईस-गमणि हा ! रमणि-मडलि-मणि ! कत्थ दीसिहिसि ? ॥  
 जह मालईह विरहे भमरो जह कमलिणीह कलहंसो ।  
 पावइ न कहिं पि रहं तह तुह विरहे अहं देवि ! ॥  
 घंदीहिं पडिज्जंतं खोणी-रक्खण-खमं पि बाहु-वलं ।  
 सोउं अहं न सक्को जस्सेवं हीरह कलत्तं ॥  
 विरहे सिरिकंताए अकंतो तह निवो विसाएण ।  
 जह सुख-दुक्ख-निसि-दिवस-छुहा-पिवासाउ न मुणेइ ॥  
 परिचत्त-रज्ज-कज्जो निरुद्ध-नीसेस-काय-वावारो ।

मरण-कय-ऽऽश्ववसाओ विन्नत्तो मंतिणा निवई ॥  
 देव ! न जुत्तं तुम्हाणं एरिसं सोय-करणमणवरयं ।  
 पहुणो वि चिंतयाए जेण विसीयइ जगं सव्वं ॥  
 सामिम्मि विसन्न-मणे को अन्नो हरिस-निम्भरो भमइ ।  
 मेहच्छन्ने सूरे अंधारिज्जइ न किं भुवणं ? ॥  
 इय जा जंपइ मंती ता वायस-सर-वियक्खण-नरेण ।  
 इक्केण इमं भणिओ राया वायस-सरं सोडं ॥  
 देव ! इमो महुर-सरो वासंतो वायसो कहइ एवं ।  
 तुह देवी-संजोगो होही उत्तर-दिसि-गयस्स ॥  
 ता अविलंबं कीरउ पयाणगं देव ! उत्तर-दिसाए ।  
 तुह रत्त-पंच-मज्जे जेण पिया-संगमो होइ ॥  
 तो भणियममचेणं देव ! इमो दिट्ठ-पच्चओ पुरिसो ।  
 सउण-बलेणं जं किं पि जंपए होइ तं सव्वं ॥  
 इय सोऊण नरिंदो सहसा पत्तो अमंदमाणंदं ।  
 चउरंग-चमू-कलिओ चलिओ उत्तर-दिसा-समुहं ॥  
 सो खुद्ध-मुद्ध-हरिणं-ऽगणाण दहूण लोयण-विलासे ।  
 देवीइ दंसिया किं इमाण एए त्ति चिंतंतो ॥  
 मोर-कलावा देवीइ केसपासो विनत्ति(?) मन्नंतो ।  
 देवी-वर-हसिय-सिया दुम-कुसुम-भर त्ति भासंतो ॥  
 देवी-कर-चलणाणं सहोयरा पल्लव त्ति तुल्लंतो ।  
 सुह-सउण-दाहिणंग-प्फुरणेहिं दु-गुणि-उच्छाहो ॥  
 पंच पयाणाइं गओ पंचम-दियहे चउइसिं मुणिउं ।  
 सेनस्स रक्खणत्थं आइसिउं सुहड-संधायं ॥  
 आसन्न-घणंजय-जक्ख-मंदिरे निसिसुहम्मि गंतूण ।  
 भूमिं पमज्जिउं पत्थिवेण पोसह-वयं गहियं ॥  
 कुलिसाऽऽहय-कुल-पव्वय-सह-रउहो कओ निसीहम्मि ।  
 जक्खेण अट्ठहासो निव-सत्त-परिक्खण-निमित्तं ॥  
 सूराणं पि मणु-क्कंप-कारओ कायरान पाण-हरो ।  
 सत्त-पवरेण रत्ता बालय-हासो व्व सो गणिओ ॥  
 तत्तो कवाल-कत्तिय-भीम-करा पललक-चलग-पहाणा ।  
 गल-कलिय-कसिण-सप्पा पयंसिया काल-वेयाला ॥

रक्षो खोहण-हेउं विहियाओ तेहिं विविह-चिह्याओ ।  
 जायाउ ताउ नवरं अंधे नहं व विहलाओ ॥  
 तत्तो कया पिसाया विमुक्क-फुक्कार-फणि-गणा-SSभरणा ।  
 नर-मुंड-माल-मंडिय-कंठ-पला कविल-केस-भरा ॥  
 गिण्हह भिदह छिदह मारह भक्खह इमं ति जंपंता ।  
 तो परिणिया नडा इव मणं पि जाया न भय-जणया ॥  
 तयणु धणंजय-जक्खो नरिंद-सत्तेण रंजिओ चित्ते ।  
 मणि-मउड-कुंडल-धरो पच्चक्खो भणिउमाढत्तो ॥  
 पारेसु पोसह-वयं तुटोऽहं देमि मग्गसि तुमं जं ।  
 इय जंपिरे वि जक्खे न पोसहो पारिओ रत्ता ॥  
 गोसम्मि पोसहं पारिऊण रत्ता पयंपिओ जक्खो ।  
 तुह दंसणेण वि अहं तुटो मग्गेमि किं अवरं ॥  
 जक्खेण भणियमुवसग्ग-करणओ तुह कयं मए दुक्खं ।  
 दाऊण इच्छिय-वरं तमहं अवणेउमिच्छामि ॥  
 रत्ता भणिओ जक्खो जइ एवं ता कहेसु मह देवी ।  
 केण हरिय त्ति तत्तो आढत्तो अक्खिउं जक्खो ॥  
 वेयड्ड-पव्वए दाहिणाइ सेढीइ आहरण-भूयं ।  
 नह-लच्छि-केलि-कमलं नयरं नहवह्महं अत्थि ॥  
 तत्थऽत्थि खयर-नाहो सोहग्ग-निहि त्ति पसरिय-पयावो ।  
 सोहग्गसुन्दरी तस्स अत्थि घरिणी रह-सरिच्छा ॥  
 पणय-कुवियाइ तीए कयाइ सो खेयरो इमं भणिओ ।  
 कायस्स व मणि-माला किमहं कु-पइस्स तुह जुग्गा ॥  
 जो मज्झ स्व-लावन्न-विणय-लज्जाइ-गुण-जुयाए वि ।  
 काउं अवराहसए कुणसि तुमं निचमवमाणं ॥  
 चिट्ठउ गुणेहि अहिया समावि मह नत्थि इत्थिया अत्ता ।  
 भणियं खयेरेण पिए ! मा कुरु गव्वं निय-गुणेहिं ॥  
 नूणं गुणेहि अहियं तुह रमणि आणिऊण दंसेमि ।  
 इय वुत्तुं निय-नयराउ खेयरेसो विणिक्खंतो ॥  
 पुहइं परिब्भमतो पत्तो अंतेउरे तुह नरिंद ! ।  
 निरुवम-रूवाइ-गुणं देविं दट्ठूण सिरिकंतं ॥  
 गहिऊण नियं नयरिं पत्तो तदंसणेण तेण तहिं ।



सव्वंगसुन्दरीए हरिओ रूवाइ-गुण-गव्वो ॥  
 सो मयण-पर-वस-मणो देविं घित्तुं गओ रयण-सेलं ।  
 संभोग-सुहृत्थं तीइ पत्थणं काउमाढत्तो ॥  
 ससि-बिब-वयणि ! कायं व-गमणि ! बिबोद्धि ! मय-सिल्लिबच्छि !  
 मह कंबु-कंठि ! कंठा-ऽवलंविणी होसु अविलंबं ॥  
 तो हियय-जलिय-पइ-विरह-जलण-जाल व्व तीइ नीसासा ।  
 उण्हा मुक्का ददो व्व जेहिं काली-कओ खयरो ॥  
 निय-नयणाइं पिहियाइं तीइ लंबंत-अलय-पडलेण ।  
 नील-पडेण व पर-पुरिस-दंसणं परिहरंतीए ॥  
 नयणं-ऽजणेण मलिणं बाह-जलं पयडियं तया तीए ।  
 मसि-कुच्चियं व दाउं सयले विज्जाहर-कुलम्मि ॥  
 भणिओ इमं च खयरो किं खिज्जसि जंपिण किं बहुणा ।  
 निय-पिययमं विसुत्तुं पयावणोच्चिय लग्गइ ममंगे (?) ॥  
 जइ पुण हदेण काहिसि निल्लज्ज-सिरोमणे ! अणायारं ।  
 ता निय-दसणेहिं अहं रसणं दसिउं मरिस्सामि ॥  
 इय तीए पडिसिद्धो वि विसय-गिद्धो अणंग-सर-विद्धो ।

+ + + + +

तो रयणसेल-पहुणा पयडीहोऊण वंतर-सुरेण ।  
 भणिओ खयरो इत्थाऽऽगओ सि हरिऊण पर-भज्जं ॥  
 तं पुण हदेण रमिउं जं महसि सहामि तं न दुच्चरियं ।  
 इय भणिउं लगुडेणं हओ मओ सो गओ कुगइं ॥  
 तुह घरणिं आणेमि त्ति जंपियं पव्वयं गओ जक्खो ।  
 तं घित्तुमागओ अप्पिउं च पत्तो अदिस्सत्तं ॥  
 तो हरिसिएहि कहियं दोहिं पि परोप्परं विरह-दुक्खं ।  
 अहं निय-नयरं पत्तो परिपुन्न-मणोरहो राया ॥  
 काउं सावग-धम्मं चिर-कालं पालिऊण सो रज्जं ।  
 तत्थ ठविऊण पुत्तं पज्जंते अणसणं घित्तुं ॥  
 मरिऊण समुप्पन्नो देवो कप्पम्मि बंभलोयम्मि ।  
 अमयप्पियं-सुरठाणम्मि चंदकंते विमाणम्मि ॥

इति पौषधत्रते रणसूरकथा ॥



साहूण संविभागो जो कीरह भत्त-पाण-पसुहेहि ।  
 तं अतिहि-संविभागं तुरियं सिक्खावयं विति ॥  
 जो अतिहि-संविभागं परिपालइ पवर-सत्त-संजुत्तो ।  
 नरदेवो व्व सउन्नो इहाऽवि सो लहइ कल्लाणं ॥

तं जहा—इहेव जंबुदीवे भारहे वासे विसिद्ध-सुर-भवण-सुव्वंत-असंख-  
 संख-सहं संखउरं नयरं । जत्थ पयडिय-पओसाओ जामिणीओ न कामिणीओ ।  
 कट्ठ-सज्झा लोयाणं रहा न मणोरहा । अणीइ-जुत्ताइं खित्ताइं न स-प्पुरिस-  
 चरित्ताइं । अलया-लंकियाइं रमणी-आणणाइं न काणणाइं । तत्थ पवल-पर-  
 वल-जलहि-निम्महण-मंदरो पडिवक्ख-कामिणि-कुडुंब-संकडीय-सयल-सेल-कं-  
 दरो पुरंदरो राया । तस्स भाया निरुवम-ख्वाइ-गुण-निज्जिय-नरदेवो नरदेवो  
 नामा । सो पयईए उदारो अत्थि-सत्थस्स अचत्थं अत्थं देइ । अन्नया  
 पडिहारेण विन्नत्तो—कुमार ! दुवारे सरस्सई-कुडुंबं तुमं दट्ठु-मणं चिट्ठइ ।  
 विम्बिय-मणेण कुमारेण वुत्तं—सिग्घं पवेसेहि । पवेसियं तेण, तं नि-  
 विट्ठं पुरओ । कुमारेण पुच्छिओ मूल-पुरिसो—कत्तो तुमं ? । तेण वुत्तं—इसं-  
 तराउ गुण-विसेस-जाणणं तुमं सोऊण आगओ अहं, एसो मे पुत्तो, एसा  
 मे भज्जा, इमा पुण पुत्त-पत्ती, चत्तारि वि कइणो । कुमारेण वुत्तं—जइ एवं  
 ता “असारात्सारमुद्धरेत्” इति समस्सं पूरेसु । पुरिसेण परिभाविऊण  
 भणियं—

दानं वित्तादृतं वाचः कीर्तिधम्मौ तथाऽऽयुवः ।

परोपकरणं कायादसारात्सारमुद्धरेत् ॥

कुमारेण वुत्तो पुत्तो—“गृह्यतां जन्मनः फलं” इति तुमं पूरेसु ।

तेण भणियं—

देवभक्त्या गुरुपास्त्या सर्वसत्त्वानुकम्पया ।

सत्सङ्गत्याऽऽगमश्रुत्या गृह्यतां जन्मनः फलम् ॥

भणिया पुत्त-भाया—“कवणु पियावउं खीरु”त्ति तुमं पूरेसु ।

तीए वुत्तं—

रावणु जायउ जहिं दियहि दह-मुहु एक-सरीरु ।

चित्ताविय तइयहिं जणणि कवणु पियावउं खीरु ॥

पुत्त-घरिणी भणिया—“कंठि व लुल्लइं काउ”त्ति तुमं पूरेसु ।

तीए पडियं—

इड अचञ्चुड दिहु मइं कंठि व लल्लइं काड ।

कीइचि चिरह-करालियहे उड्ढाविय उवराड ॥

तओ तेसिं तुड्ढ-चित्तेण कुमारेण दिन्ना चउरो सुवन्न-लक्खा । मुणिय-  
मिणं रत्ता भणियं सकोवं ।

मुद्धत्तणेण कुमरो उचिया-णुचियं वियाणइ न किंचि ।

जं एवं विणिजुंजइ अच्चत्थं अत्थमत्थाणे ॥

सलहिज्जइ उचियं चिय चित्तं दिंतो नरो न उण बहुयं ।

कत्त न उव्वेय-करो वरिसंतो जलहरो पउरं ॥

सुयमेयं कुमारेण । तओ मए कित्तियं दिन्नं । परं इतिण्णाऽवि मह  
कुविओ राया । ता किमित्थाऽवत्थाणेणं ति चित्तिज्जण निसाए निग्गओ नय-  
राओ एगागी कुमरो । परिब्भमंतेण तेण दिट्ठो एगत्थ गामे अणेग-साहु-  
सहिओ हिओवएस-परो परोवयार-निरओ निरय-कूव-निवडंत-जंतु-हत्था-  
ऽवलंबो विमलवोहो नाम सूरो । तं पणमिज्जण निविट्ठो पुरओ कुमरो । पारद्धा  
धम्म-देसणा गुरुणा । दंसियं संसारा-ऽसारत्तणं । कहियाइं अकय-सुकयाण  
नारय-तिरिय-दुक्खाइं । परुवियं निरावाहमक्खयं मोक्ख-सुक्खं । अक्खिओ  
तस्स साहणोवाओ साहु-धम्मो । संविग्ग-मणेण तेण भणियं-भयवं ! अक्ख-  
मोऽहं इमं काडं । तओ कहिओ वारस-विहो सावग-धम्मो । पडिच्चो सो  
कुमारेण, भणियं च—भयवं ! हहा ! मए इत्तियं कालं कओ कु-पत्तेसु चित्त-  
व्वओ सपयं पुण नत्थि मे किंचि जं देमि साहूणं । जइ पुण मज्झ किं पि  
संपज्झिही ता मए असण-वसण-सयणा-ऽऽसणोसहाइयं साहूणं दायव्वं ।  
नवरं भोयण-समए समागयाणं साहूणं संविभागं काज्जण भुत्तव्वं ति कओ  
निच्छओ । धत्तो त्ति पसंसिओ गुरुणा । कमेणाऽऽगओ गयपुरं ।

तत्थाऽऽसि निवो खेमं करो त्ति कय-सयल-खोणि-तल-खेमो ।

तस्स सुतारादेवी देवि व्व पणिट्ठ-रूव-धरा ॥

सो पुत्तस्स अभावाड सुन्न-चित्तो तणं व रज्जं पि ।

राया मन्नइ जम्हा जयं वि सुन्नं अपुत्तस्स ॥

अह देवीए गव्वो जाओ तत्तो नीवो गओ तोसं ।

को वा न तूसए चित्तिय-ऽत्थ-संभावणाए वि ? ॥

देवीइ पसव-मासे संपन्ने निवइणो समुप्पन्नो ।

पुव्व-कय-कम्म-वसओ वाही सब्बोसहा-ऽसज्झो ॥

रोगेण तेण राया नीओ निहणं तवो व्य कोवेण ।

संपज्जंति न जम्हा मणोरहा पुन्न-रहियाण ॥

देवीइ अत्थि गम्भे सुओ त्ति बुद्धीइ पालियं रज्जं ।

कइ वि दियहाइं मह-विजिय-तिअस-मंतीहिं मंतीहिं ॥

जाया देवीए धूया, विसन्ना सा, धीरविया मंतीहिं । देवीए पुत्तो जाओ  
त्ति पयासिऊण धूयं चेव रज्जं कारविस्सामो । धरियन्वा तए इमा पुत्त-वेसेण ।  
तओ कराविओ नयरे पुत्त-जम्मूसवो । कयं से पियंकारो त्ति नामं । सा य  
संपुन्न-चंद-सुंदर-मुही जाया जुववणा-अभिमुही । तं तारिसं दट्टूण मंतीहिं  
अच्चिया अच्चुया नाम कुल-देवया । पक्कखी भूया सा विन्नत्ता मंतीहिं-देवि !  
दंसुसे कं पि पुरिसं । जं राय-धूयाए रज्ज-लच्छीए य पइं करेमो । अच्चुयाए  
भणियं—

सीहु दमेवि जु चाहिहइ, इक्कु वि जिणिहइ सित्तु ।

कुमारि पियंकारि देवि तसु, अप्पहु रज्जु समत्तु ॥

तओ तिरोहिया देवी । ठिओ स तत्थ नयरे बुद्ध-महिलाए मंदिरे  
कुमारो, पुत्तो त्ति पडिवन्नो तीए । करेइ सो पियंकारस्स रत्तो सेवं । अन्नया  
धय-गुल-संगए मंडए चित्तूण इंधण-उत्थं गओ अरन्नं । सुत्तु-कामेण पलोइयाउ  
दिसाउ । दिट्ठो इओ तओ परिब्भमंतो साहु । गंतूण समीवं पणमिऊण  
पुच्छिओ सो—भयवं ! किमेवं परिब्भमसि ? साहुणा वुत्तं—सत्थाओ परि-  
ब्भट्ठो मग्गं अयाणंतो एवं भमामि । चित्तियं कुमारेण—अहो ! कट्ठं, एसो  
महप्पा छुहिओ कत्थ भिक्खं पाविही ? अहं पुण गिहं गओ भुंजित्तानि ।  
ता इमस्स मंडगे दाऊण करेमि कय-उत्थमप्पाणं ति सट्ठा-वसुल्लसिय-रोमंचेण  
दिन्ना मुणिणो मंडगा । दंसिओ मग्गो । गओ मुणी अन्नत्थ ।

इओ य तन्नयरा-उत्त-गिरि-निगुंज-गओ सीहो गो-महिस-माणुसाईणं  
उवइवं करेइ । तस्स वहत्थं हत्थ-गहिय-सत्थं पयइं राय-साहणं । तं विइवंतो  
समागओ कुमारासज्जं केसरी । कुमारो वि सत्त-सारत्तणओ विज्जुक्खित्त-  
करणेण आरूढो सिंहस्स पिठुं । वाम-करेण धरिऊण तं कत्तेसु वाहिउं पवत्तो ।  
अहो ! अच्छरियं ति भणंतेहि दिट्ठो साहण-भडेहि । तेण अणुगम्ममाणो  
पत्तो नयरं, गओ य रायउलं । सिहा-उवल्लोयणुत्तत्थ-हत्थि-पारद्ध-हलवोलं तं  
कुमारं अमरं व मणोहरं पिकलंतस्स रत्तो वियंमिओ अणुराओ । संपन्नं पंच-  
सर-पसर-पर-वसं चित्तं । अलंकियं सेय-जल-विंदु-संदोहेण नडालं । समुल्लसि-

ओ सव्वंगं रोमचो । पयट्ठा विसद्व-कंदोद-दल-सरिच्छा तिरिच्छं अच्छि-वि-  
च्छोहा । संजाया सज्झस-वस-खलंतकखरा वाणी । भणिआ रत्ता मंति-  
णो—एसो अम्ह संतिओ रायउत्तो । अहो ! इमस्स निरुवमो विक्रमो । लहु-  
कय-सयल-सत्तं सत्तं । वियंभिय-भुवणच्छरियं चरियं । जं इमिणा मणुस्स-  
मित्तेण दमिऊण केसरी कओ बाहो व्य बाहणं । मंतीहि वुत्तं—देव ! एवं । ता  
इमस्स कीरउ महंतो पसाओ । तओ रत्ता दिट्ठाइं सुवत्तालंकार-पसत्थ-वत्थाई-  
णि । वियरिया एकंगस्स वि कणग-लक्खं वित्ती ।

इत्थंतरे तत्थागएण साविथी-साभिणो नरसिंहस्स रत्तो पुरित्तेण दिट्ठ-  
मेयं सव्वं । चितियं च किं एस पत्थिवो इत्थी ?, जं एयं सिंहारूढं पुरिसं-  
दहूण इमस्स वियंभिया मयण-वियारा । सम्मं निरुवन्तेण दिट्ठं धेय-धणुअव-  
मणहरं रत्तो वच्छत्थलं । हुं निच्छिउं एसा कल्लगे त्ति । तओ गंतूण साहियं  
इमं नरसिंहस्स रत्तो । तेणावि सिक्खविऊण पेसिओ दूओ । सो आगओ ग-  
यपुरं । भणिआ तेण मंतिणो पेसिओइहं नरसिंहराएण, आणत्तं च तुम्ह एयं—

पडिअज्झह मह सेवं दंडं पट्टवह हत्थि-हय-पणुहं ।

जइ जीविण कज्जं रणसज्जा अत्तहा होह ॥

भणियं मंतीहि—तए राया पुत्तो त्ति इत्तियं कालं ।

दंडो न मग्गिओ संपयं [य] धूय त्ति झुणिऊण ॥

मग्गंतो दंडं किं न लज्जसि निच्छियं[पर-]छलत्तेसी ।

ता न तुमं नरसिंहो नवरं नरसारमेओ सि ॥

तुज्झ न देमो दंडं तुह पासे किं तु मग्गिमो अम्हे ।

इय दूय ! कहसु सव्वं सिग्गं गंतूण निय-पहुणो ॥

तं सोउं सो कुविओ चलिओ चउरंग-बल-समूहेण ।

महिचीढमकमंतो पत्तो निय-देस-सीमंते ॥

तं सोउं जाव कुणंति मंतिणो कडग-गमण-संजुत्ति ।

ता भणिआ कुमरेणं किं तुम्हाणं किलेत्तेण ? ॥

एक्को वि अहं काहं समत्त-सत्तूण दप्प-निदलणं ।

पट्टवह मए य समं सामंते पेक्खगे कह व ॥

कुल-देवयाइ वयणं सरिओ दहूण सिंह-दमणं च ।

धुवमेस दिव्व-सत्ति त्ति निच्छिउं मंति-वग्गेण ॥

तत्तो तहेव विहियं कमेण कुमरो गओ अदि-समीवं ।



अरिणो कहावियमिणं झत्ति तुमं होसु रण-सज्जो ॥  
 तेणावि कया पगुणा वर-कणय-गुडा विचित्त-विंध-जुया ।  
 करिणो सुवन्न-गिरिणो व्व जंगमा कप्पतरु-चलिया ॥  
 सज्जीकया रहवरा जय-लच्छि-चलंत-केलि-निलय व्व ।  
 पक्खरिया तुरय-गणा गहिय-सरीरा समीर व्व ॥  
 सन्नद्धा जम-दूय व्व विविह-पहरण-भयंकरा सुहडा ।  
 इय चउरंग-दलेणं नरसिहो उट्ठिओ समरे ॥  
 अणुमग्ग-विलग्गेणं सामंत-प्पसुह-सुहड-वग्गेणं ।  
 कंठीरवमारुहिउं कुमरो पुरओ ठिओ तस्स ॥  
 कंठीरवेण पुच्छ-च्छडाइ तह ताडियं धरणि-पिट्ठं ।  
 कय-पलय-काल-संकं ववहरिउं जह समाढत्तं ॥  
 तुट्ठंत-मूल-बंधा पडिया फल-कुसुम-सालिणो तरुणो ।  
 चज्जेण हयाइं पिव तुट्ठाइं गिरीण सिहराइं ॥  
 किं फुट्ठं वंभंडं पडिओ गयणाउ विज्जु-दंडो वा ।  
 इय संकाओ सयलं सत्तु-वलं आउलं जायं ॥  
 तत्तो सीहेण कओ गिरि-गुह-पडि-सद्द-भीसणो सद्दो ।  
 कप्पंत-काल-गज्जंत-मेह-निग्घोस-दुव्विसहो ॥  
 हणिउं व मयंकमयं उप्पडइ खणं नहंगणे सीहो ।  
 पुण पडइ कुलिस-निदुर-कम-भर-निदलिय-महिक्खो ॥  
 तत्तो नरसिंह-निवस्स कुंजरा सिंह-भय-विदुर-हियया ।  
 अवगणिय-महामत्ता मत्ता वि पलाइया झत्ति ॥  
 भय-वत्सओ अवगणिउं वग्गाओ महीइ आसवार-भडा ।  
 उल्लालिऊण खित्ता तुरएहिं रएण नट्टेहिं ॥  
 सुहडाण पहरणाइं भय-वत्स-कंपंत-पाणि-पायाणं ॥  
 पडियाइं पायवाण व पवणाहय-पक्क-पत्ताइं ॥  
 इय नासंतं सिन्नं दट्ठूण भयाओ सो वि नरसिहो ।  
 निय-हत्थि संठविउं कहं पि थक्को रणे एक्को ॥  
 नरसिंह-हत्थि-कुंभ-त्थलम्मि चडिओ हरी वि उप्पइउं ।  
 तो भूमि-निहिय-दसणो सज्झ-विदुरो ठिओ हत्थी ॥  
 भय-वत्स-वियलंत-समत्त-पहरणो मुक्क-विककुकरिसो ।



नरसिंहो विय थको तत्थ हत्थि-कुंभ-त्थले लुढिओ ॥  
 कड्डिय-करवालेणं मरह त्ति पयंपिओ कुमारेण ।  
 दंत-गहियंगुली तं नरसिंहो भणिउमाढत्तो ॥  
 रक्ख मह जीवियं तुज्झ सेवगोऽहं खमेसु अवराहं ।  
 न पुणो काहं एवं जं हुंति खमा-परा गरुया ॥  
 तो कुमारेण विमुक्को नरसिंहो अप्पणो पुणो जम्मं ।  
 मन्नंतो परितुट्ठो को व न तूसइ वसण-विगमे ॥  
 करि-तुरय-रयण-कणया लंकाराईणि तेण दिन्नाइं ।  
 गहिजण पसन्न-मणो समागओ गयपुरं कुमरो ॥  
 सोउं कुमार-चरियं परितुट्ठा मंतिणो समग्गा वि ।  
 जाओ दढमणुराओ पियंकरीए कुमारम्मि ॥  
 परिणाविजण परिचत्त-राय-वेसं पियं करीं कुमरो ।  
 रज्जम्मि परिट्ठविओ विहिओ य महुसवो नयरे ॥  
 कुलदेवयाह भणियं मए वरं रायकन्या-जुग्गं ।  
 पिच्छन्तीए दिट्ठो नरदेवो एस राय-सुओ ॥  
 सुणिणो अरन्न-पडियस्स मग्गं चुक्कस्स छुह-किलंतस्स ।  
 छुहिएण सयं ठाउं इमिणा जं भोयणं दिन्नं ॥  
 सस्सेण तेण तोसिय-मणाइ काउण वाहनं सिंहं ।  
 सत्तिं च सत्तु-विजए इमस्स रज्जं मए दिन्नं ॥  
 ता जो इमस्स आणं विलंघिही तस्स निग्गहं काहं ।  
 इय सयल-जण-समक्खं भणिजण तिरोहिआ देवी ॥  
 अप्पडिहय-प्पयावेण तेण परिपालियं चिरं रज्जं ।  
 पुव्वं पि जे न सिद्धा ते वि निवा साहिया तेण ॥  
 नयरे नयरे जिण-मंदिराइं काराविद्याइं तुंगाइं ।  
 सव्वत्थ वित्थरेणं जिण-रह-जत्ताउ विहियाओ ॥  
 सम्माणिजण सव्वो सुणीण भत्तिं कराविओ लोओ ।  
 संवेग-परिणएणं गुरु-पासे आगमो सुणिओ ॥  
 एवं गिहत्थ-धम्मं काऊण समाहिणा मओ एसो ।  
 उप्पन्नो सुर-लोए तओ चुओ पाविही मोक्खं ॥  
 इति अतिथिदाने नरदेव-कथा ॥

एवं नरिंद ! तुह अक्खियाइं एयाइं वारस-वयाइं ।  
 रत्ता भणियं भयवं ! अणुग्गहो मे कओ तुमए ॥  
 पंच-मह-व्वय-भारो धुवं गिरिंदो व्व दुव्वहो ताव ।  
 तं जे वहंति सम्मं ते दुक्कर-कारए वंदे ॥  
 ते वि हु सलाहणिज्जा न कस्स परिमिय-परिग्गहा-SSरंभा ।  
 सकंति पालिउं जे इमाइं वारस-वयाइं पि ॥  
 गुरुणा भणियं आणंद-कामदेवाइणो पुरा जाया ।  
 जेहिं परिपालियाइं इमाइं सावय-वयाइं दढं ॥  
 इणिह तु वर-गिहत्थो इहत्थि नामेण छड्डओ सेट्ठी ।  
 परिमिय-परिग्गहो विहिय-पाव-वावार-परिहारो ॥  
 जो अहिगय-नव-तत्तो संतोस-परो विवेय-रयण-निही ।  
 देव-गुरु-धम्म-कज्जेसु दिन्न-निय-भुय-विट्ठ-धणो ॥  
 सो अम्ह पाय-मूले पुव्वं पडिवज्जिऊण भावेण ।  
 वारस-वयाइं एयाइं पालए निरइयाराइं ॥  
 रत्ता भणियं एसो आसि धणड्डो स्ति मज्झ गोरव्वो ।  
 साहम्मिउ स्ति संपइ बंधु व्व विसेसओ जाओ ॥  
 भयवं ! अहं पि काहं सावय-धम्मस्स वारस-विहस्स ।  
 परिपालणे पयत्तं वसुहा-सामित्त-अणुरुवं ॥  
 तो गुरुणा वागरियं नरिंद ! तुममेव पुत्तवंतो सि ।  
 जो एरिसो वि सावय-वयाण परिपालणं कुणसि ॥  
 इय सोमप्पह-कहिए कुमार-निव-हेमचंद-पडिवज्जे ।  
 जिण-धम्म-प्पडिवोहे पत्थावो वज्जिओ तुरिओ ॥

इत्याचार्यश्रीसोमप्रभविरचिते कुमारपालप्रतिबोधे

चतुर्थः प्रस्तावः ॥

॥ ॐ ॥

## अथ पञ्चमः प्रस्तावः ।



अह गुरुणा वागरियं जो जीवदयं समीहए काउं ।  
तेण कसायाण पराजयस्मि जत्तो विहेयव्वो ॥  
जम्हा कसाय-विवसो किच्चमकिच्चं च किं पि अमुणंतो ।  
निदय-मणो पयट्ठ जीवो जीवाण पीडासु ॥  
तो कोह-माण-माया-लोभा चउरो चउव्विहा हुंति ।  
एक्किक्खो अणंताणुबंधि-पमुहेहिं भेएहि ॥  
कज्जाकज्ज-विचारण-चेयन्न-हरस्स विसहरस्सेव ।  
कोवस्स कोऽवगासं महमं मण-मंदिरे दिज्जा ? ॥  
सुट्ठु जलणो जलंतो वि दहइ तं चेव जत्थ संलग्गो ।  
कोह-जलणाउ जलिओ सठाणमन्नं परभवं च ॥  
जिण-पचयण-भेह-समुब्भवेण पसमामएण कोव-दवं ।  
विज्झवइ जो नरो होइ सिव-फलं तस्स धम्म-वणं ॥  
कोवेण कुगइ-दुक्खं जीवा पावंति सिंह-वग्ग व्व ।  
होउं खमा-परा पुण लहंति सग्गापवग्ग-सुहं ॥

तं जहा—

अत्थि इत्थेव भरहे सिंहउरं नयरं ।

जं सहइ दीहर-ऽच्छं पणिट्ठ-रयणं सुहालय-सणाहं ।

महिला-सुहं व भालोवलक्खियं किं तु न कयावि ॥

तत्थ विहू राया ।

जस्स असिणा घणेणं तमाल-नीलेण स-जल-धारेण ।

संछाइया अरीणं पयाव-तवणो जस-ससी य ॥

तस्स गुण-रयण-खाणी दुज्जण-सुह-कमल-काणण-हिमाणी ।

कंदप्प-राय-हाणी देवी लच्छिं सि मिउवाणी ॥

तेसिं पुच्च-कय-सुकयाणुत्वं रज्ज-सुहं सेवंताण समुप्पसा दुवे जमल-पुत्ता ।  
काराविओ रत्ता नचंत-तरुणि-थण-वट्ठ-तुट्ठंत-हार-तारइय-भवणंगणो पुत्ताजम्बू-

सबो । दिनाइं तेहिं नामाइं एकस्स सिंहो वीयस्स वग्घो त्ति । गया दो वि  
बुद्धि । समए गहिय-कला-कलावा जाया जुव्वणाभिरामा ।

तेदो वि सरिस-वत्ता सरिस-पम्माणा सरिच्छ-संठाणा ।

सरिच्छग-सद्द-चिट्ठा बालत्तणओ वि संपन्ना ॥

उच्छंग-लालियाण वि पिउणो वि मुणंति ताणमविसेसं ।

किं पुण सेसा लोया, अह तत्थ वियंभिओ गिंभो ॥

जहिं दुट्ठ-नरिंदु व सयल भुवणु परिपीडइ तिव्व-करेहिं तवणु ।

जहिं दूहव-महिलय-जण समग्ग संतावइ सूयसरीर लग्ग ॥

जहिं तण्हा-तरलिय-पहि वहंत अणुसरहिं सरसए व जेव कंत ।

जहिं चंदणु चंदु-जलद-हारु सजणु व दिति आणंदु फारु ॥

जहिं सेवहिं धारा-जंतु नीरु जण सिसि सनाइ कामिणि सरीरु ।

जहिं दक्खा-वाणिय पियहिं महुर गुरु-वयण नाइ भव-ताव-विहुर ॥

जहिं निय-निय-कड-कुसुम-ज्जलेण.....सारसा व चंदण-जलेण ।

सिक्खंतउ तरुणिहि तरुणु लोउ संताव चत्तु पावइ पमोउ ॥

तत्थ गिंभे गया कीलत्थं उज्जाणं दो वि कुमार । विविह-कीलाउ कुणं-  
तो आढत्तो गीयं गाइउं सिंहो । वग्घो पुण पयट्ठो पुप्फावचयं काउं । इत्थंतरे  
वेयड्ढ-पव्वयावयंस कणयपुर-नयर-वासी सुवेग-विज्जाहरो जरा-जुओ अचंतं  
मणहरं निय-कन्नगं अन्नन्न-विज्जाहरेहिं पत्थिज्जं पि जुद्ध-भयेण तेसिं अदाज्जण  
भू-गोयरस्स कस्स वि देमि त्ति तं वेत्तूण तत्थागओ । खणामित्तं सुयं तेहिं  
सिंहस्स गीयं । अहो गीय-कला-पगरिसो एस त्ति चित्थियं चित्ते । कन्नगा वि  
जणयाणुजाया पयट्ठा गाइउं । तं सोउं चित्थियं सिंहेण ।

जं निरुवम-रूवाए इमीए अचंत-सुंदरो सद्दो ।

एकं सुवन्नमन्नं सुरहिं तं संपयं जायं ॥

तह तीए अक्खित्तो सिंहो महुरेहिं रूव-सदेहिं ।

जह छल-गवेसिणो वम्महस्स सर-गोयरं पत्तो ॥

वग्घो वि गीयं सोज्जण लयंतरिओ कन्नगं पिच्छिउं पयट्ठो । अक्खित्तो  
तीए रूव-सदेहिं सुत्तूण कुसुम-वयं कुसुम-सर-पर-वसो पविट्ठो कयली-हरं  
कन्नगावि विरया गीयाओ पयट्ठा उज्जाण-लच्छि पिच्छिउं । कह वि पत्ता कय  
लीहरे । दिट्ठो तत्थ तीए पल्लव-सत्थरे पत्थरे व्व रइं अलहंतो दाह-दीहं नीस  
संतो वग्घो । जो मए दिट्ठो गायंतो सो चेव एसो त्ति भणंतीए पुच्छिओ-



किं ते बाहू ? त्ति । तेण वुत्तं—जो न पर-दुक्खेण दुक्खिओ, न दुक्ख-विमु-  
क्खण-खमो वा किं तस्स सीसइ । तीए वुत्तं—सुहय ! दुक्खिया अहं तुह दुक्खेण,  
खयरत्तणओ सच्च-दुक्ख-हरण-क्खमा य । ता कहसु निय-संताव-निमित्तं ।

सो जंपइ—जइ एवं ता सुण, जप्पभिइ सुयण ! दिट्ठासि ।

तप्पभिइ मज्झ पीडं मणम्मि मयणो कुणइ बाढं ॥

तो जइ मह दुक्खेणं दुहिया सि, मणम्मि वसइ तुज्झ दया ।

तो परिणैऊण ममं मह जीविय-सामिणी होसु ॥

कन्नगाए वुत्तं—

किमजुत्तं, जओ जणओ वि मे वर-उत्तेसणत्थमित्थागओ, ता जाव मं  
अन्नस्स सो न देइ, ताव तुमं मए सयं चेव वरिओ सि त्ति । तओ स कंठाउ  
खित्ता वग्घस्स कंठे कुसुममाला । भणियं च, अहं ताव विज्जाहरी, तुमं पि  
मम पासओ गिण्ह पढिय-सिद्धाओ विज्जाओ, जेण विज्जाहरो होहिसि । गहि-  
याउ तेण विज्जाउ, जाओ सो विज्जाहरो । विवाह-पडणो होसु त्ति भणंती नि-  
ग्गया कन्नगा कयलीहराओ । खयरेणावि भणिओ सिंहो—कुमार ! रंजिओ  
हं तुह गीएण । ता भण किं ते पियं करेमि ? । सिंहेण वुत्तं—जं अहं मग्गेमि  
तं तुमए दायव्वं । खयरेण वुत्तं एवं । सिंहेण वुत्तं—ता देसु मे निय-धूयं ।  
खयरेण वुत्तं मम मणो-गयं चेव मग्गियं तुमए । किं अणुचियं नागवल्लीए  
पूण-पायव-रोहणं । परं धूया मे विज्जाहरी, ता तुज्झ वि देमि पढिय-सिद्धाओ  
विज्जाओ जेण दुण्हं पि तुम्ह विज्जाहराणं अणुख्वो संयंधो होइ । गहियाओ  
विज्जाओ सिंहेण, गंतूण कहियं तेण पिउणो, मए खयर-कन्नगा लब्ध त्ति ।  
इओ य तत्थ समागओ खयर पासं वग्घो । सिंह-भंतीए वग्घमुहिसिउं खयरेण  
भणिआ धूया, वच्छे ! तुमं मए एयस्स दिन्न त्ति । तीए चित्तियं—अहो ! मे  
दिव्वमणुकूलं, जो चेव मए कयली-हरे वरिओ पिउणा वि तस्सेव अहं दिन्न  
त्ति । भणिओ तीए जणओ—ताय ! जणसु तुमं विवाह-सामग्गि । तओ  
तेण विहिओ विवाह-मंडवो । ठविया तत्थ अणेग-खयर-रामा-समेया कन्नगा ।  
वग्घेणावि कहियं पिऊणं—मए वि खयर-कन्नगा लब्ध त्ति । भणियं अणेहिं  
अहो ! अम्ह पुद्ग-परिणई, जं जाया जुगवं दुवे देव-कुमारोवमा कुमरा ।  
दोहि वि लब्धाओ जुगवं खयर-कन्नाओ । तओ तेहिं विवाहो-चियं विहिं  
काराविऊण उज्जाणमाणीया दो वि कुमारा । पुच्छिया य—का कन्नगा केण



लद्ध ? त्ति । वग्घेण वुत्तं, संसुहाए चउरियाए जा चिट्ठइ, सा मए लद्धा । सिं-  
हेण हक्कारिऊण खेयरो भणिओ—कत्थ सा कत्तगा, जा तुमए मज्झ दिन्ना ?  
खयरेण दंसिआ स च्चैव कत्तगा । वग्घेण वुत्तं—एसा तुमए मज्झ दिन्न त्ति ।  
खयरेण वुत्तं—इण्हं पि तुम्ह सरिस-खवत्तणेण भंतं मे चित्तं । परं मए जत्स  
कत्ता दिन्ना तत्स विज्जाओ वि दिन्नाओ, तप्पभावेण जो गयण-गमण-सत्ति-  
मंतो सो मे धूयं परिणेत । तं सोऊण दो वि राय-हंस व्व उप्पइया गयणे, पुणो  
वि आगया भूमिं । खेयरेण वुत्तं—विज्जा-सत्तीए विउव्वह चउरंगं सेत्तं ।  
दोहिं पि तद्देव कयं । खेयरेण वुत्तं—दो वि तुम्हे तुल्ल-गुणा, एक्का इमा कत्तगा,  
न याणामि कत्स दिन्न त्ति । ता किं करेमि ? । पिज्जहि भणियं—वाम-दाहि-  
णेषु नयणेषु व नत्थि अम्ह दोसु वि कुमारेसु विसेसो, ता बुज्झिऊण एको  
को वि परिणेत एयं । वग्घेण भणिओ सिंहो—खण-मित्त-पढम-पसवेण तुमं  
मे गरुओ बंधू, तओ जा मह अणुरत्ता तं पइ मणं पि काउं ते न जुत्तं ।  
सिंहेण भणियं मह गुरु-बंधवे अपरिणीयम्मि तुज्झ वि न जुत्तं परिणयणं ।  
वग्घेण वुत्तं—नेहेण गुरु-बंधवो त्ति मत्तिज्जसि तुमं, अत्तहा एक-कालं एक-  
जणणी-गन्ध-समुग्धवाणं अम्हाणं का गुरु-लहु-ववत्था ? । सिंहेण वुत्तं—अरे !  
कमागयं मे गरुयत्तणं पि तुमए हारवियं, ता होसु मए समं समर-सज्जो ।

अह वग्घेणं भणियं जह खयर-सुयं पडुव अणुराओ ।

जाओ अम्हं तह होउ संपयं संपराउ त्ति ॥

तो दो वि दप्प-वसओ सत्तच्छा दंत-दट्ठ-उट्ठ-उडा ।

कर-गहिय-खग्ग-फलया संगामं काउमाढत्ता ॥

वग्गंति दो वि हक्कंति दो वि पहरंति दोवि अत्तोऽज्जं ।

बंधंति दो वि घाए दो वि पउंजंति दिव्वत्थं ॥

खणमुप्पयंति गयणे निवडंति महीयले खणं दो वि ।

खणमोसरंति खणमग्निभडंति महिस व्व रोसंधा ॥

दट्ठूण वि दूरंतं हा ! हा ! अमयं पि किं विसं जायं ।

जं परिणयणं कुमराण परिणयं जुद्ध-ख्वेण ॥

अम्हे चिय कय-पुत्ता इय बुद्धी पुव्वमासि अम्ह मणे ।

संपइ पुण निवग्गं अप्पाणं मत्तिमो अम्हे ॥

जं एक-कुक्खि-पभवा[इण्ह] वि कलहंति एक-रमणि-कए ।

किं को वि निवारिस्सइ इमे त्ति खेयं कुणंताण ॥

कुमर-सयणाण गयणाड आगओ तत्थ चारण-स्समणो ।  
 तेण भणियं किमेवं कुणह कुमारा पुण वि कलहं ! ॥  
 सइय-भुयंग-कुंजर-कुरंग-गंडय-तवस्सिणो तुब्भे ।  
 पुव्वं कलहं काउं कोवंधा मरणमणुपत्ता ॥  
 तं सोऊण कुमरा सुमरिय-पुव्वाणुभूय-कोव-फला ।  
 मुत्तूण जुद्ध-बुद्धि पणया मुणिणो निसन्नस्स ॥  
 रत्ता वि मुणिं नमिउं भणिओ तुमए कओ मह पसाओ ।  
 जं पढियं किं पि इमे कुमरा मिह्णविया समरं ॥  
 ता कह किं तं पढियं, भणइ मुणी पुव्व-जम्म-कोव-फलं ।  
 कुमराण मए कहियं तुमं पि तं सुणसु नर-नाह ! ॥  
 सूरपुरे नचरे नर-वइस्स दो सइया इमे आसि ।  
 एक्को तत्थ मयहरो बीओ मयहर-पयं महइ ॥  
 अह मयहरो निवेणं भणिओ भो ! तुज्झ कित्तिया सत्ती ! ।  
 सो भणइ सइ-रंघे खिचामि तिमिरे वि तंतुनहं ॥  
 बीओ[य] भणइ अहं तु सइ उल्लालिऊण मिह्णेमि ।  
 जह हिह्ण-ठविए दोरयम्मि सयमेव पविसेइ ॥  
 तो निय-निय-विज्ञाणं निवस्स दोहिं पि दंसियं तेहिं ।  
 बीयस्स मयहरत्तं तुट्ठेण निवेण तो दिन्नं ॥  
 एक्कस्स पयस्स कए कयाइ कुद्धा परुप्परं दो वि ।  
 कलहं काऊण मया जाया मलयाचले सप्पा ॥  
 संपत्ता पोढत्तं मिलिया चंदण-दुमे इमे दो वि ।  
 अन्नो-सन्न-दंसणेणं कुविय-मणा दिन्न-कण-घाया ॥  
 कलहायंता दड्ढा दवग्गिणा कुंजरा ससुप्पत्ता ।  
 एक्क-करिणी-निमित्तं कलहं काउं मया दो वि ॥  
 जाया मरम्मि हरिणा जुद्धंतां दो वि एक्क-हरिणि-कए ।  
 वाहेण हया जुगवं उप्पत्ता गंडया मिलिया ॥  
 ते एक्क-पत्तूल-कए कलहंता कइमे मया पडिउं ।  
 होऊण नरा जाया एक्कस्स तवस्सिणो सीसा ॥  
 कालेण गुहम्मि मए कलहं दो वि एक्क-मड-कळे ।  
 अन्नो-सन्न-पहार-कया महीइ पडिया मए दिह्ण ॥

उवसामिऊण परमिट्ठि-मंत-सवणं कराविया दो वि ।  
 मरिऊण त-प्पभावेण दो वि तुह नंदणा जाया ॥  
 संगामं कुणमाणा इमे पुणो एक्क-खेयरी-ऊजे ।  
 दिट्ठा मए दयाए बुज्झविया कहिय-पुव्व-भवे ॥  
 तो भणियं कुमरेहिं सव्वमिणं अवितहं तए कहियं ।  
 निरयंघकूव-कुहरे निवडंता रक्खिया अम्हे ॥  
 अणुभूयं कोव-फलं अओ परं उवसमं करिस्तामो ।  
 ता देसु अम्ह दिक्खं तो दुग्घि वि दिक्खिया सुणिणा ॥  
 उवसग्ग-परे वि परे खमा-पहाणा परुप्परमकुद्धा ।  
 कत्थ वि विसए मरिऊण दो वि पत्ता तियस-लोयं ॥  
 इति कोपविषये सिंहव्याघ्र-कथा ।

अट्ट-मय-ट्ठाणेहिं मत्तो अंतो-निविट्ठ-संकु व्व ।  
 कस्स वि अनमंतो तिहुयणं पि मन्नइ तणं व नरो ॥  
 मय-वट्ठो उड्डु-सुहो गयणाम्मि गणंतओ रिक्खाइं ।  
 अनिरिक्खिय-सुह-मग्गो भवावडे पडइ किं चोज्जं ॥  
 राया-ऽमच्चाईणं पि सेवओ माणवज्जिओ चेव ।  
 लहइ मण-वंछियत्थं पुरिस्तो माणी पुण अणत्थं ॥  
 माणी उव्वेय-करो न पावए कामिणीण काम-सुहं ।  
 इत्थीण काम-सत्थेसु कम्मणं मदवं जम्हा ॥  
 मोक्ख-तरु-वीय-भूओ माण-त्थडुस्स नत्थि धम्मो वि ।  
 धम्मस्स जओ समए विणउ चिय वज्जिओ मूलं ॥  
 जाइ-कुलाइ-मएहिं नडिओ जीवो वि विडंबणं लहइ ।  
 तेहिं पुण वज्जिओ गोधणो व्व सुह-भायणं होइ ॥

तं जहा—

अत्थि इत्थेव भरहे चंदपुरी नयरी ।  
 सरयम्म-विम्भमादम्भ-देव-भयण-प्पहा-कडप्पेण ।  
 अमरपुरिं पि हसंति व्व सहइ जा नियय-रिखीए ॥  
 तत्थ दमियारी राया ।  
 नक्खत्त-कुसुम-टियडिक्कियाइ हरिणंक-मंडल-कलाए ।

वंभंड-मंडयो जस्स कित्ति-बल्लीइ संछन्नो ॥  
 तस्सासि पवर-बुद्धी समत्थ-सत्थत्थ-वित्थर-पवीणो ।  
 कय-सयल-कज्ज-रज्जो मंती नामेण गोविंदो ॥  
 सावित्ति व्व विरंचिस्स बल्लहा तस्स गोमई गिहिणी ।  
 तेसिं पणिट्ठ-रूवो संजाओ गोधणो पुत्तो ॥  
 समए पढाविओ सो वागरणार्हणि सयल-सत्थाइं ।  
 कलहो व्व करिंदत्तं कमेण तारुल्लमाख्खो ॥  
 अह जलहिणो व्व वेला फुरिया चित्तम्मि तस्स दप्प-कला ।  
 अहमेव जाइ-कुल-खव-नाण-पमुहे हि पवरो त्ति ॥  
 जो को वि अत्थि सत्थत्थ-पारणो सो मए समं वायं ।  
 कुणउ त्ति भणंतो सो पुरम्मि पुग्गाइं वाएइ ॥  
 नरनाह-मंति-पुत्तो त्ति तेण सह को वि कुणइ न विवायं ।  
 तो गाढं सो गहिओ अहमेव बुद्धो त्ति गव्वेण ॥  
 सो पिउणा सिक्खविओ वच्छ ! सगत्तस्स अणुचिओ गव्वो ।  
 तुच्छाण फुरइ चित्ते पायं अत्तुक्करिस्स-बुद्धी ॥  
 जं स-गुण-गव्व-गहिलो तुमं न गरुए वि नमस्सि तमजुत्तं ।  
 पुरिस्सस्स नम्मया नम्मय व्व उदयावहा जम्हा ॥  
 गुणिणो जणस्स गव्वो गरुओ हरिणो सत्तिस्स व कलंको ।  
 ता पुत्त ! तं विमुत्तुं वट्ठसु सप्पुरिस्स-मग्गेण ॥  
 पर-दूसणं न जंपइ थेवं पि गुणं परस्स वज्जरइ ।  
 न कुणइ परे असूयं न परं परिहवइ सप्पुरिसो ॥  
 भरिओ वि न मज्जइ सायरो व्व फलिओ वि नमइ ख्खलो व ।  
 पुत्तो वि चयइ चंदो व्व कुडिल-भावं महा-पुरिसो ॥  
 सो पिउणा सिक्खविओ वि निहुरो भद्वं न पडिवत्तो ।  
 परिक्रमिओ वि बहुसो काओ किं मरगओ होइ ? ॥

तओ सो पयंड-पंडिच्च-दप्प-दुपिच्छो मए इमम्मि नयरे सव्वे विबुहा  
 गहाविया मोणं, नयरंतरेसु वि एवं करेमि त्ति चिंतंतो निग्गओ निय-न-  
 यरीओ । अवरावर-वियक्खणेहि सह वयण-कलहं कुणंतो परिव्वमिओ भूरि-  
 देसेसु । कयाइ केणाऽवि कहियं तस्स, जहा, सीह-शुहा-पल्ली-सामिणो माणभं-  
 ग-मायंगत्त धूया पणिट्ठ-रूवा निय-छहल्लत्तणओ उत्ताणा भणइ नत्थि को वि



सो वियड्डो जेण समं जंपेमि । तं सोऊण कया गोधणेण पइन्ना मए सा निरु-  
त्तरा कायव्व त्ति । सो अभिमान-वसओ धीसरिऊण अप्पणो परस्स य जाइं  
गओ पड्डि । पविट्ठो पल्लिनाह-भवणं, दिट्ठो तत्थ आसणत्थो पल्लि-नाहो । तप्प-  
णमत्थमागया धूया । तं दट्ठुं चित्तियं गोधणेण अहो ! अच्चञ्चुयं इमीए ताव  
रूवं । भणिओ पल्लिनाहेण गोधणो—को तुमं किमत्थ वा इत्थ आगओ ? ।  
गोधणेण वुत्तं—सुण,

गोकर्णः कान्यकुब्जे सदसि नरपते ! उज्जयिन्यां जयन्तो

वाराणस्यां स्वयम्भूर्गजपुरनगरे निर्जितः पद्मनाभः ।

भूयांसोऽन्येऽपि नृकन्नतमधिगमिता वादिनो येन सोऽयं

पल्लेनाथ ! त्वदीयां दुहितरमधुना गोधनो द्रष्टुमागात् ॥

पल्लिनाहेण जंपियं—पंडिच्च-दप्पेण इत्तियं भूमिगाणीओ तुमं । धूयाए ह-  
सिऊण भणियं—एएसि पंडियाणं व ममाऽवि पराजए समुज्जओ सि, ता सुण;  
मेइणि-संभवित्थी-तणओ चुक्खओ सु पुणु अजाओ ।

जणणि-सहोयठ निय-जणओ जोयइ जणि सविसाओ ॥

इमस्स परमत्थं कहेसु । परिभावंतेणावि नावगओ गोधणेण तस्स-  
त्थो । पल्लिनाहेण वुत्तं—पुत्ति ! तुमं कहसु । तीए भणियं सुणह—वसंतउरे  
नयरे सुभगा नाम वेत्ता । सिद्धो नाम वाणि-उत्तो अणुरत्तो तीए । जाया सा  
गुव्विणी । तीए पसव-मासे चिर-रूढ-वण-रेहं पट्टि-देसे दट्ठूण सिद्धेण पुच्छिया  
अक्का किं तुह सुयाए एयं ति । तीए कहियं इओ चुइसण्हं वरिसाणं परओ  
चित्त-कसिण-पंचमीए पओसे पुव्व-दिसाए एसा दो-वरिसा मए मेइणीए पडि-  
या पाविया । ता एवं तक्केमि कस्स वि सुव्वयंतस्स सगडाओ पडियाए  
इमीए दिव्व-वसओ चक्केण अकंताए वि अमयाए एसा चक्क-वसणि त्ति । एवं  
सोउं सिद्धेण जंपियं—पिय-हराओ इत्थ पुरे मह मायाए मए सह सगडारू-  
ढाए इंतीए पडिया पुत्ती ता वरिस-मास-तिहि-समग-पमुहाण संवायाउ ममे-  
सा नूणं स च्चिय लहुय-वहिणी ।

विद्धी ! मए अकज्जं कयं इमीए सह विहि-वसएण ।

ता किं करेमि वच्चाभि कत्थ कह होज्ज मह सुद्धी ? ॥

इय सो विसज्ज-चित्तो गेहाओ विणिग्गओ गओ कह वि ।

तमपिच्छंती सुभगा दुह-विहुरा मरणमावन्ना ॥

तया तीए क्षत्ति उयरं दारिऊण कड्डिओ गव्वाओ पुत्तो, संबड्डिओ सो



अक्षाए । जुव्वणत्थेण तेण पुच्छिया अक्षा कथ मे जणओ । तीए कहियं—  
 कथ वि गओ त्ति । एवं मेइणीए पुहवीए पडिया पाविय त्ति मेइणी-संभवा  
 जा इत्थी, न उण मेयणीइ संभवा । तीए पुत्तो खुखो पवित्तो नामओ सो  
 पुण उदरं दारिज्जण कड्डिओ त्ति अजाओ, न पसूओ । सो जणणी-भायरं  
 जणयं गवेसइ त्ति भावत्थो । गोघणेण वुत्तं—अहो ! इमीए वियट्ठिमा,  
 अहो ! वयण-विन्नासो, ताऽहं रंजिओ अ, अलं रंजिओ य । भणिओ सो  
 पल्लिनाहेण—भो ! जइ तुमए इमं न नायं ता किं इत्तिण्णाऽवि लहुओ सि ।  
 गरुओ पंडिओ तुमं । ता कहसु किं ते कीरइ ? । तेण भणियं जस्स पडियं न  
 याणेमि तस्स सेवगेण मए होयव्वं ति कया पइत्ता पुव्वं । अओ ! तुह घूयाए  
 सेवं काउभिच्छामि । पल्लिनाहेण चित्तिं—हा ! किमेवं एसो निय-जीहाए  
 जंपह त्ति । हुं नायं, दिट्ठि-वियारेण मम धूया-ऽणुरत्तो व्व एसो लक्खिज्जइ ।  
 मम धूया वि गुणवंताणुरागिणी, ता होउ एसिं दुण्हं पि सरिस्ताणं संबंधो त्ति ।  
 तओ भणिओ गोधणो—अह ! गुणवंतो तुमं । तुह सेवं करिस्सइ मे धूया, ता  
 परिणेतु एवं ति । परितुट्ठेण पडिवन्नमेयं । गोधणो परिणाविओ पल्लिनाहेण तं  
 धूयं । सो तीए सह विसए सेवए । अह माणभंग-मायंगे पंचत्तं संपत्ते सच्चिय  
 पल्लीवई जाओ । पारद्धि-कए कइयाऽवि चंड-चंडाल-चक्क-कलिएण चलिएण  
 तेण दिट्ठो मग्गे पडिमा-ठिओ साह ।

तं असउणो त्ति हणिउं धावंतो गोधणो गहिय-खग्गो ।  
 तिव्व-तव-तोसियाए देवीए थंभिओ वरिओ ॥  
 थंभो व्व थिरो निप्फंद-लोयणो तं मुणि पलोयंतो ।  
 सो चित्तिउं पयत्तो को एस महापभावो त्ति ॥  
 सम्मं परिभावंतेण तेण उवलक्खिओ अहो ! एसो ।  
 सुगिहीय-नामवेयो गोविंदो चिय मह पिय त्ति ॥  
 ता एवं पणमामि त्ति चित्तिउं मुक्क-पहरणो चलिओ ।  
 सो देवयाए मुक्को महि-निहिअ-सिरो मुणि पणओ ॥  
 पुरओ ठाउं भणियं अणेण सो एस ताय ! दुप्पुत्तो ।  
 तुह कुल-कलंक-भूओ निकिट्ठ-चिट्ठो अदट्ठव्वो ॥  
 ता मह कहाऽवि चिट्ठउ महाणुभायाण जा असोयव्वा ।  
 निय-चरियं पुण कहिउं कुणउ ममाणुग्गहं ताओ ॥  
 वुत्तंतमिणं मुणिज्जण आगया गोधणस्स गिहिणी वि ।

मुणिणो नमिऊण कमे कयंजली सा ठिया पुरओ ॥  
 तो पारिऊण पडिमं भणियं समणेण वच्छ ! गेहाओ ।  
 तइ निक्खंते खेओ संजाओ मह अणक्खेओ ॥  
 तुह विरहेण मणं मे कत्थ वि वत्थुम्मि रइमलभमाणं ।  
 पत्थिव-पओयणेसु वि कमेण मंदायरं जायं ॥  
 अन्न-दिणे उज्जाणं गएण दिट्ठो मए मुणी इक्को ।  
 तं भत्तीए नमिउं उवविट्ठो तस्स पुरओऽहं ॥  
 तेण भणियं किमेयं सुय-कज्जे खिज्जसे जओ भइ ! ।  
 हुंते वि सुए न गुणो न को वि अगुणो अहुंतम्मि ॥  
 पुव्व-कय-सुकय-वसओ जीवो सुहिओ हविज्ज इह लोए ।  
 इह भव-सुकएणं पुण परलोए पावए सुक्खं ॥  
 पुत्ताण अभावम्मि वि सुहिणो दीसंति के वि सुकय-वसा ।  
 हुंतेसु वि तेसु परे न सुहं पावंति पाव-हया ॥  
 ता मुत्तुं सुय-सोयं जिण-भणियं धम्मभिकमायरसु ।  
 जो पर-जम्म-सहाओ होउं जीवत्स कुणइ सुहं ॥  
 ताऽहं विसय-विरत्तो पडिवन्नो संजमं गुरु-समीवे ।  
 मह तिच्च-तव-पभावेणं ओहि-नाणं समुप्पन्नं ॥  
 तुज्झ पडिवोह-समयं मुणिऊण इहागओ अहं एसो ।  
 तो गोधणेण वुत्तं भयवं ! हा पाव-कम्मोऽहं ॥  
 एवं विडंढणं जो मएण पत्तोऽग्निं जंपियं मुणिणा ।  
 थेवा इमा पुरा-भव-अणुभूय-विडंढणाहितो ॥

जओ—

जाओ सि खरो सुणहो कोलो छागो कमेलगो मूओ ।  
 जाइ-कुलाइ-मयाओ संकर-जम्मम्मि विहियाओ ॥  
 ता गोधणेण भणियं भयवं ! कह मे अणुग्गहं काउं ।  
 पत्तं मए कहम्मिणं मुणिणा भणियं सुणसु वच्छ ! ॥  
 इह आसि कासि-नयरी-वत्थव्वो संकरो वर-गिहत्थो ।  
 सुह-जाइ-कुलुप्पन्नो खव-कला-विहव-संपन्नो ॥  
 मज्झ विसुद्धा जाई गरुयं पुत्तं मणोहरं खवं ।  
 परमं कला-कलावे कोसलमतुल्लमीसरियं ॥

ह्याह-मयद्वाणेहि विनडिओ निटुरेहि वयणेहि ।  
 लोयं अहिक्खित्तं सो वंधइ नीय-गुत्ताइं ॥  
 मरिज्जण रासहो सो संजाओ भार-वहण-खिन्नंगो ।  
 जीयं गमिज्जण मओ सुणहो जाओ गओ पोढिं ॥  
 असुहं चि य भक्खंतो मरिउं सो गड्ड-सूयरो जाओ ।  
 पंक-लुलिओ नियाउं खविउं सो छगलगो जाओ ॥  
 संकर-सुएण किण्णिउं हणिओ सो संकरस्त मय-कज्जे ।  
 तत्तो जाओ करहो कयाह गुरु-भार-अक्कंतो ॥  
 पडिज्जण दुत्तडीए सो वेयण-विट्ठुर-विग्गहो मरिओ ।  
 चंपापुरीइ माहण-गिहम्मि दासो ससुप्पन्नो ॥  
 सो मूयओ वराओ कयाह मासोववास-पारणए ।  
 भिक्खा-कए पविट्ठो समणो माहण-गिहे तम्मि ॥  
 असुखो अफुरिस्सणिज्जो जइ चि इमो तह चि तव-पहाणु त्ति ।  
 मन्नंतोए सो माहणीए पडिलाभिओ सम्मं ॥  
 मह सामिणी कयत्था जा दाणं देइ साहुणो एवं ।  
 इय अणुमोयंतेणं दासेण उवज्जियं सुकयं ॥  
 सुकएण तेण दासो मरिउं जाओ सि वच्छ ! मह पुत्तो ।  
 तं पुण पुच्च-मय-फलं [जं] चंडालाण मिलिओ सि ॥  
 मरिज्जण माहणी सा जाया मुणिदाणओ इमा सगुणा ।  
 समण-डुगंछाए पुण चंडाल-कुलम्मि उप्पन्ना ॥  
 तो सुमरिय पुच्चभवो पयंपए गोधणो सह पियाए ।  
 अणुभूयं माण-फलं अओ परं तं न काहामि ॥  
 तत्तो इमिणा सम्मत्त-पुच्चगं सावगतत्तणं गहियं ।  
 गुरु-पासे गरहंतेण माण-जणियं पुरा-पावं ॥  
 तं पालिज्जण सम्मं समाहिणा अणसणेण मरिज्जण ।  
 सोहम्मो दो वि सुरा ति-पल्ल-परमाउणो जाया ॥

इति मानविपाके गोधन-कथा ॥

धम्म-वण-जलण-जाला मोह-महा-मयगलाण [जा] साला ।  
 कुगह-बहू-वर-माला माया सुह-मह-हरण-हाला ॥

थेव-कए कवड-परो निविडं निविडं तमावया-लक्खं ।  
 लक्खइ न जणो लगुडं पयं पियंतो विडालो व्व ॥  
 माया-वसेण कवड-प्पओग-कुसला अक्किच्चमायरिडं ।  
 पत्ता इहेव सयमेव लज्जिडं नाइणी निहणं ॥

तं जहा—

इह जयपुरं पुरं अत्थि जत्थ वित्थिन्न-पन्न-पुन्नाओ ।  
 पवरावण-वीहीओ बाहिं मज्झे य रेहंति ॥  
 तत्थासि विजयघम्मो राया सूरस्स जस्स न समत्थो ।  
 दद्धं पि मंडलग्गं भएण रिड-कोसिय-समूहो ॥  
 रत्तो तस्स बहु-मओ मयंक-निम्मल-गुणाराओ सिट्ठी ।  
 तत्थासि गंगदत्तो तग्गिहिणी गंगिला नाम ॥  
 नागो त्ति ताण पुत्तो विसिट्ठ-ख्वो सहावओ सरलो ।  
 सयल-कला-कुल-निलओ कमेण सो जुव्वणं पत्तो ॥  
 ईसर-वणिणो धूया परिणीया तेण नागिणी नाम ।  
 सा नागिणी व्व दुट्ठा कुडिल-सहावा वियड-भोगा ॥  
 महुरं जंपंतीए तीए अणुकूलमायरंतीए ।  
 सासू-ससुराण मणं परमं परिओसमाणीयं ॥  
 भत्ता हिया विणीया एसा अम्हं ति ते विचिंतंति ।  
 को वा कवड-पओगेण कीरए न धुवमप्पवसो ॥  
 इंतस्स भत्तुणो सा अब्भुट्ठाणं ससंभमं कुणइ ।  
 सयमासणं समप्पइ पक्खालइ अप्पणा पाए ॥  
 पय-पक्खालण-सलिलं देह सिरे देव-न्हवण-सलिलं व ।  
 चिट्ठइ अणन्न-दिट्ठी पुरओ आणं पडिच्छंती ॥  
 सुत्तम्मि तम्मि भुंजइ सुयइ पसुत्तम्मि जग्गए पुव्वं ।  
 इय कवड-परं तं चिय मन्नइ नागो सुघरिणि त्ति ॥  
 अह अन्नया वसंतो वियंभिओ जणिय-जण-मणाणंदो ।  
 तम्मि गओ नयर-जणो सव्वो कीलत्थमुज्जाणे ॥  
 नागो वि तत्थ गंतुं कंदुग-कीलं करेइ भित्त-जुओ ।  
 अह तत्थ काऽवि गणिया हरिया खघरेण एकेण ॥  
 गणिया-परिवारेणं पुक्करिअं अत्थि को वि सप्पुरिसो ।



खयरेण निज्जमाणिं जो रक्खइ सामिणिं अम्ह ॥  
 तो संजाय-दणं नागेण नहंगणम्मि गच्छंतो ।  
 तह कणय-कंदुगेणं मम्म-पएसे हओ खयरो ॥  
 खयरस्स जहा पडिया पहार-पीडा-विहत्थ-हत्थस्स ।  
 सा सरवरस्स मज्झे अमुणिय-गयणावडण-दुक्खा ॥  
 नागेण पविसिउं सरवरम्मि धरिया झड त्ति बुडुंती ।  
 तीरं सुहेण नेउं जणणीए अप्पिया गणिया ॥  
 परितुट्ठाए तीए भणिओ सो सिट्ठि-पुत्त ! मह धूयं ।  
 रक्खंतें जीवावियऽम्हि तुमए सपरिवारा ॥  
 सो नीओ निय-गेहं काउं सम्माणमुत्तमं भणिओ ।  
 घरमेयमेस विभवो अहं च सव्वं तुहायत्तं ॥  
 निय-विक्रमेण किणिया जा तुमए रक्खिज्जण वसणाओ ।  
 मयणलयाए तीए किं पुण वत्तव्वमेयाए ॥  
 मयणलयाए वुत्तं सुहय ! जहा निवसिओ सि अम्ह मणे ।  
 भयणे वि इमम्मि तहा तुमए निच्चं पि वसियव्वं ॥  
 एवं सिणेह-वयणेहिं ताहिं उवरोहिओ तहा नागो ।  
 जह मयणलयाए सह चिट्ठइ बहुविह-विणोएहिं ॥  
 जाणिय-वुत्तंतें नागो जणएण जंपिओ एवं ।  
 वच्छ ! वणिगाण अम्हं न पोरिसं एरिसं सरिसं ॥  
 घडिओ खु विक्रमो खस्सियाण सो सोहए न वणिगाण ।  
 करहस्स जं न घडियं न रेहए नेउरं तं सो ॥

किं च—

पुरिसस्स हियाहिय-चित्तगस्स जुज्जइ न सेविउं वेसा ।  
 मुणिणो अत्थम व्व तवं जा विहवं सुदु निट्ठवइ ॥  
 भणइ सुओ ताय ! तया तुमुलं सोज्जण मह मणं जायं ।  
 तह करुणा-रस-विवसं जह वणिओऽहं ति वीसरियं ॥  
 निउण-मइणो वि सहसा नरस्स तं किं वि आवडइ कज्जं ।  
 उच्चियाणुच्चिय-विवेगो न जम्हि हियए परिप्फुरइ ॥  
 वेसा-संगोऽणुचिओ त्ति जं च आइस्सि ताय ! तं जुत्तं ।  
 किं तु न घणत्थिणी सा कुणइ कइत्तु त्ति मइ नेहं ॥



अह कित्ति ए वि काले गयम्मि अधिरत्तणेण जीयस्स ।  
 परलोयं संपत्तो जणओ जणणी य नागस्स ॥  
 सासु-सुसरेसु दिवं गएसु गणिया-गिह-ट्टिए नागे ।  
 पर-पुरिसेहि सह धणं निरग्गला नागिणी खाइ ॥  
 चोरेहि हरियमेयं ति कुणइ कवडुत्तराई नागस्स ।  
 सोऊण सरल-सहावो तह ति पडिबज्जए सच्चं ॥  
 अह भणइ नागिणी तं सु चिय सलहिज्जए जए पुरिस्सो ।  
 निय-भुय-विठत्त-वित्तो किंति धम्मं च जो कुणइ ॥  
 देसंतर-गमणेणं विणा न पुक्खल-धणागमो होइ ।  
 ता जुव्वणम्मि जुज्जइ तुह पिय ! देसंतरं गंतुं ॥  
 तं हिय-वयणं नागो मज्जतो भणइ भणसि सुहु पिए ! ।  
 तं पुण मयणलयाए अक्खइ सा जंपए नागं ॥  
 पिययम ! अन्नासत्ता तुह भज्जा ते उवइसइ एवं ।  
 नहि देसंतर-गमणं पियस्स महिला महइ कहवि ॥  
 नागो भणइ मह चिय अणुरत्ता नागिणी सई पवरा ।  
 पर-पुरिसे रमण-मणं वि कुणइ न कया वि सीय व्व ॥  
 गणिया जंपइ पिययम ! न सुणसि इत्थीण कवड-चरियाई ।  
 जाउ कुणंति अकज्जं तहा परं पत्तियावंति ॥

किं च—

सिद्धि-सुयाए कवडं इण्हि चिय जं कयं इहेव पुरे ।  
 तं सुणसु भणइ नागो कहसु पिए ! तं कहइ गणिया ॥  
 इत्थेव पुरे सिद्धी मणोरहो नाम अत्थि अत्थीणं ।  
 अत्थ-पयाण-समत्थो लच्छी नामेण तस्स पिया ॥  
 ताण चउण्हं पुत्ताण उवरि जाया मणोरह-सएहि ।  
 सुंदरिम्म-विणिज्जिय-तियस्स-सुंदरी सुंदरी धूया ॥  
 तीए परिणयणाओ अणंतरं चेव उवरओ भत्ता ।  
 भणियं पिउणा वच्चे ! विरस्सो चिय एस संसारो ॥  
 पहवंति मच्चु-पासा अखलिय-पसरा सुरासुराणं पि ।  
 ता चिट्ठ चत्त-खेया गिह-कम्मं किं पि अकुणंती ॥  
 अन्नदिणम्मि गवक्खे ठियाइ तीए पहम्मि वचंतो ।

राय-सुओ सव्वुत्तम-ख्वो नव-जुव्वणो दिट्ठो ॥  
 पच्चक्ख-काम-एव-व्वमेण मुक्काउ तम्मि दिट्ठीओ ।  
 नीलुप्पल-मालाओ तीए अह वंदिणा पढियं ॥  
 जयइ विजय-लच्छी-संगओ वंग-देसा-  
 हिवइ-भुवणपालस्संगओ कामपालो ।  
 अइसय-रम्मणिज्जं पेक्खिउं जस्स ख्वं  
 धुवममर-वट्ठओ मच्च-लोयं महंति ॥  
 एयं सेट्ठि-सुयाए सुणिज्जण वियाणियं जहा एसो ।  
 वंगाहिव-राय-सुओ नामेणं कामपालो त्ति ॥  
 राय-सुएण वि दिट्ठा सिट्ठि-सुया साणुराय-दिट्ठीए ।  
 सो तं चिय चिंतंतो विज्जं व गओ नियावासं ॥  
 काम-ज्जरेण गहिओ चिट्ठइ कत्थ वि रइं अलभमाणो ।  
 जाया दढमस्सत्था सेट्ठि-सुया मयण-सर-विहुरा ॥  
 सेट्ठी तओ विसन्नो कुडिलं पव्वाइगं गिहे पत्तं ।  
 दट्ठूण भणइ भदे ! मह धूया वाढमस्सत्था ॥  
 तं सज्जी कुणसु तुमं सा जंपइ सेट्ठि ! ताव पेच्छामि ।  
 पत्ता तीए पासं सुणिउं से वम्मह-विचारं ॥  
 एगंते भणइ मए तुह अस्सत्थत्त-कारणं सुणियं ।  
 ता साहसु सब्भावं तं संपाडेमि जेणाऽहं ॥  
 अन्ना न गइ त्ति कहेइ तीइ सा राय-पुत्त-वुत्तंतं ।  
 सा कवड-निही जंपइ वच्चसु आइच्च-वारम्मि ॥  
 आइच्च-हरे आइच्च-अचण-मिसेण कारविस्सामि ।  
 तदंसणं तहिं तुह इय भणियं उट्ठिया एसा ॥  
 सेट्ठिस्स कहइ दोसो नियत्तिओ तुह सुयाए किंचि मए ।  
 रवि-चारे रवि-पूयाइ सव्वहा पुण नियत्तिहिइ ॥  
 तो राय-सुयावासं पत्ता वुत्ता य तस्स भिचेहिं ।  
 भयवइ ! किं चि वियाणसि सा भणइ सुणामि सव्वं पि ॥  
 ते विंति अम्ह सामी दढमसमत्थो करेसु तं सज्जं ।  
 काहामि त्ति भणंती सा नीया राय-सुय-पासं ॥  
 सो रहसि तीइ भणिओ सेट्ठि-सुया-दंसण-च्छलं लहिउं ।

छलिओ मयण-पिसाएण तेण जाओ सि अस्सत्थो ॥  
 हसिउं राय-सुएणं भणियं भयवइ ! कहं नुणसि एयं ? ।  
 अहवा होइ फुडं दिव्व-नाण-नयणो तवस्सि-जणो ॥  
 सत्थत्तणे उवायं चित्तसु सा भणइ चित्तिओ वेय ।  
 रवि-वारे रवि-भवणे गच्छसु जेणिच्छियं लहसि ॥  
 अह पत्ता सेट्ठि-सुया सयण-जुया रविगिहम्मि रवि-पूयं ।  
 काउं विनिगच्छंती राय-सुएणं भुए गहिया ॥  
 तो पुक्करियमिमीए छिवियाए मज्झ अन्न-पुरिसेण ।  
 अग्गि विणा न सुहि त्ति झडित्ति कड्डेह कट्ठाइं ॥  
 पिउणा नियत्तिया सा कहं पि तो आगया नियं गेहं ।  
 पच्चाइयं पयंपइ तं आणसु कह वि रयणीए ॥  
 तहेव विहियं तीए जाओ दुण्हं पि संगमो ।  
 'पट्ट-कर्णो भिद्यते मन्त्र' इय तीए विचिंतिउं ॥  
 पच्चाइयं पसुत्तं तत्तो कथाइएहिं पिहिऊण ।  
 भवणं पलीवियं निग्गयाइं दुत्ति वि निहुय-निहुयं ॥  
 पच्चाइया निरग्गल-मइ-प्पयंचा वि वंचिया तीए ।  
 कवड्डकडाण कय-डुक्कडाण नणु, किचिरं कुसलं ॥  
 तीए सह राय-सुओ गओ सभवणम्मि अह गिहे दड्डं ।  
 पच्चाइगं सुयं चिय मन्नंतो विलवए सेट्ठी ॥  
 हा पुत्ति ! तए पर-पुरिस-फरिस-विहुराए मग्गिओ अग्गी ।  
 दिन्ना न मए सयमेव साहिओ तह वि सो तुमए ॥  
 तुमए चिय एक्काए पुत्ति ! सुहं मज्झ उज्जलं विहियं ।  
 रमणीण मंडणं जं सीलं तुह चेव तं दिट्ठं ॥  
 तीए मय-किच्चाइं काउं अट्ठीणि खिवइ सो तित्थे ।  
 अह कइवय-दियएहिं राय-सुयस्स वि धणं तुहं ॥  
 सो भणइ पिए ! जामो निय-देसं तं भणेइ सेट्ठि-सुया ।  
 मा कुरु एवं इत्थेव पूरिही सव्वमवि सेट्ठी ॥  
 कहियं च तस्स कत्ते तीए एवं तुमं करेसु त्ति ।  
 तो गंतुं राय-सुओ हटे सिट्ठिं भणइ एवं ॥  
 दव्वेसु देह मइ पट्ट-साडियं तेण अप्पिया साडी ।

सा घरिणि-दंसणत्थं पट्टविया राय-पुत्तेण ॥  
 अमणहर त्ति न गहिया तीए तो पेसिया पुणो अन्ना ।  
 सा वि न गहिया तीए दु-तिन्नि-वारं कयं एवं ॥  
 सिट्ठी जंपइ स धिय इह एउ किमन्न-पाय-घसणेण ।  
 तत्तो समागया सा तं दड्डुं सेट्ठिणा भणियं ॥  
 एसा सा मह धूया राय-सुओ भणइ किं न संभरसि ? ।  
 किं धूयमणि-दड्डुं किं सिट्ठि ! सिणेह-गहिलो सि ? ॥  
 सिट्ठी जंपइ सरिसत्तणेण मूढो ण्हि भणइ राय-सुओ ।  
 सिट्ठि ! न दोसो तुह जेण सरिस-वत्थूसु होइ भमो ॥  
 सरिसत्तणओ जाओ आइच्च-हरे भमो तथा मज्झ ।  
 जेण मए तह धूया छिक्का निय-घरिणि-बुद्धीए ॥  
 संपइ पुण संपन्नो तुज्झ भमो जो तुमं मह कलत्तं ।  
 निय-धूयं भणसि अओ भमेण दुत्ति वि समा अम्हे ॥  
 सिट्ठी जंपइ धूया-सरिस्ता एसा वि मज्झ धूय त्ति ।  
 ता तुज्झ जेण कज्जं तं गिण्हसु मह सयासाओ ॥  
 इय इत्थीणं चरियं गहणं निउणो वि नाह ! न मुणेइ ।  
 तत्तो जंपइ नागो पिच्छिस्समहं घरिणि-चरियं ॥  
 अह दिसि-जत्तारंभं काउं नागेण नागिणी वुत्ता ।  
 जामि पिए ! देसंतरमहं तुमं चिट्ठ गेहम्मि ॥  
 सा भणइ तुज्झ विरहे अ-रइ-करं मह घरं मसाणं व ।  
 किं तु अजुत्तं पिय-वयण-लंघणं तेण चिट्ठामि ॥  
 सो पत्थिओ पसत्थे दिणम्मि गंतूण जोयणे कइ वि ।  
 देसंतरे घ्नणत्थं पट्टविउं वाणियं अन्नं ॥  
 नागो सयं नियत्तो चिट्ठइ गणिया-गिहे पविसिऊण ।  
 कह्याइ निसाए गओ स-गिहं कप्पडिय-वेत्तेण ॥  
 तं भणइ नागिणी किं देसंतरिओ सि ? सो भणइ एवं ।  
 सा भणइ कुणसि कज्जं जइ मे ता ख्वयं देमि ॥  
 तेणुत्तं तुह कज्जं काहं सा भणइ पडलयं एयं ।  
 गिण्हसु इमिणा गहियं तेण समं सा गया बार्हि ॥  
 तत्थत्थि सूलि-भिन्नो पुरिसो गरुए कहिं पि अवराहे ।

सो पुण तीए दइओ सा तं घुसिणेण रंजेइ ॥  
 कुसुमेहि पूयए तस्त ढोयए खज्ज-मोयण-प्पमुहं ।  
 पुण आगच्छइ गेहं सा कप्पडियं भणइ एवं ॥  
 सुवसु तुमं घर-दारे गोसे गिण्हज्ज ख्वगं जं ते ।  
 सुवइ तहिं कप्पडिओ तीए अन्नो वि अत्थि पिओ ॥  
 सो आगओ गिहं से मुणितं तव्वइयरं भणइ एयं ।  
 सो चोरो तुज्झ पिओ मयं पि अत्थेसि जं रंडे ! ॥  
 सिट्ठो वि अणिट्ठोऽहं ता तुमए मह न किं पि कज्जं ति ।  
 जंपंतो सो सुत्तो सिज्जाइ परम्मुहो ठाउं ॥  
 कुणइ मह मम्म-भेयं इमो त्ति कुवियाइ तीइ तस्त सिरं ।  
 छिन्नं छुरियाए अहह ! साहसं किं पि महिलाणं ॥  
 पुण भणिओ कप्पडिओ खण खड्डुं देसि ख्वगं वीयं ।  
 तेणाऽवि कोउगेणं गिहेग-देसस्मि सा खणिया ॥  
 मारिय-पुरिस-सरीरं पक्खित्तं खंडितं तहिं तीए ।  
 तत्तो विम्बिय-चित्तो पत्तो गणिया-गिहे नागो ॥  
 मयणलयाए अक्खइ मह घरिणी लक्खिया तए सुहु ।  
 सप्पस्त मुणइ घसणिं सप्पो चिय इय कयं सच्चं ॥  
 सो ताव ठिओ तत्थेव जाव देसंतराउ संपत्तो ।  
 गहियत्थो वणिउत्तो तेण समं तो गओ गेहं ॥  
 पुव्वं व वसइ सह नागिणीइ नागो अभिन्न-सुह-रागो ।  
 नहि दंसंति विरागं गरुया गरुए वि अवराहे ॥  
 कहया वि अक्खजूए नागो घरिणीइ ख्वगं जिणिओ ।  
 पुण पुण तं मग्गंती भणिया नागेण सा एवं ॥  
 चिट्ठंति तुज्झ पासे लद्धा दो ख्वगा मए पुव्वं ।  
 तेसिं एक्को वलिओ वीओ पुण संपयं लद्धो ॥  
 तीए वुत्तं के वुत्ति ख्वगा तो पर्यंपए नागो ।  
 एक्को पडलय-नयणे खड्डा-खणणस्मि पुण वीओ ॥  
 तं सोऊण हहा ! मह चरियं सच्चं अणेण दिहं ति ।  
 दुक्खेण फुट्ट-हियया मया गया नागिणी निरयं ॥  
 लोगो जंपइ नागं देसि न किं लुंठि-लुंचलाईयं ? ।



भज्जाइ मरंतीए तत्तो नागेण संलत्तं ॥  
 लेक्खइ चोक्खइ जो मरइ निय-दुच्चरिय-वसेण ।  
 सुंठि-सुंचलु किं करेइ तसु दिन्नं अवरेण ॥  
 इय नागिणीए चरियं पवंच-बहुलं पलोइउं नागो ।  
 वेरग-मग-लगो आढत्तो चित्तिउं एवं ॥  
 कूड-कुडुंव-कुडीओ विवेय-मायंड-मेह-मालाओ ।  
 को महइ बाल-बालुंकि-बाल-कुडिलाओ महिलाओ ॥  
 रज्जइ कर-चलणाहर-दलेसु तरुणीण निच्च-रत्तेसु ।  
 खण-रत्त-विरत्तं पुण मूढो मुणइ मणं तासिं ॥  
 मयण-धणु-लट्ठि-वंकासु तूसए कामिणीण भसुहासु ।  
 ताण न याणइ मूढो चित्तं तु सदस्स-गुण-वंकं ॥  
 तुच्छं मज्झं कट्ठिणं थण-त्थलं चंचलं च नयण-जुयं ।  
 पर-मोहत्थं महिला पयडंति न एरिसं तु मणं ॥  
 तुंग-थण-त्थल-विसमे असंभवं रमणि-देह-मरु-देसे ।  
 सेवेइ संवरं जो पीडिज्जइ सो न तण्हाए ॥  
 एवं संवेय-परो विसय-विरत्तो वि विसय-मइ-जुत्तो ।  
 नागो नाण-दिवागर-गुरु-पासे सुणइ जिण-धम्मं ॥  
 तो कवड-चत्त-चित्तो चारित्तं गेण्हिउं तवं काउं ।  
 समए मरिज्जण गओ सगं मोक्खं च सो लहिही ॥  
 इति मायायां नागिनी-कथा ॥

जो कोह-माण-माया-परिहार-परो वि वज्जइ न लोहं ।  
 पोओ व्व सागरे सो भवम्मि वुड्ढइ कु-कम्म-गुरु ॥  
 ससि-कर-धवला वि गुणा निय-आसय-वाह-कारए लोहे ।  
 आवदंति जल-कणा लोहम्मि व जलण-संसत्ते ॥  
 इह लोयम्मि किलेसे लहिउं लोभाउ सागरो गरुए ।  
 पर-लोए संपत्तो दुग्गइ-दुक्खाइं तिक्खाइं ॥

तं जहा—

अत्थि भरहम्मि नयरी निहिला महिल व्व मणहरागारा ।  
 पायारेण वरेणं परिचरिया जा परागम्मा ॥

वेसमण-समाण-घणो तत्थ वणी अत्थि सागरो नाम ।  
 अत्थं विय पुरिसत्थं मन्नइ सो लोभ-गह-गहिओ ॥  
 करिसण-हट्ठ-कलंतर-वणिज्ज-पसुहे घणज्जणोवाए ।  
 विविहे सो कुणइ सया अगणंतो अप्पणो दुक्खं ॥  
 कहया वि तेण दिट्ठो जोगप्पो जोगिओ गरुय-गरुयो ।  
 तत्तो का तुह सत्ति ? त्ति पुच्छिओ जंपए जोगी ॥  
 रत्तीए वि दिणं दिणे वि रयणिं दंसेमि सेलेऽखिले  
 उप्पाडेमि नहंगणाउ गहणं पाडेमि भूमी-यले ।  
 पारावारमहं तरेमि जलणं थंभेमि रुंभेमि वा  
 दुब्बारं परचक्कमत्थि न जए तं मज्झ जं दुक्करं ॥  
 तो सागरेण वुत्तो जोगिंद ! न मे पओयणं किं पि ।  
 गह-गिरि-पसुहेहिं पाडिएहि उप्पाडिएहिं वा ॥  
 जइ अत्थि कणय-सिद्धी ता तं दंसेसु मे किमन्नेण ।  
 तो जोगिएण भणियं कणगं आणेसु किंचि तुमं ॥  
 तं झत्ति जेण दु-गुणं करेमि तो सागरेण आणीयं ।  
 कणयस्स करिसमेक्कं कवडेण तमग्गिणा धमियं ॥  
 खिविऊण नियय-कणयं छन्नं तं जोगिणा कयं दु-गुणं ।  
 तो कुणइ विम्हिओ तस्स आयरं सागरो गरुयं ॥  
 जोगी भणइ किलेसेण इत्तिएणेव होइ बहुयं पि ।  
 तो कणग-पल-सयं सागरेण जोगिस्स उवणीयं ॥  
 तं सयल-निसं दोहि वि धमियं जलणेण तो चरम-जामे ।  
 सुत्तम्मि सागरे गिण्हऊण तं जोगिओ नट्ठो ॥  
 हा ! मुट्ठो त्ति विसन्नो कयाऽवि केणाऽवि सागरो भणिओ ।  
 देसंतर-वाणिज्जे कीरंतं होइ घण-लाहो ॥  
 काऊण महासत्थं गहिऊण कयाणगाइं विविहाइं ।  
 लंघिय-विसम-अरत्तो सो पत्तो तामिलित्ति-पुरिं ॥  
 कय-विक्कए कुणंतस्स तस्स जाओ तहिं बहुय-लाभो ।  
 सो तहऽवि असंतुट्ठो समुद्धमवगाहिउं महइ ॥  
 तेण गहियं पवहणं कट्टमयं अप्पणो चरित्तं व ।  
 चित्तं न जत्थ थेवो वि विलसए लोह-संबंधो ॥

दीवंतर-जुग्गाइं किणियाइं कयाणगाइं विचिहाइं ।  
 कण-घय-तिल्ल-जल्लिधण-पनुहाणं संगहो विहिओ ॥  
 दा.....वि-कर-सुक्काण कोत्थला भरिया ।  
 सत्थग्गि-तिल्ल-कंजिय जोहा गहिया य जुद्धत्थं ॥  
 अह पिह्लियं पवहणं वज्जंताउज्ज-रव-भरिय-भुवणं ।  
 तत्थ कय-मंगलो परिचणेण सह सागरो चडिओ ॥  
 पवणुप्पाडिय-सिय-वड-जणिय-जवं जाव तं कमइ जलहिं ।  
 तो छ-प्पड व्व कमले गयणे लहुओ घणो जाओ ॥  
 सो कमसो वित्थरिओ कसिण-करालो कयंत-महिसो व्व ।  
 फुरिया दिसासु जम-कत्तिय व्व दुइंत्तणा विज्जू ॥  
 जाओ गज्जो वंभंड-भंड-फुट्ठण-रवो व्व भय-हेऊ ।  
 लह्मापसरो पिसुणो व्व दूस्सहो पसरिओ पवणो ॥  
 पीय-सुरो व्व विसंडुल-पय-प्पयारो महोयही जाओ ।  
 फुट्ठं तओ पवहणं पडियं उद्दाउ भंडं च ॥  
 अह सागरेण लद्धं फलयं पिय-माणुसं व हियएण ।  
 धित्तूण तं ससुद्धे सो भमिओ सत्त-दियहाइं ॥  
 पत्तो कहं पि तीरे सो दिट्ठो निहएहिं मिच्छेहिं ।  
 पावन्ति लोह-विपसा जं वत्तणुत्तिरिविडिं जीवा ॥  
 सो नीओ निय-ठाणं भुज्जं भोयाविओ य पुट्ठि-करं ।  
 तो तेण चित्तियमिणं किमिमे[मम]भोयणं दित्ति ॥  
 अन्नदियहिम्मि एसो सव्वणं पिच्छिऊण मिच्छेहिं ।  
 x x x x x x x  
 नीहरिय-रुहिर-धारो निवेसिओ बाहिर-पएसे ॥  
 तस्सादूरम्मि ठिओ चावारोविय-सरो नरो य पच्छन्न(?) ।  
 तो सागरंग-लुद्धो पक्खि-विसेसो तहिं पत्तो ॥  
 तं गिण्हंतो पक्खी नरेण विद्धो महल्ल-भल्लीए ।  
 सो तप्पहार-विहुरो धरणीए नियडिऊण मओ ॥  
 करि-कुंभ-पडम्मि व मुत्तियाइं हिययम्मि तस्स रयणाइं ।  
 चिद्धंति तं हुरीए छित्तुं मिच्छेहिं गहियाइं ॥

इय सागरस्स कीरइ पुण पुण भिच्छेहिं दुस्सहं दुक्खं ।  
 अन्न-दियहे नरेणं भल्लीए मंद-चिट्ठो त्ति ॥  
 पक्खी धित्तुं सागरमुप्पइओ सागरोवरी जंतो । .....  
 सागर-गयम्मि पोए पहार-पीडाउलो पडिओ ॥  
 मुक्को य जीविणं तो संभंतेण पोय-वणिण्ण ।  
 को एसो वुत्तंतो त्ति सायरं सायरो पुट्ठो ॥  
 निय-वुत्तंतं कहिउं सो भणइ इमस्स पक्खिणो हिययं ।  
 भित्तूण गिण्ह रयणाइं ताइं तो तेण गहियाइं ॥  
 तं रयण-लाभ-हेउत्तणेण उवगारिणं विभायंतो ।  
 पत्थोसहेहि विविहेहिं पोय-वणिओ कुणइ पवणं ॥  
 तं पवहणं विलगं सुरट्ठ-विसयम्मि मंगलउरम्मि ।  
 मुत्तुं पोयं धितइ तत्थ ठिओ सागरो एवं ॥  
 धणउ व्व तथा नयराओ निग्गओ गहिय-वहुय-विहवोऽहं ।  
 इण्हिं तु निच्छणो कह पु तत्थ रोरो व्व गच्छामि ॥  
 एवं विसन्न-वयणो दिट्ठो सो धंभणेण एक्केण ।  
 भणिओ य भइ ! दीससि किमेवमुव्विग्ग-विसो व्व ? ॥  
 तो सागरेण भणियं जइ वि अकहणिज्जमप्पणो चरियं ।  
 तह वि तुह पढम-दंसण-पयडिय-मेहस्स अक्खेमि ॥  
 तो सव्वं निय-चरियं कहियं विप्पस्स तेण भणियमिणं ।  
 अधणो त्ति मा विसूरसु तुह संपाडेमि जेण धणं ॥  
 इह अत्थि उज्जयंते गिरिम्मि विवरं समीहियत्थ-करं ।  
 तस्स पवेसण-कप्पो सवित्थरो अत्थि मह पासे ॥  
 तो मज्झ जइ सहाओ होसि तुमं ता दुवे वि पविसामो ।  
 ..... दिव्वंगणाउ जं मग्गियं दिति ॥  
 धण-लुद्ध-बुद्धिणा सागरेण भणियं इमं करेमो त्ति ।  
 कय-उचिय-सयल-किंवा आढत्ता पविसिउं दो वि ॥  
 विप्पो वच्चइ पुरओ करत्थ-कप्पोवइट्ठ-मग्गेण ।  
 पजलंत-महिस-पुच्छेण पिट्ठओ सागरो एह ॥  
 पाएहि जंति कत्थ वि कत्थ वि जाणूहि कत्थ वि उरेण ।  
 ते कत्थ वि पिट्ठेणं कढिण-तडुग्घट्ठ-सव्वंग्गा ॥

पिच्छंति दो वि कथ वि फार-फणा-भीसणे कसिण-सग्गे ।  
 तह कथ वि वेयाले कर-कंपिय-कसिय-कवाले ॥  
 भविस्सामि पिए ! ऽहं पुरस्सरं अणुचरं तु भक्ख तुमं ।  
 इय जंपंतं कथ वि भयं-करं भूय-मिहुणं च ॥  
 इह विविह-भीसणेहिं अखुब्भमाणा कमेण वचंता ।  
 पिच्छंति कंचणमयं महग्घ-मणि-मंडियं भवणं ॥  
 मणि-कणय-भूसणालंकियाउ पासंति तत्थ देवीओ ।  
 आराहिउं पयद्दा तम्मज्जे सामिणिं दो वि ॥  
 तुडाए ताण जवा तीए वत्थंचलम्मि पक्खित्ता ।  
 ते तेहि अवशाए छड्ढित्ता जंपियं एवं ॥  
 अम्हेहि कयं कट्ठं गरुयं तो अम्ह देवि ! जइ देसि ।  
 चिंता-रयणाइं दुवे तो जामो नऽह्हा जामो ॥  
 तो कुवियाए देवीए दो वि हणिऊण वाम-पाएण ।  
 पक्खित्ता विवराओ वाहिं अन्नऽन्न-ठाणेसु ॥  
 निहिलाउज्जाणे सागरेण पडिओ पलोइओ अप्पा ।  
 वत्थंचले विलग्गा कह वि जवा तह सुवन्नमया ॥  
 सो चिंतइ अहह ! मए मूढेणं छड्ढिया सुवन्न-जवा ।  
 संभवइ सव्व-नासो अह वा लोहंघ-बुद्धीणं ॥  
 सो निय-गेहम्मि गओ हा ! नट्टा जल-निहिम्मि मे लच्छी ।  
 इय झूरंतो निचं चंदेण सुएण संलत्तो ॥  
 साहसियं उज्जमिणं तुमं पि मुत्तूण जा गया लच्छी ।  
 सा वचउ किं तीए ताय ! हया स चिय वराई ॥  
 निम्नं गच्छति निम्नगेव नितरां निद्रेव विष्कम्भते  
 चैतन्यं मदिरेव पुष्यति मदं धूम्येव दत्तेऽन्वताम् ।  
 चापत्यं चपलेव शुम्बति दवज्वालेव तृष्णां नय-  
 त्युल्लासं कुलटाङ्गनेव कमला स्वैरं परिभ्राम्यति ॥  
 किं च तुह ताय ! भवणे कमागया अत्थि पुक्खला लच्छी ।  
 तुमए मए य जा उण उवज्जिया सा वि निस्सीमा ॥  
 इय बुज्झविओ वि सुएण सागरो गरुय-लोह-पडिबद्धो ।  
 निहं न मज्झ-रत्ते वि लहइ लच्छि विचितंतो ॥



तस्तत्स्थि सुन्न-मज्झा गरुई गेहंगणम्मि मंजूसा ।  
 गयण-गमण-क्खमाओ चंदस्स वि दुन्नि भज्जाओ ॥  
 तासि एका मंजूसमारुहइ वहइ तं पुणो वीया ।  
 तो कीलणत्थमन्नत्थ दो वि वच्चंति रयणीए ॥  
 कहया वि सागरेणं इमं कुणंतीउ ताउ दिट्ठाओ ।  
 चरियं अहो ! बहूणं इमं ति सो विम्वियं पत्तो ॥  
 वुत्तंतमिणं कहिउं एगंते भणइ सागरो भिच्चं ।  
 जाणग ! मंजूसाए चिट्ठ तुमं पविसिओ छन्नो ॥  
 तो वच्चंति इमाओ कत्थ त्ति वियाणिऊण मे कहसु ।  
 तेणावि तहेव कयं रयणीए ताउ चलियाओ ॥  
 गच्छंतीणं तासि उवरि सल्लुद्धो मणो-हरं ख्वं ।  
 उच्छलिय-मच्छ-अच्छीहि छज्जए पिच्छमाणो व्व ॥  
 सो तदंसण-तुट्ठो सहइ सहासो व्व फेण-पडलेण ।  
 लहरीइ ताण परिरंभणत्थमुत्तंभिय-भुओ व्व ॥  
 जल-निहि-मज्झ-द्विय-रयण-दीव-तिलए गयाउ कणयपुरे ।  
 ताओ तहिं इच्छाए रमिउं पुण आगयाउ गिहं ॥  
 अह भणिओ कम्मयरेण सागरो सिट्ठि ! सुण रयणि-वित्तं ।  
 तुह बहुयाओ कत्थ वि नयरम्मि गयाउ गयणेण ॥  
 पुर-वाहिं मंजूसिं मुत्तं पत्ताउ ताउ मज्झम्मि ।  
 तत्तो मंजूसाओ मए मुहं कड्डियं किं पि ॥  
 तो दिट्ठा पसरिय-कंति-भासुरा तत्थ रयण-पासाया ।  
 सुर-पच्चओ व तुंगो तह पायारो पिसांडिमओ ॥  
 पायार-समीवे कणय-इट्ठ-खंडाइं तह य दिट्ठाइं ।  
 कंतीए हुरंतीए तमेव लक्खिज्ज नाणाइं ॥  
 बहुयाण भएणाऽहं मंजूसाओ न निग्गओ वाहिं ।  
 तत्तो वित्तुमणेण वि ताइं न गहियाइं सिट्ठि ! मए ॥  
 तो सागरेण भणियं अहो ! किलीवो सि जाणग ! हयास !! ।  
 जेण न गहियाइं तए कह वि कणय-इट्ठ-खंडाइं ॥  
 ता अन्नस्स न एयं कहियच्चं जेण तत्थ गंतूण ।  
 सयमेव अहं आपेमि ताण भरिऊण मंजूसं ॥

कस्स वि न कहिस्सामि त्ति जंपियं तेण, अन्नया सिट्ठी ।  
 मंजूसाए मज्झे छन्नं निसि पविसिऊण ठिओ ॥  
 निम्मिय-मयणाहिविलेवणाउ परिहिय-पसत्थ-वत्थाओ ।  
 रयणमय-भूसणाओ बहूउ पगुणाउ जायाओ ॥  
 लहुई बुत्ता जेट्ठाइ अज्ज तुमसुक्खिवेसु मंजूसं ।  
 सा भणइ वहिणि ! तुममारुहेसु जेणुक्खिवामि इमं ॥  
 चडिया मंजूसाए जिट्ठा मंजूसमुक्खिवइ लहुई ।  
 दो वि चलियाउ गयणे वेगेण विलंघिउं जलहिं ॥  
 पत्ताओ कणयपुरे पुरवाहिं ठाविऊण मंजूसं ।  
 मज्झम्मि पविट्ठाओ तो सिट्ठी निग्गओ वाहिं ॥  
 सो कणय-इट्ठ-खंडं जं जं पिच्छइ फुरंत-लोह-भरो ।  
 मंजूसाए मज्झे तं तं पक्खिवइ वेगेण ॥  
 तत्थ सयं च पविसिउं चिट्ठइ अह आगयाउ बहुयाओ ।  
 चलियाउ तहेव ससुद्ध-उवरि लहुई भणइ जेट्ठं ॥  
 मंजूसाए भारो बहुओ केणाऽवि कारणेणऽज्ज ।  
 तो जलहिम्मि खियिस्सं एयं गयणेण गच्छ तुमं ॥  
 तं सोउं भणियं सागरेण मा सागरम्मि मंजूसं ।  
 बहुयाउ ! खिवइ जम्हा मरामि तुम्हाण ससुरोऽहं ॥  
 इय ससुर-वारियाहिं वि अणेण चिन्नायममह चरियं ति ।  
 रोसेण झत्ति खित्ता जलहिम्मि बहूहि मंजूसा ॥  
 मा डहसु गहिल ! गामं ति वारिओ संभरावियं सुट्ठु ।  
 इय भणिरो सो गामं जह दहइ तहेव ताहिं कयं ॥  
 मंजूसा-मज्झ-ठिओ य सागरो सागरम्मि दुक्खेण ।  
 मरिऊण गओ कु-गइं तत्तो भव-सागरं भमिही ॥  
 बहुयाउ आगयाओ स-गिहं गोसे अपिच्छिउं पियरं ।  
 चंदो जंपइ जणओ कत्थ गओ दीसए जम्हो ॥  
 तो जाणणेण सव्वं बुत्तंतं अक्खिऊण चंदस्स ।  
 भणियमिणं मंजूसा जं नत्थि तओ वियक्केमि ॥  
 सिट्ठी इमाहिं खित्तो मंजूसाए समं ससुद्धम्मि ।  
 तं सोऊण विसत्तो आढत्तो विलविउं चंदो ॥

हा ताय ! ति-जय-विक्खाय ! अतुल-ववसाय ! साहस-सहाय ! ।

तुमए इक्केण विणा भुवणं सुन्नं व मत्तेमि ॥

इय सोय-परो चंदो नीओ मित्तेण संनिहिं गुरुणो ।

भव-निब्बेय-पहाणा तस्स कया देसणा गुरुणा ॥

संसारासारतां दृष्ट्वा शोकः कार्यो न धीमता ।

लोभस्तु परिहर्तव्यः सर्वानर्थनिबन्धनम् ॥

कृतसर्वविनाशेन सर्वव्यसनवेद्मना ।

लोभेन लभते जन्तुर्दुःखानि जातु नो सुखम् ॥

यन्निस्तृप्यति नेन्धनैरिह यथा नाम्भोभिरम्भोनिधि-

स्तद्वल्लोभयनाघनैरपि धनैर्जन्तुर्न संतुष्यति ।

नत्वेवं मनुते विमुच्य विभवं निःशेषमन्यं भवं

यात्याऽऽत्मा तदहं मुधैव विद्वान्मेनांसि भूयांसि किम् ॥

इति श्रुत्वा चन्द्रो रचितजिनधर्मोभ्युपगमः

स्त्रियौ पूर्वं त्यक्त्वा सपदि परिणीताऽन्ययुवतिः ।

अकुर्वन्धारम्भं विपुलमलङ्घं लोभमभजन्

जिनानर्चन् साधून् [सु]परिचरन् जन्म नयति ॥

स्वद्रव्यैर्जिनमन्दिराणि रचयत्यभ्यर्चयत्यर्हत-

स्त्रिर्भक्त्या व्रतिनां तनोत्युपचयं वस्त्रान्नपात्रादिभिः ।

घत्ते पुस्तकलेखनोद्यममुपपृच्छन्नाति साधर्मिकान्

दीनाद्युद्धरणं करोति कलयत्येवं स पुण्यार्जनम् ॥

वयसि परिणतेऽसौ लोभमालोच्य विश्वं

विषयविषयविषण्णः साधुदीक्षां प्रपन्नः ।

तनुमतनुतपोभिः कर्शयित्वाऽऽयुषोऽन्ते

दिवसगमदवाप्तो निर्वृतिं च क्रमेण ॥

इति लोभविपाके सागर-कथा ॥

इय हेमसूरि-मुणि-पुंगवस्स सुणिज्जण देसणं राया ।

जाणिय-समत्त-तत्तो जिण-धम्म-परायणो जाओ ॥

तो पंच-नमुक्कारं सुमरंतो जग्गए रयणि-सेसे ।

चित्तइ अय दो वि हिय(?) \*देव-गुरु-धम्म-पडिवत्ति ॥

\* अस्पष्टार्थोऽयं पाठः । जिनमण्डनगणिविरचित-कुमारपालप्रबन्धे तु ' चित्तइ य दोवि हियए ' ( पृ०

काज्जण काय-सुद्धिं कुसुमामिस-धोत्त-विबिह-पूयाए ।  
 पुज्जइ जिण-पडिमाओ पंचहिं दंडेहिं वंदेइ ॥  
 निचं पच्चक्खाणं कुणइ जहासत्ति सत्त-गुण-निलओ ।  
 सयल-जय-लच्छि-तिलओ तिलयावसरम्मि उवविसइ ॥  
 करि-कंधराधिरूढो समत्त-सामंत-मंति-परियरिओ ।  
 वच्चइ जिणिंद-भवणं विहि-पुण्वं तत्थ पविसेइ ॥  
 अट्ठ-प्पयार-पूयाइ पूइउं वीयराय-पडिमाओ ।  
 पणमइ महि-निहिय-सिरो थुणइ पवित्तेहिं धोत्तेहिं ॥  
 गुरु-हेमचंद-चलणे चंदण-कप्पूर-कणय-कमलेहिं ।  
 संपूर्णज्जण पणमइ पच्चक्खाणं पयासेइ ॥  
 गुरु-पुरओ उवविसिउं पर-लोय-सुहावहं सुणइ धम्मं ।  
 गंतूण गिहं वियरइ जणस्स विजित्तियावसरं ॥  
 विहियग्ग-कूर-थालो पुणो वि वर-चेइयाइं अचेइ ।  
 कय-उच्चिय-संविभागो भुंजेइ पवित्तमाहारं ॥  
 भुत्तुत्तरं सहाए वियारए सह वुहेहिं सत्थत्थं ।  
 [ अत्थानी-मंडव-मंडणम्मि सिंहासणे ठाइ ॥  
 अट्ठमि-चउदसि-वज्जं पुणो वि भुंजइ दिणट्ठमे भागे ।  
 कुसुमाइएहिं वर-चेइयाइं अचेइ संज्ञाए ॥ ]

२      ×      ×      ×      ×      ×

एवं खु पुत्त-निहिणो गमंति कालं सु-चरिएहिं ॥

३      ×      ×      ×      ×

कहया वि निय-निउत्तो कहइ कहं सिद्धवाल-कई ॥

कुमइ खुट्ठइ जं सुणंताहं

आवट्ठइ पाव-मल्ल,

अइ-विसुद्ध-वासण विसट्ठइ,

ओहट्ठइ मोह-विसु,

विसमु विसय-वासंणु तुट्ठइ,

१ [ ] एतच्चिद्वान्तर्गतः सार्धगाथात्मकः पाठो मूलग्रन्थे शुद्धितोऽस्ति, परन्तु जिनमण्डनगणि-विरचिते कुमारपाद-ग्रन्थे सङ्क्षपल्यत्वात् तत् उद्धृत्य निवेतितोऽत्रायमस्माभिरिति ।

२-३ अत्रापि कियान् पाठः सङ्गित इव प्रतिभाति सम्बन्धार्थस्यानवगमकत्वात् ।

चित्ति बहुदृष्ट्वा धम्म-गुणु दृष्ट्वा पसम-सिणेहु ।

जीव-मणंदिय-संलवणु तं बुह-यण हु सुणेहु ॥ १ ॥

अत्थि पट्ठणु देहु नामेण,

लायन्न-लच्छिहि निलओ,

आयु-कम्म-पायार-संगओ,

सुह-दुक्ख-सुह-तिस-हरिस-

सोय-पसुह-लोय-संगओ,

नाणाविह-नाडी-सरणि-भमिर-समीरतभारु ।

भूरिधम्म-पयडिय-महिंसु सुपरिद्विय-नव-चारु ॥ २ ॥

तत्थ नरिंदो अप्पा बहुविह-भोगोवभोग-तत्थो ।

बुद्धि-महादेवीए सहिओ रज्जं कुणइ निचं ॥ ३ ॥

तासु चिट्ठइ मणु महामंति,

तणि अप्पु ससु मत्तियउ,

जो महल्ल-कोसल्ल-भायणु,

बहु-पसर-संपत्त-जसु,

रज्ज-कज्ज-चितण-परायणु,

तह पंचिदिय-पयड-गुण फरिसण-रसण-ग्घाण- ।

लोयण-सवण-निओ कर अप्पह पंच पहाण ॥ ४ ॥

अह कया वि हु लहिवि पत्थावु,

तसु अप्पह समुहओ,

मणिण वुत्तु कर वेवि जोडिउ,

जः कवि अन्नाण घसिखिवहिं,

दुक्खि बहु जीव-कोडिओ,

एकह एयह ददयह निय-जीयह कज्जेण ।

ताहं अहम्मह निम्मविओ किं जीविउ वज्जेण ॥ ५ ॥

एउ निसुणिवि अप्प न खाहु,

साणक्खु तक्खणि भणइ,

अइ पसाइं मुहु मज्झ मत्तओ,

निय-जोग्गय न हु मुणाहि,

नूण मूढ परि सुचवंतओ,



विविहारंभु अवंभपरु कहिं तुहं कहिं जिय रक्ख ।  
 नयण-विह्वण कि हुंति नर रयण-परिक्ख सलक्ख ॥ ६ ॥  
 जे महव्वय पंच उव्वहहिं,  
 तवु दुक्कर जे करहिं,  
 जे चरित्तु पालहिं निरुत्तउं,  
 जीवोह-रक्खण-वयणु,  
 सुणिह ताहं जं पणह जुत्तउं,  
 जं पुणु तुहु जंपेसि जड ! तं असरिसु पडिहाइ ।  
 मणसिल्लक्खण किं सहइ नेजरु उड्डुह पाइ ॥ ७ ॥  
 चवल चप्फल विसयवासत्त,  
 नीसत्त अविवेय तुहं,  
 करहिं किं पि दुक्कम्मु तम्मण,  
 पइ जम्मु पावेमि हउं,  
 जव्वस्तेण बहु-विह-विडंवण,  
 तो मणु भणइ गुणुत्तमह सामिहि तुज्झ पसाइं ।  
 गरुय मणोरह जइ करउं तो वारिज्जउं काइं ॥ ८ ॥  
 किं च किं पहु करिविअ पसाओ,  
 ववसाउ जंपेइ मह,  
 घणअणत्थ वित्थरण-पच्चलु,  
 जिण कारणि हउं करउं,  
 न य किं पि न हु एउ चप्फलु,  
 जे उण पइं फरिसिण-पमुह पंच-पहाण-निउत्त ।  
 मत्त-निरंकुस-हत्थि जिम्ब करिहिंति कज्ज अजुत्त ॥ ९ ॥  
 तहं मज्झिम फेडिवि कुविपहाणु  
 मइ अज्जह अप्पिउ तस्स ठाणु ।  
 एयाइं पलोयउ सामि सालु  
 पयउंतइं निच्चु अणत्थ-जालु ॥ १० ॥  
 फरिसिंदिउ पभणइ हउं जि एहु  
 रूवेवि सरीरु समणु थकु ।  
 इह अप्पु मणुव नहि अत्थि कोइ

अवरिदिय अणु वर मज्झ जोइ ॥ ११ ॥

नहु गम्मु अगम्मु व किं पि गणइ  
अब्बंभ कल्लस अहिलास कुणइ ।

सकलत्ति वि हुंतइ महइ वेस  
पररमणि गमणि पयडइ किलेस ॥ १२ ॥

सिसिरम्मि निवाय घरणि-सयडि  
घण-धुसिण-तेल्ल-बहुवत्थ-सवडि ।

चंदण-रस-कुसुम-जलावगाह  
धाराणिहि गिंभि महेइ नाह ! ॥ १३ ॥

पाउसि पय-पंक-पसंग तहु  
बंछइ अच्छिइ भवणयलु लहु ।

जइ कुणइ विविह विसयाणुवित्ति  
तेह वि हु न एहु पावेइ तित्ति ॥ १४ ॥

एक वि फासिदिउ, बुहयण निदिउ,  
करइ किंपि दुचरिउ तिहि ।

नाणा विहु जम्मि हि, पीडिओ कम्मिहि,  
सहसि विडंवण सामि जिह ॥ १५ ॥

तह भक्खाभक्ख विवेय-मूढं  
रस-विसय-गिद्धि-दोलाधिरुहु ।

अविभाचिय पेयापेयवत्थु  
रसणु वि कुणेइ बहु-विहु अणत्थु ॥ १६ ॥

जं हरिण-ससय-संवर-वराह  
वणि संचरंत अकयावराह ।

तण-सलिलमित्त-संतुट्ट-चित्त  
मम्मर-रव-सवणुवभंत-नेत्त ॥ १७ ॥

हिंसंति के वि मिगया पयट्ट  
पसरंत-निरंतर-तुरय-घट्ट ।

कर-कलिय-कुंत-कोदंड-बाण  
संसय-तुल-रोविय-नियय-पाण ॥ १८ ॥

जं गहिरि सलिलि वियरंत मीण  
निकरुण के वि निहणहिं निहीण ।

जं लावय-तित्तिरि-दहिय-मोर  
 मोरंति अहोस वि के वि घोर ॥ १९ ॥  
 तं रसणह विलसिउ, दुक्कय-कलुसिउ,  
 तुम्हं कित्तिउ कित्तियइ ।  
 जं वरिससएण वि, अह्निउणेण वि,  
 कह वि न जंपिउ सकियइ ॥ २१ ॥  
 घाणिदिउ जं किर सुरहि दवु  
 वियलिय विवेउ तं महइ सवु ।  
 जं असुरहि तिहिं पुण करेइ रोसु  
 ता एउ वि जाण अणप्प-दोसु ॥ २२ ॥  
 तह जइ वि दिट्ठि वन्नि अ अवला  
 तहवि हु दुरप्प अचंत चवला ।  
 सुइ असुइ वि किं पि न परिहरेइ  
 जं जुत्तु अजुत्तु वि तं निणइ ॥ २३ ॥  
 परदारपवत्तणि फरिसणस्स  
 दूइत्तु एह पयडइ अवस्स ।  
 लोलत्तकरणि रसणह सहाय  
 इय न कुणइ कित्तिय पहु ! अवाय ॥ २४ ॥  
 जिव सवणु सुणइ विडवग वयण  
 तिव मुणि-उवएसु न रुद्ध नयणु ।  
 तह गेय-वेस-कलि-सवण-हेउ  
 उत्तम्मइ निच्छु वि निव्विवेउ ॥ २५ ॥  
 इय विसयपलक्कओ, इहु एक्केहु,  
 इंदिउ जगडइ जग्गु सयलु ।  
 जेसु पंच वि एयइं, कयवहु खेयइं,  
 खिल्लहिं पहु ! तसु कउ कुसलु ॥ २६ ॥  
 ता वियक्खणु देव ! लक्खेसु,  
 जे इत्थ फरिसणपसुह,  
 पइं पहाण पंच विपरिट्ठिय,  
 चवलत्तणि ते कुणहिं,

तुज्झ दुक्ख भवि भवि अणिट्ठिय,  
जह पित्तिज्जसि मह न तउ वंधिवि एक्कु घरेसु ।  
तिण विणु तसु वावारु जह ता मह दूसणु देसु ॥ २७ ॥  
न तए कुल-सील-गुणा परिकिखया किं च फरिसणार्हण ।  
अपरिकिखय-कुल-सीलाहि दिंति पहुणो दुहं भिच्चा ॥ २८ ॥

ता वियक्खण देव पुच्छेसु,  
कुलसीलगुण इंदियहं,  
बुद्धिदेवि वरबंधु विमरसु,  
तह दुईउ पयरिसु कुमरु,  
जह विवेउ विप्फुरह अत्तरिसु ॥ २९ ॥

तो समागय तत्थ ते वि,  
पणमंत मत्थय नमिवि,  
महिनिविट्ठ तो अप्पराइण,  
पभणेवि महुरक्खरिहि,  
आसणांति गरुयाणुरायण,

पुच्छइ एयहं पंचह वि कुलसीलाह कहेह ।  
ता विमरिसु जोडेवि कर साहइ सामि ! सुणेह ॥ ३० ॥  
पहु ! अत्थि चित्त-वित्ती महाडवी वियड-आवयाइत्ता ।  
पयडिय-कु-जम्म-लक्खा चोज्जं अवराह-संजुत्ता ॥ ३१ ॥  
तत्थ महामोहो नाम नरवई विहिय-भुवण-संखोहो ।  
नाणावरणीय-प्पसुह-सत्त-मंडलिय-कय-सोहो ॥ ३२ ॥  
अच्चासण-संलीणा तस्स महामूढया महदेवी ।  
तीइ तइलोक-दमणिक्क-विक्रमा नंदणा दुत्ति ॥ ३३ ॥  
राजस-चित्तस्स पुरस्स सामिओ राग-केसरी पढमो ।  
तामस-चित्त-पुर-पहू दोस-गयंदो पुण दुइज्जो ॥ ३४ ॥  
मिच्छा-दंसण-नामेण मंती मोह-नरिंदस्स चित्तए रज्जं ।  
मय-कोह-लोह-मच्छर-वम्मह-पसुहा भडा इत्थ ॥ ३५ ॥  
अह तस्स चित्त-विकखेव-मंडवे तन्हवेइ उच्छंगे ।  
मोह-निवस्स विवज्जास-आसणे संनिविट्ठस्स ॥ ३६ ॥  
मिच्छा-दंसण-नामेण मंतिणा सविनएण विज्जसं ।

असममसमंजसं देव ! वदए अम्ह कयडम्मि ॥ ३७ ॥  
 चारित्त-धम्म-वसुहा-ऽहिवस्स संतोस-नामओ चरडो ।  
 तुज्झ जणं जइण-पुरे विवेय-गिरि-संठिए नेइ ॥ ३८ ॥  
 तो कुविओ मोह-निवो भणिओ कुमरेण राय-केसरिणा ।  
 देव ! किमेवं किज्झइ थोवारंभे वि संरंभो ॥ ३९ ॥  
 जओ मज्झ विसयाहिलासो मंती करणाइं तस्स डिंभाइं ।  
 जग-जगडणेहि एएहिं तुज्झ पयडिज्झए किस्ती ॥ ४० ॥  
 ताव चिय संतोसो फुरइ न जा दिति धाडिमेयाइं ।  
 किं च इमाण कसाया निचं पि सयं चिय सहाया ॥ ४१ ॥  
 संतोस-चरड-निज्झंतमम्ह लोयं वला नियत्तेउं ।  
 एकंकिं पि समत्थं इमाण पहु ! किं पुणो पंच ॥ ४२ ॥  
 ता देव ! निदेसं देसु झत्ति एयाण जेण जइण-पुरे ।  
 निज्झंतं संतोसेण लोयमेआणि रक्खंति ॥ ४३ ॥  
 तो जुत्तं ति पयंपिय ताणि निउत्ताणि मोहराएण ।  
 संतोस-विद्व-कए देव ! वियक्खण ! वियाणेषु ॥ ४४ ॥  
 इय विमरिस्सेण कहियम्मि पयरिसो भणइ सच्चमेयं ति ।  
 तो मण-मंती जंपइ कहेमि पहुणो किमहमलियं ? ॥ ४५ ॥  
 ता इंदिएहिं वुत्तं संपइ अम्हे वि देव ! विन्नविमो ।  
 जंपइ अप्पा विन्नवह तो भणइ फरिसणं एवं ॥ ४६ ॥

अम्ह सामिय ! नत्थि कइया वि,

तुम्हेहि सह दंसणु वि,

तेण कस्स गुणदोस जंपहुं,

तं कम्मु अम्हिहि करहुं,

मंती मणिण फुडु जत्थ खिप्पहुं,

अम्हि सयत्थहिं न हु कह व कम्मि पयट्ठहुं लोइ ।

करि फरिसाइ वि बहु मुणहुं जइ मणु पासि न होइ ॥ ४७ ॥

तुह वाहणस्स देहस्स पालणत्थं पयट्ठिमो अम्हे ।

फरिसाइसु विसएसुं अरत्त-दुट्ठा तुहाणाए ॥ ४८ ॥

जं तेसु फुरइ रागो दोसो वा तं मणस्स माहप्पं ।

विरमइ मणम्मि रुडे जम्हा अम्हाण वावारो ॥ ४९ ॥



जइ पुण रुद्धे वि मणे इंदियमेकं पि कुणइ वावारं ।

दोलेण तस्स ता मज्झ निग्गहो देव ! कायव्वो ॥ ५० ॥

जेव मंकडु चल सहावेण,

अन्नन्न-रुक्खिहि रमइ,

मणुवि तेवि अन्नन्न-विसइहि,

एकत्थ बंधइ न रइ,

नरइ नेइ पइं पडु कुवरि इहि,

तह सव्वहं विसयहं जइवि निच्चु करइ अणुवित्ति ।

रक्खसु जिव दारुणु तह वि एहु न पावइ तित्ति ॥ ५१ ॥

जं व दिन्नउं अम्ह कुल दोसु,

मण-भंतिण दुस्सुहिण,

भणिवि डिंभ विसयाहिलासह,

तं दूसणु अम्ह न हु,

पहु अच्छु सामिउ वि वासह,

जं सो वि हु अम्हह जणउं संकेएण मणस्स ।

करइ रायकेसरि कुमार रज्जुह चित्त अवस्स ॥ ५२ ॥

पहु ! अप्पह नरिंदाणं दुम्मंती दूसए गुण-कलावं ।

एकं पि तुंविणीए धीयं नासेइ गुलभारं ॥ ५३ ॥

इय भणियइ फरिसिण-इंदिएण,

मणु जंपइ कंपंतउ भएण ।

अवराहु को वि न हुं इंदियाण,

न हु मज्झ वि वुज्झसु निव-पहाण ! ॥ ५४ ॥

किं पुण जि पुव्वजस्सेसु अहिय,

पइं देव ! सुहासुह-कम्म-विहिय ।

सुह-दुक्ख-दंड तुह दित्ति ताइं,

अवराण उवरि रुसेसि काइं ? ॥ ५५ ॥

सव्वो वि पुव्व-भव-निम्मियाण,

कम्महं विवागु पावइ नियाण ।

अवराह-गुणेसु निमित्तमत्तु,

परु होइ जिणागमि एहु तत्तु ॥ ५६ ॥

अणुकिइउं कि भुंजइ कम्मु कोइ,  
 नासेइ संकउ तं कस्स लोइ ।  
 ता सकउं कम्मु अणुभुंजमाणु,  
 जणु कीस होइ दुम्मणु अयाणु ॥ ५७ ॥  
 इय जिणमयसुत्तिहि, बहुविहु जुत्तिहि,  
 जंपिचि थक्कउ मंतिमणु ।  
 कयपरियरु संपइ, एउ पर्यंपइ,  
 समडफरु फरिसणु करणु ॥ ५८ ॥

दुक्ख कारणु सामि ! मणु एक्कु,  
 जं पुव्व-कय-कम्मु तुह,  
 दुहु निमित्तु एएण जंपिओ,  
 कम्मस्स वि तासु मइं,  
 मणुजि एक्कु कारणु वियप्पिओ,  
 जं वाचारह सयलह वि गरुयउ मणं-वाचारु,  
 करइ जु तंदुलमच्छह वि सत्तम नरय-दुवारु ॥ ५९ ॥  
 भणइ मणं जइ एवं दुह-हेज इंदियाइं न हु कम्मं ।  
 जव्वसओ कंदप्पो दिप्पइ जलगो व्व घय-सित्तो ॥ ६० ॥

तहा हि—

जं तिलुत्तम-ख्व-वक्खित्तु,  
 खण वंशु चउसुहु हुउ,  
 घरइ गोरि अउंणि संकरु,  
 कंदप्प-परवसु चलण,  
 जं पियाइ पणमइ पुरंदरु,  
 जं केसवु नचावियउ गोठंगणि गोवीहिं ।  
 इंदिय-वगगह विप्फुरिओ तं वन्नियह कईहिं ॥ ६१ ॥  
 तो फरिसेणं वुत्तं वंभाईएहि काम-विबसेहिं ।  
 पत्तो अजसो कामस्स कारणं तत्थ मणमेव ॥ ६२ ॥  
 तो कुद्धेण मणेणं भणियं जइ अप्प ! महसि कल्लाणं ।  
 सयलिंदिय-चोर-वद्ध(?) ता वंधसु फुरिसणं एक्कं ॥ ६३ ॥  
 ताव फरिसणु एहु भणइ पडु !,

एकु बंधिज्जुं काहं,  
 हउं जं सया वि निद्धो सुविट्ठउं,  
 इहु तरलिउ लोलयहिं,  
 रसणु असणु भुंजेह मिट्ठउं,  
 भक्खाभक्खु न चित्तवह न गणह पेयापेउ ।  
 ता परमत्थिण रसणु पर मज्झ चियारह हेउ ॥ ६४ ॥  
 इय परोप्परु मणह इंदियह,  
 पंचन्ह वि कलहभरि,  
 वट्ठमाणि अह अप्पराहण,  
 संलत्तु भो ! निट्ठर ! हु,  
 करहु पससु नणु किं विचाहण ?,  
 भवि भवि एत्तिउ कालु किउ मह तुम्हह संसग्गु,  
 जइ पुणु लग्गह पसमग्गुणु सो थेवो वि न लग्गु ॥ ६५ ॥  
 किं च मए तुम्हाणं निच्चं असमंजसेहिं चरिएहिं ।  
 भव-अडवि-भमण-दुक्खं जं जं पत्तं निसामेह ॥ ६६ ॥  
 जं मच्छ-जम्मु अंतो सुहुत्तु,  
 लहिऊण मज्झि दुज्झाण-जुत्तु ।  
 छावट्ठि-सायर-वहु-दुह-निहाणि,  
 हउं नरयवासि ठिउ अपइठाणि ॥ ६७ ॥  
 तह नरयवासि जं परवसेण,  
 महं नरयवाल-मुग्गुर-हएण ।  
 अवगूढु वज्ज-कंटय-सणाहु,  
 सिंवलितरु-जणिय-सरीर-वाह ॥ ६८ ॥  
 कंदंतु कलणु जं हट्ठिण धरवि,  
 खाविय निय मंसु भडित्तु करिवि ।  
 जं वेयण-विट्ठुरिय-सच्च-गत्तु,  
 हउं पाइउं तउयउं तंबु तत्तु ॥ ६९ ॥  
 जं पूय-रुहिर-वस-वाहिणीह,  
 मज्जाविउ वेयरणी-नईह ।  
 जं तत्त-पुलिणि चणउ व्व भुग्गु,  
 जं सूलवेह दुहु पत्तु दुग्गु ॥ ७० ॥

जं बज्ज-जलण-जालोलि-तत्त,  
 मइं लोहमइय महिलावसत्त ।  
 जंमहि हिंसु कुसइं खंडु करिवि,  
 उट्ठिओ खणेण पारउ व्व मिलिवि ॥ ७१ ॥  
 जं कुंभिपाकि पक्कओ परधु,  
 जं चंड-तुंड-पक्खीहि खडु ।  
 जं तिलु व निपीलिउ लोह-जंति,  
 जं वसहि व वाहिउ भरि महंति ॥ ७२ ॥  
 अच्छोडिओ जं सिचउ व्व सिलहिं,  
 करवत्ति भित्तु जं कंठ कयलहिं ।  
 जं तलेउ कट्ठल्लिहिं पप्पुडु व्व,  
 सत्थेहि छिन्नु जं चिब्भडु व्व ॥ ७३ ॥  
 असिबत्त व णिजं आउदेहि,  
 असि-सब्बल-सेल्ल-सिलीमुहेहि ।  
 जम-जीह-समेहि रडंतु विरसु,  
 सव्वंगु विचारिउ दीणु विवसु ॥ ७४ ॥  
 तं तुम्ह पसाइण, मइं सविसाइण,  
 सत्तिहि नरएहि भुत्तु दुहु ।  
 जहि तिलतुसमत्तु ..... वि  
 वेयण विहुर हं नत्थि सुहु ॥ ७५ ॥  
 तिरियत्तणि जं दुह-चक्कवालु,  
 मइं दूसहु पत्तु अणंत-कालु ।  
 तं न कुणह कस्स मुणिज्जमाणु,  
 उक्कंपु खणिण मणि अप्पमाणु ॥ ७६ ॥  
 उस्सप्पिणि तह अवसप्पिणीउ,  
 नीसंख सहंतउ ताउ सीओ ।  
 पत्तेउ वसिउ हउं दारुणेसु,  
 पुढवी-जल-जलण-समीरणेसु ॥ ७७ ॥  
 पत्तेय-अणंत-वणसईसु,  
 मोहोदय-दूसिय-दुग्गईसु ।

उत्सप्पिणि अवसप्पिणि अणंत,  
 हउं वसिउं सहंतु दुह महंत ॥ ७८ ॥  
 अह कह वि सव्व-जण-निंदिएसु,  
 उप्पन्नउ दु-ति-चउरिंदिएसु ।  
 हउं पाविवि पुण पुण जम्मु मरणु,  
 चिरु तत्थ पत्तु दुह न हु सरणु ॥ ७९ ॥  
 पंचंदिउ थल-जल-नहयरेसु,  
 हउं हुयउ किलिठ्ठ-कलेवरेसु ।  
 सत्थेहि भिक्षु जालेहि रुद्धु,  
 पुणुरुत्तु वहिउ वाहेहिं मुद्धु ॥ ८० ॥  
 सीयायव-छुह-तिस-वाह-दाह-  
 वह-नक्क-वेह-अंकण-निरोह ।  
 लउडंकुस-आर-कस-प्पहार,  
 हउं वियसु सहाविउ वारवार ॥ ८१ ॥  
 तुम्ह दुच्चरियह, जगि विप्फुरियहं,  
 नूण पभाविण हउं हूयउ ।  
 तिरियत्तु पवन्नउ, सुह-मह-सुन्नओ,  
 विविह-दुसह-दुह-संजुयओ ॥ ८२ ॥  
 जं अग्गि-वन्न-सूईहि विद्धु,  
 समकालु लहइ दुहु सुह-समिद्धु ।  
 महं लद्धु वसंतिण गव्ववासि,  
 किरि तासु अट्ठु गुणु दुक्खरासि ॥ ८३ ॥  
 तह जोणि-जंत-पीलणु सहंतु,  
 हउं कट्ठिण गव्वमह नीहरंतु ।  
 रोअणिवि असक्कउ हीणसत्त,  
 तसु कोडि लक्ख-गुणु दुक्खु पत्तु ॥ ८४ ॥  
 बालत्तणु असुह विलित्त-वेहु,  
 दुहकर दंसणुग्गम कन्न-वेहु ।  
 चित्तंतह सव्व-चिवेय-रहिउ,  
 मह हियउं होइ उक्कंप-सहिउ ॥ ८५ ॥



दविणास विणसिय सयल सुक्ख,  
 तह विसय आस भोलविय सुक्ख ।  
 रक्खस-पिसाय सारिच्छ ते वि,  
 मह पुट्टि लग्ग तरुणत्तणे वि ॥ ८६ ॥  
 मइं किविण सिरोमणि अगुणठाण,  
 कुल-सील-रहिय अविसेस-नाण ।  
 ओलग्गिय सामि सकोवनयण,  
 दविणासवसिण अपसन्नवयण ॥ ८७ ॥  
 संबुत्त मज्झ पिय-विप्पओगु,  
 कय-जीविय-संसउ हुयउ रोगु ।  
 संपभु निविहु चारयनिरोहु,  
 जोयउ बलवन्तिहि सहु विरोहु ॥ ८८ ॥  
 इंदिय पडुत्त वज्जिउ अदंतु,  
 खलियक्खरु खणि खणि वाहरंतु ।  
 गमणासहु सुहु वियलंतु लाल,  
 हओ विहिय जरहिं नं पुण वि बाल ॥ ८९ ॥  
 खणु सधणु अधणु खणु तुहु रुहु,  
 खणु हस्तिरु रुहरु खणु सिद्धु रुहु ।  
 खणु धीरु भीरु हउं विविहभंगि,  
 नखिउ नड व्व नर-जम्मि रंगि ॥ ९० ॥  
 इय दुक्खु अणिट्ठिउ, मज्झ उवट्ठिउ,  
 न भवि तुम्हह दुन्नइण ।  
 जं हिइय वहंतह, सुणह कहंतह,  
 होइ धसक्कउ निच्छइण ॥ ९१ ॥  
 नर-जम्मि आसि जो मज्झ सत्तु,  
 सुर-जम्मि पत्तु सु वि सुरवरत्तु ।  
 तं पिच्छिवि सो मह हियइ जाउ,  
 कहिउं पि न तीरइ जो विसाउ ॥ ९२ ॥  
 मइं हीण सुरिण उत्तम सुराण,  
 सुर-लोइ गएण वि विहिअ आण ।

सग्वेवि गयह कुङ्कुरु हवन्ति,  
 किरि पुन्न विह्वणह इह न भन्ति ॥ ९३ ॥  
 चवणम्मि दइय-तियसंगणाइं,  
 तणु-कन्ति-भरिय-गयण-गणाह ।  
 विरहानल झलुसिय.....  
 .....मग्गि वि नरय दुक्खु ॥ ९४ ॥  
 जइ हउं पहुत्तु सुरलोइ कह वि,  
 विसयास वियंभिय मज्झ तह वि ।  
 जइ रासुहु पत्तउ सग्ग लोइ,  
 परिहरइ न दावणु पुट्ठि तोइ ॥ ९५ ॥  
 कंदप्प-सह-प्पसर-पसर-भीरु,  
 रइ-कलह-कोव-कंपिर-सरीरु ।  
 घरदासु न्व पिचाइ पाएसु पडिओ,  
 हउं ही वि गुत्तु विसयास-नडिओ ॥ ९६ ॥  
 ईसा-विसाय-भय-मोह-माय,  
 मय-कोह-लोह-वम्मह-पमाय ।  
 मह सग्ग गयस्स वि पिडि लग्ग,  
 ववहरय जेव रिणिअह समग्ग ॥ ९७ ॥  
 सुररिद्धि नियवि हरिसिक्क-भवणु,  
 निव्वेय-हेउ चित्ते वि चवणु ।  
 तह जाणि चिनाणि कुठाणि जम्मु,  
 जन्न उट्टु फुट्टु तं वलिउ कम्मु ॥ ९८ ॥  
 खणि वणि वणाउ भवणाउ भवणु,  
 हउं अल्लियं तु सयणाउ सयणु ।  
 दिवचवण समइ दुहु पत्तु दीणु,  
 जिम्ब तत्तसिलायलि खित्तु मीणु ॥ ९९ ॥  
 इय तुम्हह अविणअ, सुर-भवि परिणउ,  
 मज्झ दुक्खरूवेण तिम्व ।  
 उक्कंभु पयट्ठइ, अरइ विसट्ठइ,  
 सग्गसुहस्स वि उवरि जिम्ब ॥ १०० ॥

मण-करणाहं तुम्हे ता पसमं भयह चयह चवलत्तं ।  
जं जिण-मुणि-जीव-दयासु चेव लीणा मई मज्झ ॥ १०१ ॥  
कर-सरोरुहि निहिय मुत्तिउ व्व,  
तइलोकु पेक्खइ कलिउ  
भूय-भाविभावमाण-भाविहि,  
जो केवलनाण-वसि  
परिणमंतमाणा सहाविहि,  
अट्टारस-दोसिहि रहिओ सिव-पुर-पह-सत्थाहु,  
सोज्झि निविट्टउ मह हियइ देव एक्कु जिणनाहु ॥ १०२ ॥  
जे परिग्गहु गहु व दुहमूल,  
तह रज्जु रज्जु व विसु व  
विसय-सोक्खु पियदारु दारु व,  
वज्जेवि घणु वंधणु व,  
भूसणाणुपब्भारु भारु व,  
निव्वियप्प अप्पह परह संजमभरु पडिवन्न ।  
ते धम्मज्जय जइण मुणि गुरु मह चित्ति निसन्न ॥ १०३ ॥  
जं वियंभइ दीहु आउखु,  
जं खु निरुवसु प्फुरइ  
जं समग्गु सोहग्गु वग्गइ,  
जं होइ आरोग्गु वरु  
जं उदग्गु गुणवग्गु जग्गइ,  
जं भुवणंगणि कित्ति-वहु नच्चइ पयडमडप्प ।  
पसरइ जीवदयालयह सासफलरिद्धि अणप्प ॥ १०४ ॥  
इमिणा कमेण निउणो मणिंदियाहं ठवेज्ज सुह-मग्गे ।  
एवं सुणिऊण वुहा चित्तम्मि चमक्किया सव्वे ॥ १०५ ॥  
इति जीव-मनः-करण-संलाप-कथा ॥

अन्न-दिणे अन्न-विबुहेण जंपियं देव ! किं पि पुच्छिस्सं ।  
रत्ता भणियं पुच्छसु वुहो पयट्ठो भणिउमेवं ॥  
अत्थि उज्जेणी नाम नयरी ।  
मुणिणो पुरंतमोहा रायकुलं कलहसंकुलं निचं ।

भवणाइं सविलयाइं ससि-जुण्हा दोसिणी जत्थ ॥

तत्थ विक्कमाइच्चो राया ।

कुंकुम-विमुहो जाओ जस्स पयावेण पिंजरो लोओ ।

तह सिय-जस-पसरेणं अलंकिओ कुसुम-निरविकखो ॥

सो विक्कमकंत-सयल-नरिंदो सुवन्न-पुरिस-सिद्धि-सुत्थीकय-ऽत्थि-विंदो सयल-कला-पत्त-पगरिसो विविह-दिव्व-सत्ति-जणिय-जणु-करिसो कयाइ चि-  
तिउं पवत्तो । मज्झ सेन्नाइं पि इक्कं पर-पुर-प्पवेसं जाणांति, अहं पुण दुइज्जं  
तं जाणिउमिच्छामि । तज्जाणणत्थं रज्जं सुत्थं काऊणवडुय-वीओ पयट्ठो पुहविं  
भमिउं, पत्तो पइट्ठाणं । दिट्ठो तत्थ पर-पुर-प्पवेस-सिद्धो पुरिसो । आढत्तो तं  
सेविउं राया । भणिओ सिद्धेण—भो ! को तुमं किमत्थं वा मं सेवसि ? ।  
कहिओ रत्ता निय-वुत्तंतो । सिद्धेण वुत्तं—जुगो त्ति तुमं सिक्ख, वडुओ  
पुण न तारिसो त्ति चिट्ठउ ।

जओ—

होइ अणत्थफलं चिय कयं कुपत्ते परेण सुकयं पि ।

परिणमइ विसत्तेणं दिन्नं दुद्धं पि सप्पस्स ॥

रत्ता वुत्तं—सहायउ त्ति कहं वंचेमि । एवं होउ त्ति भणिऊण सिद्धेण दो  
वि सिक्खविया पर-पुर-प्पवेसं । सिद्धमापुच्छिऊण राया सबडुओ नियत्तो, प-  
त्तो निय-नयर-वाहिं । तत्थ तम्मि दिणे पट्टहत्थी विवत्तो, दिट्ठो रत्ता, भणिओ  
वडुओ—परिक्खेमि पर-पुर-प्पवेस-सत्ति । वडुएण वुत्तं—जहाऽभिरुइयं करेउ  
देवो । तओ राया कत्थवि मढे निय-देहस्स रक्खगं ठविऊण वडुयं निय-देहाउ  
निगंतूण पविट्ठो सयं हत्थि-देहं । उट्ठिऊण पयट्ठो पट्ट-हत्थी विपरिउं । कवड-व-  
डुएण रत्ता देहं पविसिऊण जाणावियं मंतीणं जहा राया आगओ । तेहिं गरु-  
य-रिद्धिओ पवेसिओ-सो नयरे । करेइ रज्जं मंती हिं समं, रमइ अंते-  
उरेणं । एसो राय-सरिसो वि सरीरेणं चरिएहिं अन्नारिसो व्व पडिहाइ त्ति चि-  
तंति ते सब्बे । राया वि हत्थि-देहत्थो निय-सरीर-पविट्ठं दट्ठूण वडुयं ‘अहो सि-  
द्ध-वयणं सच्चंति चिंतंतो मुत्तूण नयरं गओ अडविं । तत्थ भमंतेण तेण दिट्ठो  
पुरिसो रुक्खगए कीरे सरप्पओगेण विणासंतो, विवन्न-जच्च-कीर-सरीरे पविसि-  
ऊण गयणत्थेण रत्ता भणिओ पुरिसो—भो ! जइ मह वयणं करेसि ता तुमं रिद्धं  
करेमि । तेण वुत्तं—जं तुमं भणसि तं करेमि । कीरेण वुत्तं—घित्तूण मं वच नय-  
रं । पुरिस्सेण भणियं—एवं करिरसं । तओ आगओ जुगो पुरिस-कर-यले । गओ



उज्जेणि पुरिं पुरिसो । [भणिओ कीरेण सो] चहुट्टए बहुअ-दब्बेण मं विक्किणेतु ।  
 तहेव काउं पयट्ठो पुरिसो । दिट्ठो गणियाए कीए वि कीरो मणोहरो, मणुस्स-  
 भासा-जंपिरो य । विम्बिय-मणाए भणिओ पुरिसो-देसु । पुरिसेण वुत्तं-गिण्ह  
 पंचहिं सएहिं । इत्थंतरे आगओ नयरि-सिट्ठि-सुओ, तेण वुत्तं-छहिं सएहिं मे  
 देसु । गणियाए वुत्तो पुरिसो-मम तुमए पुव्वं दिस्सो त्ति मा इमस्स देसु । पु-  
 रिसेण वुत्तं-मम इमो सुल्लमहिं देहं त्ति देमि । एवं कलहंताणि ताणि तला-  
 रेण नीयाणि रायउलं । देवया-पणमणत्थं निग्गयाए महादेवीए दिट्ठो कीरो ।  
 पुरिस्सस्स जं मगियं सुल्लं दाज्जण मम समप्पेसु एयं । तहेव कयं तलारेण ।  
 नीओ निय-निकेयणं कीरो देवीए । अइवद्धो त्ति निरंतरं तेण कीलए देवी ।

राय त्ति सुणइ देवी जइ वि न तं तह वि तम्मि लहइ रइं ।

दुद्धं त्ति अमुणियं पि हु पीयं दुद्धं कुणइ तुट्ठिं ॥

बहुएण अहं छलिउ त्ति लज्जमाणो सुगो न पयडेइ ।

रायाणं अप्पाणं इमं खु छेयाण छेयत्तं ॥

विचिह-कला-कलावेहिं तुट्ठा देवी पयंपए कीरं-जीवामि तइ जीयंते, मर-  
 माणे पुण मरामि त्ति । कयाइ देवी-संतियाए सेज्जाए उवरि संचरंती घरको-  
 इला चेडीए लट्ठि-प्पहारेणाऽऽहया मया य । तस्सरीरे कीर-सरीरं मुत्तूण संकं-  
 तो राया वेगेण गंतुं पविट्ठो कहिं पि विवरे । कीरं विवन्नं दट्ठूण विसन्ना देवी—

मणहरसरीर ! हा ! कीर ! कथं पत्तो सि ? किं न जंपेसि ? ।

तुह वयणं अस्सुणंती खणं पि ठाउं न सक्काइं ।

एवं झूरिज्जण तीए भणिया मंतिणो—कडुह चंदणागरु-कट्ठाइं । कीरेण स  
 ह मए मरियव्वं त्ति पडिचन्नं । तन्निव्वाहणत्थं साहिस्सामि जलणं । मुणिय-वुत्तं-  
 तो सप्पागओ तत्थ राय-सरीरत्थो बडुओ । पन्नविद्या तेण विचित्त-जुत्तीहिं देवी ।  
 तहा वि न मिल्हए मरण-ग्गहं । देवीए वुत्तं-जइ कीरो जीवइ । बहुएण भणि-  
 यं-अहं जीवावेमि एयं । तओ, कस्स वि पवेस्सो न दायव्वो त्ति भणिज्जण पाइ-  
 के, रायसरीराओ संकामिओ अप्पा कीर-सरीरे । रत्ता वि घरकोकिला-सरीरं  
 मुत्तूण अहिट्ठियं निय-सरीरं । भणियं च—अहो ! कयग्गत्तणं बडुयस्स ।

देवीए विम्बियाइ विन्नविओ पत्थिवो—किमेयं ? त्ति ।

रत्ता निय-वुत्तंतो सव्वो वि निवेइओ तीए ॥

करुणा-परेण रत्ता मुक्को कीरो कयावराहो वि ।

जं सप्पुरिसा न कुणंति पोरिसं देव-निहएसु ॥



तो काऊण पसायं पहु ! मह संदेहमेयमवणेषु ।  
 किं पर-पुर-प्पवेसो एसो संभवह नो व त्ति ॥  
 ता रत्ता वज्जरियं असंभवो एस पर-पुर-पवेसो ।  
 जं पुच्छिणं पुच्चं सुणिवइणा मज्झ कहियमिणं ॥  
 जो जेण सरीरेणं जाओ पुच्च-भव-कम्म-जणिणं ।  
 सो आउए अपुत्ते कह वि न तं मेळ्ळिउं लहह ॥  
 वच्चइ चउदस-पुच्ची महाविदेहम्मि केवलि-समीवे ।  
 आहारग-देहेणं कयाइ संदेह-विगमत्थं ॥  
 जं सव्वहा अमुत्तुं सदेहमंतो सुहुत्तमज्झम्मि ।  
 तं पर-पुर-प्पवेसो असंभवं तो वि विक्खाओ ॥  
 इति परपुरप्रवेशनिषेधे विक्रमादित्यकथानकम् ।

जं च पर-देह-संकम-सरिच्छमच्छरियमित्थ सं[भ]वह ।  
 विज्जा-पभाव-विहियं तं सुणह कहेमि गुरु-कहियं ॥  
 चेयणमचेयणं वा वत्थुं विज्जा-वलेण चालेइ ।  
 विज्जा-सिद्धो पुरिसो आयरिया अज्ज-खउड व्व ॥

तं जहा—

इह जंबुदीव-भरहे भरुयच्छं नाम पट्टणं अत्थि ।  
 लोया पोया य गुणोह-पवर-गुरु-सिय-वडा जत्थ ॥  
 कइया वि अज्ज-खउडा विहरंता तत्थ आगया गुरुणो ।  
 ते विज्जा-सिद्धा देवयाउ वटंति ताण वसे ॥  
 ताणऽत्थि भाइणेज्जो सीसो वालो अईच मेहावी ।  
 सो विज्जं कत्ताहेडएण गिण्हेइ गुरु-पासे ॥  
 विज्जा-सिद्धो जाओ सो विज्जा-सिद्ध-गुरु-पभावेण ।  
 तं भरुयच्छे ठविउं साहु-समेयं गया गुरुणो ॥  
 गुडसत्थं नाम पुरं जं तत्थ पुरा गुडस्स पिंढेहिं ।  
 भग्नं परवलमेयं तो गुडसत्थं ति विक्खायं ॥  
 नाग-रमणीइ वेणी गहिया चिवरम्मि पविसिउं जेण ।  
 सो वेणि-वच्छराउ त्ति पायडो तत्थ अत्थि निवो ॥  
 तह आसि गरुय-गव्वो तत्थ परिच्चायगो महावाई ।

साहूहि जिओ वाए सो अधिईए मओ संतो ॥  
 नामेण बहुकरओ गुडसत्थे तत्थ वंतरो जाओ ।  
 तत्थ न देइ सुणीणं वसिउं सो विहिय-उवसग्गो ॥  
 तस्सोवसम-निमित्तं गुरुणो तत्थागया दिवस-विगमे ।  
 पुर-मज्झे वसहीए पट्टविउं साहुणो सन्वे ॥  
 ठविउं कत्तेसु उचाहणाउ जक्खस्स अग्गओ सुत्ता ।  
 देवच्चओ पहाए समागओ ते तहा दट्ठं ॥  
 लोयस्स कहइ लोओ समागओ उट्ठसु त्ति सो भणइ ।  
 उट्ठंति न गुरुणो पुण गुरूण अवणेइ पावरणं ॥  
 तं जत्थ जत्थ अवणेइ पेच्छए तत्थ तत्थ अहट्ठाणं ।  
 रत्तो निवेइयमिणं तेणाइडं हणह एयं ॥  
 तो आढत्ता गुरुणो हणिउं लोएण कइलट्ठीहि ।  
 लग्गंति ते पहारा रत्तो अंतेउरीणंगे ॥  
 हा ! को वि अदिट्ठो पहणइ त्ति अम्हे ताओ विलवंति ।  
 सुणिज्जण इमं रत्ता गंतुं ते खामिआ गुरुणो ॥  
 अह गुरुणो पुर-मज्झे चलिया तो ताण पिट्ठओ जक्खो ।  
 संचलइ उप्पिडंतो तहऽन्न-देवाण पडिमाओ ॥  
 तत्थासि जक्खभवणे पाहाणमईओ दुत्ति दोणीओ ।  
 ताओ वि पट्ठियाओ ठियाउ पुरओ सुणिदाणं ॥  
 एयं दट्ठं विस्मिय-मणेण गुरुणो जणेण संलत्ता ।  
 मिल्लह इमाणि सन्वाणि ताणि मुक्काणि तो गुरुणा ॥  
 दोणीओ अ मंतीउं नयर-दुवारे तडेसु मुक्काओ ।  
 सट्ठाणमाणही सो अन्नो जो मज्झ सरिसो त्ति ॥  
 इय बहुकरय-जक्खो विज्जा-सिद्धेहि उवसमं नीओ ।  
 जिण-पवयणस्स पवरा पहावगा तत्थ तह विहिया ॥  
 अह भरुयच्छ-पुराओ समागया तत्थ साहुणो दुत्ति ।  
 तेहि कहियं गुरूणं अम्हे संवेण पट्टविया ॥  
 पहु ! तुम्ह भाइणेज्जो सुणिणो मुत्तूण भोयणे गिद्धो ।  
 भिक्खूण गओ मज्झे करणेहि न गजिओ को वा ? ॥  
 विज्जा-पभावओ से पत्ताणि उवासगाण नेहाउ ।

गयणंगणेण वर-खज्ज-भुज्ज-भरियाणि इति मढं ॥  
 तं अच्छरियं दट्ठूण तस्मि भत्तिं कुणंति सट्ठावि ।  
 ता आगंतुं संघस्स हरह ओभावणं एयं ॥  
 तं सोउं गुडसत्थाउ झत्ति भल्लयच्छमागया गुरुणो ।  
 तेसिं तु पत्तगाणं पुरो ठिओ मत्तओ जाइ ॥  
 सो उण उवासगाणं गिहेसु पवरात्तणम्मि ठविऊण ।  
 सरसस्स भरिज्जइ भोयणस्स सह सेस-पत्तेहिं ॥  
 गयणेण इति सत्त्वाइं अन्नया सेय-वत्थ-पिहियाइं ।  
 तस्मि दिणम्मि गुरुहिं विउव्विया अंतरम्मि सिला ॥  
 पत्ताणि तत्थ तो लग्गिऊण भग्गाइं ताइं सत्त्वाइं ।  
 तो चेल्हएण नायं इहागया अज्ज-खउड त्ति ॥  
 तो चेल्हओ भएणं नट्ठो बुद्धालए गया गुरुणो ।  
 ते संलत्ता भिक्खूहि पडह पाएसु बुद्धस्स ॥  
 भणियं आयरिएहिं सुद्धोदण-पुत्त ! एहि वंद ममं ।  
 तो निग्गंतुं बुद्धो पडिओ पाए स सूरिण ॥  
 तत्थ दुवारे थूलो सो भणिओ एहि पडसु पाएसु ।  
 तो झत्ति सो वि पडिओ अह उट्ठेहि त्ति संलत्तो ॥  
 अट्ठो ण उट्ठि एसो एवं चिय संपयं पि सो अत्थि ।  
 भणिओ बुद्धो चिट्ठसु सट्ठाणे एक-पासेण ॥  
 थक्को तहेव एसो इमेहिं जं नामिओ नियंठो सो ।  
 लोयम्मि तो पसिद्धा नियंठनाम त्ति ते गुरुणो ॥  
 एवं विज्जा-सिद्ध-प्पभावओ देवया-कयावेसं ।  
 चेयणमचेयणं वा करेइ मण-चित्तिं चिट्ठं ॥  
 जं पुण मरणेण विणा जीवो पर-देह-संकमं कुणइ ।  
 नियय-सरीरं मुत्तूण सव्वहा तन्न संभवइ ॥  
 इय विज्जा-माहप्पं अच्छभुयमज्ज-खउड-सूरिणं ।  
 दट्ठूण वच्छराओ पडिवन्नो वीयराय-मयं ॥  
 ताराइ बुद्धदेवीइ मंदिरं तेण कारियं पुढ्वं ।  
 आसन्न-गिरिम्मि तओ भन्नइ ताराउरं ति इमो ॥  
 तेणेव तत्थ पच्छा भवणं सिद्धाइयाइ कारवियं ।

तं पुण काल-वसेणं दियंबरेहिं परिग्गहियं ॥  
 तत्थ ममाएसेणं अजिय-जिणिंदस्त मंदिरं तुंगं ।  
 दंडाहिव-अभएणं जसदेव-सुएण निम्मवियं ॥

इति आर्य-खपुटाचार्य-कथा ॥

तो राया बुहवग्गं विसज्जिउं दिवस-चरम-जामम्मि ।  
 अत्थाणी-मंडव-मंडणम्मि सिंहासणे ठाह ॥  
 सामंत-मंति-मंडलिय-.....पसुहाण दंसणं देह ।  
 विससीओ तेसिं सुणइ कुणइ तह पडीयारं ॥  
 कय-निव्वियेय-जण-विम्हियाइं करि-अंक-मल्ल-जुद्धाइं ।  
 रज्जट्टिइ त्ति कइया वि पेच्छए छिन्नवंछो वि ॥  
 अट्टभि-चउदसि-वज्जं पुणो वि भुंजइ दिणट्टमे भाए ।  
 कुसुमाइएहिं घर-चेइयाइं अचेइ संज्ञाए ॥  
 निसि निविसिऊण पट्टे आरत्तिय-मंगलाइं कारवइ ।  
 वारवह-निवहेणं मागह-गण-गिज्जमाण-गुणो ॥  
 तो निदं काउमणो मयण-भुयंगम-विस-प्पसम-मंतं ।  
 संथुणइ थूलभद-प्पसुह-महामुणि-चरियमेवं ॥

पुरि चिट्ठइ पाडलिपुत्त नामु,  
 धण-कण-सुवन्न-रयणाभिरामु ।  
 तहिं नचसु नंद पालेइ रज्जु,  
 पडिवक्ख-महीहर-हलण-वज्जु ॥ १ ॥  
 मुणिपत्त-कप्प-जल-सित्तु गत्तु,  
 बालत्तणि जसु रोगेहि चत्तु ।  
 तसु कप्पयमंतिहि वंसि हूओ,  
 सगडालु मंति निववक्खुभूओ ॥ २ ॥  
 तसु थूलभहु सुओ आसि पढसु,  
 मयणु व्व मणोहर ख्व परसु ।  
 जो जम्मदियहि देवयहिं वुत्तु,  
 इह होही चउदह-पुव्व-जुत्तु ॥ ३ ॥  
 सिरिउ त्ति विइज्जउ आसि पुत्तु,

नय-विणय-परकम-बुद्धि-जुत्तु ।  
 तह जक्खा-पमुह पसिद्ध पत्त,  
 मेहाइ गुणिहिं भइणीउ सत्त ॥ ४ ॥  
 अह पत्तु कयाइ वसंतसमओ,  
 संजणिय-सयल-जण-चित्त-पमओ ।  
 उल्लासिय-रुक्ख-पवाल-जालु,  
 पसरंत-चारु-चच्चरि व्व मालु ॥ १ ॥  
 जहिं वण-ल-पयडिय-कुसुम-वरिस,  
 महु-कंत समागय जणियहरिस ।  
 पवमाण-चलिर-नव-पल्लवेहिं,  
 नच्चंति नाइ कोमलकरेहिं ॥ २ ॥  
 नव-पल्लव-रत्त-असोअ-विडवि,  
 महुलच्छिहि सउं परिणयणु घडवि ।  
 जहिं रेहहिं नाइ कुंसुंभरत्त,  
 वत्थेहिं नियंसिय सयलगत्त ॥ ३ ॥  
 हसइ व्व फुल्ल-मल्लिय-गणेहिं,  
 नच्चइ व पवण-वेविर-वणेहिं ।  
 गायइ भमरावलि रविण नाइ,  
 जो सयमवि मयणुम्मत्तु भाइ ॥ ४ ॥  
 घणमयणमहूसवि, पिज्जंतासवि,  
 तहि वसंति जणचित्तहरि ।  
 कय-विसय-पसंसिहिं, नीओ वयं सिहिं,  
 थूलभहु कोसाहि घरि ॥ ५ ॥  
 कणय-खंभिहिं नाइ कंदलिय,  
 जहिं नाइ पल्लविय  
 चीणवत्थ वित्थिय वियाणिहिं,  
 नं कुसुमिय मुत्तियहि  
 सव्वओ वि अवजलठाणिहि,  
 कंचणकलसिहि जणि फलिय सहइ लच्छिलयचित्त ।  
 कोसा वेसा पुव्वकयसुकय जलिण जं एव सित्त ॥ ६ ॥



थूलभद्रो तस्मि पासाइ,  
 मणि-खंड-मंडिय-कणय-  
 मय-गवक्ष-उच्छंगि संठिय,  
 कोस त्ति वेसा पवर  
 रूव-नाण-गव्वावगुंठिय,  
 रयणालंकिय-संयल-तणु उज्जल-वेस-विसिद्ध ।  
 नं सुर-रमणि विमाण-गय लोयण विसइ पविद्ध ॥ ७ ॥  
 जसु वयणविणिज्जिउ नं ससंकु,  
 अप्पाणु निसिहिं दंसइ स-संकु ।  
 जसु नयण-कंति-जिय-लज्ज-भरिण,  
 वण-वासु पवन्नय नाइ हरिण ॥ ८ ॥  
 जसु सहहिं केस-घण कसण-वन्न,  
 नं छप्पय मुह पंकय पवन्न ।  
 भुवणिक्क-वीर-कंदप्प-घणुह,  
 सुंदरिमविडंवाहि जासु भमुह ॥ ९ ॥  
 जसु अहर हरिय-सोहग्ग-सारु,  
 नं बिहुम सेवइ जलहि खारु ।  
 जसु दंतपंति सुंदेरु खंडु,  
 नहु सीओसहं तु वि लहइ कुंडु ॥ १० ॥  
 असणंगुलि पल्लव नहपसूण,  
 जसु सरलभुयाउ लयाउ नूण ।  
 घण-पीण-तुंग-थण-भार-सत्तु,  
 जसु मज्झु तणुत्तणु नं पवत्तु ॥ ११ ॥  
 थूलभद्रिण तीइ कोसाइ,  
 निय-दिट्ठि जा पट्टविय  
 अंगि चंगलावन्ननिभरि,  
 तीए वि हु अंगि तसु  
 असमसोह सोहग्गसुंदरि,  
 अवरुप्परु अणुरायगुणु दोहिहिं पयडंतीहिं ।  
 थूलभद्र कोसहं पढसु किउ दूइत्तणु तीहिं ॥ १२ ॥

तो जगुत्तम-रुव-लावन्न,  
 संपत्ति-दंसण-वसिण  
 विसयमाण विम्हय परव्वसु,  
 पफुल्ल-लोयत्तण-जुयल्ल  
 थूलभट्ट अणुरत्त-माणसु,  
 निम्मल-मुत्तिय-हारमिसि रइय चउक्कि पहिट्ठ ।  
 पढसु पविट्ठउ हिय तसु पच्छा भवणि पविट्ठ ॥ १३ ॥  
 कलिउ दप्पणु वयण-छउमेण,  
 रोलंबकुलसंबलिय  
 कुसुमवुट्ठि दिट्ठिहिं पयासिय,  
 पल्हत्थ उवरिल्ल घण-  
 कणय-कलस-मंगल्ल-दरिसिय,  
 चंदणु दंसिउ हसियमिसि इय कोसहिं असमाण ।  
 घरि पविसंतह तासु किउ नियअंगिहि सम्माणु ॥ १४ ॥  
 ×        ×        ×        ×        ×  
 इअ थुविऊणं आसणमुवणीयं तीए थुलभट्टस्स ।  
 सो तत्थ निसन्नो उदय-सेल-सिहरम्मि चंदो व्व ॥ १९ ॥  
 दट्ठण तस्स रुवं तीए सिट्ठिलिय-सरुव-गव्वाए ।  
 विन्नाण-पयडणत्थं मणोहरा वाइया वीणा ॥ २० ॥  
 अह कोसल्ल-पयासण-उल्लसिय-महल्ल-कोउहल्लेण ।  
 घित्तुं वीणा तह कहवि वाइया थूलभट्टेण ॥ २१ ॥  
 कोसा कोसल्लमयं जह मिल्लइ तक्खणेण सल्लं व ।  
 तो ण्हाण-भोयणाईणि थूलभट्टं करावेइ ॥ २२ ॥  
 कव्व-बंधिहि कह-पबंधेहि,  
 पण्हुत्तरपयडिणिहि  
 नम्म-वयण-लीला-पसंगिहि,  
 वच्छायण-भरह-भाव-  
 भूरि-भाव-संलाव-भंगिहि,  
 अक्ख-विणोइण ते गमहिं जा डुत्ति वि दिण-सेसु ।  
 ता पच्छिम-दिसि कामिणिहि अंकि निविट्ठ दिणेसु ॥ २३ ॥

तो ससुग्गउ मयण-नरनाह,  
 अहिसेय-मंगल-कलसु  
 दिसि-पुरंधि-आपरिसमंडल,  
 नह-लच्छि-चंदण-तिलओ  
 रयणि रमणि-ससि-कंत-कुंडल,  
 सव्व-कला-संपद्दु रसिय-जण-संतोसु कुणंतु ।  
 अमयमयइ कर-फंसि-सुहि तहि कुसुइणि वियसावंतु ॥ २४ ॥  
 भरह-भासिय-भाव-संवद्दु,  
 पारद्दु संगीउ तहिं  
 कोसवेस नच्चिय वियक्खणि,  
 रंजिय-मणु घणु दविणु  
 धूलभद्दु तसु देइ तक्खणि,

तयणंतरु अणुरत्तमण मयणपल्लंकि निसन्न ।  
 माणिय-मयण-विलास-सुह दुन्नि वि निह पवन्न ॥ २५ ॥  
 इय तत्थ धूलभद्दो पिउ-संपाडिय-समग्ग-भोगंगो ।  
 परिचत्त-सेस-कज्जो वारस-वरिसाइं संवसइ ॥ २६ ॥  
 अह तत्थ वसइ विप्पो वहु-सत्थ-वियक्खणो वरुइ त्ति ।  
 अट्टत्तर-चित्त-सएणं धुणइ निच्चं पि सो नंदं ॥ २७ ॥  
 तह वि न नंदो से देइ किं पि पिच्छेइ किं तु मंति-सुहं ।  
 मिच्छत्तं त्ति न मंती वि तस्स कच्चाइं वत्तेइ ॥ २८ ॥  
 ओलगिगया बुहेणं मंति-पिया भणइ किं कुणसि कट्ठं ।  
 भणइ बुहो भण मंतिं जह मह कच्चाइं वत्तेइ ॥ २९ ॥  
 तीए भणिओ मंती वत्तइ कच्चाइं सुट्ठु पढइ त्ति ।  
 तो वियरइ अट्टत्तर-दीणार-सयं बुहस्स निवो ॥ ३० ॥

तो विंचितइ मंति सगडाल,  
 निव-कोसु निट्ठिउ सयल  
 अन्नदिअहि विन्नवइ नरवरु,  
 एयस्स किं देह पडु !  
 दिवसि दिवसि इत्तिउ धणुक्करु,  
 सो जंपइ तइ वन्नियओ तिणि एयह धणु देमि ।

मंति भणइ पर-कव्व-चरण पढइ तेण सलहेमि ॥ ३१ ॥

नंदु जंपइ पढइ पर-कव्व,

कह एस वररुइ सुकइ

कहइ मंति मह धूय सत्त वि,

एयाइं कव्वाइं

पहु ! पढइं बालाउ हुंत वि,

तत्थ तुम्ह नरनाह ! जइ मणि बढइ संदेहु ।

ताउ पढंति य कोउणिण ता तुम्हे निसुणेहु ॥ ३२ ॥

एकेण दोहिं तीहिं चउहिं पंचहिं छहिं य सत्तेहिं ।

वारेहिं धरंति कमा परपढियं मंति-धूयाओ ॥ ३३ ॥

जवणियंतरि ताउ ठवियाउ,

तो वररुइ आगइउ

थुणइ नंदु तं ताउ निसुणहि,

चक्कम्मि तम्मिय कम्मिण

कव्व सव्व सव्वाउ पभणहिं,

तो नरनाहिण वररुइण कुविऊण वारु निसिहु ।

वररुइ ताव विलक्खमण उलगगइ सुरसिधु ॥ ३४ ॥

खिविवि संझिहिं सलिल दिणार,

गोसग्गि सुरसरि थुणइ

हणइ जंत-संचारु पाइण,

उच्छलिवि ते वि वररुइहिं

चडहिं हत्थि तेण घाइण,

लोउ पइंपइ वररुइह गंग पसन्निय देइ ।

मुणिवि नंदु बुत्तंतु इहु सयडालस्स कहेइ ॥ ३५ ॥

सो पयंपइ गंग जह देइ,

दीणार पेच्छंतयह

मह इमस्स तो देइ निच्छिउ,

संझाइ तो सिक्खवि

विं पुरिसु तत्थ मंतिण विसज्जिउ,

सो घच्चिवि पच्छवु ठिओ जा अच्छइ पेच्छंतु ।

दिहओ वररुइ तेण तओ तहिं दीणार ठवंतु ॥ ३६ ॥

ते वि अप्पिय तेण आणेवि,

मंतिस्स गोसग्गि गओ

सपरिवारु तहिं नंदु नरवइ,

तो गंग वररुइ थुणइ

जंतु-हत्थ-पाएहिं जोवइ,

तत्थ न किंचि वि सो लहइ होइ विसंजु मणेण ।

ते नंदइ दीणार तओ दंसिय सयडालेण ॥ ३७ ॥

कहिउ सयलु वि संजुवुत्तंतु,

तो जाओ वररुइ विमणु

पुण वि मंति-छिदाइं मग्गइ,

ओलग्गइ मंति-वर-

दासी सा वि घरवत्त संपइ,

तहिं किज्जइ भोअणु-निवइ सिरियय परिणयत्थु ।

तह पक्खर-सत्ताह-गुड-असि-पमुहाउह-सत्थु ॥ ३८ ॥

इय मुणिय दासि-वुत्तं चितइ चित्तम्मि वररुइ हिहो ।

पत्तो मए इयाणिं मंतिस्स विणासणोवाओ ॥ ३९ ॥

दवि लङ्कुअ डिंभरूवाण,

सो पाढइ कोवि न हु

मुणइ एउ जं मंति करिसइ,

मारिविणु नंदु निवु

नंदरज्जि सिरियओ ठवेसइ,

तिग-चच्चर-चउहइहि एउ पढंतइं ताइं ।

नंदिण बाहिं निग्गयण अन्नहिं दिअहिं सुआइं ॥ ४० ॥

पुरिस्तु पेसिवि निवइ सवियकु,

जोआवइ मंतिघर

कहिउ तेण किज्जंत आउहु,

ता मंतीहि पणमिअह

कुविओ नंदु जोअइ न सम्मुहु,

घरि गउ मंति भणेइ तउ सिरिया ! जइ महु पुत्तु ।



तुहं नंदह पडिहारु तउ करहि महारउं वुत्तु ॥ ४१ ॥

नंदु कुद्धउ तेण मह सीसु,

तुहु खंडि पणमंतयह

तासु पुरओ असिदंड घाइन,

रक्खेसु ती सेसु कुल

मज्झ दोसि हम्मंतु राइन,

इय सुणि सिरियउ पिउवयणु करयल-ढक्खिय कसु ।

कंपइ हा ! हा ! केम्व हउं पिउवहु करउं अहसु ॥ ४२ ॥

मंति साहइ वच्छ ! मा झूर,

इउ नीइ-सत्थिहिं कहिउ

कुलहि कज्जि जं एकु मुच्चइ,

कुलरक्खिण कारणिण

तेण मज्झ मरणं पि रुच्चइ,

हउं खाइसु विसु तालउडु नंद पणानु करंतु ।

पिउवह-पावि न लिप्पिहिसि मइं गयजीवु हणंतु ॥ ४३ ॥

तेण मन्निउ कह वि पिउवयणु,

तो मंतिण तालउडु

खसु नंदरायह नमंतिण,

सिरिएण तक्खणि खंडिउं

तासु सीसु खणिण फुरंतिण,

हा ! हा ! करिवि भणेइ निवु सिरिअय ! किउ किमकज्जु ।

सो जंपइ जो पहु अहिउ तिण पिउणा वि न कज्जु ॥ ४४ ॥

ताव चिन्तइ मंति-मय-किच्चि,

राएण सिरिअउ भणिउ

देमि तुज्झ मंतिउ तुट्टउ,

सो जंपइ पयह उच्चिउ

थूलभहु महु अत्थि जेठउ,

सो नंदिण कोसाघरह भणिअउ हक्कारेवि ।

गिन्हसु पिउपउ तिण भणिउ गिन्हउं पहु ! चित्तेवि ॥ ४५ ॥

इमिणा भिसेण एसो मा वच्चउ पुण घरम्मि गणियाए ।

इय रक्षा सो भणिओ चित्तसु असोग-वणियाए ॥ ४६ ॥

एवं ति भणिय तो थूलभद्र,

चित्तइ तत्थ परमत्थ भद्र ।

मणुयत्तइ सारु ति-वग्ग-सिद्धि,

तिहि विग्गहेउ अहिगार-रिद्धि ॥ ४७ ॥

जं तत्थ राय-चित्ताणुक्कल,

आरंभ कुणंतइ पाव-मूल ।

कउ मंतिहि जायइ विमल-धम्म,

जिणि लब्भइ सासउ सिद्धि-सम्म ॥ ४८ ॥

पर-पीड-करेविणु जं पभूअ,

गिन्हहिं निउ गिरुहि रूव जल्लुअ ।

नरनाहिण धिप्पइ नं पि दब्बु,

निप्पीलिवि सहुं पाणेहिं सव्वु ॥ ४९ ॥

पर-वसहं सव्वु भय-भिभलाहं,

असल-पओअण वाउलाहं ।

अहिगारि-जणहं कामभोअ,

संभवहिं वियंभिअ गुरु-पमोय ॥ ५० ॥

कोसा-घर वारस-वच्छरेहिं,

विसइहिं न तित्तु लोउत्तरेहिं ।

बहु रज्ज-कज्ज-वक्खित्त-चित्तु,

किं संपइ होहिसि मूढ-चित्तु ॥ ५१ ॥

पइ जम्म-मरणु कल्लोलमत्तु,

भव-जलहि भमिवि मणुअत्तु पत्तु ।

परिहरिवि विसय-फल तासु लेहि,

किं कोडि कवडिइं हारवेहि ॥ ५२ ॥

वज्जेवि धम्मो जो विसय-सुक्खु,

परिणाम-विरसु सेवइ सुर-रक्खु ।

सो पिअइ दुट्ठु जर-गहिउ सुट्ठु,

सो भक्खइ मंसु गलंतु कुट्ठु ॥ ५३ ॥

दिण पंच करिवि नर-वइ-निओगु,

संपाइवि अप्पह पाव-जोगु ।  
 दुब्बार-दुसह-दुह-लक्ख-रुवि,  
 गंतवु जीव नरयंध-कूवि ॥ ५४ ॥  
 महु महु रुचए वि निवाहिगारु,  
 पेरंत विडंवन-दुक्ख-सारु ।  
 करि जीव ! धम्मु वज्जिचि पमाउ,  
 जिम्ब नरइ न पावहि पच्चवाउ ॥ ५५ ॥  
 परिहरिचि सव्व सावज्ज-कम्मु,  
 जो जीवु न जुव्वणि कुणइ धम्मु ।  
 सो मरण-यालि परिमलइ हत्थु,  
 गुणि तुट्ठइ जिम्ब धाणुहु एत्थ ॥ ५६ ॥  
 इय विसय-विरत्तउ, पसम-पसत्तउ, ।  
 थूलभहु संविग्गमणु ।  
 सिव-सुक्ख-कयायरु, भव-भय-कायरु,  
 महइ चित्ति दुच्चर चरणु ॥ ५७ ॥  
 पंच मुट्ठिहिं केस लुंचेवि,  
 पाउरिअ कंवल रयणु  
 छिदिऊण रयहरणु निम्मिचि,  
 निवह पासि गंतूण  
 तुह धम्म-लाहु होउ त्ति जंपिचि,  
 नरवइ ! चित्तिउं एउ महं थूलभहु पभणेइ ।  
 राइण वुत्तु सुचित्तिअउं अह सो पुरह चलेहि ॥ ५८ ॥  
 नंदु जंपइ पेच्छ कवडेण,  
 गणियाइ पविसइ भवणि  
 किं नव ? त्ति आयास-तल-गउ,  
 जा नियइ ता सो वि  
 तेण कुहिय-मयगमग्गेण निग्गउ,  
 नित वि संतउ जेण जणु सेसउ मुहुइं ठएइ ।  
 भयवं विसय-विरत्त-मणु तो नरवर जंपेइ ॥ ५९ ॥  
 ठविउ सिरिअउ निविण मंति त्ति

अह पासि पत्तउ गुरुहु  
 थूलभहु संभूअविजयह,  
 पडिबज्जइ नियम-भरु  
 धवल-कित्ति-पंडुरिय-ति-जयह,  
 सिरिउ वि कोसहि निच्छु घरि भाइ सिणेहिण जाइ ।  
 वररुइ रत्तउ कोस-लहु-वहिणिहिं उवकोसाइ ॥ ६० ॥  
 वाम-करयल-कलिय-सुह-कमल,  
 सिंगार-परिसुहु तणु  
 वाह-सलिल-संसित्त-थणहर,  
 विरहग्गि-संतत्त-मण  
 दीह-सास-परिसोसियाहर,  
 थूलभहु-नामुचरण-गुण-कित्तण-कयतोस ।  
 पुरिसंतर-संगम-विमुह कह वि गमइ दिण कोस ॥ ६१ ॥  
 निअइ सिरिअउ छिइ वररुइहि,  
 तो कोस-सम्मुहु भणइ  
 एअ हेउ पिउ मरणु अम्हहिं,  
 संपत्तु वंधव-विरहु  
 तह विउगु दइएण तुम्हिहि,  
 ता वररुइ पाएसु सुर तीइ वि भइणी वुत्त ।  
 जं तुहं मत्त अमत्तु इहु एरिस जोड न जुत्त ॥ ६२ ॥  
 तो बहु-जुत्तीहि वुहो तीए भणिओ अणिच्छमाणो वि ।  
 चंदपहं पियइ सुरं दुखं ति जहा जणो मुणइ ॥ ६३ ॥  
 कहिउ कोसहिं एउ सिरिअस्स,  
 अह अन्नदिणि निवु भणइ  
 सिरिअ ! जणउ तुह आसि मह हिउ,  
 सो जंपइ सच्छु एहु  
 किं तु मत्तवालिण विणासिउ,  
 राउ पयंपइ किं पिअइ दिअवरु वररुइ मज्जु ।  
 सिरिउ भणइ संदेहु जइ ता पिच्छिज्जउ अज्जु ॥ ६४ ॥  
 ताव सिरिइणि फुल्लवडु वुत्तु,

तुहुं देज्ज वररुइहि कारि  
 मयण-हलिण भाविअउं पंकउ,  
 अन्नाइं वन्नाण करिय  
 तयणु तेण सव्वं पि तह कउ,  
 तं अंग्वाइउ वररुइण वमिअउ मज्ज खणेण ।  
 तो नीहारिवि निग्गइउ तत्त-तउअ-पाणेण ॥ ६५ ॥  
 थूलभहु वि कुणइ तव तिच्चु,  
 अह पत्तउ कुसुमपुरि  
 गुरुसमेउ पाउस-समागमि,  
 तहिं गच्छि गिण्हहिं नियम  
 खवग तिञ्चि वत्तिय जिणागमि,  
 चउमासु वि सीहह गुहहिं निरसणु एहु निस्तहु ।  
 धीअउ दिट्ठिचिसाहि-विलि कूवफलइ तह अस्तु ॥ ६६ ॥  
 ते तिञ्चि वि उवसंता सीह-भुअंगा-उरहद्वियमणुस्त ।  
 अणिहीण तवनिहीणं सुणीण तेसिं पहावेण ॥ ६७ ॥  
 थूलभहिण भणिउ गुरुपासि,  
 वसिअव्वु चउमास मइं  
 कोस-वेस-वरि निचभोअणि,  
 तो पत्तु तहिं सम्बविधि  
 सा पहिइ चितेइ निय-मणि,  
 एइ इइउ तव भग्गु इहु विरइ वि अब्बुट्ठाणु ॥  
 एहु किं करिमि भणेइ सुणि मग्गइ वास-ट्ठाणु ॥ ६८ ॥  
 कोस जंपइ वसह इह नाह !,  
 को धरइ घरु पत्थियउ  
 तुम्ह कज्जि जो वहइ निय-तणु,  
 सइ लच्छिहिं इंति अहि  
 कवणु देइ शंपउ सचेअणु,  
 थूलभहु तो ठाइ सुणि उववणि घरि कोसाहि ।  
 निद्ध भिक्ख सो तहिं जि घरि गिण्हइ असम-समाहि ॥ ६९ ॥  
 कोस चितइ मज्ज अणुरत्तु,



अणुअत्तिउ एहु महं  
 तवह भग्गु असहाउ घरि मह,  
 ता पुब्ब-पुत्तोदइण  
 फलि अत्तण संपइ मणोरह,  
 लज्जुं दुहु विडालिअहिं सजणिं आमिसु पत्तु ।  
 हिअय पणवसि किं न तुहं सिट्ठुं कज्जु समत्तु ॥ ७० ॥  
 ताव सुंदरु करिवि सिंगारु,  
 मुणिपासि वच्चिवि चवइ  
 विरह-जलण-सत्ततु मह मणु,  
 तं अज्ज विज्झविउ तुह  
 अमय-सरिसु जं लज्जु दंसणु,  
 हउं ठिअ एत्तिअ दिण दुहिण चत्ताऽवर नरसंग ।  
 पेत्तिअ सुहय संगम सुहिण निव्वावहि महु अंग ॥ ७१ ॥  
 तहु सिणेहहु ताहंत्ताणिआऽहं,  
 तहं नाह गुण-कित्तणहं  
 किं न देसि पडिवयणु निट्ठुर,  
 किं एरिसु जुत्तु महं  
 अयगणेसि जं पिम्म-बंधुर,  
 थूलभइ इउ जंपिओ वि जं पडिवयणु न देइ ।  
 ताव कोस कुसुमिय-मयण विविह विआर करेइ ॥ ७२ ॥  
 कर समुक्खवि पयड भूअ मूलु,  
 आमेत्तु बंधइ ददु वि  
 अंगभंशु पुण पुण पयासइ,  
 उवरिल्लु दीसंत थण  
 संठवेइ सविलासु भासइ,  
 लायन्निक्क-निवास-पउ पयडइ नाहि-पएसु ।  
 नियइ तिरिच्छिहिं लोअणिहि सिट्ठिलइ नीचि-निवेसु ॥ ७३ ॥  
 इअ निम्मिय मयण-विलास कोस,  
 सुणि थूलभहु पेच्छिवि सतोस ।  
 सविसेस वियंभिअ धम्मज्ञाणु,

भावेइ महिल दुग्गइ निआणु ॥ ७४ ॥  
 सुंदरिम-विणिज्जिय-तरुण-कमल,  
 जं एअहि पिच्छहि चलण-जुअलु ।  
 तुहं तेण पणुल्लिउ जीव रडु,  
 पाविहिसि दुरुत्तर-निरय-गडु ॥ ७५ ॥  
 जं कलिय-खंभ-सुंदर-चोरु,  
 तुहुं एअहि जच्च-सुवन्न-गोरु ।  
 सरलोरु-दंडु जुग सच्चवेहि,  
 तं नरय-भवण-तोरणु मुणेहि ॥ ७६ ॥  
 जइ एअहि पीण नियंवि सुडु,  
 भव-चारय-ठिउ तुहुं जीव मुडु ।  
 ता दाविअ विविह-विडंवणाउ,  
 दुसहाउ सहिस्ससि जायणाउ ॥ ७७ ॥  
 परिहरिवि जीव ! जिण-धम्म-मग्गु,  
 जइ एअहि नाहि-दहम्मि मग्गु ।  
 ता नूण अणुत्तर-सुक्ख-पसरु,  
 पाविहिसि नेअ निव्वाण-नयरु ॥ ७८ ॥  
 जइ एअहि तुंग-थण-त्थलेहिं,  
 विसमम्मिहि अइघणचक्केहिं ।  
 पक्खलिउ कह वि भवरघु भीसु,  
 लंघिहिसि जीव ! ता न हु असीसु ॥ ७९ ॥  
 जइ एअहि भुअ-पासेहि वन्धु,  
 तुहुं काहिसि जीव ! असच्चसंधु ।  
 ता मोह दुरुत्तर-गुत्ति-छूडु,  
 चिरकालु वसिस्ससि जीव ! मूडु ॥ ८० ॥  
 जो एअहि घण-कुंतल-कलावु,  
 सो सप्पसमूहु महप्पभावु ।  
 मह धम्म-ज्झाण-निह-गहण-विग्गु,  
 संजणइ एउ चित्तेसु सिग्गु ॥ ८१ ॥  
 इअ निच्चल-चित्तह, पसम-पवित्तह,

थूलभद्र-मुणि-पुंगवह ।

मणु कोस-मणोहर, पीण-पडहर,

हरिउ न सकइ सा तवह ॥ ८२ ॥

कहइ मुणी से धम्मं तं सा सोऊण साविया जाया ।

तह राय-निउगं वज्जिऊण पच्चक्खइ अवंभं ॥ ८३ ॥

खमग तिज्जि वि पुज्जि चउमासि,

गुरुपासि वच्चिहिं गुरु वि

किं चि ताण संमाणु दंसइ,

तहं दुष्करकारयह

सागउ त्ति संमुहं सासइ,

थूलभहु इंतउ नियवि गुरु कय गुरु सम्माणु ।

दुक्कर-दुक्कर-कारगह सागउ भणइ पहाणु ॥ ८४ ॥

सुणिवि तिज्जि वि खमग गुरुवयणु,

सामरिस्स चिंतंति मणि

थूलभहु मंतिस्स नंदणु,

तिण एअह गुरु कुणइ

गुरुअ-माणु हियआहिनंदणु,

अह वीअइ पाउस-समइ दुक्कर-तव-मय-मत्तु ।

कोसावरि गुरु वारिउ वि सोह-गुहा-मुणि पत्तु ॥ ८५ ॥

मुणि निअच्छि कोस चित्तेइ,

इह नूण मह एइ घरि

थूलभद्र-मच्छरु वहंतउ,

ता मूढु अप्पह परह

न वि विसेसु जाणइ निरुत्तउ,

कायह हंसह खर-करहि खज्जोअह खूरस्सु ।

एरंडह चंदणतरुहु कास-मसीसिअवस्सु ॥ ८६ ॥

सो वि उववण-गेहि तहि ठाह,

कोसा वि उवसंतमण

मुणिहि पासि परिमुक्क-पाविण,

अविभूसिअ भूसिअ व

सुगहं धम्मु सुंदर-सहाविण,  
 तहिं मुहचंद-पलोअणिण पसरिय-राय-समुह ।  
 तो कोसहिं सो संग-सुहु पत्थइ गय-वय-सुहु ॥ ८७ ॥  
 कोस चितइ जइ वि इहु खुसिउ,  
 बलवंत कम्मइ वसिण  
 तहा वि मणि ठाविमि उवाहण,  
 तो पभणइ देहिं महु  
 दम्मु लामु किं धम्मलामेण,  
 सो पुच्छइ केतिउ दविण अहं सा मग्गइ लक्खु ।  
 सो अलाहिंवि गुरु-तरुह-फल पंगु बहुअओ विलक्खु ॥ ८८ ॥  
 तीइ वुत्तइ सो सनिच्चेउ,  
 मा खिच्चसि किंचि तुहं  
 झत्ति वच्च नेवाल-मंडल,  
 तहिं देहं सावउ निवइ  
 लक्खु मुल्लु साहुस्त कंवल,  
 सो तहिं पत्तउ दिहु निउ दिन्नउ कंवल तेण ।  
 तं गोविं दंडय तलइ तो बाहुडिउ जवेण ॥ ८९ ॥  
 पणु अडविहिं दिहु चोरेहिं,  
 दीणार-लक्खगमण  
 पिसुणु सउणु तहं जाउ तक्खणि,  
 गच्छंतु सो अवगणिउ  
 तेहिं मुणि वि समणु त्ति निअ-मणि,  
 लक्खगमण सृअणु सउणु पुणु संजायउ तेसिं ।  
 ता वालिंवि पुच्छिउ समणु सउणु परिकखणरेसि ॥ ९० ॥  
 सच्चु जंपसु अमउ तुहं समण !,  
 दीणारहं लक्खु कुहु  
 तुज्जु अत्थि कहिं कथं गोविउ,  
 तेणावि कंवल-रयणु  
 दंड-भज्जि संठिउ निवेहउ,  
 तो मुक्कउ गउ दित्तु तिण कंवल कोसहिं इत्थि ।

सो पेच्छंतह तीह तसु खित्तु खालि अपसत्थि ॥ ९१ ॥

समणु दुम्मणु भणइ तो एउ,

बहु सुल्लु कंवलरयणु

कोस कोसि ! पइ कखालि खित्तउ,

देसंतरि परिभमिवि

महं महंत-दुक्खेण पत्तउं,

कोस भणइ महापुरिस ! तुहुं कंवल्लु सोएसि ।

जं दुल्लुहु संजम-खणु हारिस तं न मुणेसि ॥ ९२ ॥

जं परीसह सहिवि वावीस,

पंचिदियवसि करिवि

घरिवि जोशु चल्ल मणु निहंभिवि,

दुक्खिगह-कोह-मय-

माय-लोभ-मत्सरु निहंभिवि,

पंचमहव्वयभरु वहवि पइं संचिउ चारित्तु ।

तं आरामु व हुअवहिण मण-खोहेण पलित्तु ॥ ९३ ॥

जाउ वासवधणु व दुग्गिज्झ,

किंपाणु व सुह-महुर

विसहर व्व विस्सास-वज्जिअ,

मइर व्व मइ-मोहकर

गिरिणइ व्व नीयाणुलग्गिअ,

तहं वेसहं पत्थण-घणिण किं व भंजसि तव-नाव ।

भव-सायर-मज्जंत-जण-तारण-पयड-पहाव ॥ ९४ ॥

इअ कोसा-उवएसामय-रसुच्छिन्न-मयण-मुच्छेण ।

मुणिणा भणियं भदे ! तुह वयणं साहु साहु त्ति ॥ ९५ ॥

भिच्छामि दुक्कडं तं अवंभ-विसयम्मि जं तुमं वुत्ता ।

सा भणइ तुमं धनो जेण मणं ठाविउं मग्गे ॥ ९६ ॥

वित्ति पाउसि गयउ गुरु-पासि,

कय-पाय-पणमणु समणु

मुणिवि सव्वु नाणेण सूरिहि,

निब्भच्छिउ तो भणइ



थूलभट्टु गुण-सलिल-पूरिहि,  
 जो पट्टु ! सित्तउ मह हियइ मच्छर-तरु संजाउ ।  
 तसु महं संपइ कुसुम-भरु दिट्टउ दुट्टु विचाउ ॥ ९७ ॥  
 जइ वि मारिसु कुणइ तवु तिच्चु,  
 निम्माहि अवम्मह मयह  
 तह वि थूलभट्टह न तुल्लउ,  
 जा कोस कुसलिकमण  
 अणणुरत्त पत्थेइ सुल्लउ,  
 कसणवसु उप्पयइ नहि भंजइ जइ वि अवीडु ।  
 तह वि दुरेह हरेह न हु पावइ गोवरखीडु ॥ ९८ ॥  
 रत्ता दिन्ना रहियस्स सा थुणइ थूलभट्टमच्चत्थं ।  
 सो तीइ रंजणत्थं निय-विन्नाणं पयासेइ ॥ ९९ ॥  
 फुलिय अपूउ तेण पिच्छेवि,  
 वायायणसंठिय प्पक्खित्तु  
 वाणु सो खुत्तु लुंविहि,  
 तसु पुंखित्तउ अवभाव,  
 सुवि अवरु धम्म सरकयन्मिहि,  
 धरिवि सहत्थिण कप्परि वि उवरि खुरु-प्पसरेण ।  
 अप्पिय कोसह संग्हिवि अम्बय लुम्बि करेण ॥ १०० ॥  
 कोसा नच्चइ सिद्धत्थ-रासि-सिहरत्थ-सूई-अग्गम्मि ।  
 रहिओ सिरं धुणंतो विन्नाणं वन्नए तीए ॥ १०० ॥  
 सा पयंपइ भो ! महापुरिस !,  
 जं अम्बय लुम्बि पइ  
 खुडिय ठिइण इह तन्न दुक्करु,  
 जं सरिसव-सूइ-सिरि  
 नच्चियऽम्हि तं पि हु न दुक्करु,  
 तं दुक्करु जं पमय-वणि वसियउ चाउम्मासु ।  
 थूलभट्टु चारित्तनिहि निहणिय विसय पिचासु ॥ १०१ ॥  
 मह सन्निहाणि चउमास वसित्तु,  
 जंतह वि न विसय-सुहेहि रसित्तु ।

तं कसण-भूयंगम वयणि धङ्कु,  
 सुणि थूलभट्टु तह वि न हु डङ्कु ॥ १०२ ॥  
 मह तिह कडक्खह विसइ पत्तु,  
 जं तह वि न जायउ विसय-सत्तु ।  
 तं निसिय-खग्ग-धारग्गि-धीरु,  
 चंक्रमिउ वि च्छिन्नउ न सुणि-वीरु ॥ १०३ ॥  
 जं विसय-सुक्ख-सेवा-निरीडु,  
 मह पासि वसंतउ वि समण-सीडु ।  
 पज्जलंत-जलण-जालाइ बुच्छु,  
 तं तह वि न पत्तउ दाह दच्छु ॥ १०४ ॥  
 जं सुणिवि सिणिद्ध-समिह-वयण,  
 मह पत्थण-पणय-पहाण-वयण ।  
 सुणि-नाहु अखंडिय वंभयरणु,  
 विसु वुंदि वि तं विउ सत्थकरणु ॥ १०५ ॥  
 इय शुणह थूलभट्टं कोसा-संसग्ग-अग्गि-मग्गस्स ।  
 जस्स सुवन्नस्स व निम्मलस्स जाओ शुण्णकरिस्सो ॥ १०६ ॥  
 इति स्थूलिभट्ट-कथा ॥

परमेष्ठिनमस्कारं ततः संस्पृश्य भूपतिः ।

× × × ×

तस्य माहात्म्यमीदृक्षं शुश्रूक्षं वक्ति तद्यथा ॥  
 जम्बूद्वीपे भारतक्षेत्रमध्ये  
 धर्मकीडाभूर्नगर्यस्त्यघोद्या ।  
 यत्प्राकारं कौतुकायातशेष-  
 श्रीलुण्टाकः प्राज्यशीर्षश्चकासे ॥ १ ॥  
 तत्रारातिस्त्रैणवैधव्यदाना-  
 लङ्कूर्मीणः सामवर्मा नृपोऽभूत् ।  
 स्वायत्तानां यः प्रतापेन तेने  
 दिक्कान्तानां कुडुमालेपलक्ष्मीम् ॥ २ ॥  
 देवी तस्याभवलक्ष्मीर्लक्ष्मीरिव मनोहरा ।

त्रिवर्गसेवया श्लाघ्यं तौ निजं जन्म निन्यतुः ॥ ३ ॥  
 अथानयोः समुत्पेदे कन्दर्प इव नन्दनः ।  
 कृतसर्वजनानन्दो नन्दनो नामविश्रुतः ॥ ४ ॥  
 वद्विष्णुः सोऽन्वहं कान्त्या रोचिष्णुश्चन्द्रमा इव ।  
 चरिष्णुर्विनयन्योमि जग्राह सकलाः कलाः ॥ ५ ॥  
 कदाचिद्राजपुत्रोऽयं नगर्यां क्रीडया भ्रमन् ।  
 तामुत्सवमयीं दृष्ट्वा मर्त्यं कञ्चन पृष्ठवान् ॥ ६ ॥  
 किं कारणमियं प्रोद्यत्पताका प्रतिमन्दिरम् ।  
 नगरी कनकस्तम्भनियद्धमणितोरणा ॥ ७ ॥  
 तेनोचेऽत्र पुरारक्षः पुरासन्नसरिज्जलैः ।  
 उद्यमानं महामानं मातुलिङ्गं व्यलोक्यत ॥ ८ ॥  
 प्रविश्यान्तस्तदादाय महाराजाय चार्पयत् ।  
 वर्णगन्धरसोत्कृष्टं तं दृष्ट्वा मुमुदे नृपः ॥ ९ ॥  
 राजा सत्कृत्य तं प्राप्तं कुत्रेदमिति पृष्ठवान् ।  
 नयामित्युक्तवानेष ततोऽमुं पार्थिवोऽवदत् ॥ १० ॥  
 अन्वेपय वनं मौलं यत्रेदमुदपद्यत ।  
 ऊर्ध्वभागे व्रजज्ञेय नद्यास्तीरे ददर्श तत् ॥ ११ ॥  
 तत्र प्रविश्य गृह्णाति यः फलं मृत्युमेति सः ।  
 इति ज्ञात्वा पुरारक्षः पुरः क्षोणिभुजोऽवदत् ॥ १२ ॥  
 राज्ञोचे फलमानेयमेकैकं प्रत्यहं त्वया ।  
 एकैकं तत्र वारेण प्रवेक्ष्य परपूरुषम् ॥ १३ ॥  
 फलादानेऽन्वहं तस्मिन्नेकैको त्रियते पुमान् ।  
 कियत्यपि गते काले पुरलोके विधीदति ॥ १४ ॥  
 वारको जिनदासस्य श्रावकस्य समाययौ ।  
 ययौ तत्र विवेशान्तः स नमस्कारमुद्गृणन् ॥ १५ ॥  
 तन्निशम्य स्मरन्पूर्वभवव्रतविराधनाम् ।  
 वनाधिष्ठायकः क्षुद्रः व्यन्तरः प्रतिबुद्धवान् ॥ १६ ॥  
 प्रत्यक्षीभूय नत्वा तं श्रावकं सो मुदाऽवदत् ।  
 दास्यामि फलमेकैकं स्थानस्थस्यैव तेऽन्वहम् ॥ १७ ॥  
 असौ व्यावृत्त्य पृत्तान्तं तं नृपस्य न्यवेदयत् ।

प्राप्नोत्युच्छीर्षके शस्वदेकैकं व्यन्तरात् फलम् ॥ १८ ॥

तदर्पयति राक्षे स तुष्टेन तेन पूजितः ।

अकालमृत्युविश्रान्त्या कारितश्चोत्सवः पुरि ॥ १९ ॥

इति निशम्य महोत्सवकारणं

नृपसुतो निजगाद जगत्पहो ।

इह भवेऽपि विपादितविप्लवं

स्फुरति पञ्चनमस्कृतिवैभवम् ॥ २० ॥

ततः पञ्चनमस्कारं कुमारो मुनिसन्निधौ ।

मन्त्रवद्विधिनाऽधीत्य त्रिसन्ध्यं नित्यमस्मरत् ॥ २१ ॥

अथागत्य पुमानेको राजपुत्रं व्यजिज्ञपत् ।

अस्ति चेदकमन्त्रो मे दत्तः सिद्धेन केनचित् ॥ २२ ॥

तस्य षण्मासपर्यन्तां पूर्वसेवामहं व्यधाम् ।

अधुनोत्तरसेवा तु कर्तव्यामेव तिष्ठति (?) ॥ २३ ॥

सा सर्वलक्षणोपेतं विना नोत्तरसाधकम् ।

तादृशस्तु त्वमेवातो मन्त्रसिद्धौ सखा भव ॥ २४ ॥

परोपरोधप्राधान्यात्प्रतिपेदे स तद्वचः ।

महान्तो हि प्रकृत्यैव परोपकृतिकर्मठाः ॥ २५ ॥

ततः कृष्णचतुर्दश्यां रात्रौ राजसुतान्वितः ।

पूजोपकरणं विभ्रच्छ्रमशानं साधको ययौ ॥ २६ ॥

यत्कचिच्छरदग्नौ यशुप्रादग्रास्थिदन्तुरम् ।

कचिच्चितानलज्वालाजालपल्लविताम्बरम् ॥ २७ ॥

कचित्कलितकङ्कालकालवेतालभीषणम् ।

कचित्कीडङ्गताशङ्कशाकिनीकुलसङ्कुलम् ॥ २८ ॥

कचिद्वाक्षसदुर्वीक्षं कचिद्भूतभयङ्करम् ।

कचित्सघूकफूत्कारं कचिद् घोरशिवारवम् ॥ २९ ॥

कृत्वाऽस्मिन्मण्डलं पुष्पदीपनैवेद्यमण्डितम् ।

तत्राग्निकुण्डे मन्त्रेण साधकोऽक्षिपदाहुतीः ॥ ३० ॥

कुमारोऽस्थाज्ञमस्कारं स्मरन्नुत्तरसाधकः ।

तत्र सन्त्रासनग्रहा बह्व्योऽभूवन्विभीषिकाः ॥ ३१ ॥

सादृहासस्ततोऽघावत् साधकं प्रति राक्षसः ।

जल्पक्षित्यसिना शीर्षं पद्मलावं लुनामि ते ॥ ३२ ॥

द्राक्कुमारोऽन्तरे भूत्वा को मध्युत्तरसाधके ।  
 वाञ्छत्येष वधं कर्तुं साधकस्येत्यभाषत ॥ ३३ ॥  
 अचोचद्राक्षसो व्योम्नि दिव्यस्त्री दर्शिता मया ।  
 तां दृष्ट्वाऽगादसौ क्षौभं वध्यस्तेनैष दोषवान् ॥ ३४ ॥  
 साधकस्यास्य योऽनर्थं चेतसापि विचिन्तयेत् ।  
 हस्तग्राहं गृहीत्वा तं निग्रहीष्य इति ब्रुवन् ॥ ३५ ॥  
 कुमारो राक्षसाभ्यर्णं प्रचचाल यथा यथा ।  
 प्रतस्थे द्राक्पदैः पश्चाद्राक्षसोऽपि तथा तथा ॥ ३६ ॥  
 कुमारोऽचोचदूर्द्ध्वं स्त्वं तिष्ठ किं यासि चेद्भटः ।  
 अवदद्राक्षसो भद्र ! मन्त्रं स्मरति यं भवान् ॥ ३७ ॥  
 तत्प्रभावात् ते तेजः सोढुमग्रेरिव क्षमे ।  
 तदपैमि पदैः पश्चात्सिद्धस्तेऽस्मि विमुञ्च माम् ॥ ३८ ॥  
 दुस्साधमपि तेऽभीष्टं साधयिष्यामि चिन्तितम् ।  
 सिध्य त्वं साधकस्येति निजगाद नृपात्मजः ॥ ३९ ॥  
 राक्षसोऽवददेतस्य तादृशी नास्ति योग्यता ।  
 यया स्यादीदृशी सिद्धिः किंत्वेषोऽपि त्वदाश्रितः ॥ ४० ॥  
 लप्स्यतेऽभीप्सितं सर्वमित्युक्त्वाऽसौ तिरोदधे ।  
 तं दृष्ट्वा साधकः सर्वविरतो मन्त्रसाधनात् ॥ ४१ ॥  
 कुमारः साधकेनोक्तः सिद्धो मे चेदको ध्रुवम् ।  
 येनादिष्टं प्रभुः सेव्यो विश्वचिन्तामणिर्भवान् ॥ ४२ ॥  
 कुमारः स्वगृहं गत्वा साधकं मुनिसन्निधौ ।  
 अध्यापयन्नमस्कारं स तं सततमस्मरत् ॥ ४३ ॥  
 चेदकस्य प्रभावेन कुमारः साधकान्वितः ।  
 भ्रान्त्यन् व्योम्ना जगद्गृष्टुं कदाचिन्मिथिलामगात् ॥ ४४ ॥  
 या स्फाटिकाधो भवनावतंसैर्हिरण्मयः सप्तभिरासदीप्तिः ।  
 जहेऽन्तरिक्षस्थविमानगजव्वस्य (?) गीर्वाणपुरस्य शोभां ॥ ४५ ॥  
 मध्ये वनं तत्र पवित्रमासीच्चैत्यं नमेर्यन्मणिपुत्रिकाभिः ।  
 जिनस्य पूजार्थमुपागताभि[रम]र्त्यरामाभिरिवाभिरामम् ॥ ४६ ॥  
 कुमारो विस्मितस्तत्र प्रविष्टः प्रतिमां नभेः ।  
 विलोक्य विकलदृक्कः सोत्कर्षमिदमब्रवीत् ॥ ४७ ॥



प्रशमरसनिमग्नं दृष्टियुग्मं प्रसन्नं

वदनकमलमङ्कः कामिनीसङ्गशून्यः ।

करयुगमपि यत्ते शस्त्रसम्बन्धवन्ध्यं

तदसि जगति देवो धीतरागस्त्वमेकः ॥ ४८ ॥

नभिनाथं नमस्कृत्य चैत्यं पश्यन् कुतूहलात् ।

गान्धारीं देवतां तस्मिन्नेकदेशे ददर्श सः ॥ ४९ ॥

तदर्चां कुर्वती काचित्स्त्री विलोक्य नृपात्मजम् ।

दध्यौ मनसि कोऽप्येषः पुरुषो मधुराकृतिः ॥ ५० ॥

प्राञ्जलिः साऽब्रवीदत्र द्वाग्निद(?) प्रसीद मे ।

निवेद ..... [स्वकी]यं नाम च प्रभो ! ॥ ५१ ॥

उपविश्य कुमारोऽपि परानुग्रहसाग्रहः ।

कथयेति समादिक्षत्साधकं दृष्टिसञ्ज्ञया ॥ ५२ ॥

अयोध्यापतिपुत्रोऽयं नन्दनो नाम कौतुकात् ।

श्रुवं भ्राम्यन्निहायात इति तां साधको व्यधात् ॥ ५३ ॥

सहर्षं साऽब्रवीत्पञ्चपरमेष्ठिप्रभावतः ।

साम्प्रतं मङ्गयस्थायाः फलितः पुण्यपादपः ॥ ५४ ॥

तत्तस्याः प्रीतिभाधाय त्वदागमनसम्भवाम् ।

यावदायाम्यहं तावत्त्वयाऽत्रैव प्रतीक्ष्यताम् ॥ ५५ ॥

इत्युक्त्वा सा ययौ शीघ्रं साधकं नन्दनोऽब्रवीत् ।

को हेतुर्यदसौ ज्ञात्वा मत्स्वरूपमगात्कचित् ॥ ५६ ॥

साधकोऽवददन्यत्किं स्त्री काचिदनुरागिणी ।

विशालकुलसम्भूता त्वदागमनमिच्छति ॥ ५७ ॥

तन्निवेदयितुं तस्या हर्षेणैषाऽगमद्भुतम् ।

धन्यानां सम्भवन्त्येव सम्पदो हि पदे पदे ॥ ५८ ॥

स्त्री गत्वा नन्दनोदन्तं राजपुत्र्यै न्यवेदयत् ।

तं श्रुत्वा सा घनध्वानं मयूरीव मुदं ययौ ॥ ५९ ॥

गाढोत्कण्ठा स्त्रिया सार्द्धं साधिरुह्य सुखासनम् ।

चैत्ये तत्राऽऽययौ पूजाव्याजेन सपरिच्छदा ॥ ६० ॥

तां दृष्ट्वा विस्मयस्मेरः स्मरार्तिप्रसरादिव ।

मूर्च्छानं धूनयन्नुवे नन्दनः साधकं प्रति ॥ ६१ ॥

युक्तं नक्तं विकासः कुवलय ! कला(?) यस्य वर्ण्यः प्रचार-  
 इच्छन्नश्चन्द्र ! त्वदीयस्त्वमुचितमकृथा विदुमान्धौ प्रवेशम् ।  
 साध्वी वृत्तिर्जलान्तस्तव कमल ! वरः कुन्द ! वासो वने ते  
 येनास्या नेत्रवक्त्राधरकरदशनश्रीभिरस्तासुचिर्वः ॥ ६२ ॥  
 राजपुत्री कुमारस्य निरीक्ष्य रमणीयताम् ।  
 सखीं प्रति जगादैवं विस्मयाकुलमानसा ॥ ६३ ॥  
 कन्दर्प ! त्यज रूपदर्पमधुनाऽनङ्गः प्रसिद्धोसि य-  
 युक्तश्चन्द्र ! कलङ्किनो न भवतः सौन्दर्यलक्ष्मीमदः ।  
 निस्पन्दाक्षिसहस्रविद्वचपुषः का शक्र ! ते रम्यता  
 किं त्वेकः कुरुते ममैष पुरुषः पीयूषवर्षं दृशोः ॥ ६४ ॥  
 मुहुः केतकपत्राभैः कटाक्षैरवलोक्य तम् ।  
 राजकन्या जगामान्तश्चैत्यं पूजयितुं जिनम् ॥ ६५ ॥  
 स्त्रीं निवेद्य कुमारस्य पुरस्ताद्ब्रवीदिदम् ।  
 यदौत्सुक्यादगां स्वामिस्तत्रार्थं शृणु कारणम् ॥ ६६ ॥  
 अत्रास्ति नृपतिर्मेघो यो विपक्षमहीभृताम् ।  
 रुरोघ क्रोधदावाग्निं प्रकृष्टत ..... \* ॥ ६७ ॥  
 तस्य देव्या जयावल्याः कुक्षिशुक्तिसमुद्भवा ।  
 पुत्री मुक्तावली नाम जज्ञे श्लोणिविभूषणम् ॥ ६८ ॥  
 ह्यं सा बाल्यमुल्लङ्घ्य क्रमाद्विद्यास्यधीतिनी ।  
 वर्द्धिष्णू रूपवेयर्द्धः पावनं यौवनं ययौ ॥ ६९ ॥  
 अन्यदा घननिर्मुक्तघननीरौघनिर्भराम् ।  
 कौतुकाग्रगरासङ्गां ..... दियम् ॥ ७० ॥  
 तत्रास्ति मिलितो लोकः प्रचुरस्तदयोर्द्वयोः ।  
 तामभ्रंलिहकल्लोलां विलङ्घयितुमक्षमः ॥ ७१ ॥  
 ततः परतदान्नयाः काचिदागन्तुमङ्गना ।  
 ऐच्छदवर्त्ताक्तटे यावत्तावद्दे मिलिते तटे ॥ ७२ ॥  
 तेन मार्गेण साऽऽगत्य सत्वरं स्नेहनिर्भरा ।  
 मिलिताऽर्वाक्तटे सख्याः सर्वो लोकश्च विस्मितः ॥ ७३ ॥  
 तां राजतनयाऽपृच्छद्भूत्रे ! किमिदमद्भुतम् ।

.....धुना त्वसौ ॥ १०४ ॥

इत्यादिष्टैर्भटैर्वहः स्वयं द्युदितवन्धनः ।

आगत्य साधकः सर्वं नन्दनस्य न्यवेदयत् ॥ १०५ ॥

क्रुद्धः सन्नयहस्त्यश्वरथपत्तिः पुरोऽभ्यगात् ।

नन्दनेन समं योद्धुं दुस्सहः स्त्रीपराभवः ॥ १०६ ॥

कन्यया परिणीयान्यमन्यथा मद्यचः कृतम् ।

इत्यालोच्य पिता मेघस्तस्यौ माध्यस्थ्यमाश्रितः ॥ १०७ ॥

..... [ १ ]

.....सीनः स्वयं साधकमादिशत् ॥ १०८ ॥

निवारय जवादेनं मिलितक्रोष्टुजागरम् ।

सोऽपाङ्गालग्रशस्त्रौघो नमस्कारप्रभावतः ॥ १०९ ॥

क्षणं कृत्वा रणक्रीडां जनयन् जनयिस्मयम् ।

सूरसेनस्य निःशेषां नष्टचेष्टां चमूं व्यधात् ॥ ११० ॥

केचिदाकृष्टक्रोदण्डाः केचिदुत्पादितासयः ।

केचिदुद्धृतकुं.....तस्थुर्निर्विक्रमा भटाः ॥ १११ ॥

अहो ! महाप्रभावोऽसौ नमस्कर्तुं मनोचितः ।

यदीयः सेवकोऽप्येवं दिव्यशक्तिर्विजृम्भते ॥ ११२ ॥

इति ध्यायन्सुराजज्ञात्वा साधकेन व्यमोच्यसौ ।

सूरसेनः सनिर्वेदं नत्वा नन्दनमब्रवीत् ॥ ११३ ॥

जातः परिभवारम्भे निजशक्तिमजानतः ।

संरम्भः शरभ्यस्येव घने त्वयि ममाफलम् [ ॥ ११४ ॥ ]

..... [ १ ]

.....वेत्युक्त्वा नन्दनेन स सत्कृतः ॥ ११५ ॥

स्वस्त्रीयां मेघराजेन सूरसेनो विवाहितः ।

सत्कृत्य बलालङ्कारैर्विसृष्टः स्वपुरीं ययौ ॥ ११६ ॥

दिनानि कतिचित्तत्र धृत्वा मेघेन नन्दनः ।

सत्कृतो हास्तिकाश्वीयसुवर्णाभरणादिभिः ॥ ११७ ॥

मेघपार्थिवमापृच्छय गजाश्वरथपत्तिभिः ।

मुक्तावली गृहीत्वाऽसावयोध्यामागतः [ पुनः ॥ ११८ ॥ ]

..... [ १ ]

गृहीत्वा संयमं कृत्वा तपस्तीव्रं ययौ दीवम् ॥ ११९ ॥

जिनानर्चनमत्साधून् कृपया पालयन् महीम् ।

मुक्तावल्या समं क्रीडन्नन्दनो राज्यमन्वशात् ॥ १२० ॥

न सिद्धाः पूर्वजानां ये नृपास्तेऽपि वशं ययुः ।

नन्दनस्य विना यत्नं नमस्कारप्रभावतः ॥ १२१ ॥

अथ तन्नावधिज्ञानी चन्दनो गुरुरागमत् ।

देव्या सार्द्धं नृपो भ..... [ ॥ १२२ ॥

.....नो बभूव वां (?) ।

पूर्वाभ्यासान् नृपोऽवादीत्कथं गुरुरभाषत ॥ १२३ ॥

इहैवासीत् पुरोद्याने मिथुनं शुक्रपक्षिणोः ।

तत्कदाचिन्मुनिं दृष्ट्वा प्रतिमास्थं मुदं ययौ ॥ १२४ ॥

मुनिर्विज्ञाय तच्चित्तं कृपालुस्तदपाठयत् ।

परमेष्ठिनमस्कारं तच्च तं नित्यमस्मरत् ॥ १२५ ॥

शुको मृत्वा भवान् जज्ञे राजन्देवी शुको त्वियम् ।

स्मृ..... [ ॥ १२६ ॥ ]

नन्दनश्चन्दनाचार्यपार्श्वे सम्यक्त्वमग्रहीत् ।

देव्या सार्द्धं प्रपेदे च क्रमेण द्वादशव्रतीम् ॥ १२७ ॥

इति नमस्कृतिमन्त्रफलं विदुःशुभयजन्मभवं प्रियया समम् ।

नरपतिनितरां कृततत्स्मृतिस्त्रिदिवमोक्षसुखानि च लप्स्यते ॥ १२८ ॥

किञ्चैतज्जगति ख्यातं भृगुकच्छपुरे पुरा ।

मुनिदत्तं नमस्कारं स्मृत्वा शकुनिका मृता ॥ १२९ ॥

सिंहलद्वीपभूभर्तुः पुत्री जाता सुदर्शना ।

आवकोक्तं नमस्कारं श्रुत्वा प्राग्जन्म साऽस्मरत् ॥ १३० ॥

आगत्य भृगुकच्छे सा चैत्यं श्रीसुव्रतप्रभोः ।

अकारयच्छकुनिकाविहारं.....ताम्बरम् ॥ १३१ ॥

तत्र गत्वा समं पूज्यैर्जिनं नत्वा मयाऽम्बुडः ।

दण्डनाथः समादिष्टस्तं विहारं नवं व्यधात् ॥ १३२ ॥

इति नमस्कारे नन्दन-कथा ॥

परमेष्ठिनमस्कारं स्मरन् भूपतिरभ्यधात् ।

नमस्कारस्य महात्म्यं दृष्टप्रत्ययमेव मे ॥

तथा हि—

स्वयं सकलसैन्येन दिग्घात्रा कुर्वतोऽपि मे ।

असिध्यत नार्थोऽनर्थः प्रत्युत कोऽप्यभूत् ॥

अधुना तन्ममस्कारं स्मरतो मम शत्रवः ।

वणिजैरपि जीयन्ते दण्डेशैरम्बडादिभिः ॥

स्वयक्रं परचक्रं वा नानर्थं कुरुते कश्चित् ।

दुर्भिक्षस्य न नामापि श्रूयते वसुधातले ॥

ततस्तमस्मरन्नेवं निद्रां भजति पार्थिवः ।

रात्रिशेषे तु जागर्ति मागधोक्तैर्जिनस्तवैः ॥

सूल-जलोवर-सास-खास-खय-खसर-कवत्थिय,

कुह-गलंत-समत्त-गत्त-कंठ-माल-कयत्थिय,

पडल-समन्त्रिय-नयण-वयण-निविडिर-रुहिर-ज्झर,

अरस-अरोयय-गहिय-अहिय-पसरिय-दाह-ज्झर,

शुररोच-परंपर-पीडिय-विसज्ज-सरीर ति हुंति पर ।

तहल्लक-पयड-माहप्प-निहि पासनाहु पुज्जइं जि नर ॥

जंगम-गिरि-सरंभ-रुंभ-कुंभयड-भयंकर,

मय-जल-परिमल-मिलिय-भसल-कलयल-कय-डंवर,

वल-उदग्ग-भग्ग-उद्दाम-दुमुक्कर,

उप्पाडिय-जम-दंड-चंड-सुंडाउडामर,

धावंतु वि कोव-करालु करि करइ न किंचि वि नरहं तहं ।

तियसिंद-नमंसिय-पय-कमलु पासणाहु मणि वसइ जहं ॥

गयण-मग्ग-संलग्ग-लोल-कल्लोल-परंपर,

निकरुणुकड-नक्क-चक्क-चंक्रमण-दुहंकर,

उच्छलंत-शुरु-पुच्छ-मच्छ-रिंछोलि-निरंतर,

विलसमाण-जाला-जडाल-वडवानल-दुत्तर,

आवत्त-सयायलु जलहि लहु गोपउ जिम्ब ते नित्थरहि ।

नीसेस-वसण-गण-निट्ठवणु पासनाहु जे संभरहि ॥

हर-गल-गवल-तमाल-भसल-कज्जल-कालप्पहु,



कुविय-कयंत-चवेड-वियड-फड-फुक-भयावहु,  
 तरल-ललंत-डु-जीहु जीव-कवलण-कय-भोयणु,  
 मुत्ति-मंत तं पाव-पुंज गंजारुण-लोयणु,  
 पसरन्त-रोस-भरु निवभरु वि न भउ सुअंगसु तसु करइ ।  
 तुह पासनाह दुह-निदलणु नाममंतु जो संभरइ ॥  
 तडि-कडार-केसर-कडप्प-टिविडिकिय-कंधरु,  
 गय-मय-हरण-रउद-सद-पूरिय-गिरि-कंदरु,  
 निविड-चवेडा-दलिय-दरिय-मयगल-कुंभत्थलु,  
 कुडिल-दाट्ट-दुपेच्छु पुच्छ-अच्छोडिय-महियलु,  
 तसु फुडु फुलिंगनयणु दूरिण केसरि उत्तरइ ।  
 उद्दाम-उवदव-विदवणु पासनाहु जो मणि धरइ ॥  
 उल्लसंत-जाला-कलाव-कवलिय-गयणंगणु,  
 पसरिय-फार-फुलिंग-संग-डु-गुणिय-तारा-गणु,  
 वित्थरंत-धूमंधयार-सरुड-दियंतरु,  
 डञ्जमाण अपमाणं पाणि विरसा-रव-निवभरु,  
 पज्जलंयु-जलणु जलु पूरु जिम्ब तसु संतावु न संजणइ ।  
 दुह-पुंज-कुंज-भंजणु पवणु पासनाह जो संयुणइ ॥  
 सगुडु-स-वयवड-गडपडंत-गय-वडपडणुकाडु,  
 पहरण-निवह-विहत्थ-हत्थ-अग्निभडिय-भडुवभडु ,  
 तुरय-खुर-क्खय-खोणि-रेणु-भर-कुंचिय-नहलु,  
 पयडिय-तंडव-रुंड-मुंड-मंडिय-महि-मंडलु,  
 नित्थिरिवि समर-संमहु नर तिजय-लच्छि निच्छइ लहहि ।  
 पहु पासनाह निम्मल-चरिय जे तइं चित्ति समुव्वहहि ॥  
 हरिण-हरिस-संहरण-सद-सदुल-डुहावह,  
 तकार-चक्र-मुत्तिजमाण-माणव-घण-विग्गह,  
 भीम-भिल्ल-डुल्लंघ-लील-परिसक्किर-करि-कुल,  
 भमिर-भूय-झोटिंग-जक्ख-रक्खस-सय-संकुल,  
 खेमेण महाडवि उत्तरिवि ते नर पाविहि निय-सरणु ।  
 पहु पासनाह कलिमल-हरण पइं पडिबज्जहि जे सरणु ॥  
 त्तः पञ्चनमस्कारधर्म्मस्मरणपूर्वकम् ।  
 वन्दित्वा पार्थिवो देवान् भवोद्विग्नोऽभ्यधादिदम् ॥

गजस्य नमतो मग्ने तस्मिन्नग्रपदे यतः ।  
 गजाग्रपदकः ख्यातः स दशार्णगिरिस्ततः ॥  
 दृष्ट्वा दशार्णभद्रस्तं स्वःपते ऋद्धिमद्भुताम् ।  
 दध्यौ हा ! ऋद्धिरिन्द्रार्द्धलक्षांशेनापि नास्ति मे ॥  
 तत्कूपभेकतुल्योहमृद्धिगर्वं मुधा व्यधाम् ।  
 इयं हि मत्तवामाक्षी लोचना वत चंचला ॥  
 अनेककेशसाध्यासौ मुखमात्रसुखावहा ।  
 खलमानुषमैत्रीव परिणामेऽतिदारुणा ॥  
 विगृद्धिं गृद्धिमन्तौऽस्यां यज्जीवा यान्ति दुर्गतिम् ।  
 यत्कर्णत्रोटनायालं सुवर्णेनापि तेन किम् ॥  
 इत्यालोच्य परित्यज्य राज्यं तृणमिव क्षणात् ।  
 दीक्षा दशार्णभद्रेण जगृहे जिनसन्निधौ ॥  
 नत्वा शक्रस्तमाचष्टे धन्योऽसि ध्रु वचो कृथाः ।  
 अहं हि महतीमृद्धिं त्वां जिगीषुरदर्शयम् ॥  
 त्वं तु सर्वं परित्यज्य श्रीवीरं वन्दसे यथा ।  
 सा व्रतर्द्धिः कुतो मेऽस्ति ततो मां जितवानसि ॥  
 इति विषयविरक्तचित्तवृत्ति-  
 चिरचितवीरजिनोपदिष्टकृत्यः ।  
 दशविधयतिधर्मकर्मवान् स-  
 न्नभजत धन्यदशां दशार्णभद्रः ॥  
 इति दशार्णभद्रकथा ।

एवं कुर्वन्नहोरात्रकृत्यानि परमार्हतः ।  
 कुमारपालदेवोऽयं राज्यं पालयति क्षितौ ॥  
 नृपस्य जीवाभयदानडिण्डिमै-  
 र्महीतले नृत्यति कीर्तिनर्तकी ।  
 .....  
 ..... ॥

द्यूतासवादीनि नृणां निषेधा-  
 दिहैव सप्तव्यसनानि भूपः ।  
 दृष्टकर्मतो दुर्गतिसंभवानि

परम्र तेषां, त्वमितानि तानि ॥  
 पदे पदे भूमिशुजा निवेशितै-  
 जिनालयैः काञ्चनदण्डमण्डितैः ।  
 निवारिता वेत्रधरीरिचोद्धतैः  
 स्फुरन्ति कुत्रापि न केऽप्युपद्रवाः ॥  
 स्तुमल्लिसन्ध्यं प्रभुहेमसूरे-  
 रनन्यतुल्यामुपदेशशक्तिम् ।  
 अतीन्द्रियज्ञानविषजितोऽपि  
 यः क्षोणिभर्तुर्व्यधित प्रबोधम् ॥  
 सत्त्वानुकम्पा न महीशुजां स्या-  
 दित्येष कृक्षो वितथः प्रवादः ।  
 जिनेन्द्रधर्म प्रतिपद्य येन  
 श्लाघ्यः स केषां न कुमारपालः ॥  
 विचित्रवृत्तान्तसमेतमेतयो-  
 अरिन्नसुत्कीर्तयितुं क्षमेत कः ।  
 तथापि तस्येव.....तार्थिना  
 समुद्धृतो विन्दुरिवाभ्युधेर्मया ॥  
 इति सोमप्रभकथिते कुमारनृपहेमचन्द्रसम्बद्धे ।  
 जिनधर्मप्रतियोधे प्रस्तावः पञ्चमः प्रोक्तः ॥  
 इत्याचार्य श्रीसोमप्रभविरचिते कुमारपालप्रतिबोधे  
 पञ्चमः प्रस्तावः ।

## अथ प्रशस्तिः ।

सूर्याचन्द्रमसौ कृतकृतमसः कर्णावतंसौ क्षिते-  
 धुर्यौ घर्म्मरथस्य सर्वजगतस्तत्त्वावलोके दृशौ ।  
 निर्वाणावसथस्य तोरणमहास्तम्भावभूतामुभा-  
 वेकः श्रीमुनिचन्द्रसूरिरपरः श्रीमानदेवप्रभुः ॥  
 तयोर्वभूवाजितदेवसूरिः शिष्यो बृहद्गच्छनभःशशाङ्कः ।  
 जितेन्द्रधर्मास्युनिधिः प्रपेदे घनोदकः स्फूर्तिमतीव यस्मात् ॥  
 श्रीदेवसूरिप्रमुखा बभ्रुरन्येऽपि तत्पादपयोजहंसाः ।  
 येषामवाधारचितस्थितीनां नालीकमैत्रीमुदमाततान ॥  
 विशारदशिरोमणेरजितदेवसूरेरभू-  
 त्कृमास्युजमधुव्रतो विजयसिंहसूरिःप्रभुः ।  
 मितोपकरणक्रियारुचिरनित्यवासी च य-  
 धिरन्तनमुनिव्रतः व्यधित दुःपमायामपि ॥  
 तत्पट्टपूर्वादिसहस्ररश्मिः सोमप्रभाचार्य इति प्रसिद्धः ।  
 श्रीहेमसूरेश्च कुमारपालदेवस्य चेदं न्यगदचरित्रम् ॥  
 सुकविरिति न कीर्तिं नार्थलाभं न पूजा-  
 महमभिलषमाणः प्रावृत्तं वक्तुमेतत् ।  
 किमुत कृतमुभाभ्यां दुष्करं दुःपमायां  
 जिनमतमतुलं तत्कीर्तनापुण्यमिच्छुः ॥  
 धर्म्मं निर्मलतामवासुमतुलां श्रीहेमचन्द्रप्रभौ  
 भक्तिं व्यञ्जितुमद्भुतां भणितिषु द्रष्टुं परामौचितीम् ।  
 श्रोतुं चित्रकथाश्चमत्कृतिकृतः काव्यं च लोकोत्तरं  
 कर्तुं कामयसे यदि स्फुटशुणं तद्ग्रन्थमेतं शृणु ॥  
 प्राग्वाटान्वयसागरेन्दुरसमप्रज्ञः कृतज्ञः क्षमी  
 वाग्मी सूक्तिसुधानिधानमजनि श्रीपालनामा पुमान् ।  
 यं लोकोत्तरकाव्यरजितमतिः साहित्यविद्यारतिः  
 श्रीसिद्धाविपतिः कवीन्द्र इति च ज्ञातेति च व्याहरत् ॥  
 पुत्रस्तस्य कुमारपालनृपतिप्रीतेः पदं धीमता-

मुत्तंसः कविचक्रमस्तकमणिः श्रीसिद्धपालोऽभवत् ।  
 क्लृप्तं तद्वसताविदं किमपि यद्वायुक्तमुक्तं मया  
 तद्युष्माभिरिहोच्यतामिति बुधा वः प्राञ्जलिः प्रार्थये ॥  
 हेमसूरिपदपङ्कजहंसैः श्रीमहेन्द्रमुनिपैः श्रुतमेतत् ।  
 वर्द्धमान-गुणचन्द्र-गणिभ्यां साकमाकलितशास्त्ररहस्यैः ॥  
 यावन्निहताखिलसन्तमसौ नभसि चकात्सो रविचन्द्रमसौ ।  
 तावत्-हेमकुमारचरित्रं साधुजनो वाचयतु पवित्रम् ॥  
 विमलमतिमुधाधिर्नैमिनागाङ्गजन्मा

ऽभवदभयकुमारः आवकः श्रेष्ठिमुख्यः ।

अथ निजकरपद्मप्राप्तधर्मार्थपद्मा

विजितपदकपद्मा तस्य पद्मीति पत्नी ॥

तत्पुत्रा गुणिनोऽभवन् भुवि हरिश्चन्द्रादयो विश्रुताः

श्रीदेवीप्रमुखाश्च धर्मधिषणापात्राणि तत्पुत्रिकाः ।

तत्प्रीत्यर्थमिदं व्यधायि तदुपद्वारागच्छष्टात्मभि(?)—

भूयिष्ठानि च पुस्तकानि.....सोऽलेखयत् ॥

शशिजलधिसूर्यवर्षे शुचिमासे रविदिने सिताष्टम्याम् ।

जिनधर्मः प्रतिबोधः क्लृप्तोऽयं गूर्जरेन्द्रपुरे ॥

प्रस्तावपञ्चकेऽप्यत्राष्टौ सहस्राण्यनुष्टुभाम् ।

एकैकाक्षरसंख्यातान्यधिकान्यष्टभिः शतैः ॥



संवत् १४५८ वर्षे द्वितीयभाद्रपदशुदि ४ विधौ शुक्रदिने श्रीस्तंभतीर्थे

वृद्ध ( वृद्ध ) पौषधशालायां भट्टा० श्रीजयतिलकसूरीणां उपदेशेन

श्री कुमारपाठप्रतिबोधपुस्तकं लिखितमिदं ॥ कायस्य

ज्ञातीय महं मंडलिकस्तुत पेतालिलितं ॥ चिरं नंदतु ॥७॥

उ० श्रीजयप्रभगणिसस्य ( शिष्य ) उ०

श्रीजयमंदिरगणि सस्य ( शिष्य )

भट्टा० श्रीकल्याणरत्नसूरिगुरु-

भ्यो नमः पं० व (वि)

धारतनगणि ।



## शुद्धिपत्रम् ।

पृष्ठ	पंक्ति	शुद्धम्
१	१९	लहिउं
२	२०-२१	सुज- तम्मि
६	२६	निव
१०	२६	सुरयम्मि
१०	२७	गहियाओ
११	६	वजरइ
११	९	होहिंति
११	२२	घेत्तूण
१३	२९	-कूलं
१४	२६	जग्गवियविसम०
१७	२	खगु
१७	२८	उज्जितो
१९	९	-सूरी
१९	२४	वाणा
१९	२५	पुरवरं
२०	५	मुदाइं
२१	२	मुत्तुं
२१	११	सहात्तउ
२१	३०	चिय समग्ग-
२१	३०	लोओवयारकय०
२२	८	-मई वि
२२	९	जयसिहो
२२	३०	हिंसा
२३	२०	हृदायड्डिय०
२३	२२	पाउम्भूओ
२३	२३	तिव्वग्ग
२३	३१	-वचएणं
२४	२७	वहाओ
२४	२८	मुणिणा

पृष्ठ	पंक्ति	शुद्धम्
२४	२८	कुमार !
२५	२६	सम्मत्तं पुरिसो ।
२६	७	देवयाइपूयं
२६	१४	ठभाए
२७	११	भवियव्वया०
२७	३१	विद्विज्जंतं
२८	२७	भक्खण०
२९	२०	दिसिवहु०
२९	३०	सागरो
३०	५	सत्तुणो
३०	२६	हणावेइ
३१	३	-ज्जीविउ व्व
३१	१९	वच्चइ
३१	२४	कुणमाणीए सविग्गय०
३२	५	उट्ठिऊण
३२	२०	जम्माइउ
३२	२५	पूएउं
३२	२६	वासरेसरे
३२	३१	विज्ञायउत्तंतेण
३५	८	मडप्पा
३५	२९	वसणुत्तिरिविडिं
३६	८	एत्तो
३६	१०	एवंविहं
३७	९-१०	कालक्खेवाऽसहत्तणेण
३७	१५	सेसो
३७	२१	सूरो वि
३८	८	निग्गहेयव्वो
३८	२२	अदिस्सीहोउं
४०	१३	-वग्गं
४०	३०	जओ-मन्नंति

पृष्ठ	पंक्ति	शुद्धम्
४१	८	संपओच्छेयं
४१	२२	विवेहणो
४२	२६	बुत्तं
४४	२	रेवईहिं
४४	११	जो एव०
४४	२९	चूअसाहा०
४४	२९-३०	सुवंतो
४६	३	पारद्वे उण
४८	२०	निव्वुइ०
४८	२२	वम्मइ०
५२	८	दोलं दोलण०
५३	११	दूअ !
५४	१४	देव !
५४	२९	महा-सई
५५	२०	उक्खाओ
५५	२०	च
५५	२९	सिंचंत०
५६	२	वग्घ
५६	९	हरीहिं गुंजतेहिं
५८	२७	तंढवियकरं
५८	२८	—जालो लिहिय०
५९	१३	रुयंतीए
६०	२३	—खीरपाणा कंजियं
६१	१२	दहूण
६३	९	मल्लिनाहे
६३	९	पडलिहिय०
६४	२९	पविट्ठो
६५	२१	—पट्टं
६५	३१	एवंविहुज्जोओ
६६	२२	—कंठं
६७	२३	भुर्यंग०
६७	२९	उग्घाडिज्ज
६८	१४	वाहिओ
६९	२२	वणि

पृष्ठ	पंक्ति	शुद्धम्
७२	५	दहिव०
७२	१२	परिक्खा
७३	५	हवउ
७३	९	पुव्वं व
७६	२०	गुरुहिं
७६	२८	गुरुणा बुत्तं
७६	३०	निवारिजउ
७७	२	निबंधणं
८०	२३	इत्थी वि
८१	१५	—वेसेणं
८२	३	उज्जेणीए
८२	८	इंतु
८२	१४	जाया पुरीइ संती, देइ चउत्थं वरं निवो तस्स । चितइ अभयकुमारो चिट्ठिस्स केचिरं इत्थं ॥
८२	१८	इत्थिहिंमि
८२	२१	आणिओ
८२	२५	विवि—
८३	८	दूइ
८३	१८	आसरहेहिं
८३	२१	कीरइ
८४	८	वग्गिय
८६	७	कुट्ठिण०
८७	२	—कुडीओ
८७	२७	अन्ना
८८	३१	—जणया०
९०	३	अग्गी साहियव्वो
९०	९	अकंदिंयं
९१	१७	रुयंताइं
९१	२३	बुत्तंत०
९२	२०	बारवई
९२	२६	संव
९२	२८	मुंजइ
९३	९	संवाइ०

पृष्ठ	पंक्ति	शुद्धम्	पृष्ठ	पंक्ति	शुद्धम्
९३	१५	जणइण०	११८	८	पूएइ
९४	५	सुद्ध	११८	१४	—वमाइ मणुवत्तं
९४	१७	सुरासु रंजिय०	११९	१९	जावजीव
९४	१९	आलिंति	११९	२७	ताई
९६	१२	अदिन्नादाण	१२०	२९	एत्तो
९६	१७	छिद्दणेसी	१२१	११	सत्थीहुया
९६	२८	हाइरव	१२१	१३	अज वि सा य अवत्थ
९७	८	विइयं	१२१	२०	—वयणाए
९७	१७	गमिस्सामि	१२२	२२	—वाहो
९७	१९	नेमिपासे	१२३	६	जग्हा
९७	२८	ढज्झंति	१२३	१६	अवलाहिं व
९८	८	करिहिंति	१२३	२३	डुन्धत्था
९८	१९	सच्चविज्जइ	१२४	९	माइवीए
९९	१२	सूसइ	१२५	२०	सुयणु !
९९	२०	पलंयकुच्चो	१२६	१५	—रुज्जओ
१००	४	बारस	१२६	२४	बीअं
१००	९	बाहा०	१२६	२९	रयंती
१००	२७	—मेत्ति	१२७	१९	चित्ताहिं
१०१	२२	सुवउ	१२८	१४	पत्थगाइ
१०५	२७	कहिजमाणं	१२९	५	दिट्ठो
१०७	१३	पिव जा दीसइ	१२९	२३	जिणपडिमा
		दिसा-पुरंधीणं	१३१	२	कद्धगाओ
१०७	१६	आयन्नियं	१३१	५	निस्सव०
१०७	२९	पडिवज्जिवि	१३१	२८	अत्थाणमंडवे
१०७	३०	विरइवि	१३२	२२	विग्गलो
१०८	८	अइसओ	१३३	३	—निवो
१०८	१८	बाह०	१३५	६	बाहिं
११२	२४	सुत्तेसु	१३५	१९	अंगाई
११२	३१	परित्थीपरम्महो	१३६	२६	पिच्छिरीओ
११३	२६	जाजीवं	१३७	१५	सुविणयम्मि
११४	२३	जो	१३८	१४	चित्तिंयं
११६	१७	दीवे	१४०	३०	—जाला
११६	२४	जसतरुणो	१४१	२०	इत्थीरयणा—
११७	९	—सारंभो	१४१	२८	कट्ठाणागिई

पृष्ठ	पंक्ति	शुद्धम्	पृष्ठ	पंक्ति	शुद्धम्
१४२	१५	आमलाउगे	१७७	३०	—याह०
१४३	२१	चउव्वीसं	१७८	७	सो
१४५	२४	रयणज्झएणं	१७८	१५	—बहूइ
१४७	८	चिद्धंति	१८०	५	जिह्वाहितः
१४७	२६	अभ्यणीभूया०	१८१	६	कमंकवडिया
१४९	१०	आग्गी	१८२	८	पढंताणं
१४९	२०	चिद्धा	१८३	९	वाणो
१५०	२२	जमवस्स०	१८३	९	—महिगिच्च
१५०	२८	तयविकखाए	१८५	२५	तस्सेव
१५२	२९	वितहं	१८६	१२	मनु
१५३	२८	चय	१८६	२४	पिव
१५४	८	जस्सेरिसा	१८६	३०	अहोमुह्री
१५५	१६	जंपियं	१८७	११	तम्मंत-चिप्पा
१५५	२१	बारे	१८७	२७	वीय०
१५५	२९	पियंकरेण	१८७	३१	सुत्तंते
१५६	२२	तुट्ठेण	१८८	११	सत्था हव
१५७	४	ता ओसर दिट्ठि०	१८८	२९	देहलि
१५७	१२	विरमिस्सइ	१८९	७	अभिग्गहो
१५८	१९	सिज्जिहिइ	१९०	४	गिण्हउ
१५९	२	असोयचंदो	१९४	२१	निवेसिओ
१६०	१३	अवरण्हे	१९४	२६	विउवंति
१६१	२०	गयवरा०	१९४	२९	सोमसिरी
१६३	६-१५	गुरूसु	१९५	१८	खयं गओ
१६४	१०	जाइ	१९७	१७	निकखमिउमणो
१६४	२६	पगुणीकुणइ	१९९	८	अट्ठमीचंदमहे ररुनंद०
१६५	२	पजत्तं	१९९	२५	—सज्झस०
१६७	९-१२	—ति	२००	६	—गंठी
१६७	२५	—जप्ता	२००	८	—गंठि
१६७	२६	—तूर०	२००	१५-२५	गुरूहिं
१६९	१८	क्षप्ति	२००	२९	भत्थउ व्व
१७०	३	अम्ह	२०१	१५	संख०
१७१	१३	—पयाराइ	२०३	२९	तप्पभिइ
१७४	५	बहूओ	२०३	३०	तमदट्ठं
१७६	२	भवणयोरघाटु०	२०४	२४	नियसो०

पृष्ठ	पंक्ति	शुद्धम्
२०७	२८	परिहविजउ
२०८	३	पयल०
२०९	२	कप्पसंतुत्ती
२१०	५	सूरुगमे
२१२	१७	चउ०
२१३	२९	दुल्लइ०
२१५	११	विमइउं
२१५	१४	करिहामो
२१८	२१	निवा-उगारि०
२१८	३१	कुणइ
२१९	५	मा हण मा हण
२१९	७	मा हणिइं
२१९	१२	लछेइ
२२०	९	कुडुव०
२२१	२१	पउमराएहि
२२२	२१	वहुया
२२२	२५	उवाइणाओ
२२३	३-१८-२०	वहुए
२२३	२७	सवं
२२४	२-६	वहुए
२२४	१२	बुद्धीए गहिऊण
२२४	१९	वोलेइ
२२५	१०	गिणहसु
२२५	१८	-कंठम्मि
२२६	४	गिणइइ
२२६	२२	उच्छिठं
२२६	२४	मिण्हि
२२७	२	-मंतिणो
२२७	२	न याणीयइ
२२७	२३	सिद्धी
२२७	२३	खड्डा०
२२८	२१	घरे
२३०	२३	अच्छउ
२३२	१०	विक्रमाऽसज्जं

पृष्ठ	पंक्ति	शुद्धम्
२३४	८	कुणइ
२३८	२५	सिट्ठिणो
२४१	२५	हूढेण
२४५	२४	सूसइ
२४६	३०	चिठउ
२४७	२९	जमेवंविहं
२४८	१७	बाहि
२५१	८	सिरीए
२५१	२२	बीयजामे
२५१	२७	रित्तीकाऊण
२५३	२	कीरउ
२५३	२३	तुटंति
२५६	११	पडम्मि
२६०	२८	वाह-
२६१	५	जीवंती
२६३	९	कओ
२६३	१०	-सामिणो
२६३	१२	-मुक्कुंडियंगो
२६४	२६	गरएहि
२६५	१२	निय-पुत्तं
२६७	२५	वंछते
२६८	१२	जंदवईए
२७०	२९	अपच्छासिणो
२७१	२६	विच्छहेण
२७२	३	कोडीसहियं
२७३	३-४-	-हेजा
२७६	१९	मुत्तं
२७७	१२	भुवीव
२७८	२२	बीओ
२८४	९	माहणं
२८४	१५	झाणं च
२८७	२१	वाहिजंति
२८९	३०	वाह०
२९२	१४	-पडिक्कंतो



पृष्ठ	पंक्ति	शुद्धम्	पृष्ठ	पंक्ति	शुद्धम्
२९२	१६	वीरजिणे	३४५	२६	महु०
२९३	२९	अढावयं	३४६	२८	सत्थीहूओ
२९४	३	मेहलाए	३५१	२५	बहुय-विहवो
२९८	१२	उझाकड०	३५६	९	महु०
२९९	१४	-तामरस०	३५६	१७	दण्डदछत्रे०
२९९	१७	सच्छं	३५७	८	-दन्वान्
२९९	१८	सच्छो	३५७	१५	चाऽप्राक्षम्
३००	४	व्व रोमंचो	३५७	२९	तस्य सोऽब्रवीत्
३००	८	आगयाण	३६१	१७	तर्हि
३००	१८	बाह०	३६२	२९	समापयत्
३०१	८	जि वियक्खणु	३६७	२	एत्थंतरे
३०१	८	सो जि	३६८	२६	नरिंद०
३०२	२	मुवरिवत्ती	३६९	१७	वच्चिहिइ
३०७	१०	सिज्झिहिंति	३७३	२०	बाह०
३०८	२	मुत्तुं	३७३	२३	परिणेस्सं
३११	१३	घग्मह	३७४	१३	-पसईओ
३११	२६	अन्नाणु	३७७	१	देशावकाशिक०
३१२	२	-चुय०	३८१	१२	पवणंजएणेवं
३१२	४	वज्झसु	३८१	१८	मणोरमा ।
३१५	२३	पुल्लहं	३८२	२०	सिद्धिणा
३१५	२५	वण्हि०	३८३	२९	अच्छंतु
३१६	२२	दिठं	३८४	५	चित्तं गएहिं
३२१	३०	समुदलसद्	३८४	१३	गहिउं
३२२	८	-कारिण्यः	३८६	५	ग्धि
३२२	२८	व्यजिण्णन्	३८७	१९	नवेत्ति
३२६	८	विभ्रद	३८९	१४	पयावणो चिय
३२९	२५	-मत्थियसनेहो	३९०	१०	संकडिय
३३१	९	कु वि	३९०	१३	कुडुवं
३३४	२६	समसीसि	३९१	१०	इत्तिएणा०
३३४	२७	परमणि०	३९१	२८	निवो
३३६	२७	मुच्यन्तां	३९२	१०	पच्चवल्लीभूया
३३७	१९	-विस्फूर्णात्०	३९२	११	दंसेसु
३३८	३	प्रत्यगाद् द्रुतम्	३९२	१३	सत्तु
३४०	२२	वामना०	३९३	२९	सरिउं

श्रु	पंक्ति	शुद्धम्
३९३	३०	निच्छिन्नं
३९९	४	निमित्तं
४०३	१०	पमुहेहि
४०५	६	वियद्विमा
४०७	३०	—वहू०
४०८	२	निवडंत०
४१०	४	—समुरेसु
४११	१७	सजीकुणसु
४११	२८	किंचि
४१६	२५	कीरंते
४२१	५	वहूउ
४२१	१७	खिविस्सं
४२२	१०	वह्नि०
४२३	१७	ठाउं
४२३	२८	निवेशितो०
४२४	२	चहुद्द
४२५	१०	मण ! निहक्खण !
४२९	२७	वहु
४३०	२३	बुज्झसु
४३१	३	सकउं
४३७	१०	सो जि
४३८	२४	मंतीहिं
४३८	२६	बहुयं
४३९	२७	बहुयस्स
४४१	२४	—माणिही
४४३	२१	—दलण—
४४३	२५	—चक्खुभूओ
४४३	३०	विहजउ
४४८	३१	सो बि वि
४४९	१२	—छिद्दं
४५१	१२	निउगि रहिक्ख
४५२	५	महुक्ख चएवि
३५६	११	नियंवि

श्रु	पं.	शुद्धम्
४५७	२७	का समसीसि
४६१	१५	धुटिवि
४६१	२३	प्राकारः
४६३	१४	कर्त्तव्या अवतिष्ठति
४६४	३	वाञ्छत्ये०
४६४	५	क्षोभं
४६४	२६	—बोभवता०
४६४	२६	—हिरण्यवेः
४६६	१०	नियन्दा०
४६७	२४	यकैः
४६९	२८	मुक्तावलीं
४७०	३	नमन्त्सा०
४७०	२०	नरपतिर्नि
४७१	३	माहात्म्यं
४७१	१७	गुह०
४७१	२९	सयाउलु
४७२	१०	—दिडि०
४७२	१७	पञ्चलंतु
४७३	१४	—त्याख्यामि
४७३	१४	—शासनम्
४७४	४	कोटु०
४७६	५	वेत्तपरे०
४७७	१४	—पूर्वादि०
४७८	१८	—धर्मप्रतिबोधः

कियतां वृद्धिपाठानां कल्पनयाऽनुसंधानमेवम्—

४४३	८	मंडलिय-मड-सेडि-
		पमुहाण
४६५	१०	द्राण् निवीद प्रसीद मे ।
४६६	१७	प्रहृष्टतर-वापिमिः ॥
४६९	१५	केचिदुद्धृतकुन्ताप्राः
४७०	२६	स्थगिताम्बरम् ॥

# GAEKWAD'S ORIENTAL SERIES."

ALREADY OUT.

							Rs. a. p.
1.	Kāvyamīmāṃsā by Rājasekhara	...	...	...	...	...	2- 0- 0
2.	Naranārāyaṇānanda by Vastupāla	...	...	...	...	...	1- 4- 0
3.	Tarkasāgraha by Anandajñāna	...	...	...	...	...	2- 0- 0
4.	Pārthaparākrama by Prabhādanadeva	...	...	...	...	...	0- 6- 0
5.	Rāshtraudhavaṇṇa Mahākāvya by Rudrakavi	...	...	...	...	...	1-12- 0
6.	Lingānuśāsana by Vāmana	...	...	...	...	...	0- 8- 0
7.	Vasantavilāsa by Pālachandrasūri	...	...	...	...	...	1- 8- 0
8.	Rupakashatka by Vatsarāja	...	...	...	...	...	2- 4- 0
9.	Mohaparājaya by Śaṣhpāla	...	...	...	...	...	2- 0- 0
10.	Hamuntramānamardana by Jayasiphasūri	...	...	...	...	...	2- 0- 0
11.	Udayasūdaṇṭakṛtā by Siddhala	...	...	...	...	...	2- 4- 0
12.	Mahāvīdyāvacambana by Bhattavādindra, with commentary of Umasastandarasūri	...	...	...	...	...	2- 8- 0
13.	Prācīnagurubhāṣayasaṅgraha-Part I.	...	...	...	...	...	2- 4- 0
14.	Kumārāpāṇipratibodha by Somaprabhāchārya	...	...	...	...	...	7- 8- 0
15.	Gaṇakārikā by Bhāsarvajña with Kāraṇaṇamāhātmya (a work on the Māsupata system of worship)	...	...	...	...	...	1- 4- 0
*16.	Saṅgītanakaraṇa by Nārada	...	...	...	...	...	
*17.	Panchanikahā by Dhanapāla (Apabhraṃśa)	...	...	...	...	...	
*18.	Lekhapanchāśikā	...	...	...	...	...	

## IN THE PRESS.

1. Tattvasaṅgraha of Śāntarakṣita with commentary by Kamalaśīla
2. Paraśurāmakalpastūtra with commentary by Rāmeśvara and  
Paddhati by Umānanda.
3. Nyāyapraveśa of Tinnāga with commentary by Haribhādrasūri  
and Panjikā by Pārsvadeva.
4. Siddhāntasāraḥastūtra by Jagannātha (Sanskrit from the Arabic  
"Almagist," Ptolemy's work on Astronomy).
5. Vārāhaśrautasūtras.
6. Samarāṅgaṇa by Bhoja (a work on Indian Architecture).

## IN PREPARATION.

1. A Descriptive Catalogue of the palm-leaf manuscripts in the Bhandar  
at Jesalmere.
2. A Descriptive Catalogue of all the 658 palm-leaf manuscripts and  
important paper manuscripts in the Bhandars at Patan.
3. A Descriptive Catalogue of the manuscripts in the Central Library,  
Barod.
4. Abhiṣhantachintāmaṇi by Smeśvaradeva.

## UNDERTAKEN.

1. Aparājitaśrēṣṭha (A work on Indian Architecture).
2. Katarā (Translated into Sanskrit of an Arabic work.) by Naya-  
nasukhopādhyāya.
3. Saṅgītaratnāvalī by Somarāja, poet.
4. Mānavakalpastūtras with commentary by Jataḍgava.
5. Āsvatthasrautasūtras with commentary by Devatrāta.
6. Āpastambasrautasūtras with commentaries by Dhātasaśwāmī and  
Kapardī.
7. Bṛhāyanaśrautasūtras with commentary by Bhāṇaswāmī.
8. Hiranyakeśhyaśrautasūtras with commentary by Mairāṭṭa.
9. Jaiminiśrautasūtras with commentary by Bhavatrāta.
10. Śrautaṭpaddhati by Tālavrintanirāśin.
11. Samrāt-Siddhānta by Jagannātha.

\* Will be out shortly.

N. B.—The above books can be had from the Central Library, Baroda.

0











BL            Somaprabha Acarya, disciple of  
1316        Vijayasimha  
S65K85       Kumarapalapratibodhah  
1920a  
pt.2

~~\_\_\_\_\_~~

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

